

नयाल राया

# वाधिसन्नाददानमाला



नयाल वीद प्रकाशन

1



नेपाल भाषा

# बोधिसत्वावदानमाला

निगूगु द्या  
त्रेतायुगे जन्म बाखें

नेपाल भाषा याम्ह  
पं. बं. आशाकाजी [गणेशराज] बज्राचार्य

किपा च्वःम्ह  
ईश्वरी प्रशाद कर्मचार्य

११०३

नेपाल बौद्ध प्रकाशन

पिकाकः

नेपाल बौद्ध प्रकाशन

P. O. Box No. 843, Kathmandu.

© नेपाल भाषा याम्ह

थान :- ९५०

बु. सं. २५२६

ने. सं. ११०३

मूः ५०१-

---

याकू : रत्न प्रिन्टिङ्ग प्रेस, यल । फोन २१८७५,

मुमाय प्रिन्टिङ्ग प्रेस, यल । फोन २११९१

## प्राक्कथन

गुरु बुद्धं गुरु धर्मं गुरु संघं तथैव च ।

गुरु वज्र धरं चैव गुरु सर्वान्नमाम्यहम् ।

गुरुबुद्ध यात गुरु धर्म यात गुरु संघ यात वय्ये गुरु वज्रधर यात नेपाल देश दय्का वंहा महामंजुश्री गुरु यात तथा म्येपि सकल गुरु पित्तनं जिनं प्रणाम याता । । थ्व श्लोक अद्वय वज्र तंत्रे दु-अद्वय वज्र थमं रचना याता बोना गुरु पित्त प्रणाम यागु खः । महायान चर्ये च्वंपिसं ह्यापालाक त्रिरत्न तथा गुरु पित्त प्रणाम याइ ।

पं. अद्वय वज्र घाहा लुम्बिनी तिलौराकोट तौलिहवा (नेपाल पश्चिमी तराई) कोत करणी नाम ग्रामे जन्म जूहा ग्राह्ण खः । मां अबु पिके विदाकया छें त्याग याता भ्रमण याता जुजुं पट्शास्त्रं पारंगत जुइका मोक्ष प्राप्त जुइगु अनात्म बुद्ध ज्ञान ह्यसीका मन भंग चित्त विश्राम पवंते योग समाधि तप याता च्वंहा सर्वेश्वराचार्य अनंग वज्र सिद्धा गुरु याता विवाह मयावं बुद्धचर्यं चूडाकर्म धुंका हानं कलश मकुट वज्र घण्ट मंत्र थ्व न्यागु पंचाभिष्येक कया अद्वय वज्राचार्यं धाय्का थाय् थासे वना बुद्ध धर्मोपदेश न्यंका हानं वहे पवंते वया तपचर्यं पुरश्चरण च्वना खसपं लोकेश्वर करुणामयया हृदय मंत्र पडक्षरि धारण याता च्वंवेले वसपोल विज्याना दर्शन विल । महायान वज्रयान थ्यंक अष्ट सिद्धि वरदान प्राप्त याता छन्हु मोक्ष लाभ यातावन । अद्वय वज्र यागु जन्म परिचय द्वाहाकोश सफुलि ४६९ पत्रे दु ।

महावस्तु अवदानया संक्षिप्त खें

ह्यापा छगु अनन्त समये दपावती नगरे राज्य याता च्वंहा अचिष्मान् राजाया पतिवृत्ता पत्नी सुदीपा वती महारानी खः । छन्हु निर्मल तेज प्रकाशह्य चन्द्र बोधिसत्व तुषिता भुवनं क्वहां विज्याना खुपु दन्त दुहा तुयूहा किसिया रूप कया स्वप्ने सुदीपावती रानीया गर्भे प्रवेश जुल गर्भवती जुया फिला दुवले थःगु पद्मिनी क्यवे स्वां थो वंबले अन पुखुलि आकाशं मत छप्वा क्वहां वया जूवल । थ्व खना भिगुहे खः धका मती तया अन दय्वी च्वंगु वंगल सिमाया क्वसं च्वना सिमा कचा जगु ह्याति ज्वंवेले याको जन्म जुल काय् ।

राजा रानी खुसि जुया छें यंका नामकरण यावले मत जूवगुलि दीपंकर कुमार सिद्ध यात । त्याय्हा जुस्येनि राजगृह त्याग याता बने तप याय् सिधेका मार जित् याता पुखुया दथुइ पलेस्वाने च्वना आपालं देव मनुष्य दैत्य

तथा भिक्षुवर्गं पि मुंका धर्मं चक्रं प्रवर्तनं यावले मेघं मानवकं धैह्यं उपाशकं उफो स्वां न्याफो देखाया दीपकरं बुद्धं यात पिण्डं पात्रं क्षीरं (जा) भोजनं विया वित्तिं यावले हिला धै विज्यात ।

हे मेघ मानवक ! छ कलिया समये शाक्यमुनि बुद्ध जुया जगत हित जुइगु प्रजाज्ञान धर्मोपदेश वीह्य परम गुरु जुइमा घया विज्यागु आशीर्वाद शिरेफया प्रणाम याना । उगु समये उफोस्वां देखाया भोजन दान याह्य मेघ मानवक बोधिसत्व आः जिहे खः शाक्यमुनि घया श्रावस्ती नगरे विज्यावले सकलयात थय्थे न्यंका विज्यात ।

सुगंतावदाने प्यंगु युग उदय जूगु प्रमाण

कार्तिकशुक्ल नवम्यांच अर्ध रात्रौ सत्ययुगः । माघ पूर्णोऽपि मध्याह्ने त्रेतानाम युगोदयः ।

वैशाख शुक्ल संध्यायां द्वापरंच तृतीयकः । श्रावण कृस्न पूर्वान्हे त्रयोदश्यां कलियुगः ।

- (१) कार्तिक शुक्ल नवमी खुन्हु रात्रिस सत्ययुग उदय जुल । सत्ययुगे – विपश्चि, शिबिबि बुद्धया पर्याय ।
- (२) माघ शुक्ल पुन्ही खुन्हु हिले त्रेतायुग उदय जुल । त्रेतायुगे – विश्वभू, ऋकूछन्द बुद्धया पर्याय ।
- (३) वैशाख शुक्ल तृतीया खुन्हु संध्या इले द्वापरयुग उदय जुल । द्वापरयुगे – कनकमुनि, काश्यप बुद्धया पर्याय ।
- (४) श्रावण कृस्न त्रयोदशी खुन्हु सुथे कलियुग उदय जुल । कलियुगे – शाक्यमुनि बुद्धया पर्याय ।

हानं लिपा कलिवर्षं फिद्व (१००००) पुलीवले आः मैत्री बोधिसत्व जुया च्वह्य तुपिता भूबनं क्वहां विज्याना केतुमति (काशी) देशे ब्राह्मण राजाया कुले जन्म जुया बुद्ध जुइ । थय्थे छगु छगु युगे निम्ह निम्ह बुद्ध जुया, प्यंगुयुगे च्याह्य बुद्धपि विज्याइ धका उल्लेख दु ।

एवं प्रकारं बोधिसत्त्वावदानमाला थुगु सफु बोना विज्यात दिल घाःसा बोधिसत्व पिगु ज्ञान प्राप्त जुया सकलया कल्याण जुइगु आशायाना । थुगु सफुलि ग्वाहालि यापि श्री मीन बहादुर शाक्यजु तथा चित्र चोह्य इश्वरी प्रणाद कर्माचार्य पुनः हिते नोवु ताकाओकाजु, प्रेस यातनं अपालं प्रशंसा दु । थुगु सफुलि शाक्यमुनि बुद्धया त्रेतायुगे जन्म कागु फिगुखें (१०) दु, ध्वं निगु द्या खः । बुलुहुं ध्वय्ये हानं स्वंगु द्यानं पिहां वइतिनि निघा सकलयागु खः थुगु धर्मं देश राजा प्रजा सकलया सदानं जय जुइमा –अस्तु–

– नेपाल भाषा याह्य –

# धलः पौ

त्रेतायुगे जन्म

निगूगु द्या

१२.	चन्द्रप्रभनृपावदान	२२२
१३.	धर्मपालराजकुमारावदान	२४४
१४.	मैत्रीकन्धककुमारावदान	२६३
१५.	सर्वज्ञमित्रावदान	२९०
१६.	सुघनकुमारावदान	३७१
१७.	सर्वानन्दनृपावदान	४२१
१८.	सुप्रियसार्थवाहावदान	४९८
१९.	सुतशोभनृपावदान	५२९
२०.	सर्वन्दवनृपावदान	५६०
२१.	सुरूपनृपावदान	५६७

स्वंगूगु द्या

द्वापरयुगे जन्म

छगूगु द्या

सत्ययुगे जन्म

२२.	सुवर्णवर्णकुमारावदान	१.	रूपावत्यवदान
२३.	श्रीमद्वाहननृपावदान	२.	सुप्रभासनृपावदान
२४.	जलवाहनकुमारावदान	३.	पुण्यवलनृपावदान
२५.	पद्मशेषरराजकुमारावदान	४.	धर्मकिरनृपावदान
२६.	वीरकूशनृपावदान	५.	दुर्धननृपावदान
२७.	महासत्वरराजकुमारावदान	६.	प्रदीपप्रद्योतनृपावदान
२८.	सिंहलसार्थवाहावदान	७.	अम्बरनृपावदान
२९.	श्येननृपावदान	८.	यक्षनृपावदान
३०.	विश्वन्तरराजकुमारावदान	९.	शिविराजावदान
३१.	मणिचूडराजकुमारावदान	१०.	मैत्रीवलनृपावदान
		११.	कविकुमारावदान

# 172 172

172

172

172

172

172

172

172

172

172

172

172

172 172 172

172 172 172

172 172 172

172 172

172 172 172

172 172 172

172 172 172

172 172 172

172 172

172 172

172

172

172

172

172

172

172

172

172

172

172

172

172

172

172

172

172

172

172

172

172

172

172

172

172

त्रेता युगे जन्म

१०

## चन्द्रप्रभनृपावदान

नमः सर्वं बुद्ध बोधिसत्त्वेभ्य ।  
सकल बुद्ध बोधिसत्त्व पिन्त नमस्कार ।

पूर्ववत् न्हापाय्ये करण्डक निवाप राज गृहे विज्याना ।

पुनर्वार (हानं) छन्दु शाक्य मुनि भगवान शालिपुत्र महामौगल्यायन प्रमूखे  
सकल सभा लोकपि न्हापाय्ये मुंका विज्यात ।

युगु समाचार न्यना सकल भिक्षु भिक्षुनी उपाशक उपाशिका राजा मंत्री महर्षि  
तथा विद्वान् वर्ग महाजन अन्य धार्मिक श्रोतालु श्रद्धावान्पि सकल उपस्थित जुया  
मुनिन्द्र बुद्धयात चाहुला वण्डवत याना थःथःपिगु आश्रमे च्वना सद्धर्मोपदेश न्यनेगु  
इच्छायामा ल्हा निपा हाजलपा शास्ता भगवान गुरुया खवाः स्वया च्वन ।

युगु समये आनन्द भिक्षु दना वना पुलि चुया थःगां न्यया थय्ये विन्ति यात-  
मो भगवान ! समय थिक जुल- जि विन्तियाय्मागुजा मखु सकल सिया विज्याहा  
सर्वज्ञ झलपोल खः । त्याग चित्त जुइ फय्का दान याय्गु हे दानपारमिता खः धका  
बारंवार कना विज्यागु लुमंका च्वना, थन सकलया युगु विषये हानं खे न्यनेगु मन  
याना सकल वया च्वन आज्ञा जुया विज्यासा जगत हित जुइ ।

आयुष्मान आनन्द भिक्षु थय्ये विन्ति यागु न्यना सकल सभा लोक पिगु खवाः  
स्वया भगवान बुद्धं आज्ञा दय्कल । हे आनन्द ! महा भिक्षु प्रमूखे सकसिनं मनस्थीर  
याना न्यं ।



न्हापा बोधिसत्त्व जुया चम्ह छम्ह सिनं दुष्कर चर्ययाना दानपारमिताया ज्या पूर्ण  
यागु छगू कने त्यना । च गथ्ये धाःसा ।

पूर्व काल त्रेतायुग या समये जम्बूद्वीपया उत्तर दिशा पाख्ये लागु भद्रशिला नाम  
जुया च्वंगु नगर छगू दया च्वन, गथिगु नगर धाःसा अतिनं वांलागु पराक्रमीपि सज्जन  
आपालं दया च्वंगु तःधंगु नगर जुया च्वन ।

सदानं सुभिक्ष जुया च्वंगुलि उगु देशया प्रजापि आपालं सुखी एवं मंगलोत्सव  
भाष्यमानो धाय्का च्वन । फिनिद्वल योजन हाकः व व्यानं उलिहे जुया च्वंगुलि उगु  
देश प्यकुंलाना लक्षणं संयुक्त, चतुर्वंग जातीया मनुष्य पिसं वास यानां च्वन । सज्जन  
गुणिकपि पण्डित जोतीष वासया चिकित्सा याइपि वैद्यपि, वणिज व्यापारि आपालं  
दया च्वन । प्यंगु ध्वाखा दया भद्र शिला नगरस आपालं शोभाय्मान जुया च्वन ।  
अनेक महाजन पिंगु छेनं ध्वंज वोय्का असंख्य नवरत्नादि सुवर्ण रूप्यया धन संपत्ति  
पूर्णपि प्रजा लोक हानं शिल्पविद्यां पारंगतपि यको दया च्वन ।

उगु भद्रशिला नगरे सुधर्म राजा या पत्नी धर्मरती देवी यागु गर्भं जन्म जुम्ह  
चन्द्रप्रभ नाम क्षत्रिजाती राजा नं चन्द्रावती महारानी सहित राज्य भोग याना च्वन ।  
महाचन्द्र नाम मंत्री विशेष ज्या याइम्ह व सामान्य ज्या याइम्ह महीधर नाम मंत्री नापं  
निम्ह मंत्री दु । हानं थ्व राजाया परिचय संक्षिप्त थय्थे खः महा बौर्यवान् सुन्दर  
रूप लक्षणं संयुक्त, सल किसि रथ सैन्य (चतुरंग) वलं पूर्ण, अनेक धन रत्न सुवर्णादि  
अन्न वस्त्र परिपूर्ण, उत्तम देव देवीपि संतुष्ट जुया सिद्धि वरदान वीगु धूप थनेगु  
भाग फिसोंगु १३ सुगन्ध द्रव्य आपालं उत्पत्ति दुगुलि म्येम्येगु देशे सरेयानं अपो व्यापार  
याना च्वन ।

धूप द्रव्य थ्व खः । [१] अगुरु [२] श्रीखण्ड [३] रक्तचन्दन [४] कुंकुम  
[५] कर्पूर [६] कस्तुरि [७] शिल्हाय् [८] शील [९] नस्वा [१०] उशील  
कूशहा [११] सुगन्धबाल [१२] गोलोचन धुपि नापं [१३] थुजागु वस्तुनं संयुक्त  
जुया च्वन ।

थुजागु सुगन्ध धूप देशे प्रजापिति थःथःगु छे वना शुभ मंगलोत्सव याइपि प्रजा  
गणपि आपालं दया च्वन । राजगृहेनं थ्व धूपथना नाना प्रकारं मंगल कार्य याना दान

धाना च्वनीगु, हानं थाय् थासे चित्र विचित्र पात पतांबर या ध्वज पाताक छत्र वोय्का शोभायमान जुया चोनीगु । थ्व देशे लुच्चा खु डाका इत्यादि अकर्तव्य अन्यथा मभींगु ज्या याइपि मदया सकभनं आनन्दं वास याना च्वन ।

हानं रोग आदि कष्ट जुया उपद्रव अनेक भय नं मदया सकल या सुखमय जुया च्वन । हानं राजगृह या नापं मणिगर्भ नाम जुया चोंगु अतिनं मनोरमगु उद्यान तःधंगु (क्यवः) दया च्वन । थुगु क्यवः नं गुजागु धाःसा थाय् थाय् पत्तिकं पुष्करणी [पुखु] लि राजहंस ह्यिता च्वनी । पलेस्वां उफोस्वां नं संयुक्त जुया अतिन बांलाना च्वन । थाय् थाय् पत्तिकं हानं सुगन्ध वासना बडगु गुलाफस्वां, द्वाफोस्वां, चमेली स्वां, चस्वां, सुकुन्दरा स्वां, जोस्वां, लवं जिफो स्वां, परिजात स्वां, भृंगराज स्वां, तेंगराजस्वां घंस्वां, अपराधे स्वां, यलको स्वां इत्यादि स्वांमा दया च्वन । हानं जात जात या फल सेंगु सिमानं यके दया च्वन । फल सेंमखुगु वंगलः सिमा बरमा क्वकोसिमा अश्वक सिमा तथा म्येगुनं आपालं दया च्वन । सिमा पत्ति जंग पंछि जुना थःथःगु स्वरं हाला ग्याइपुले बांलाना च्वन ।

हानं थुगु थासे ह्यय्खा इत्यादि म्येम्येपि पंछिनं आपालं वासयाना शोभा दया च्वन । थुजागु नगरस चन्द्रप्रभ राजा चन्द्रावती महारानी सहित सुखभोग याना प्रजगण पित्त भिनकं विवेक याना राज्यस आनन्दं वास याना च्वन ।

थ्व राजा नकं तःधिक हानं चोधिक नं मजु पाय्छिगु शरिर तुयु हाकु मखु किचित् ह्यासुगु वर्ण गंसोनं मखु नकं पुस्तनं मखु थिकगु शरीर स्वय्तु यंपुस्ये नस्वागु स्वांथ्ये चूडामणि समान सुन्दरगु शिर [छयो] जुया शीतल तेज प्रकाशमान जुया चन्द्रप्रभ धका नाम जुया आकाशे तारा नौ या गणमध्ये चद्रमासमान प्रकाश जुया भद्रशिला नगरया प्रजागणपिनि मालिक जुया ऐश्वर्यवान् चन्द्रप्रभ महाराजा धायका अमिताभ तथागत भक्तिजुया सकसिनं माने याका च्वन ।

थ्व भद्रशिला नगरया छचाखेरं जम्बुद्वीपस ख्वीच्यादोल नगर दया च्वन । थुगु त्रेतायुगयां समये मनुष्य पिनि आयु पीढोल ४०००० वर्ष दया च्वन ।

युगु वखतस भद्रशिला नगर या राजा चन्द्रप्रभ नं थः स्त्री नाप च्वना राजगृहे दानशाला दय्का काःवइ पित घागु तक बस्तु दान बिया दानपार मिताया ज्या आरंभ याना विज्याना च्वन ।

सकल वस्तु अनित्य भाभा याना त्याग चित्त जुइका केबल भार्या पुत्र पुत्री राज्यैश्वर्य फुकं त्यागयाय् फुह्य मखेकं दानपारमिता या ज्या सिद्धयाय् फइमखु । जिनं पूर्णयाय् धंगु मन याना चन्द्रप्रभ राजा थःगु देशया पिने पूर्व दक्षिण पश्चिम उत्तर प्यंगु द्वारया न्ह्योसे तःधंगु यज्ञ मण्डप दय्कये बिया, छत्र ध्वज पताक किकिनी जाल अष्ट मंगल चिन्ह इलां भनेक प्रतिमा ब्वय्का, काहा म्वाहाली पोंगा शंख पुइका भेरी (दुंदुभिः) आदि देव मनुष्यपिगु बाजा थाका आपालं देव देवी पिगु नामोच्चारण जुइगु पाठ पूजादि सहित विद्वान् ब्राह्मणादि आचार्य गुरु पित्त लोगु धारणी स्तुति नं याका स्वैइतनं निन्दा या चर्या मयास्ये योग्यपि गुरु द्वारा तःतः धंगु क्रिया सहित यज्ञ होमार्चन आरंभ याका दानशालाय् स्त्री सहित थः च्वना सुनां सुनां छु छु घाल थमं वीफुगु घाः घाः पित्त उगु उगु बस्तु भिक्षु संन्यासी ब्रह्मचारी वंरागी योगी महर्षि पित्त पुनेगु बस्त्र, तोनेगु दुरू धौ नय्गु क्षीर जा अन्न इत्यादि फल मधि दान याना सन्तोष याना बिज्याना च्वन ।

गृहस्थ जन पित्त भुतु ज्वलं कोषाज्वलं बसा लासा फांगा धातु धनद्रव्य रत्न तिसा भागु तक कुटुंब ज्वलं सन्तोष जुइक दान बिया च्वन । विद्वान् आचार्य गुरु विद्यार्थी पित्त मामागु पुस्तक आख चोय्त मसि कलम भों द्रव्य (दक्षिणा) तथा दान बिया संतोष यात । गुलि दारिद्र (फोगी) याचक पित्त छे बुँ धन अन्न बस्त्र दान बिया खुसि यात । गुलि लोभि ब्राह्मणादि पि वया दान कावइ पित्तनं तयारि भोजन नका तोंका ज्वने फको बिया संतुष्ट याना, गुलि सल किसि रथ दानका वइ बलेनं इमिगुदंग सोया दान बिया च्वन ।

हानं सुवर्णया न्यकु-वहया तुतिस खोतया मोति भिपु मालां कोखाय्का दिव्य बस्त्रं तोपुया सादान याना विज्यात । बुढा बुढी रोगी मचात कांपि धुसिलूपि लाता पाक पि वइ वलेनं थुमित लोलोभु अनेक बस्तु दान याना खुसि जुइक तयारीगु दिव्य भोजन याका बियानं छोइगु ।

हानं विवाह मधूनिपि (ब्रह्मचरी) नारीपि हानं विधुवा (भात सी धुंकुपि) नारी गणपि सःता थुमिसं छुः धाल उगु वस्तु दान विद्या खुशियाना विज्याइगु भिक्षु भिक्षुणी स्वामी महात्मा जोगी कानाफाता महर्षि धार्पि नं वइ वले पाकगु निरामीष भोजघ याका थुमिसं धागु दान याना लेः ताय्का छोइगु । एवं प्रकारं ग्राम पत्तिकं थाय् थासे किसि गया चाहुला दान याना बिज्याइगु ।

यःगु देशे गनं लुच्चा डाका खुं फोगीं धर्यापि मदय्का क्रिया दान (ज्या विद्या) देशे भिगु ज्या क्यना विज्यात । स्वर्ग लोके च्वंपि देवतापिसं थुगु खवर सीका दुंदुभिः स्वर्गया बाजाथाना पुष्प वृष्टि (स्वां वागाका) मंगल कार्य याना हल । देश वासी प्रजा लोकपिसंनं राजा यात आपालं धन्य २ महाराजा धका प्रशंसा विद्या उद्योग याना आनन्द वास याना च्वन ।

थुगु तालं स्वदतक याना प्यदं दुवले स्वर्ग भुवने इन्द्रासन कंप जुया इन्द्रया मिखा तःगो जुल । छु जुल धाःसा गन्द मादन पर्वतस इन्द्र यात नाम कया तपपूर्ण याना इन्द्र याके वरदान कया इन्द्रजाल (चनक) याय्गुलि नायः (गुरु) जुया च्वह्य थुगु पर्वतया क्वसं वासयाना च्वंह्य रौद्राक्ष घंह्य ब्राह्मण छह्य दु । थ्व गुजाह्य धाःसा भयानक रूप मिखा ह्याउस्ये च्वंह्य कु विद्यानं सय्का चतुर जुया च्वंह्य । कपट दुष्ट बुद्धि ब्राह्मण यागु नियमाचरण छुंहे मदुह्य थ्व खना सकले ग्याः । पिने जि ब्राह्मण छः धका लोका चारे च्वना पाठ पूजा याना जुइ । दुने भाव भक्ति छुं मदुः छुं अर्थनं कने सःह्य मखु अहंकारी तंमभि अभिमानि व्यवहारया ज्याय् सदानं लिमलागुलि धर्मकार्य स गुवल्ले फुसंत मदुह्य । सन्मित्र सद्गुरु पिगु संगत मदुह्य जुया सत्यगु ले पलातय् मफुह्य । आहार नं ग्याना पुम्ह थुजाह्यस्ये भद्रशिला नगरे चन्द्रप्रभ राजां अर्थजन पित्त धाः धाःगु दान विद्या च्वन धयागु खवर सीका सहाय्य मफय्का दाह जुइका च्वन ।

थुगु समये इन्द्रया सिंहासन सना च्वंगुलि विचार यात । मर्त्यलोके भद्रशिला नगर या राजा चन्द्रप्रभ धाह्य सिनं तस्तकं यज्ञ होम याका धाः धाःगु वस्तु दान याना धर्म यागु पुण्यं थ्व सिंहासन कंप जुल खनि ।

थ्व यागु मनया चरित्र छक सोय्माल धका स्वर्गलोकं क्वहाँ वया भ्रमं वरदान विद्या तयाम्ह शिष्य रौद्राक्ष ब्राह्मण या छे वना इन्द्ररूप दर्शन विल । ब्राह्मण खुसि जुया प्रणाम याय् धुंका पूजादि याना विन्ति यात ।

ओ देवेन्द्र ! छलपोल गन बिज्जाय त्यना बध्ये घागु न्यना इन्द्र आजा जुल-  
हे शिष्य- जिगु खँ छगू न्यँ हानं छन्त वरदान विया बने । ब्राह्मण खुसि जुया  
सत्यनं न्यने आजा जुया बिज्याहुँ ।

इन्द्र हानं धया विज्यात- छं गथ्ये मसिल ? भद्रशिला नगरे राजा चन्द्रप्रभं  
जित त्याका स्वर्ग लोके इन्द्र जुइत यक्ष होमादि याना सुनां छुःधाल उगु तक वस्तु  
आदि दान याना च्वन । वैगु मन गुलितक त्याग जुइ सोय्त वया- छग्याय् मते जिनं  
विचार याना च्वने ।

छं स्वैगुनं खँ न्यनेम्बाः सरासर वना चन्द्र प्रभ राजा नाप लाना न्हापालाक सत्य  
पासं चिना दान कावया छः धया छपिगु शिर (छर्चो) छग्वः ब्यूसा दान कया यंके  
मब्यूसा जित म्येगु छुं म्बाः लिहाँ बने त्यना थथ्ये घाः ।

सत्य घारी छःसा बिया हइ- यज्ञ सिमधवं व राजा सिना बनीला- मस्यू  
असत्य जुया वयागु धर्म भंग जुइ याकनं हुँ । इन्द्र यागु थ्व खँ न्यना ब्राह्मण खुसि  
जुया इद्र यात हानं प्रणाम याना थः स्त्री ब्राह्मणी यातनं थ्व खँ कना विदा कया थःगु  
छेनं पिहाँ वया छयाय् च्वना विचार यात ।

थ्व राजाँ धाःधाःगु अनेक वस्तु विइगु समर्थ दइ । थःगु शिर ध्यना दान  
बिइ धेगु जा अवश्यनं त्यागयाय् मखुथ्येच्वं । थ्व ज्या तस्सकं हे दुष्कर चर्य छः ।  
महाकष्ट जूसानं थ्व राजाया मन यागु खँ (चित्त या प्रभाव) सुनानं सीक्ये फइगु  
मखु । तथापि जि बने माल इन्द्रया वचन गथ्ये लंघना याय् ।

थुलि मनं भाषा याना रोद्राक्ष ब्राह्मण, चन्द्रप्रभ राजा या शिर दान काय् धका  
भद्रशिला नगर पाख्ये गमन यात । थुगु पर्वतस वासयाना च्वं पि वनदेवी या  
गणमुना नुगः मछिका रोद्राक्ष नापला वया थथ्ये धाल । अरे ब्राह्मण ! छ गन बने  
त्यना बने मते लिहाँ हुँ । थ्व राजा करुणावन्त, दयाधारी, प्रजावत्सल, सत्य  
धार्मिक पलातया सकल प्रजालोक पित्त मित्र भाषा याना धर्मयाना च्वं ह्य चन्द्रप्रभ  
यात गधिगु आपत बियत्ति जुइन थ्व ज्या याइह्य छखः घया लँय् पनातक । थ्व  
ब्राह्मण उत्तर विल- स्वैगुनं खँ न्यनेमते धेगु इन्द्रया वचन दुः घया म्येगु लँवन ।



धर्मलि अयवान् धुहं संबोधन पाना धया विज्यात- हे भिक्षुपि एकचित्तं न्य-  
युगु अवस्थाप्य उगु देशे तस्सकं कयवया आकाशे हाकुगु सुपायनं तोपुया विजलि  
(विद्युत्) चमके जुगुलि भद्रशिला नगर खिउंया अन च्वपि प्रजापि सकलया मन  
आकुल व्याकुल जुइ का च्वन ।

हानं अकस्मात् उलोबो या प्यंगु दिशायनं नमी ग्वाना विशा पत्ति वाह बुया  
गरस्येस्ये विशोभा जुल । महाजानि महर्षिपि देशे द्दही वया थाय् थासे अमण बुया  
जनता पित्त आम्हासन बिया न्यंकल । देश वासीपि ! जिमिगु खं न्यं । अकस्सात्  
यन देशे उत्पात जुल राजा धर्म याना च्वंगु दु । अवस्यनं तःतः धंपिलिस्से वियोग  
जुइ मात्तीगु संभव छनेदुः । बालाक मन तथा विचार याना सो । भमिगु लक्षण क्यन  
धया लिहा बन ।

युजायु महर्षिपिगु वचन न्यना दुःखताया शोक सन्ताप जुइ का छु जुइगु गुगु  
जुइगु कीसं मस्यु धका त्राहिमानं ग्याका देशे वासीपि सकलया धन्वा कया जुल ।  
पुबुली, बहतस तुंथी तीर्थे प्रोढम ऋतु मज्झुत्तानं धय्ये सः सुना वन । प्व भिगु मज्झुः  
अवरयनं छगू उपद्रव जुइन धका गुलि मनुष्यपिसं संताप कया जुल । हानं यज्ञ होम  
याना च्वंगु थासेनं काहीं म्वाहाली पांगा शंक पुया बाजं याना च्वंगु शम्वनं ताय्  
मदया बन । यज्ञ मण्डपस कुंजक वया मि ध्यागु गनं छने मन्त । छ्वालं किकिनी  
आदि ध्वजा पताकादि चित्र निचित्र देव मूर्ति प्रतिमा थाय् थासे छाया तःगु फुकं  
वालाक कुत्तं बन । उगु थासे च्वपि सकल या मन विचार याना छु विघ्नोपद्रव जूगु  
शुभ कल्याण या लक्षण मज्झुत धिकार धका नाना प्रकारं हाला जुल ।

युगु बहतस रौद्राक्ष ब्राह्मण भद्रशिला नगर या राजधानी समीपस ध्यंकवल ।  
उगु देशया दिग् बिदिग् देवतापि मनुष्य बुया राजगृहे वया चन्द्रप्रभ राजायात सूचना  
बिया बिज्जियात । हे देव महाराज ! जिमिसं स्यूगु छगू खं बिन्ति याः वया न्यना  
बिज्याहुं छुः धात्ता गग्घ माइन पबंतं नित्थे बह्म रौद्राक्ष ब्राह्मण ना यात  
स्वयं क मयंकरगु क्वा उकीयात लोगु मिच्छा बुया च्वंह्य, युजाह्य छम्ह वया छपिगु  
तिर हान कावस । प्व पापि ब्राह्मण पूर्व दिशाया द्वार पाख्ये राजगृह या लिक्  
प्येने धुं कल, जिपि युगु देशया दिग्पाल देवतापि छः धया क्व वयना हानं धाल ।

श्व १ ब्राह्मण नांजक ३ श्वयागु स्वभाव दुष्ट चित्त करुणा कृपा शुचि नियमं  
आचर बांलागु छुंहे महुहा । अहंकारी कुविद्या चतकयानां च्वंहा बुद्ध जाने मलाहा  
हिसकः सदानं ला नय्माहा अशुचि दुष्ट बुद्धि लोभी थुजाम्ह यात छुंहे दान पाय्  
योग्य मजु । वय् धुंकल तथापि म्ये म्येगु वस्तु विया विज्याहुं- छपिगु प्राण कावम्ह  
खः छःपिति यज्ञहोम या ज्या सिमधनि- शिर दान हि धाइवले श्वयागु खं न्यने  
मते विघ्न यावम्ह खः धका न्यंकल ।

श्व खं न्यना प्रणाम याय् धुंका छछि सुंक च्वना राजां विचार यात । श्व  
मनुष्य ब्राम्हण घाल सुनां छोया हःम्ह जुइ- शिर दान कायगु अथवा काय्के हम्ह  
अवश्यनं थुकी कारण बइ ।

थण्ये तार्ति विचार याय् धुंका राजां धया विज्यात । अहो माग्य खः जिगु  
दानपारमिता नं पूर्ण याय्त थुजागु विविध वस्तु जक दान यानानं मज्जुनि धका  
छोया हःगु जुइफु । जिगु शरीर या ला हि दान काइपि दुसा वियेधका जिनं इच्छा  
याना च्वना हे देवतापि ! प्रणाम बुः न्यना विज्याहुं- पर प्राणी या सा हि दान  
यायगु संम्यक संबुद्ध या उत्तम धर्म मखुः अधर्मचर्यया धर्म खः नरक भोगयाना बुःख  
सी मालीगु । नइपि काइपि वत धाःसां थःगु शरीरया मांस रुधिर (ला हि) दान याय्गु  
संम्यक् संबुद्ध या उच्चगु धर्म खः । संबुद्ध पदवि लाइगु वखत बल- छलपोल पिसं  
छुं हे संखा कया विज्याय् म्बाल लिहां विज्याहुं ।

श्व रौद्राक्ष ब्राम्हण जिगु थासे ध्यंक वइवले मागु खंल्हाय् जिगु इच्छा खः  
(मनोरथ) पूर्ण याना श्वं छुः घाल उगु वस्तु अथवा शिर हि धाःसा जिगु शिर दान  
याना छोय् त्यना । जिगु मन तस्सकं हर्ष जुल धका राजां थण्ये आज्ञा बय्का  
विज्यात ।

थुगु खं न्यना अवश्यनं श्वं शिरदान पाइगु जुल कीपिं हालानं छुयाय् धका मने  
बुःख ताया थःपिंगु थासे लिहां बन ।

यनंलि चन्द्रप्रभ राजा एकान्ते च्वना थःस्त्री नापं तथा थःगु विचार न्यंकल । हे  
प्रिय महारानी कीसं थन प्यंगु बिगूसं यज्ञ हेमार्चन याना अर्पजन पित्त थमं फुय्ये धाःधाःगु  
दान याना च्वना गु छं सोया सिधाहे च्वंगु खः । छं मस्युगु छगू खंल्हाय् त्यना- छं बिघ्न

याह पाय्मते, यात धासा छ नरक वास जुइमालि । छुः धाःसा यथ्ये जक दान यानानं दानपारमिता पूर्ण जुइ मखुः । शरीर नं अनित्य खः छन्हु श्मशाने यंका दाह याना मरुम जुइका लखे बांछोइतिनिगु खः । थुगु अवस्थाय् पासा सुं बइ मखुः । छु या माया कया बोनेगु ? थःगु शरीर सुब्दान्त त्वाग याना ला, हि, अथवा शिर दान याना तिनि दानपार मितानं पूर्ण जुइका सम्यक संबुद्ध (तथागत) पबवि लाये दइ- थ्व जिगु भाग्य खः याय् त्यना ।

थुजागु दान काः वइन्ह थ्व ब्राम्हण यात धन्य धाय् बहजुः । सुनां यथ्ये शिर दान काः बइ थ्वयात सन्मान याये धका इच्छा याना च्वना धका राजां महाराणी यात न्यंका बिज्यात ।

थुगु समयसँ रौद्राक्ष ब्राम्हण मद्रशिला नगरया दक्षिण द्वारं द्वाहांवन । नगरवासी देख्ना पिसं संयंका यथ्ये घाल । हे पापि ब्राम्हण ? थन विघ्नोपद्रव याय्त बम्ह खः । राजाया ज्या सिमघनि छं राजायात मोचन याय्त राजाया शिर ध्यना दान काय्त बम्ह दुष्ट खः छन्त थुगु लं छोय् मखुः छ बाण्डाल लिहां वना भिजुइ । थ्व राजा महाज्ञानि विद्वान् व्यापी प्रजा वत्सल, करुणाहुम्ह महात्मा परोपकारि यागु शिर ध्येनेगु योग्य मजुः । दुष्ट पापि थुगु नगर स द्वाहां वनेगु शोभा मजुः द्वाहांवने मते दुछोय् मखुः घया लें यना तल ।

थुगु समाचार राजांसिया- महाचन्द्र मंत्री सःतां आज्ञा जुल- हे मंत्रीजु ? दक्षिण दिशाप् रौद्राक्ष नाम ब्राम्हण छम्ह दान कावम्ह छम्ह बुः थ्वइत पनातल् धागु खं न्यना, वने मते धका छ वना याकनं बोना हति- याकचा, वने म्हाःसा छं पासा मही घर नं बोना हुं ।

यथ्ये धागु राजाया वचन न्यना पासा बोना मंत्री निम्ह तत्कार नं, वना लं पना तधिगु एवाः स्वया राजाया वचन न्यंकल । थुमिसं मंत्रीयात घाल- जिपि थन देशया विगपाल । देवतापिं खः । जिमि नुगले दाह जुया लें पना तयागु खः । हे मंत्री पिं खं थ्यं- थ्व ब्राम्हण या नाम रौद्राक्ष भयंकरगु खवाः चित्तनं भयानकं ग्यानापुस्ये च्वम्ह, थ्व ध्येगु दान का, बम्ह मखुः राजा यागु शिर ध्यना दान कया उपद्रव याय्त बम्ह खः । उकीं थ्व पापियात पनातया थ्व राजाया न्होने यंके मते । नगर वासी देवता



पिसं थथ्ये धागु न्यना मंत्रीजुं पुनः विन्ति यात भो दिग् देवतापि ! खं युल, जिमिसं अनेक उपाय याना शिरवान याक्ये मखुः— राजाया वचन पालन याय् म्येगु हे वान विषा संतोष याय् पना विज्याय् स्वाल धया थ्व रौद्राक्ष ब्राम्हण यात राज गृहे मंत्रीजु पिसं बोना यंकल ।

राजाया भण्डार कोथा व्वय् तथा अन च्वंपि सकलयात खं न्यया मंत्री जुं थथ्ये घाल ।

हे पासापि ! थ्व ब्राम्हणयात राजा यागु शिरथ्ये चोंगु म्येगु सुवर्ण रत्नं सहितगु शिर हया नाप नापं नवरत्नादि सुवर्ण रूप (लुं वह) अनेक धन दों चिना दान विषा छोय् माल थिक यानाति धया मंत्री जुं ब्राम्हण यात खं न्यंकल । रौद्राक्ष ब्राम्हण जु संतोष जुया विज्याहुं— राजायात नापलाय् म्वाल । राजा क्षत्रि खः छ ब्राम्हण जाती, उकीसनं मनुयागु शिर ला हि व्वे न्ह्यपु दा ध्यंगु मात्र खः पुलां जुल कि दुर्गन्ध जुइगु ब्राम्हण जातीनं मनुया ला नेगु, थ्व ज्या अयोग्य मखुला । छ भूत प्रेत पिशाच राक्षस कंकाल (कवं) पशु पंक्षी मखुः छु याय्त का, वयागु छन्त ख्येले मदु । जिमिमं धयागु खं न्यना ज्ञान दय्का— थुगु नवरत्न आदि अनेक तःतःधंगु अमूल्य हिरा मोति भिपु पन्ना थुना तगु सुवर्ण यागु शिर थ्व राजायागु छचों लसी वय्क दय्का तःगु खः । थ्व दान कया यंकी नापं दान प्रतिष्ठानं रत्न सुवर्ण द्रव्य थिक याना तय् धुन थ्व फुकं यंकि— छं परिवार समेत् या लिपा थ्यंक धनाछ जुया भाग्यमानि जुइ । थुगु प्रकारं महामंत्रीजुं धागु वचन न्यना— रौद्राक्ष ब्राम्हणं कोमल वचन याना विन्ति यात ।

भो महामंत्री जु ! तथा म्येपि सकल ? जित थुगु रत्नमय शिर नकलीगु दान कायगु इच्छा मदुः । हानं सुवर्ण रूप्य अनेक धातु बस्तु, वस्त्र कुडुं व ज्वलं छुं हे इच्छा मदुः । धर्मात्मा करुणा दुम्ह विद्वान् विवेक विचार दया च्वंहा राजा चन्द्रप्रभ या शिर दान व्यूसा कयायंक्ये । जित ख्येले दुगु जिनं विन्ति याय् धुन । मनुया मांस भक्ष याय्त काः वयागु मखु धर्म याय्त माला दानकाः वयाखः मव्यूसा कर मदु लिहाँ वने ।”

थुगु अदस्थास रौद्राक्षं थथ्ये धागु न्यना मंत्री तथा म्येपिनि नं अथ्ये धाय् थथ्ये धाय् मसिया थःथःगु ल्हा कपले दिका— हाहा देव । थुगु देशे गथिगु आपत विपत या

बुःख कष्ट जुइगु थ्यंक बल । उपद्रव अलक्षण जुया क्यंगु नं ध्वहे खः धका सिल ।  
सकल या धन्दा कया ख्वाः मलीन याना च्वन ।

थुगु खँ फुक राजां सीका निह्य मंत्री सःता यथ्ये आज्ञा जुल । हे मंत्रीपि !  
छिमिसं छाया धन्दा कया, छिमि मने छुंहे धन्दा काय्म्वाः । आम रौद्राक्ष ब्राह्मण  
यात थन याकनं बोना हति थ्व यात जिनं मनोरथ पूर्णं याना विये त्यना । जिगु थासे  
बोना महःतले थ्व यात चित्त संतोष याय् फइ मखु । बिस्तार मयास्ये आदर तथा नापं  
बोना हति ।

थथ्ये राजा या वचन न्यना निह्य मंत्री या मिखास खोवि वय्का दुःख शोक  
संताप जुइका राजा या उपरे करुणा तथा मनं खँ ल्हात । सकल यात मित्र याना  
प्राणी पित्त बया तथा च्वह्य, ज्ञान गुण विवेक विचार न्याय ज्वना दान पुण्य याना  
च्वह्य राजा यात गुजागु विपत्ति कष्ट जुइगु थ्यंक बल धका रायाया पालिस मोः पुया  
निह्य मंत्री छल्ये अलग च्वन ।

थनंलि थःगु शरीर शुद्धान्त त्यागचित्त याना विज्याम्ह राजां शिर दान काय्गु  
इच्छा याना तापाकं निस्ये बह्य रौद्राक्ष ब्राह्मण यात सःता आज्ञा दय्कल ।

हे रौद्राक्ष नाम ब्राह्मण जु ! ग्याय्मते थन वा छुं हे धन्दा काय्म्वाः छु माल  
उगु विये, थःथःगु इच्छा अनेक दुः जिनं छंगु इच्छा पूर्ण याना दान याय् त्यना छु माल  
मयासे बिस्तारं धाः ।

थ्व ब्राह्मण राजा या न्ह्योने च्वना हर्षं प्रकत यायां स्वस्ति मंगल या आशीर्वाद  
बिया प्रणाम पाय् धुंका बित्ति यात भो महाराज ! जिनं न्यना थ्वीका वया । छलपोल  
चन्द्रप्रभ नाम यात त्वेक करुणा धारी, साधु धर्मात्मा शुद्ध निर्मल शीतल तेज समान  
शान्त चित्त त्यागी महाज्ञानि बुद्धिवन्त, थुगु दान यासा थुलि पुण्य थुगु धर्म यात  
धासा थुलि पुण्य लाइ धयागु फुक सीका यज्ञ होम क्रिया सहितं धागु तक दान पुण्य  
हानं याना च्वन ।

जिगु उपरस कृपा तथा छलपोलं जित थःगु शिर छग्वो दान बिया सन्तोष याना  
बिज्याइ धंगु आशा याना गन्ध मादन पर्वतं निस्ये वया निगाह दुसा फोने थुकी उपकार  
जुइगु ज्या बुः निगाह मदुसा छुयाय् जि लिहां वने म्येगु जित छुं हे म्वाः ।

ब्राह्मणं यथ्ये घागु न्बवा राजाया मम अत्यन्त हर्षं याना ष्व ब्राह्मण यात प्रीति स्नेह तथा कल्याण मित्र भापा याना ष्वंगु खवाः स्वमा आज्ञा वय्कल ।

हे ब्राह्मण ! आपालं गम्भीर गु वस्तु दान का, वल जि खुसि जुल- अतिनं जि प्रेम जुया च्वंगु थःगु शरीर या चूडामणि (छ्यो) जिनं दान याय्गु जुल । तर छं विघ्न वाय् मदुः दान सफल याना कयां यंकि जित छं शुभ आशीर्वाद विइमा ।

(१) छगू जिनं शिरदान याय् त्यनागु स्वर्गभुवन या राजा इन्द्र जुया सुन्दरीपि अप्सरा पिगु रूप स्वया नृत्य गीत वाद्य थाका थःगु क्षण भंगुर शरीर या आयुः फुना, वंगु मचाय्क मोहसभुले जुया रसरंग याय्गु इच्छानं मखुः ।

(२) निगु लिपा चक्रवर्ति राजा जुया सुख ऐश्वर्य भोग याय्गु तृष्णा नं मखुः ।

(३) स्वंगु दान पारमिता या प्रभाव प्रकाश जुया वोविज्ञान लाना संम्यक संबुद्ध भगवान् धाय्का जगतो हिताय सुखाय लोकानुकंपाय निमित्ते सधर्म जानो पदेश थाय् थासे विया निर्वाण प्राप्त याय्फ्य् क्येगु मात्र इच्छा यानागु खः ।

मूल-

ईत्पुक्तां स महासत्त्वः शिरोजातुं समुत्सुकः ।

सहसा स्व शिरो मौलि स्वयं मुदात्य पातयत् ।

ब्राह्मण यात थुलि धया ष्व महाज्ञानि चन्द्रप्रभ बोधिसत्त्व जुया चोंह्य राजां थःगु शिरे चोंगु मौलि (राज मकुट) भूमीस तोता शिरदान याय्त्त इच्छा यात ।

थुगु इले महाचन्द्र महीधर निह्य मंत्री तथा उगु थासे च्वंपि पुरुषपि सकसिनं थःथःगु मकुट तोता संताप याना च्वन । स्त्रीगण पिसनं भूमीस भोः सुला दुःख मन याना च्वन ।

हानं थुगु राजकुल प्रभृती प्यंगु दिशाय् सकभन अकस्मात् फय् वया आकाशे खिउक सुपाचं तोपुघा उलोवोया नानाप्रकार या कुशब्द वया च्वन । हानं धों खिचा भौ हाला उख्ये थुख्ये व्वां व्वां जुया च्वन । हानं को इमा कय्मीचा गृद्ध कुपंछिपि हाला चाचा हुला जुल ।

यथ्ये जुस्येलि संत्री निम्हस्ये अवश्यनं स्व राजां भःगु शिर ध्यना एव पापि  
रौद्राक्ष यात दान याइन, छुयाय् गुगुयाय् जुया मिखास खोवि बय्का राजाया पालिस  
भोः सुना थुगु प्रकारं विन्ति यात ।

हाहा भो महाराज ! धन्य छपि महात्यागी छः । छपिगु सुन्दर दिव्यमान्गु  
शरीर वा चूडामणि (शिर) दर्शन याय् गात । छाय् धाःसा थःगु प्राण काइम्ह छयों  
दान कावम्ह रौद्राक्ष यात मित्रभापां याना विज्याइम्ह छलपोल छः ।

भाः जिमिसं छुं याय्गु समर्थ महुः । राजाया बियेगु जिमि दुःख जुइगु थुजोगु  
अपराध हाहाकारया विलाप शब्द न्यने स्वाक स्वेनं स्वाक जिपि निम्ह न्हापालाक  
सिनां बनी भौबुइ घया मूर्खा जुइक खोया गोतुल ।

मूल-

एवं ध्यात्वा महाविज्ञः सोप्पामात्यो महीधरो ।

समाधिना तनुं त्यक्त्वा स्वायंभुवालयां ययौ ।

छुं लिपा मूर्खा याक्खे छुतय् जुया चेतना बस्येलि महावीरपि, महाचन्द्र व महीधर  
मंजी निम्हस्ये ध्यान द्वारा समाधिवाक्खे शरीर तोता मृत्यु जुयालि स्वयम्भू भुवन  
(महाव्रम्ह लोक) बोधिसत्त्व भुवने वासयाः वन ।

यथ्ये मंत्री निम्हस्ये प्राण तोतुगु खना थुगु देशवासी मनुष्यपिसं हाहा कारं हाला  
खोया एवंपि यको दत्त । देशवासी देवतापि हानं आकाश मार्ग वोया जुइपि देवतापि  
समेतं नुगः मच्चिका ज्वन ।

थुगु बेलास रौद्राक्ष ब्राम्हणं रायाया खवाः स्वया थथ्ये विन्ति यात । भो  
महाराज ! थन प्रजागणपि खोया नाना प्रकारं विघ्नोपद्रव याइगु संभाव जुल । छलपोलं  
मनं वचनं संकल्प याय् धुं कल आःकाय (शरीर) मात्र याय्गु वाकिदनि थन चोना  
सफल याय् फइ महुः एकान्तस चोना दान यासा जक ज्या निम्ह सियां सफल  
जुइ ।

थय्ये ब्राम्हण धागुखे न्यना राजा लय् ताया न्हिला धया विज्यात । ब्राम्हण जु थिक धाल थय्ये हे याय् माल । जिनं थःत शिर दान याय्त प्रतिज्ञा निश्चित याना, च्वना, म्हुतुं नं न्यके धुन विघ्न जुइगु संभव जुस्येलि थमं धाय्ये एकान्ते चोना याय् धका थः चोनागु थासं दना वना ब्राम्हण ल्युल्यु तया राजा जोगु खड्ग ज्वना राज गृहं पिने च्वंगु मणि गर्भ उळानस द्वहां वन ।

श्व राजा दुने एकान्ते च्वना ब्राम्हण यात शिर दान याइन धका सीका दरवारे च्वंपि महारानी प्रभीति म्येपि नारीगणपि ल्युल्यु हाहाकारं खोया हाला वन ।

थुगु वेलास राजां अनेक प्रकारं बोधयाना थय्ये धाल खोय्मते थुगु जन्मस शिर दान याना वने फुसा लिपा बुद्ध प्राप्त जुइ । श्व ज्याय् विघ्न यात धाःसा दान विघ्न यागु पापं नरक गामी जुया दुःख भोग याय् मालि । छिपि सुंक च्वं थन वया सोवय्नं मते लिहां हुं धया पिछोत । खापा तिना दुने चुकु तया विल । छम्हेहे दुमकास्ये रौद्राक्ष ब्राम्हण न्होने तया राजां आज्ञा जुल ।

हे कल्याण भित्र ब्राम्हण ! का का जिगु शिर ध्यना दान कया यंकि विस्तार याय् म्वाल ।

ब्राम्हणं विन्ति यात— भो पुण्यात्मा महाराज ! छलपोल यागु शिर जिनं ध्यनेगु समर्थ मदुः दान विइगु निश्चय छ.सा थःथ्ये थमंतुं ध्यना जित याकनं दान याना विज्याहुं । दान कावइम्हस्ये ध्यनी मखुः थमं हे ध्यना दान विइगु मखुसा जि लिहां वने त्यल ।

थुगु अवस्थाय् अकस्मात् थुगु मणि गर्भ उळानस दथुइ चंपक स्वांमा छमा उत्पत्ति जुया ध्वजां पताकादि किंकिनी जात्र अष्ट मंगल चिन्ह सहित स्वांमास छ्वाख्यलं दानशाला थ्ये बयावल ।

थय्ये दया वगु खबा आःजा थिक जुल धका अतिनं ज्वगु खड्ग ज्वना थुगु चंपक स्वामाया क्वसं च्वना थःगु शिर थमं ध्यना दानयाय्त तयार यात । थुगु वेलास थुगु थासे च्वंपि देवतापिनि मनस दुःख ताया उच्चस्वरं हाला मिखास खोपि सोसो वय्का न्होने वया विन्ति यात ।

भो महाराज ! छलपोल बोधिसत्त्व खः थःप्ये थमं प्राण त्याग याय् त्यन याय् मते । थ्व निर्दयात्मक पापि ब्राम्हण यात शिर ध्यना विइ त्यनला थुगु कार्य छता याय्गु योग्य मज्जु : दान बीहे मासा म्पेम्पेगु बिया संतोष या, थन महारानी प्रभृति सकलं खोय्का दिव्य शरीर अकालं छाया फुक्ये त्यना फुक्ये मते घका गना च्वन ।

राजां थुमिगु ख्वाः सोया आज्ञा दय्कल । हे उद्यान देवतापि दान वीत इच्छा याना च्वनीबले- दान मवीक्ये गु एवं अनेक तालं खलुडाना दान पुष्प या कार्य विघ्न यात घासा लिपा थसः याय्का यम किंकर तय्सं नुगले सुरांसुया सास्ति पाइ । अतः- दान विघ्न जुइक गने मते जिनं संकल्प यानातय् धुन । थ्व दिव्य शरीर छन्हु तोता वमे मानिगु खः । न्हापा न्हापानं तःतःधंपि बोधिसत्त्व त्यागितय्सं त्याग चित्तं शरीर दान याना बंपि यको दुः धंगु खं जिनं न्यना सीका च्वनागु नं बु । सीक्येमा- दान पुण्य भावि भिगु ज्याय् गना विघ्न याय्गु तस्सकं तच्चोगु पापं लिप्त जुइ छलपोल पि थन चोना विज्याये म्वात लिहां विज्याहुं ।

थय्ये धागु राजाया वचन न्यना उद्यान देवतापि नुगः मछिका लिहां वन । थनंलि राजानं जगु पुलि पृथ्वी सबुया- खगुपुलि थकया लाहा निपा हाज्वलपा (विन्ति याना) आकाशे थः स्वया एकाग्र चित्तं थय्ये प्रणिधान यात । दशदिशाय् च्वंपि हे बुद्ध बोधिसत्त्वपि थुगु थासे च्वना थुगु जन्मस थःगु शिर थमं ध्यना थन न्होनेसं चोह्य ब्राह्मण यात शिर दान याना त्याग याय् त्यना । लिपा स्वर्गया इन्द्र जुइगु- पृथ्वीस चक्रवर्ति राजा जुइगु पुनः तःतः धंपि महाजन जुइगु संसार यागु विषय भोग ऐश्वर्य याय्गु निमित्ते जिनं शिर दान याय् त्यनागु मखुः । थुगु शिर दान यानागु प्रणयानु भावं जन्म जन्म स सुख भोग याना भांग्यमानि जुइ दय्मा घका इच्छा यानागु नं मखुः । केवल छुः घासा- अनुन्तरा या सम्पक संबुद्ध भगवान् यागु बोधिज्ञान लाना तथागत धाय्का संसारे गुलि ज्ञान छुं हे बुळे मज्जुपि अज्ञानि तय्त ज्ञानोपदेश विया- तःप्यंगु सःतोगु मोक्ष वनेगु लं क्यना- संसार रूपि तःधंगु पंजःया बन्धनं मुक्त जुइगु न्हापा जुया वंपि- आःजुया च्वंपि- लिपा नं जू विज्याइपि जगत् गुरु भगवान् बुद्धया ज्ञान ह्यसीक्येया कारणे पुनः दान पारमितां पूर्णं याना निर्वाण चक्रे प्रवेश जुइ त्यना थुगु मनोरथ याकनं जित पूर्णं याय् माल ।



हानं न्हापा निर्वाण जुया विज्यापि तथागत पिगु बुद्ध भूमी चैत्याचार अथवा चैत्य दय्का तःगु भगवान् स्वयंभुया बुद्ध मूर्ति जीर्ण जुया वंसानं ईकाया प्रमाण वाकि दतले संसार मस्यने माल ।

हानं थ्व भद्र शिला नगर या दथ्वी महोत्त्व (तःगोगु) चैत्य छगो उत्पन्न जुया बोधिवृक्ष (वंगल सिमा) नं कुइका च्वंगु दय्मा । थुगु बुद्धालय चैत्ययात थन च्वंपि लोर्किपिसं अखण्ड दर्शन पूजन वन्दन याना च्वने फय्मा । थुगु पुण्यं सकल या पाप मोचन जुया पुण्य प्राप्त जुइमा ।”

थुलि प्रणि धान याय् धुंका ब्राह्मण्या उपरय् कल्याण भापा याना मैत्री चित्तं स्वया करुणाया वल पिकया मनस छुं संखा मतस्ये आनन्द चित्त याना आज्ञा जुल ।

हे ब्राह्मण ! जिनं छंगु इच्छा पूर्ण याय् त्यना शिर ध्यने धुंका विलंब मयास्ये दान का, जिनं भापिये फइ मखुः खल्हाय्गु नं समर्थ मबइ छं दान मकास्ये विघ्न याना वने मते ।

एवं प्रकारं धागु राजा यां वचन न्यना, ब्राह्मण या मन ग्यागु थ्ये गर ख्येस्ये च्वंका विन्ति यात । जिनं दान काय् धुंकां तिनि वने सत्य मेव विघ्न याय् मखुः ।

मूल-

रत्नत्रय मनु स्मृत्वा तस्थौ संवोधि मानसा ।

शिरः छेतुं स्वयं खड्गं समादाय रुरोह तम् ।

त्रिरत्न स्मरण याना बोधिचित्तया प्रभावं ताउति खड्ग भागियाना, खगु ल्हान्हाति शिखा (आगंस) ज्वना, जगु लाहति खड्ग ज्वना मिखा तिसिना वान्ह्याया गपते खड्गं वेगं किया छिन्नयाना (प्यय्दंका) खड्ग भूमोस तोता, निपा लाहति थःगु शिर ज्वना चन्द्रप्रभ राजां रोद्राक्ष ब्राह्मण यात थगु शिर दान याना विज्यात ।

मूल- तं दृष्ट्वा सद्विजश्रृण्डो निःकारुण्यो महीपते :

शिर : छित्त्वा सिनादाय सहसा निर्ययौ ततः ।

श्व करुणा मदुम्ह रौद्राक्ष ब्राम्हणं-शिरध्यना दान व्युम्ह राजा खना ग्याना  
खड्गं शिर ध्यना दान व्युगु कया बस्त्रं तोपुया हताय चाया उज्जानं (षयवं)  
पिहां वया थगु छे वने धका लिहां वन ।

ले बंपि च्वना च्वंपिसं स्वय् मफया गुलि भोः सुला च्वंपिं गुलि लिफः सोया  
खोया च्वंपि, गुलि सिनं चाण्डाल ब्राम्हण लिहां वल धापिं, धुमिगु खवाःमसोस्ये  
ब्राम्हण तःप्यंक वन ।

मूल-

त्यक्त्वा देहं शुभेकृस्ने ब्रम्हलोके समाययौ ।

तत्र ब्रम्हासनासीन ध्यात्वा संबोधिमानसः ।

शिर दान याम्ह चन्द्रप्रभ राजा पृथ्वीस गोतुला मृत्यु जुल । चतुर्महाराजापिसं  
पुष्प वृष्टियाना बवहांवया अदृश्यरूपं (सुनानं मखंक) पुष्प बिमाने तथा यंकल ।  
श्व राजा ब्रम्हा च्वना च्वंगु शुभ कृतस्ना भुवने बिज्यात उगु सुद्धस्थाने च्वना  
संबोधि लुमंका ध्यानयाना च्वन ।

थनंलि भद्रशिला नगर ग्राम इत्यादि सकभनं थुगु खबर प्रचार जुल खुता  
प्रकारं उगु देशे भूकम्प जुल । आपालं प्रजा लोकापि हाहाकार बिलाप यांत प्राणबायु  
नं फय् मफया मूर्छा जूपि गुलि खोखों प्राण बायु पिहां बना मृत्युजूपि थुपि सकलें  
त्रिरत्न नाम कया प्राण तोतूपि जुया स्वर्गलोके आभाश्वर भुवने बास यावन ।

हानं राजदरबारे च्वंपि नारीगणपि तथा महारानी चन्द्रावती देवीनं बिलाप  
याना चोच्चं शरीरं प्राणवायु पिहां वना मृत्यु जुल । पुण्ययापिं जक स्वर्गलोके  
बासया वन । महाराणी चन्द्रावती देवी छम्ह थः स्यामि चन्द्रप्रभ राजा बिज्याना च्वंगु  
शुभकृतस्ना भुवने नाप बास यावन ।

थुगु अवस्थाय् राजकुले च्वंपि वाकिदुपिसं फको धीरयाना चन्द्रप्रभ राजाया  
शिर मदुगु मृतक शरीरनापं, महाराणी यागु मृतक शरीर नं तथा श्मशाने जजा



याना यंका-सुगन्ध द्रव्य- श्रीखण्ड रक्तचन्दन अगुरु कर्पूर इत्यादि तथा अग्नि संस्कार (दाह) याना भस्म जूगु नौ तीर्थे प्रवाह यात । शेष अष्ठि धातु (क्वे) फुकं सुवर्ण यागु थले तथा नवरत्न सहित संशोधन क्रिया, विधान पूर्वक याय् धुंका-ताम्र रूप सुवर्णया प्यंग घटस पूर्ण याना- मणि गर्भ उफान स दध्वी शिरदान यागु यासे भूमीघाटक गाम्हुया प्रथम क्रिया तछोहोला- द्विती क्रिया वास्तु प्यमा, तृतीय क्रिया- अष्ठिधातु दुगु घट प्यंग प्यदिगस तथा-पादस्थापना मामागु तथा दना ह्यगु ज्या सिधय्का महोच्च जुइक (तःगो याना) चैत्य दय्का विधान प्ये विद्वान् सवगुरु पिंगु वाक्यद्वारा- चतुर्थ रत्नन्यास तय्गु क्रियाया दश भुवन या प्रमाण १३ कोष्ठ (कोथां लुइका) नवरत्न सुवर्ण रूप ताम्र दिव्यौषधी वास १३ कोथास पूर्ण याना पद्माकार (पलेस्वां) चिन्ह तथा दने सिधय्का लि- हानं पंचम क्रिया चूडामणि (गजु) चैत्यया मकुट शुभदिने स्थापना याय् सिधय्का, षष्ठम क्रिया चैत्य प्रतिष्ठा या ज्या, थुगु प्रकारं आरंभ यात ।

अति शोभायमानं छत्र ध्वज पताक किंकिनी जाल इला प्यना चतुमंहाराज पिंगु चिन्ह (चित्र) छत्रराज, ध्वंज, राज, खड्गराज- प्यंगु दिगस क्रमशः तथा, कदलीय स्तंभ (केरामा) जवे खवय् स्वाना सुगन्ध वास वगु चित्र विचित्र या स्वामाला प्यना अष्ट मंगल चिन्ह वीय्का सप्त विधान अनुत्तर या क्रमं पूजादि योना स्वयंभू भगवान् बुद्धरूप चैत्य मूर्ति स्थापना याय् सिधय्कल । थव अष्ट मंगल चिन्ह सौकेगु छः ।

श्री वच्छ पुण्डरीक ध्वजवर कलशं चामलं मत्स्स्य युग्मं ।

तच्छत्रं हेमदण्ड रवि शशि उभयो दाहिना वर्त शंखः ।

(१) श्री वच्छ नागपाश (२) पुण्डरीक पलेस्वां (३) ध्वज ध्वाय् (४) अमृत थल कलस (५) चामल च्वामो (६) लुयूपि न्या छजो (७) छत्र (८) जवं चातूगु शंक । जवे खवे च्वनीगु सूर्य चन्द्र समेत् १० मंगल चिह धया तल ।

-सप्त ७ विधान अनुत्तर बुद्ध पूजा सीकेगु-

मूल- गन्ध व्यूह- भद्रचरि प्रणिधान १२

वन्दन पूजन देशन ताया

अनुमोदना ध्येष्ण याचन ताया ।

तेषुशुभंमय संचितु किंचित्  
बोधय नामय मी अहु सर्वम् ।

- १) वन्दन ... त्रिरत्न शरण वना अष्टांग प्रणाम यायगु
- २) पूजन ... अर्घ्य पाद्य-पुष्प धूप-दीप, गन्ध-रंस सत्त्वगोजावोया पूजा यायगु-
- ३) पापदेशन ... जान, अजान, सीकं मसीकं यानागु पाप पोंकेगु-
- ४) पुण्यानुमोदन ... थमं यानागु अथवा म्येपिसं पुण्ययागुलि खुसि जुइगु-
- ५) अध्येषण ... पाठ स्तोत्र स्तुति धारणी चोना धर्मोपदेश विइगु-
- ६) याचन ... मस्यू मसपिन्त ज्ञान कना जन्म पत्ति याना याका वने फय्मा धका फोनेगु ।

७] बोधिचित्तोत्पादन मित्र पित्त जक मखुः न्हापालाक शत्रु यात उद्धार यायगु-  
सत्पश्चात्- अनंलि लिपा तोर्मा [सत्त्व] नै वद्य फल मधि दक्षिणा अनेक श्रद्धानु  
रूपं कीर [जा] अन्न पूर्णगु पिण्ड पात्र [मोजन] दोहलपा पूजादि क्रम विसर्जन याना  
चन्द्रप्रभ राजा या गौरवता या इच्छा पूर्ण यात ।

उगु देशया विशेष पूज्य विद्वान पिगु न्यायानुसारं योग्यह्य राजा स्थापना यांना  
मद्रशिला नगरे प्रजापित्त सुखानन्द याना च्वन ।

शिरदान यागु पूण्यं सर्वदा कल्याण जुया व राजा नं इच्छा यागु सकल विस्तारं  
पूर्ण जुया वल ।

मूल-

योऽसौ चन्द्रप्रभ राजा शास्तार्य श्री घनो भवेत् ।


पुरी मद्रशिला या ऽ भू दशौ तक्षसिला ऽ धुना ।

गुह्यजा ख्व शिर दानयाना वह्य चन्द्रप्रभ राजा म्येह्य मखु- थुगु समये शास्ता  
गुरु धाय्का श्रीघन जुया च्वंह्य जिहेखः धका सीकि ।

मूल-

यो ऽ सौ मंत्री महाचन्द्रः शालीपुत्रो ऽ भवत्सुधीः ।

यो ऽ सौ महीधरा मात्यो मौगल्या भू त्मह द्विकः ।



चन्द्रप्रहसनाय धः गृध्रप्रजागनपिकु मगलरुक्का शशिपिंडकायया  
 निमिकुनिमदानयाना धर्मयाना चंगु सूर्याय मरुता कृत्वा कृत्वा  
 गृह यं चन्द्रदवमाचंखं सना काया हल नो द्राकृ बालहाग धः गृ भिन्न  
 नादानयाय विप्र-



ब्राह्मणो यच्च रौद्राक्षो देवदत्त स्तदा भवत्  
इति शास्ता मुनीन्द्रेण समादिष्टं स्व जातकम् ।

उगु वखतया महाचन्द्र मंत्री युगु समय म्येह्म मखुः शालीपुत्र भिक्षु खः । गुम्हजा  
उगु वखतया महीधर मंत्री घाम्हनं म्येम्ह मखुः युगु समये मौमल्यायण महामिक्षु  
जूवम्ह । उगु वखतय् चन्द्रप्रभ राजाया शिर दान काम्ह रौद्राक्ष ब्राम्हण म्येम्ह मखु  
युगु समये देवदत्त धका सीकि ।

युगु प्रकारं शास्ता मुनीन्द्र भगवान् गुरूं थःगु कर्म वृत्ति या प्रभाव [जातक]  
आज्ञा जुया विज्यात ।

युगु वखतस आनन्द भिक्षु प्रश्नयात भो भगवान्? चन्द्रजभ राजा यागु शिर  
दान यंकूह्म रौद्राक्ष ब्राह्मणं शिर कया यंका छुःयात ।

भगवान् बुद्धं आज्ञा जुल- साधु आनन्द भिक्षु छ धन्य खः एकचित्त याना न्य-  
गुम्हजा रौद्राक्ष ब्राह्मणं शिर दान कया यंकुगु छेयं थ्यंका तार्जति स्वया विचार यात-  
इन्द्र यागु खं न्यना शिर दान कया ह्य् धुन आः जिनं- श्व शिर गन छोय्गु गन तय्गु  
स्वैत बिइगु श्व मांस पिण्ड- लाग्वारा खः लिपा दुर्गन्ध जुइ छु याय् मालि धका-  
थःस्त्री नाप खं ल्हाना चोंगु इले गन्धमादन पर्वतय् पिया च्वंह्म इन्द्र थ्यंक  
बल ।

ब्राह्मण हना सनं वना प्रणाम याय् धुंका शिरदान कवा हयागु खं वृत्तान्त कना  
शिर न्ह्योले तथा विन्ति यात ।

भो देवेन्द्र? छलपोल यागु आज्ञा न्यना दान कया हयागु श्व शिर जिनं  
छुयाय्गु? देवराज इन्द्रं न्हिला घाल, धन्य धन्य श्व राजा- जिनं सिंहासन कंप  
जूगुलि वयागु चित्तमात्र स्वयत्त शिर दान काय् क्ये छोयागु- धाथ्ये हे थःगु शिर थमं  
थ्यना दानयात थुली त्यागी ह्य देव मनुष्य दैत्य लोके गनं दैमखुः ।

श्व राजा बोधिसत्व धका जिनं बांलाक सिल- श्व राजा उद्धं लोक ब्रह्म कृत्स्ना  
भुवने थ्यंक वासमिले जुइ धुंकल । हे रौद्राक्ष छ जि शिख्य खः जिगु खं न्यना शिरदान  
कया हल छन्त जिनं वरदान वियेत्यना- छ समान इन्द्रजाल सह्य म्येपि सुंम दय्मा-



शुलि धया आःश्वशिर छन्त खयले मदुः जिनं यंक्ये धंका न्यंका दान विषा हःगु शिर  
ज्वना इन्द्र थःगु इन्द्र भुवने वन । थुगु खं सीका सकल देवलोकं शिर दर्शन या वल ।  
अनंलि हानं इन्द्र शिर ज्वना ब्रह्मलोके वन ।

मूल—

शुभकृत्स्ने तमायातं वृष्टा ब्रह्मा प्रसादितः ।  
समुपा मंच्य सं धृत्वा स्वासने च न्यवेशयत् ।  
योऽसौ चन्द्रप्रभ राजा बोधिसत्त्वः शिर प्रवः ।  
अयमेव महासत्त्वः समागतो ऽत्र साम्प्रतम् ।

थुगु शिर ज्वना ब्रह्मलोके इन्द्र धल धंगु ब्रह्मानं सीका इन्द्रयात सःता स्वत,  
ब्रह्मां थुगु शिर खना अत्यन्त प्रसन्न जुया च्वन ।

शुभकृत्स्ना नाम थःगु भुवने थ्यंक वह्म इन्द्रयात आदर तथा माने याना ब्रह्मां  
आजा जुल । देवराज हे इन्द्र आम शिर थन विषा विज्याहुं गुह्यजा थ्व चन्द्रप्रभ राजा  
बोधिसत्त्व महासत्त्व यागु शिर दान यागु शरीरया चूडामणि खः । थ्व दान याना  
वह्म महां ज्ञानि त्यागी मनुष्य राजा चन्द्रप्रभ आः थन वया ध्यानां गारे वास याना  
च्वंगु द्रुः । थ्व छह्य दानपारमिता नं पूर्ण याय्त्त जन हिताय ज्याय् गुरु जुइह्य महा  
सत्य खः । आ थ्वयात कयना मागु ज्या याय् । शुलि धया ध्यान याना च्वंह्य चन्द्रप्रभ  
यात सःता इन्द्रं ज्वना, वगु शिर न्होने तथा कयन ।

ब्रह्मा धया विज्यात, थ्व शिर दान याह्य गुह्यजा चन्द्रप्रभ नाम राजा बोधिसत्त्व  
महासत्त्व धंन्य २ छलपोल ख । थुलि धया ब्रह्मलोके सकलयात खवर विषा कयन—  
सकल म्ये वान्याना प्रशंसायात । अनंलि सुवर्ण यागु थले तथा गोप्य याना थ्व  
शिर दुगु सुवर्ण थल गर्भे तथा, श्री स्वयम्भू धर्म धातु वागीश्वर ज्योतिरूप चैत्य मूर्ति  
तःगो याना दय्का स्वर्ण चैत्य नाम याना ब्रह्मलोके स्थापना यात । अन नित्य  
पूजादि याना सकसिनं वन्दना याना च्वन ।

मूल—

त्रिरत्न भजनोत्साहैः समर्चयन् जगद्धिते ।  
ब्रह्मलोकेऽपि सद्धर्मं मुपादिश्या चरन्मुदा ।

थुगु स्थाने नित्य त्रिरत्न नामोच्चारण क्रिया, भक्ति पूर्वकं उत्साह याना जगत्  
हित्या निम्ति बाँलाक पूजा याना ब्रह्मलोके नं स्वर्ग चेत्य स्थाने सद्धर्मचर्यं उपदेश  
विया अत्यन्त हर्षयाया श्रद्धाभाव याना च्वन ।

हे आनन्द तथा अन्य भिक्षु सकल सज्जन पि- थुगु प्रकारं बुद्धयान दानपार  
मिता या ज्या खं पूर्ववृत्ति न्हापायापिसं याना वंगु अथवा यमं याना वयागु नापं  
च्वंपिसं याना वगु संसारे वारंवार भोग याय् मागु धर्मचक्र निपुन जुइक लिपाय्यंक  
अबोध पित्त बोध याय्गु कारणे अलासि मचास्ये शाक्य मुनि बुद्धं बाँलाक सद्धर्मोपदेश  
आज्ञादेय्का बिज्यात ।

थुगु अमृतोपदेश न्यना सभा मण्डले च्वंपि सकसिनं धन्य २ भगवान् बुद्ध- धन्य  
धन्य चन्द्रप्रभ राजा धकां साधुकार विया भगवान् बुद्धया आश्रम प्रदक्षिणा याय् धुंका  
बण्डवत् याना विदा कया सकल थःथःगु स्थाने वन । ०

थ्व खँ महज्जातकमाला ४९ अ०दु ।

-:○:-:○:- थुलि चन्द्रप्रभ (नृपावदान) जातक समाप्त जुल -:○:-:○:-

# धर्मपाल राजकुमारावदान

ल्या (१३)

नमः सर्वं बुद्ध बोधि सत्वेभ्यः ।

सकल बुद्ध बोधिसत्त्व पिन्त नमस्कार ।

तद्यथा— श्व गथ्येजा छन्हु हानं धर्मयात सदानं पालन याना विज्याह्य भगवान् बुद्धयात सत्कारं गुरु मानेयाना राजा मंत्री महाजन देव मनुष्य नाग यक्ष असुर गरुड किन्नर महोरग इत्यादिपि वया पूजानि वन्दनो याय्धुंका थमं थमं च्वना वयागु पिण्डपात्र चोवर वस्त्र आशन लासा फाँगा फुंग दिव्य भोजन वास अनेक शुद्ध वस्तु दोहलपा मंगलोत्सव यात । थथ्ये सत्कार यागु कया, भगवाण् बुद्ध वेणु वने करण्डक निवाय राजगृहे विद्यात ।

क्रमशः छचालं भिक्षु भिक्षुणी उपाशक उपाशिका एवं स्येपि सकल थःयःगु थासे च्वना भगवान् या ख्वाः ख्वया ल्हाः विन्ति याना च्वन ।

थुगु समये देवदत्त कुमार धर्मपाल नाम किसिगया वया छखे च्वना स्वया च्वन । मन दाह जुइका विष चूर्ण होला भगवान् यात पूजायाना वा छन्त सिलपां वियधका खँ स्यया, वधक पुरुष माझिया कला माझिनी छम्ह छोयाहल । देवदत्त पिया मचोंस्ये लिहा वन ।

श्व वधकी मझिनी वया भगवान् यात चाहुला पालि भोः पुया न्ह्योने च्वना विष चूर्ण पोचिना विर्या हःगु भूमिस तया विन्ति यात ।



भो भगवान् ! देवदत्त कुमारं विषचूर्णं होला छलपोल यात पूजा याना वा  
सिलपा बो धया जित छोया हल विष थ्व हे खः थुजागु अयोग्य ज्या जित मधे याना  
हल । छलपोलयात थथ्ये कुकर्तव्य जिनं गुवले याइ- थुलि खं कना मिखाय् खोवि  
वय्का भगवान् या पालि उसि उसि याना मानं काय्यात स्नेह तथा प्रेम याय् थ्ये  
तस्सकं मैत्री चित्तं अनुकंपा तथा माया याना दना मवंस्ये च्वना च्वन ।

उगु बखते भगवान् या ख्वाः स्वया भिक्षुपिनि मन गरख्येस्ये च्वंकल । आनन्द  
भिक्षुं विन्ति यात ।

भो भगवान् ! स्वया विज्याहुं जिमिसनं स्वया च्वना, गुम्हजा थ्व देवदत्तं  
कुमारं छपिन्ति गन तक सहमयागु ।

भगवान् थ्ये जाम्हयात मोचन याय् धका विष चूर्ण विद्या थः मनुयात विश्वास  
याना छोया हल । थ्व मनुनं देवदत्त यागु विश्वास खं पोंका छलपोल यात मैत्री भाव  
तथा हित चित्तं स्नेह प्रीतियाना च्वन, थ्व देवदत्त या चेला खः वं धाथ्ये मयास्ये छल-  
पोल यात फन् अनुकंपा (कृपा) तथा च्वन । भिक्षुपिनि मने संदेह जुया च्वन । थथ्ये  
छुया निम्ति जुल कारण दुसा आज्ञा देका विज्याहुं ।

थ्व खं न्यना भगवानं धया विज्यात- हे भिक्षुपि तथा आनन्द महाभिक्षु कारण  
दु एकचित्तं न्य ।

छुः थन थ्व वहा सिगु खंया विषये छिमि आश्चर्य जुल- जुइमागु नं खः । तर  
आश्चर्य जुइ म्वाः । जिनं विचार याय् धुन आःकने, गुम्हजा थुगु समये तथागत या  
राग द्वेष मोह इत्यादि मदया जन्मदुःख-व्याधिदुःख जरादुःख मरण दुःख, शोक संताप  
दुःख प्रिय वियोग, अप्रिय संयोग दुःख अनेक म्येगु उपायास मन खुसुक जुइगु आपालं  
म्हाम दुगु संतापया खं न्यने मालीगु नुगमछि नीगु दिकदार जुइका च्वनेमालीगु  
दुःख फुका च्वने धुंकुगुलिं सर्वकाल ज्ञ सर्वज्ञान ज्ञेय वशि प्राप्तयन् धाय्का च्वन । न्हापा  
राग द्वेष मोह इत्यादि उमेरया अवस्थाय् थःत स्याइगु जुतलेनं पराक्रम वयना सिना  
वने मासानं छुं दुःख मतास्ये थःगु चित्तयात समाधान याना परोपकारे साधु ज्ञानि  
नम्रता जुया थःगु मने छुं संखा मयास्ये मनयात शान्त दया कृपा एवं करुणा तथा जुः

छन्त सर्वदा दुःख मज्जुस्ये निर्माण सुःख प्राप्त जुइ । छुं घन्दा काय् मते धका बारंबार  
मिनयात थःत थमं बोध याना वषा । थुलि घया भगवान् मुमुहुं वा खनेदय्क न्हिला  
विज्यात । थय्ये न्हिलावयस्येलि आनन्द भिक्षुं थय्ये प्रश्नयात ।

भो सर्वज्ञ भगवान् ! छाय् न्हिला विज्यानांगु छु लुमंकां विज्याना- आज्ञा  
जुया विज्यासा सकलया मन शान्त जुया बोधनं जुइ । आनन्द आयुष्मान् भिक्षुं  
थय्ये प्रश्नयागु न्यना ध्यानं खछि सुं क च्वना लुमंका सकभनं छक स्वया विचार याय्  
धुं का आनन्द भिक्षुया खाः स्वया थुगु प्रकादं आज्ञा जुल ।

न्हापा छगु समये हे भिक्षुपि जुया वंगु छु धाःसा छगु खं कने त्यना बांलाक  
मन स्थीर याना न्य- गथ्ये धाःसा वाराणसी नगरे (काशी देशे) ब्रम्हदत्तेश्वर नाम  
राजां राज्ययाना च्वन- क्षत्रि जाति, ध्वया स्त्री दुर्मती महारानी क्षत्रिनी खः । थुगु  
देश मनोरम तःधं प्रजासुखी यक्को दु क्षमाधारी शान्त स्वभाव देशे सदानं सुभिक्ष,  
ल्हापु कलह याइपि डिम्बघापि दाखुं- डमर घापि उपद्रव याइपि तस्कर घापि खुं  
राग लोभि थुजापि छम्ह हे मद्दु उगु बखते ।

हानं जात जातया अन्न छो वृही तुमा अनेक फल वृक्ष जात जातया स्वां, सा  
स्ये सल इत्यादि पशु पंछिपिनं यको दया च्वन समयानुकुलं सुभिक्ष्य सदानं जुया  
सकलया आनन्द दु ।

मूल-गद्य-

कण्ठ कण्ठक मेक पुत्रक मिध राज्यं पालयति राजा ।

अर्थ

थुगु देशे राजा प्रजापिन्त-पथ्येजा- ककुस याना च्वंगु लिकाइह्य याक काय्  
सुत्यं विचार याना राज्य याना च्वन । थ्व राजा श्रद्धावान् कल्याण जुइगु जक चिन्तना  
बाइह्य ज्ञानं याना वयनीह्य ।

मूल-गद्य-

आत्महितः परहितः । प्रतिपन्नः कारुणीको महात्मा,  
धर्मकामः प्रजा वत्सलः सर्वप्रदः सर्वस्व परित्यागीच  
महती त्यागचित्तः ।

- अर्थ -

यः पर एक समानह्य परोपकारि सन्तोषीह्य करुणा दुह्य आपालं-बुद्धिदुह्य  
धर्मयाइह्य प्रजासेवक सकलवस्तु दान याय् मासां याइह्य सर्वम्ब त्याग याय् मासां  
तयारीह्य आपालं त्याग चिन्तह्य ।

श्व राजाया पत्नी दुर्मतीदेवी महारानी नाप संपन्न जुया आनन्दं वास याना  
चवन ।

मूल-गद्य-

साच राज्ञी चण्डा रोषणी साह सिका,  
तस्या गर्भज्जात श्वंकपुत्र धर्मपालो नाम्न  
तस्यो एव दुर्मत्या सकाशा ज्जातः ।

अर्थ

श्व महारानी दुर्मतीदेवी गुजाह्य धाःसा-हाराह्य भयंकरं तमभीह्य आपालं  
चंचल स्वभाव सुखनानं मग्याम्ध श्व रानीया गर्भ जन्म जुम्ह छम्ह पुत्रदु श्वयागु नाम्  
धर्मपाल राजकुमार, थुम्ह दुर्मती महारानीया शरीरं उत्पन्न जुम्ह खः ।

मूल-गद्य-

जनक वर सर्वेषां च वाराणसीया णां ब्राम्हण  
गृहपति मा मिष्ठः । प्रियो मनापो दर्शनेन स  
चोपाध्याय सकाशंगत्वा वारकैः सह लिपि पठति ।  
द्वादश वर्षोजातः । सच राजकुमार धर्मपालः ।

अर्थ

राजकुमार गुजाम्ह धाःसा अबु थ्येनातुं स्वभाथ सकल वाराणसी देशया ब्राम्हण  
गृहपतिपिनि अति प्रेम जुया च्वंम्ह । मनयात बोधयाना चीफुम्ह, हिसि दया च्वंगुलि  
अबुयानं म्ये म्ये पिनिनं सकलया श्व कुमार दर्शन याय्गु जक इच्छा जुया च्वंम्ह । श्व  
राज कुमार नित्य गुरूया छे अथवा गुरू च्वनीगु थासे वना पाशापि नाप लिपि विद्या

बोना चवया चोनीम्ह । १२ वर्षया उमेर जुया च्वम्ह धर्मपाल राजकुमार धयागु नाम सक्रमनं प्रचार जुया च्वन ।

गुम्हजा राजा ब्रम्हदत्तेश्वर वसन्त समये छन्हु दिनया सोफः जावले उळानस (क्यवे) अनेक स्वां सिमा चुलिहोया च्वोंगु चखुं वखुं कय्मीचा वाउभतु मंडना म्हय्खा कोलखा ऊंग पंछि इत्यादिपि हाला च्वंगु— तथा वनजन्तु पिनं थःथःगु स्वरं हाला च्वंपि स्वेगु न्येनेगु इच्छा याना— अन्तपुरस (कोथाय्) च्वना मामागु ज्या याइपि सुन्दरी गणपि लिस्ये क्यवे विज्यात । उगु थासे चाहुला स्वय्धुंका तःमागु सिमाक्वसं आराम याना नापं बोना हयापि स्त्रीगणपि म्ये हाय्का प्याखें हुय्का ख्यायाना न्हिला वसन्तया स्वभाव चंचल मनयाना म्हिता च्वन । क्यवे राजाया थय्ये म्येपि स्त्रीगण नाप रस रंग ख्यानाना च्वंगु दुर्मती रानीनं कसीच्वना क्वसोबले खना सहषाय् मफय्का तें पिकाल ।

दुर्मती महारानी तः च्वतं कोप पिकया उखुन्हु या रात्रि (बहनी) सिगु भोजन मयास्ये राजायात नकेगु मयास्ये राजा च्वनीगु कोथाय् नं मचोंस्ये म्येगु अलग छल्ये क्वथास च्वन । जि महारानी तंचाल धका सीकि धका थः सावीकं खेंल्हाय्गु खर्च यायगु राजानाप कोथास च्वनीगुनं रानी तापाका राजाया न्होने च्वनेगु रानीं तोता तंजक मोय्का जुल ।

तथापि राजाया मनेछुं संका मदु । थुगु अवस्थास स्वामीनं जित माया तोतल धका मनं जित माया तोतल धका मने राग चित्तयाना भातयात वसीकरण याय्माल धका गोप्य याना आपालं धनखर्च याना नय्गु बस्तुस वासतया प्रयोग याना नकल । अय्ये यासानं थमं धयाथ्ये भात बसेमचों धका थःलिसे मिले जुम्ह मानंगी धयाम्ह पासानाप सल्हायाना सुनानं मसीक गुप्तयाना दुर्मती रानीनं डाकिनी (वोगसी) कुविद्या स्यन बांलाक ज्या सफल मजुगुलि सफल याय्त् थःस्वामी अथवा याक काय् भगवती (पोठ देवी) यात भोगविया पूजा मयास्ये मज्युः । मयात धाःसा मंत्र सिद्धि मदुम्ह उइ जुइ । धका कुविद्या स्यम्ह गुरूं धागु वचन न्यना विश्वास यात । थ्व रानीनं विचार यात भात भोग वीगु स्वयानं काय् भोग वीगुहे ज्युः छाय् धाःसा काय् धयाम्ह हानं जिजु शरीरं जन्मयाय् फुः भात भोग वीबले थःहे विधवा जुइ ।

अतः याक काय् जूसानं भोग बीमासि धका मनं निरचय याना बोगसी गुरु  
गुप्तं ताप लाना सल्वाह याव । याक काय् भोग बी फुसाजा असल हे जुल जिनं अय्य हे  
यांना मंत्र सिद्धि वः लाका गुरु जुया च्वनाह्म खः । छपिनितं यथ्य हे या धका बोगसि  
गुरुं वचन बिल ।

दुर्मती देवी लेःताया हानं घाल- जि महारानी जुया च्वनाह्म काय् भोग बिइत  
रात्रिया इले काय् बोना पीठे पूजा यावनेत दरबारं पिहां वनेगु अतिनं कष्ट जुइ अय्येया  
निम्ति-पीठ भगवती थः कहे, दुबिका भोग काय् मालीय्ये चोथ्ये याय् मज्युला धावले  
बोगसी गुरुज्युः ऊन् हे ज्युः घाल । थय्ये हे यायमाली घयागु निश्चित सल्हा  
छयाय् च्वना गोप्यं मामागु तालं खं थिक याना छन्हु थःगु कोथास च्वना दुर्मती  
महारानी नं थःके पीय देवी दुवित धका खाना क्यन ।

मने काय्यागु हितोनेगु थ्व ज्याय् भातं विरोध यात धाःसा छंगु शरीर वाह्य  
थलाहितोना बोगसी मंत्रया ज्या सफल याना तोते । पापलासा हानं धर्म याये  
धुजागु कुचिन्तना याना छःवल धका महारानी दुर्मती कोथाय् जिगि २ मीक सना  
खाना च्वन । राजदरबारे च्वंपि सकलें वया सोवल ।

भो परमेश्वरी छपि सुखः सन्तोष जुया विज्याहुं धका राजानं विन्तियात ।  
बैबीं घाल- भगवती पीठेश्वरी ह्यसीकि पूजा कावयाम्ह खः । याकनं जित पूजाया ।  
सकसिनं तथास्तु- भो पीठेश्वरी देवी पूजायाय् त्यना धका तत्कारणं ज्वरे याना  
पूजायाय धुंका तुति भोः पुल । दुर्मती देवी थःथमं शान्त जुल ।

थः स्वामी राजायात रानीं हानं घाल- भो महाराज । छपिसं अन्याय याय्मते  
जित कला धका छपिसं भाजिमया छः खः देवी प्रवेश जुइ बले परमेश्वरी भापा याना  
भाजि याय्मा- मयाय्वं कोप जुयां मखुथ्ये जुइफुः । विचार याना छःयाके वरदान  
काय्गु सो- थय्ये घया मुसु मुसुं न्हिला प्याखें हुलीह्म थ्ये सना मोहयाना  
क्यन ।

थनंलि राजा प्रह्लादत्तेश्वर धार्मिक शान्तह्य (भातम्ह) जुया महारानीं धागु खं  
ग्यना धाण्ये याम्ह छः धया पत्यार जुया न्हिला घाल । छंके गुजाम्ह छः प्रवेश जुल-

महो छंगु शरीर जा तच्चतं शुद्ध शुचि नियम बुम्ह खनि- छ तं मोहगु ज्जा आवंली  
जिनं छुंहे याय् मच्चुत छं घाथ्ये च्चने जुल ।

यथे स्वामीनं घांगु खं न्यना मनं चिन्तनायात आःजा जिनं बसी करण यानांगु  
ज्या सफल जुया वल- गनजा जि घाथ्ये च्चने धाल अन जिगु ज्यानं सिद्ध हे जुइ ।

हानं विचार यात थ्व स्वामीयात काम रागं सन्तोष याना हेकेमाल मोह विद्यां  
तोपुया सत्यवाचा याका काय् यागु हितोनेगु पूजा सफल याय् मालि थ्व विस्तार  
जुलकि ज्या बिफल जुइ याकनं मंत्र सिद्धि (कुविद्या) वोफसी या मालीक जुइगु  
वरदान काय्माल धका तत्पर जुया स्वामी यात भोजन थमं ज्वरे याना बसी  
करण मंत्र बोना नय्गु तोनेगुलि प्रयोगयाना भोजन याका थःनं नापंच्वना  
खसियात ।

युगु प्रकारं न्यायागु दिनं निस्तें राजा मोह विद्या या स्वभावं दुर्मती रानी  
पलख हे तोते मफुत । रानीं सोकल आःजा राजा जिगु मोह विद्यां तोपुल । तथापि  
गुलितक जि घयाथ्ये दइ छकसोय् धका तोह मनुसानं तोह तया हेकनं तें पिकया ख्वाः  
खिउक तया वा न्ह्या हाहा ब्यन । रानी छाया तें मोय्कज धका राजा रानी नापं  
च्वना न्हिला घेःपुना छाया सुना छुः धाल जिजा छन्त छुंमघया थ्व राजगृहे फुकं  
छंगुहे ल्हाते खः छुं चित्त बुके मजुल धाः । छं घाःगु पुरे याना बीइ बिया च्वनागु  
नं दु । छं तें मोय्का ब्यनेब जिगु मन यात गरल्येस्ये च्वना पिहां वनेगु इच्छा  
जुइगु । तें पिकाय् मते शान्त जुया खंल्हाय्गु विचार या ।

राजां यथ्ये घया हेकुस्येलि रानी खुसि जुया आः घासा राजा घाथ्ये जिगु बसे  
वल । यो या रात्रिस कोथाय् मागु खं ल्हाना इच्छा पूर्णयाये धका ख्वाः चःकंका न्हिला  
खंल्हाना थमं ज्वरेयाना भोजन राजायात नका थःनं नापं च्वना नया इले कोथास  
राजा रानी बास यात ।

मूल गद्य-

पञ्चा तस्या बसनेपरिरप्ते दुर्मतीदेवी विज्ञापितं च ।

प्रभो स्वामीन् मयि कृपाऽस्ति प्रेमोऽस्ति वा मनोरथं मे देहि सत्यंकुरु ।



अर्थ

कोबास सयशिन याना राजा खुसिजुया च्वंगु अवसर विचार याना तुति भो पुया  
न्हिला बित्ति यात । प्रभो स्वामी छपिनि जिके कृपादु अथवा जिके माया स्नेह प्रेम बु  
धयागु छःसा जिगु मनोरथ वरदान छगु फोने सत्यनं छं धाःगु विये धका सत्य वाचा  
याना विजहुं ।

मूल गद्यः

इति वचनं श्रुत्वा राजा ब्रम्हदेतेश्वर श्राति हवित्वा वदति ।  
प्रिये दुर्मतीदेवी त्वत्सम प्रेमस्त्री नास्तीति चान्य ।  
वरं वास्यामि किं मनोरथं च सत्यमिति त्रि सत्यम् ।

अर्थ

स्त्रीनं यथ्ये न्हिला धागु वचन न्यना राजाब्रम्हदेतेश्वर अतिनं खुसि जुया धाल-  
प्रिये स्त्री दुर्मती देवी छसमान जि प्रेम स्त्री म्येपिमबु । वरदान बिइ त्यना छःछ धाः  
छंगु मनोरथ सत्य सत्य (त्रि) सत्य पूर्ण पाये ।

मूल गद्यः

इति स्वानी राजा त्रिसत्य वचनं श्रुत्वा दुर्मती राज्ञी हसतीति धन्य मनोरथं  
मम कार्यं च । पश्चात् क्रोधेन दुर्मती देवी वदति । क्रोधेन क्रोधमुखेन भृकुटिना  
चाज्ञादत्त्वा गच्छत । धर्मपाल स्य पुत्रस्य गलंछित्या कृतीति रुधिरं पाव येना  
मिति । पिबाम्यहं च- मनोरथं मे इदृशं कार्यं मद्यैव दिने पूर्ण कुरु- यदि ते  
सत्यो ऽ स्मि ।

अर्थ

बुलि स्वामीया आज्ञा त्रिसत्व या वचन न्यना दुर्मती रानी इति इति न्हिला  
धन्य मनोरथ जिगु कार्य सफल जुल । थुलि धया भतीचा लिपा क्रोध पिकया क्रोधया  
रघाः याना- मिछा फुसि न्हातिका स्ये कुंका धाल । छः वना धर्मपाल राजकुमार  
काय बोना हति । काय यागु गपः ध्यना याकनं हि म्हुका- जिके दुवीह्य पीठ देवी  
यात तोंकि । छबं जिके दुविना तोनि । जिगु मनोरथ कार्य थव छः । थौं या दिने  
पूर्णयाना म्युः यदि त्रिसत्य बु धयागु छःसा ।

मूल गद्यः

ततः प्रांतः समयो जातश्च धर्मपाल कुमारः पूर्ववत् दारक शालायां गत्वा पठितम् ।

तस्मिन्समये एका स्त्री दारक शालायां गत्वापि कुमाराय धर्मपालाय निवेदितं वृत्तान्तम् ।

ओ कुमार गृहे मा गच्छ महा भयंकर कार्यो ऽस्ति । कथं भूतं च अद्य राक्षो भवतो माताग्रो पिता सत्यवचन कार्यं कृतं ।

भवतो गलंछित्सा रुद्धिदं पावना मिति— कथं भविष्यति, पिताते रुदितं तिष्ठति ।

अर्थः

यनंलि लिपा सुये जुल, न्हापानं वनां धर्मपाल राजकुमार न्हापाय्ये आखः षोनेगु स्थान (कुमार पि जक मुना षोनेगु) विद्यालये राजकुमार वना आख षोना च्वन । उगु बखते राजदरबारे ज्या याइह्य छह्य मिसा नुगः मछिका गोप्य रूपं दारक शालाय् आख वोना च्वंगु स्थाने धर्मपाल राजकुमार यात नाप लाना फुक खं कना घाल ।

ओ कुमार थो छे विज्याय् मते— तच्चयंत भयंकरगु ज्या दु । छु जुया च्वन घाःसा— थो या रात्रिस निह्य पुरुष पिनि छु छु खं जुल जुइ छपिनि मांया न्होने, अबुं (महाराजां) सत्य वचन विद्या ज्याखं यात । छपिगु गःप ध्यना भगवती धका पोठ देवी दुविका छपिनि मां यात हि तौका पूजा याइगु जुल । राजदरबारे सकसित्तं सिल— जिनुगः मछिना वया प्व ज्या याइबले छुः गथ्ये जुइगु—छपिनि अबु माः षोया च्वन ।

मूल गद्यः

ततो दारक शालायां वस्थितो धर्मपाल कुमार श्रोति वार्तां श्रुत्वा रुदितं प्रवृत्त मेव माह । धिग् बिष भोगतां संसारे यत्र नाम क्रोध वसादरार्ति सूतसपि सुतं परित्यजन्तीति

अर्थः

युगु प्रकारं छह्य मिसा गोप्यं वया खं कंगु न्यना धर्मपाल कुमार दारक



शालाय् च्वना आख बोना च्वंह्य दिना ह्यपोस्वे वय्का खच्चि ऊले जुया यम्ये धाल ।  
 धिकार विष भोगया च्व ज्याखः । संसारे गुह्यजा गुह्यस्ये मभिगु ज्या यानां च्वनि ।  
 मभिगु क्रोधया वसे लागु यावये जुगु रोगरूपि दुःखं पोड जुइका च्वंगुलि हि तोना काय्  
 सिना वंसानं त्याग याय् फुह्य मांनं जित बुइका दुरु तोंका तःधिक याह्य मांनः ।  
 तता छं धाःगु खें पुल- छः छें हं धया राजकुमारं बोध याना लिछोते ।

मूल गद्यः

ततो धर्मपालः सर्वालंकार विभूषित ऊतोति गृहे चागत्वा पितुःपादयो निपत्य  
 कथयति । साधु भोतात प्रसीद निरापराधे मां परित्यजसि कथं परि  
 त्यजेति तात मा रोदसीति किं रुदित मिति । सत्य वचन ते पूरयाम्यहं-इ  
 ष्टाचेत्सर्वेषां पितॄणां पुत्रेति ।

अर्थ

थुलि धाय् धुंका धर्मपाल कुमार या वस्त्रं बांलाक पुना वया च्वंह्य हताय् चायां  
 छेवना अबु महाराज-यागु खवांः स्वया लिपा पालि निपासनं ताउति भोःपुया विन्ति यात ।

साधु भो अबुजु (पिता) महाराज प्रशन्न जुया विज्याहुं निरापराधे (छुं तोह  
 कारण मदुम्ह अन्याय मयाम्ह) जि याक काय्यात त्याग याय् त्यनागु छाया । जिनं  
 त्याग याय् त्यना ।

भो पिता (अबुजु) आः खोया विज्याय् म्वाल- छाया खोयागु छाया खोयागु ।  
 जिनं गोप्यगु खें न्यनेधुन छपिगु सत्य वचन जिनं पूर्ण याय् । म्येपि सकल अबु जुया  
 च्वंपिनिनं काय् सित धाय्वं हाहा जिकाय् जि रत्न समानम्ह पुता धका खवया  
 च्वंपिनं जिनं खना न्हेपनं तागुनं बु ।

हानं सकसिनं धर्मपाल राजकुमार धार्थ्येयाम्ह फाय् खः धका छपिसं अथवा  
 म्येपिसं धागुनं वरावर जिनं न्यनागु दु ।

मूल गद्यः

राजो ब्रह्मवत्तेश्वर हृदि स्फुटं रुदितं कथयति ।

पुत्र पुत्रेति पुत्रक धर्मपाल कुमार । यदि ते माता क्षमते अहमपि क्षमेति ।

अर्थ

राधा ब्रह्मवत्तं श्वरं कायपागु रुवाः खंवले नुगतं कप् नकया नुगः तःज्याइर्ये  
सीका गुमने स्थाःतया खोवा बाल ।

हाहा हे पुत्र- जि याक काय जि पुता प्रिय पुत्र धर्मपाल कुमार यदि छं मानं  
जमा यासा जिनं क्षमा विये । छंगु अपराध अन्याय छं मदु । खः छुपाय थुजागु ज्याखं  
याइगु जिनं मताया । जि सत्य याना वरदान विद्या यमं जन्म याह्य पुत्रयागु हि तौना  
पूजा पावत तबार थुवा खने छुंकल नये सोया खनेगु घका ग्वारातुला  
विनाय बात ।

मूल गद्य

ततो धर्मपाल कुमारः सर्वं ज्ञात्वा क्षमं विचारयति-पितुः सत्यं पूरयामि-मातु  
मनोरथं च प्रपूरयामि ज्ञात्वा-रुद्वग् रुद्वग् मातुः सकल मुपसंः पादयो निपत्य  
दीक्षितवाक्येन कृत कर पुरो वाच ।

अर्थ

कमंजि धर्मपाल कुमारं कुछ थुवा खंगु रहस्य सीका अणभर (मतोचा  
कुम्भना) नये विचार बात । अबुवा सत्य पूर्ण याये- बीया मनोरथनं पूर्णयाये त्यना  
जयागु विचार याना खोया खोया मां खना खंगु पूजा याइगु कसिबना- मां या  
तुहि निपायुजनं ताउति खोः पुया मां या ख्याः स्वया खोया बुःखिस्वरं ल्हाः विन्तियाना  
नये बात ।

मूल

अथ क्षमस्व मा मां जीवना उपरोपयेति । किं अपराधोऽस्ति नमपुत्रस्य रुधिरं  
कथं पादयेय मिति ।

मो मात- क्षमस्व मेऽपराधोऽस्ति वा सहस्र वारं पुत्राय महादयां कुरु ।

अर्थ

मां क्षमाया- जित मोचन पायनु ज्ञा नाकि न्युः । जिगु छुः अपराध अन्याय बु ।  
जि काय कम्पु हि नये याना तोनये त्यना ।

मों माता (मां) छपिसं जित क्षमा याय्गु योग्यजुः जिगु अपराध अन्याय दुसानं तबि  
द्विष्टिक तक जिगु विन्ति दु । तच्चतं वया तथा विख्याहुं ।

मूल गद्यः

सा एवं कहुणा दीन बिलंबितं रक्षरं रुच्यमानान् क्षमते । तततो बध्वं वाप्तः  
तीक्ष्णेन शस्त्रेण धर्मपालकं पुत्रस्य कुमारस्य गतं छित्वा कुर्वती देवी रुधिरं  
पावयित्वा नच दुर्मत्यो विप्रतिसारो जातः ।

अर्थ

काय् नं दीन स्वरं खोया विन्तियागु न्यना प्व दुर्मती देवीनं मिछा ह्याउक कना  
पीठदेवीं (भगवती) बुवित धका जिगि २ खाना घाल । विस्तार याय् मते सत्य  
वचनं छं लहाना बरवान व्युह्य राजा वया पूजा याका । काय् यात क्षमा वीगु ज्या पुरे  
याबा । थुगु बेलास म्येपिसं मयाकुस्ये थमंहे ज्वया च्वंगु शस्त्रं धर्मपाल कुमार याक  
काय् यागु गःपते किया छः बुविना च्वंह्य दुर्मती देवीयात सन्तोष जुइक हि तोंका छःयाके  
बरवान काषा । थय्ये छया दुर्मतीदेवी तच्चतं कोप पिकया च्वन ।

मूल गद्यः

धर्मपालश्च कुमारोऽपि मातुर्ममनोरथं पितुः सत्यं वचनं पूरयामीति । पुत्रस्य धर्मं  
मोदुशं माता पितु वध्य घाटेषु निभीतं चित्तं प्रसाद्य— त्रिरत्नं शरणं च कृत्वा तीक्ष्ण  
शस्त्रेण स्वगतं छित्वा दुर्मत्या मातु मुखे रुधिरं पावयिता कालगतः ।

अर्थ

धर्मपाल कुमारं निश्चययात—अहो धन्य भागव मौयारूप देवीप्रवेश जुया च्वन ।  
माया मनोरथ—अबुया सत्य वचन पूर्ण याय्गु वेला थिक जुल । पुत्रया धर्मं प्व हे छः ।  
मां अछुं थमं अथवा म्येपिसं स्याय्गु स्थाकेगु ज्या याय्म्वाक मयास्ये एकचित्तं बुद्ध  
धर्म संघ (त्रिरत्न) नाम कया शरण धका काय वाक चित्तं प्रणाम याना न्होने तथा  
तगु ज्वगु चुपि कया माजियाना मिछा तीसिना, वाक् छिना छःगु ल्हानि कया ज्वना—  
ल्हानि बेगं थःगु गयते थमं किया वांछाया जिगि २ खाना च्वंह्य मां यात हि तोंका  
धर्मपाल राजकुमार गोतुलाः प्राणवायु पिहां बना मृत्यु जुल ।

उगु बखते अन गुजोगु प्रकारं हाहाकारं सकसिनं विलापयागु खं कना साध्य मजु । उगु राजगृहे च्वपि मिसा मिजंत खोगु शब्द बने ऊंग थ्ये कोलाह शब्द उच्चारण जुल ।

ब्रह्मवत्तेश्वन राजा धीर याय् मफया मूर्छा जुइका गोतूह्य खना सकसिनं फको धैर्य्य याना राजायात उपाय याना मूर्छा छुतय् यात ।


राजा वना सोवल याक काय् राजकुमार धर्मपाल (पुत्ररत्न) गप बछि थमं किया चःता वाना सिना च्वंह्य खना गप शिर मिले याना घेः घेः पुना चुपा नया विलाप यात । हाहा जि प्राण समानह्य पुत्र-विना अपराधे थः थमं प्राण त्याग यात । १२ वर्ष तिनि बुह्य काय् थः थमं गपते शस्त्रं किया थःगु शरीर या हि वान याना भगवती (मां) यात तोंका मृत्यु जुल । श्व ज्या सुनां यागु सुनां याकल यो धाह्यसुः थुकीयागु भोग सुनां धाडगु जुइ जि धाय् मफुः । जि नुगः या हिखः जिकाय् धर्मपाल घया लाय् लाय् बुया ल्हाः निपां मृत्यु जुइ धुंकूह्य काय् घे पुना महा विलाप यात ।

थुगु अवस्थाय् दुर्मती महारानी (मांह्य) पीठ देवी (भगवती) दा तया प्रवेश जुइका खाना याक काय् यागु हि तोना जिगि जिगि खाना पुलु पुलु मिखा कना सीम्ह काय् घेः पुना खोया च्वंम्ह भात (राजा) स्वया सकल या मिखाय् खोबि वगु- गुलि भोःसुला च्वंपि, गुलि खवाले ल्हाःति तोपुया च्वंपि, गुलि अंगले भोःसुला च्वंपि- गुलि छाति दोया च्वंपि, गुलि सें फंफंतया च्वंपि, गुलिस्वे मफया म्येगु थासे वना खोपि स्वया च्वन ।

मांतंगो धाह्य-छम्ह रानी नापं च्वना नुगः मछिका च्वन । मंत्री तथा म्येपि सकसिनं उगु भयंकर पूजा सिधय्का सकल मिले जुया राज कुमारया मृतक शरीर खते तया मृतक जाजा याना यंका श्मशाने तया सुगन्ध वस्तु मात्र तया अग्निसंस्कार याना सिधय्का राजगृहे गुरु पुरोहित पाख्ये कुलधर्म शास्त्रानुसारं शूतक या कर्म दान इत्यादि सिधेका धैर्य्य याना च्वन ।

दुर्मती महारानी या, भात छम्ह वसीकरण याय्गु निमित्त सेकुगु डाकिनि बोगसी बिद्या या मंत्र सिद्धि लाना मलाका बराबर जुले जुया लोकं धिकार काय् या हितोनीम्ह यापिम्ह रानी धाय्का गनं वनेत लज्जा जुइका च्वन ।





धर्मपालराजकुमार १२ वर्ष द्रवत्त मां इर्मती जानीनं वाकसीविद्यासनात्मा  
 उगीपी० दवी थः कद्रविका खाना याक कायुयारि तानगुग्मसायागुसीका  
 फायनं थमं थगु गपतभसुं किया मां यागहितां काररुसियाना थः स्वर्गवास  
 सयुविग्र -



छन्दु राजां विचार यात मने च्वंगु खँ गोप्य याना ख्वाः चःकंका महारानीयात  
मुसु मुसु न्हिला क्यना च्वन ।

मूल गद्यः

जानीहि पश्चात् समये राजा चिन्तितं, दुर्मती याचकाय दत्तं समये दुर्मती काल  
गता ।

अर्थ

सीकि लिपा छहु राजां थय्ये चिन्तना यात, मंत्रीनाप गोप्यं सल्हा याना धाल-  
मंत्रीजु ! जिगु खं छगु न्य- थ्व काय्यागु हि तोनीम्ह राक्षसी मिसा यागु ल्हाःति  
नय्गु थिक मजु- थ्व मिसा दुर्मती धंगु नां यात तस्सर्क लोगु ज्या यात । आपालं खं हाला  
च्वने मखुत थ्व यात पिने न्हिला खुसि याना च्वनागु दु । छगनं वना फोगीं छम्ह  
माला हति थ्व दुष्ट पापिनी मिसा फोगीं यात दान विया छोये कन्हे सुथे फोगीं माला  
नापं बोना हति ।

राजां थय्ये धागु खँ न्यना मंत्री खुसि जुया तथाऽस्तु जिनं माला बोना ह्ये घ्या  
मंत्रीजु पिहाँ वना फोगीं मावन ।

राजा थुखुन्हुया रात्रिस दुर्मती महारानी च्वना च्वंगु कोथाय् वना न्हिला छगु  
निगु ख्या खँल्हाना खुसि जुइका धाल ।

प्रिये छंजितणं प्रेम खःसा छगु खँ धाय् त्यना बिघ्न याप् मते । कन्हे सुथे छगु  
दान याप् त्यना, छु धासा काय्या नामं याय्गु खः थुकि छ खुसि जुइमा । थ्व छतांजा  
वान याप् मते धाइ । जुगः स्याना धाय् फुः । सत्यनं धाय् मखुः धका सत्यया ।

थय्ये धागु स्वामीया वचन न्यना दुर्मती महारानी नं सत्य नं थ्व दान याप् मते  
धका जिनं धाय्मखुः धका त्रिसत्ययात । राजा खुसि जुया न्हिला धाल- देवी छनं धन्य  
खः । जिनं याक काय् अकालं मृत्यु जुइगु ज्या जुसानं सत्य पालन याना । आः छंगु  
पाः बल दान मात्र याय्गु खः सुप्राणिनं स्याय्गु स्याकेगु स्याये मागु ज्या मखुः ।

कन्हे सुथे दान याय्गु श्व ज्याय् छहे न्होने तथा याय् मागु जुया च्वन । रानीं छु दान याय्गु जि न्होने तथा धका न्यन । राजां उत्तर बिल जि अतिनं मतिनागु छगु तिसा बु- बहे तिसा त्याग याना दान याय्गु- छं कहे खनि ।

थय्ये राजां न्यंकुगु खं न्यना रानीका मने हेरा मोति इत्यादि या निसा दान याइगु जुइ धका मती तथा न्हिला खुसि जुया च्वन ।

कन्हे सुथे जुल राजाया बःगु नित्यकर्म सिधेय्का, मंत्री-नाप लाना फोगीं छम्ह माला हि धयागु थिक जुलला धका राजां न्यना सोत ।

मंत्रीजुं ब्रिन्ति यात, भो महाराज ! छुं धन्दा कया विज्याय् म्वा मालातय् धुन, त्यलकि सःत वने- धया तय् धुन बोना हय् जिलला ?

राजां धया विज्जात- मंत्रीजु, जिनं रात्रिस अनेक तालं खँल्हाना दान याय्गु ज्याय् विघ्न याय् मते सत्यनं याय् मखुः धाय् फुला धयावले त्रिसत्य याना विघ्न याय् मखुः धाय् धुकल विलंब याय् यजिम थय्ये बोना हति ।

थय्ये राजांया वचन न्यना मंत्रीजु सलगया देशं पिने वागमती तीर्थे सतले च्वनां च्वंम्ह याचक (फोगीं) यात स्वया सलह्यं क्वहां वया धाल । याचक- छन्त ह्यिगः धयागु खं आः पुरे जुइगु जुल- छ भाग्यमानि जुइगु दिन थ्यन नापंनुः सत वया- नय्गु तोनेगु पुवेगु घन कला समेतं दइगु याकन नुः जि गया वयाह्य सलम्हे न्होने तथा यंकि थुलि धया श्व याचक (फोगीं) यात ल्हाः ज्वना साला हवे तथा थः लिउने च्वना सल व्वाके हल ।

राज गृहे लुखां दुत यंका छथाय् सलदिका फोगीं क्वकाल मंत्रीजुं नापं बना राजाया दान विइत छथाय् थःगु छं क्वसं च्वना च्वन । न्होने थंकां बोना हयाह्य फोगीं क्यन ।

श्लोक-

खञ्जयादेव चक्षुश्च गलगण्डश्च याचकः । इत्यादि ।



बोना हह्य फोगी गुजाह्य धाःसा- तुति छपा खूह्य-मिछा छग्वनं कांह्य- गल  
छव बुह्य । थुजाह्य फोगी हया ब्यूगुलि राजा तस्सकं खुसि जुया न्हिला धाल । मंत्रीजु  
छ धन्य खः दुर्मती महारानी यात लोह्य बोना हल धया लिसा कया राजा न्हिला धाल,  
मंत्रीजु ! सीकि फोगीया न्होने जुया अःकयं खं न्यंकागु खः धया ज्या  
अघे यात ।

मंत्रीजु छहे बना धर्म दुह्य भात बांलाक विचार याइह्य दुर्मती भगवती कोथास  
चवना च्वंह्य सतां नापं बोना हति ।

थथ्ये धागु राजा या वचन न्यना, मंत्री ले, ताया तबां ऽ स्तु याना राजगृहेतले  
याहां बना कोथास थ्यंक वन ।

दुर्मती महारानीया आः सुथे राजाया हेरा मोति तुंया तिसा बान याइगु- जि  
नापं चवना धका छुंजि जुया मुसु मुसुं न्हिना बांलाक सपण्याना सिन्ह तिना सवले  
स्वां छुना बांलागु लनं फिना तिसां तिया लहातेनं हेराया अंगु न्ह्याना न्हेकं स्वया  
चवन ।

थुगु बखतस- मंत्रीजुं बिल्लि यात, भो महारानी ! राजां आज्ञा जुल नापं यो  
नावा धका जित छोया हल । बान बीत छपि मदया चवन- काइह्यनं वया चवने  
धुंकल । मंत्रीजुं थथ्ये धागु चवना रानी हताय् चाया सखीपि नापं मंत्री या ल्यु  
ल्यु वया राजा चवना च्वंगु यासे थ्यंक वल ।

स्वामी नापं चवना सोवले फोगीं छम्ह खना रानीं बिल्लि यात ।

भो स्वामी ! दान का वह्य फोगीं स्वय् हे लाय्क मजूम्ह यांत हेरा मोति  
सुवर्ण या सिसा दान याय्गु योग्य मजुः । थथ्ये धागु खं न्यना रानी याय्गु खवाः  
स्वया राजां लिस बिल । देवी छं छुः खल्लहानागु- काय् यागु हि तोनेगु योग्य  
जूला- थौं छ थ्व यात दान विया छोय्गु तच्चतं योग्य जुः ।

धुलि धया नेगु वसपो दुर्मतीयात ज्वंका राजां ह्य चवना फोगीं यात लहाते  
दुर्मती महारानी लः लहाना बिल ।

राजां यथ्ये घया विज्यात- याचक छन्त दान विये धुन- नापं हुं । दुर्मती  
छंगु ज्या यात लोगु जिनं ज्या याना- जिनं सत्य पालन याना, आः छंगु पाः वले  
छनं सत्य वाचां पालन याना श्व फोगीं नापं छ वने माल ।

छ पापि थन जि नापं च्वने गात, मंत्री सखीपि सकलं अचंम जुया लिपा खं  
थुइका सकलं न्हिल ।

राजा- मंत्रीयात मागु खं ल्हाना राजदरवारे थाहां विज्यात । मंत्री सैन्य तथा  
म्येपिसनं- राजा रानी निहसिया सत्य वाचा याना ज्या यागुलि जिमिसं गने  
मज्युः श्व फोगीं नापं विज्याहुं-

हे याचक फोगी दाजु नापं बोना यंकि घया ध्वाना हया द्वारं (लुखा  
ध्वाखां) पित हया खापा तिना दुने चुकु तथा बिल । तुति खूह्य फोगींनं दुर्मती  
योगु लहाः ज्वना नुः घया यंकल । दुर्मती खोया वन प्रजापिसं सीका सोवल- काय्  
यागु हि ते तोह्य पापि राजां फोगीयात दान विया हल । यथ्ये हे याय् माह्य खः  
घका सकसिनं न्यंकल- नाय् बुया हाहा यात ।

गुलिसिनं यथ्ये धाल- आनं पीठ देवी धाम्ह भगवती थःके दुबिका नोः वाय्  
फुसा गुलि बांलाइ ।

मातंगी धाम्ह यातनं राजां छैनं पितना छोट । ग्याना विस्यु वन गुलिसिनं  
लीयंकल- दुर्मती देवी फोगीं नाप मचोंस्ये स्वस्ये थःछे वन ।

थःछे चोपिसनं श्व पापियात दुकाय मखु घया दुमकास्ये खापा तिना बिल ।  
फोगीया दान विया हःगु वतले नल तोन मामा थाय् वना फौना नया जुल । दुर्मती  
देवीनं तत्वतं दुःख सिया कष्ट नल- छन्हु छुसिया सिथे च्वना सिना वन ।

राजा विराग चित्त जुइका आपालं दान याना पूजा पाठ याका छन्हु मूयु जुया  
स्वर्गवास जुल ।

-मूल गद्य-

भगवानां ह । भिक्षव योऽसौ तेन कालेन  
तेन समयेन धर्मपालो नाम कुमार वभूवाहम् ।

सा दुर्मती देवी नरक भोगं भूत्वा एष देवदत्त स्तदापि मे वधकी हस्तेना  
स्या मैत्र चित्त मुत्या दित मिदानी मप्यहमस्य व धातौऽद्य तस्य मैत्र चित्तानु  
कंपा चित्त स्तस्मा त द्वि भिक्षव एवं शिक्षितव्यम् ।

अर्थ

भगवान् बुद्धं आज्ञा जुल हे भिक्षुपि तथा आनन्द भिक्षु खं थुइकि । गुम्हजा उगु  
त्रेतायुग समये धर्मपाल नाम राजकुमार धका जन्म काम्ह थुगु समये म्येम्ह मख  
जि खः । ब्रम्हदत्तेश्वर शुद्धोदन राजा खः ।

उम्ह दुर्मती देवी नरक भोग यांना दुःख सिया ब्रम्ह थुगु समये देवदत्त या  
सासवे लात थ्व वधकी माफिनी खः । देवदत्तं विषनका स्याय्गु गोसा यांना विष विया  
हःसानं न्हापा मां जुया जित जन्मयाय् धूंकूम्ह जुया जिगु उपरे मैत्रीचित्त उत्पत्ति  
जुया थौं थन जित अनुकंपा (कृपा) तथा देवदत्त या मनु जूसानं पूर्व जन्म या काय्  
जुइ धूंकूगुलि मिजास यांना विष चूर्ण मन कूस्ये गोप्यगु खं कना नुगः मछिका  
मिखाम् खोवि बय्का च्वोम्ह उगु समये दुर्मती महारानी जुया ब्रम्ह- थुगु समये थ्व  
वधकी माफिनी खः । थः थगु कर्मभोग थथ्ये मिले जुइ । हे भिक्षुगणपि छिमिसनं  
सीके योग्यजुः

मूल गद्य

यत्सर्वं सत्त्वेषु मैत्र चित्तं भावयिष्यामीत्येवं भो भिक्षवः शिक्षितव्य मिति ।

अर्थ

गुम्हजा सकल सत्त्वपिगु कारणे थः समानं मैत्र चित्त यागु भावयाना जुइ फप्मा  
धका इच्छा यांना ज्यानं यांना ब्रम्ह महा पुरुष भगवान् यात थुजागु अकतंब्ब घाय्गु  
तच्चतं अयोग्य धका सीका चोम्ह थ्व खः । थुकी छिमिसं छुं संखा काय्म्वाः हे भिक्षु  
गणपि ! थ्व खं छिमिसं खं थुइका सीकेगु योग्यजुः ।

एवं प्रकारं धर्मोपदेश कना विज्यागु न्यया सकलया थःथःगु मन्न यात थमं थमं  
यांना वयागु कर्मभोग किचथ्ये ल्युल्यु वया संसार चक्रे चाहला सुःख दुःख थमंनातुं  
भोग यांना जन्म मरण जुया च्वनीगु ।

थुजागु भोगयाय् स्वालीगु बोधिचित्त बोधिज्ञान लाना बुद्ध भगवान् या अनुयायी सदानं जुया मोक्ष वनेगु मार्ग खने दया भव सागरं मुक्त जुये फय्मा धका सकसिनं छप्वा म्हुतुं शब्द उच्चारण याना धन्य २ धर्मया ल राज कुमार बोधिसत्त्व ।

धन्य २ भगवान् बुद्ध धका प्रशंसा याना साधुकार विया मुनीन्द्र यात चाहला प्रणाम येना (तुति भोःपुया) विदा कया थःथःगु थासे सकलें वासया वन ।०।

थ्व खें शतकावदान ३२ अध्याये दु ।

-:○:-:○:- बुलि, धर्मपाल राज कुमार जातक समाप्त जुल । -:○:-:○:-

# मैत्री कन्यक कुमारावदान

(ल्यां १४)

नमः सर्वं बुद्ध बोधि सत्वेभ्यः ।  
सकल बुद्ध बोधिसत्त्व पिस्त नमस्कार ।

भगवान् सर्ववि च्छास्त षडभिज्ञ स्तथांगतः ।  
मैत्री बोधि प्रबोधार्थं देशयस्व महामुने । इत्यादि ।

अर्थ

हानं न्हापण्ये छगु सभा मण्डले भगवान् बुद्ध विज्यात । वहे स्थाने मुनीन्द्र विज्यात धयागु खँ न्यना सकल भिक्षु भिक्षुणी उपाशिश एवँ म्येपिनं न्हापाय्ये श्रोता लुपि उपस्थित जुया प्रदक्षिणा याय् धुँका प्रणाम याना थःथःगु यासे चवना भगवान् या ख्वाः स्वया विन्ति यात ।

भो भगवन्— हे सर्वबित् हे शास्त हे षडभिज्ञ हे तथागत हे महामुने ! मैत्रीचित्त बोधिज्ञान बुजेयाय् निर्मित आज्ञा दय्का विज्ञाहुँ ।

आनन्द भिक्षु थय्ये विन्ति यास्येलि मुनीन्द्र गुरू थय्ये आज्ञा दय्का विज्यात । हे आनन्द तथा सकल भिक्षुपि एकाग्र चित्तयाना न्य ।

मैत्री धयागु सकल यात थः समान् मित्रभाव याय्गु खः । बोधिज्ञान धयागु फुकं बुजे जुइगु बुद्धज्ञान यात धाइ । गथ्येजा परयाय दुःख मवीगु, परयागु दुःख खनइ नुगः मछिका फुसा दुःख मजुइका विइगु ।

युगु विषये न्हापा जुयावंगु याना वगु छगु खँ लुमंस्ये बल कनेत्यना छु धाःसा थःत जन्म याइह माँखः माँ यानं मालिक स्वामीधाइ अबुजु खः ।

मानं पुत्र पुत्री जन्म याइगु खःसानं विना अबु मदय्कं माँ याकचाँ जन्मयाय् फइगु मखुः सकलया थथ्ये हे खः । किन्तु अबुयाकचाँनं जन्म याइगु नं मखुः माँ मन्त धाःसा जन्म याइह मद्दु- श्व खँ सकसिनं सिया च्वंगु खँ ।

माँ व माँया स्वमी (अबुजु) निम्ह यात विशेष याना भक्ति भाव श्रद्धा बिबेक बिचार याना प्रज्ञा शब्द स्त्री बाचक ज्ञान खः माँ धका सीकेगु ।

थथ्ये हे बिचार याना उपाय शब्द पुरुष बाचक खः अर्थ करुणा तय्गु । ज्ञानं खंका करुणा तय्गु- प्राणिपिन्त उद्धार याय्गु छु उपाय खः श्व यात धइ बिद्वान् आचार्य्य पिसं [प्रज्ञोपाय विनिश्चय] धका धया तल ।

न ज्ञान- न करुणा- ज्ञान नं मद्दु करुणानं मद्दुसा- प्रज्ञोपाय अ विनिश्चयं धया तगुदु । थुजागु निश्चय ज्ञान थुइका पुत्र पुत्री पिसं न्हापा यागु चर्य्य श्व खः धका सीकेगु । पुत्र पुत्री पिसं थुलि ज्ञान छल्ये लांका माँ अबु पिन्त दुःख विया च्वनि- थुमि जन्म जुया च्वंगु व्यर्थे धका शास्त्रे च्वया तगुदु । मुख्यनं गृहस्थि जीवने याय् मागु खः । गृहस्थि जीवमे स्वाचार धंगु दु । सुथे वहनी यज्ञ याना अग्निया भरोसाय् च्वना सकल वस्तु बुका शरीर यात पालन याय्मागु भोजर खः नया तोना च्वनि । जन्म जुइवं माँ नं थःगु शरीर या हिखः वुरू तोंका पालन याइ । माँ यात प्रतिपाल याइह्य अबु खः । माँ व अबु निह्यस्ये प्रतिपाल याइ करुणा तया पुत्र पुत्रीपिन्त ।

### मूल

यन्माता पितरौ सूनो ब्रह्माचार्य्य हुताशनः ।

त्रिवृत्ताषि पति स्तस्मा देत त्सेवा फलमहत् ।

### अर्थ

गुह्य सितनं माँ अबु निम्ह यात छां मलाकुस्ये हुताशन अग्नि आवाहन याना सुधे व वहनी यागु भोजन तयार जुइगु यज्ञ होम याना माँ अबुयात पालन पोषन याइ ।

हानं थमं थकालि पित्तनं अथ्येहे अलासी मचास्ये कचिगु वस्तु बुका नकी  
तोंकी वइत गृहस्थि जीवन या ब्रम्हचारि घाइ ।

थुजाम्ह ब्रम्हचारि आचार्य, हुताताशन अग्निदेव—त्रिदशाधि पति १३ भुवन या  
मालीक आदि बुद्ध, स्वयंभू, त्रिरत्न, बुद्ध, बोधि सत्त्वादि, आर्यतारा, लोकेश्वर, इन्द्र,  
माँ-अबुपि समेत तथा सपरिवार इत्यादि पित्त सेवा यानागु पुण्य आपालं दु ।

मूल

तन्माता पितरौ पुत्रः श्रद्धया सर्वदा मुदा ।

समभ्यर्च्यभि वन्दित्वा सुभोजनैश्च संभजः ।

अर्थ

माँ अबु पित्त काय्न् श्रद्धातया सबानं खुसिजुया वन्दन पूजादि नित्ययाना  
सुभोजनं सन्तोष याय्मा धंगु ज्ञान भजेया धका न्हापा जुया वंपि मुनीश्वरपिसं धया  
वंगु दु । हानं थःपिगु लाहि जन्म जूपि पुत्र पुत्री तथा सपरिवार पित्त माँ अबु पिसं  
अन्याय याय् मज्युः यात धाःसा लिपा थुमिहे दास दासी जुया दुःख भोग याय् मालि  
धकानं धया तगुदु ।

मुनीन्द्र भगवानं ध्ये आज्ञा जूगु न्यना बुद्धिमान् म्ह आनन्द भिक्षुं थ्व शास्त्र  
जगत् गुरु याके थ्ये विन्ति यात ।

भो भगवान् ! गुगुजा छलपोलं माँ अबु पित्त सेवा यात धासा आपालं पुण्य वइ  
धया विज्यात । माँ अबु सेवा यानागु या पुण्य भाव यानागु अथवा मयानागु या फल  
गथ्येखः । थन थुकीयागु खं नं छुं छगु निगु आज्ञा दय्का विज्यासा सकल या मन  
सन्तोष जुइ ।

थ्ये आनन्द भिक्षुं प्रश्नयागु न्यना भगवानं उत्तर विया विज्यात ।

मूल

आनन्दाहं सदा माता पित्रोः सेवा फलं महत् ।

धर्ममिति प्रचक्षामि संवर्णय न्समन्ततः ।

अपकारं फलंचापि तयोः पाप महत्तरं ।

इति हेतो रमान्यंवा कर्तव्यं किंचि बात्मजैः ।



## अर्थ

हे आनन्द ! न्हापा जिनं छगु जन्मस सदानं माँ अबुयात सेवा यानागु या पुण्य फल धर्म नं प्यख्येसनं कल्याण जुया च्वंगु छुं खँ जिनं कने त्यना । सेवा मयानागु माँ अबु यां खःगु खँ मन्यनागु या फल थुकियागु पापं दुःख सियागुनं अथवा काय् नं दुःख भोग यागु कारण लुमंस्ये वल ।

थुलि आज्ञा जुया थ्व मुनोन्द्र भगवानं सकभनं दिशाय् चोंपिन्त सोया बोध याय्या कारणे तापक च्वं पि सःता सतिक तथा आज्ञा दय्का विज्यात ।

हे भिक्षुपि जि न्हापा विवेक दुम्ह माँ यात उपकार (सेवा) यानागु खुसि जुया भक्ति यानागुलि सुःख जूगु । विवेक दुम्ह माँ यात खोय्कागु अथवा बिवेक दुम्ह माँ या वचन पालन मयानागु पापं दुःख सियागु थमं अनुभोग यानावयागु जिनं विस्तारं कने एकचितं न्य ।

थ्व खँ गथ्ये धाःसा, न्हापा काशीदेशे मुमित्र नाम छह्य महाघनि यको संपत्ति दुह्य महाजन छह्य दु- थ्वया पत्नी (स्त्री) कुलानी श्रेष्ठ जाति । धन संपत्ति आँपाल बु- विवाह यांना ताकालं दिन वने धुंकल सन्तान मदु । छन्हु निह्य सिया खँ जुल- थथ्ये हे जुल धाःसा थुलिमछि धन संपत्ति छँ बुं इत्यादि परया ल्हाःति लाइगु जुल घका ऊसुका तथा नुगः मछिका च्वन । थुगु इले पाशा छह्य वया धाल मित्रजु छाय् ऊलेजुया न्हकुतिका ऊसुकातया च्वनागु दुःख मनयाना च्वन छुःजुल सुना छुःधाल छुःयात जित कंसा फुगु उपाय याये । पाशां थथ्ये घास्येलि महाजनं धाल पाशाजु जित दुःख म्येगु मखुः छपिगु जि माँ अबु पिगु धर्म सकतां पूर्ण सन्तान छम्ह मदु थ्व संपत्ति छुयाय्गु जित अग्निसस्कार याइह्य पुत्र छह्य मदया दुःख मन याना च्वनागु ख । थुकिया उपाय दुसा कना थकि ।

थ्व खं न्यना पाशां उत्तर ब्रिल- थुगु विषय मनय् विषाद याय्म्बाः- गुलिसियां सन्तान यक्को दया दुःख- गुलिसिया मदया दुःख- गुलिसियां संपत्ति हीन सन्तान यको दु- गुलिसियां धन यको दु सन्तान मदया दुःख ।

छपिनि जक मखु- जिनं सन्तान मदुबले त्रिरत्न शरण पूजादि पाठ ध्यान दान व्रत आदि याना याका भाव यानावले लिपा पुत्र पुत्रीपि जन्म जुल ।

छपिनितं थय्ये यासा सन्तान दइ- देवं पुत्र पुत्री काःनाः घाः बइमखुः सकल ज्या सिद्ध जुइगु हे पुण्य घयागु नं थमं हे कमाय् याय्गु खः प्रथम श्रद्धातया त्याग चित्तं स्वां होइथ्ये मनयां स्वां होय्का वान वःलाकुसा मनोरथ पूर्ण जुइ ।

पाशां थय्ये धागु खं न्यना- जित थय्ये उपदेश बीपिं महु- आः छंहे थय्ये उपदेश बिल छ धन्य खः । जित सत्गुरु चूलाका ब्युः घया पाशायात सन्मान याना नका तोंका सन्तोष यात । पाशां भरोसा विया सद्गुरु चूलाका बिल । महाजनया स्त्रीनाप सल्हाः याना सद्गुरु पाख्ये उपदेश न्यना-दानपारमिता या प्रभांव त्याग चित्तं दान यात ।

(१) शील पारमिताया स्वभाव शील नियम स्वभाव शुद्ध जुया मन शान्त जुइका अहंखार मयास्ये मन शरीर पवित्र जुइका शीलयागु गुण धारण यात ।

(२) क्षान्ति पारमिता या गुण-अभिमान मयास्ये कोमल नम्रता जुया सहनशाले च्वना क्षमा धर्म म्हसीका मन शान्त जुया क्रोध लोभ द्वेष परयात निन्दा याइगु स्येखि घमण्डी इत्यादि मयास्ये-त्रिरत्न शरण-पूजा पाठ धारणी ध्यान व्रत आरंभ याना श्रद्धाया स्वां होय्का पुत्र लाभार्थे धर्मयात ।

थुलि षट्पारमिता या चर्य्यं भाव यागु दछि दस्येलि स्वर्ग भुवने विज्याना च्वंम्ह बोधिसत्व महासत्व छह्य कोहां वया- थुह्य सुसित्र महाधनी या स्त्री कुलानी देवी या गर्भे वास यावल ।

थनंलि गर्भवती जुयाह्य क्रमशः जिलादत गर्भेच्वंम्ह बालक जन्म जुल पुत्र लाभ जुल । थ्व पुत्रयात भिनकं प्रतिपाल याना रक्षा यात । पुत्र लाभ जुगुलि छे उत्सव याना योग्य पित्त दान याना हर्षयात । दानका, वपिसं बालक यात दीर्घायु जुइमा घका आपा सिनं आशीर्वाद विया वन । अनंलि खुन्हुच्वंका जिन्हु खुन्हु नामकरण याय्त जोतीष सःतो वन्धुबगं फुकीत निमंत्रणा याना पुरोहित गुरुद्वारा मागु पूजादि याना सल्हायाना अबुह्यसिगु बचन याक्ये थ्व पुत्रयात मंत्री कन्यक घका नाम यात । सकल यात मित्र भापा याय् फुह्य जुइमा- कुलया मत समान प्रकाश जुइमा दीर्घायु निरोगी सदानं जुइमा घयागु आशीर्वाद विया पुरोहित गुरु पिसं कलशाभिषेक बिल- मंगलकार्यया बौलाक ज्या जुल ।

यत्तंलि भोजन धुंका विदा कया सकलें लिहाँ वन । मिगु दुरु तोंकिह उपमाता  
धाइ तया थ्व बालकयात रक्षा यानालि खुला दस्येलि कुल देवता दर्शन याका अन्न जा  
नका कुल व्यवहार या ज्ञ्या नं सिधयकल ।

न्हिन्हिसिया थ्व कुमार या शरीर पुष्ट जुया अतिनं लक्षणं पूर्णम्ह जुया बांलाना  
वल । न्यादे दस्येलि गुरुयागु पाख्ये लिपि विज्ञानं प्राप्त जुल । १२ वर्ष दस्येलि  
विधानं वांलकं अध्ययन याकल । थुगु वृद्धते सुमित्र सार्थपति थः स्त्री नाप सल्हायाना  
वंजापि मुंका काय्यात मागु खँ ल्हाना रत्नाकर थ्यंकवना धन साधन याय्गु तृष्णा  
याना शुभ वेलास मंगल याना थःगु छँ नं पिहाँ वन ।

थाय् थासे बासयाना नेगु व्यवस्था व्यापार पालाका गमन याना ववं लछि पुला  
वस्येलि तःव्यांगु तःजागु खुसि पुला वनेमागु थासे थ्यन । माफियात सःता थुगु नदी  
तरे यानाव्यु धकां दस्तुर नं विद्या सकलें द्वंगास च्वन । माछि खँ न्यंकल थौं सुपाय्  
नं तोपुया तल खिउंस्ये च्वं नदीस वनेगु थिक मजुः तस्सकं फय् वइगु संभव दु कन्हे  
जक वने मालि ।

माफि धासानं खं मन्यंस्ये वनेगु इच्छा याना थौं हे वनेमाल धका  
च्चेकल । माफि ह्याः धाय् मफुः तःगोगु द्वंगास जाय्क तया नदीस द्वंगा न्ह्यांकल-  
दथुइ थ्यंवेले गोःफय् वया द्वंगा नदीया लःधा लिस्ये वना ववय् थ्यंक यंकल- माफि  
उपकार याय् मफुत ।

छंगास च्वना वपि सकसिनं थःथः कुलशेश्वर देवतादि त्रिरत्न नाम कया ग्याकल-  
द्वंगा फाना पुला सकलें मदीस कुतुं वना च्इ कयंका वियत्तां जुल सकलें मृत्यु जुया  
गनं गनं लात ।

माफि छम्ह लखे ह्यिते सःपि जुया छथाय् लोहुं वःकया गोःफय् दिस्येलि नदी  
तरेयाना म्येगु थासं थःपिगु थासे थ्यंक वल । द्वंगानं गन गन जुल । धयां खं मन्यो पि  
जुया सकले अकालं मृत्यु जुइमाल धका दुःख ताया माफिपिसं थय्ये जूगु खँ सुचित्र  
महाजन या छँ सूचना थ्यंका विल ।

कुलानी महाजननीनं थः स्वामी (भात) नदीस कुतुं वना मृत्यु जुल धया हःगु  
खबर न्यना विलाप यात । पुत्र मैत्री कन्यक कुमार नं अबु सित धया हःगु खं न्यना  
तस्सकं खोल ।

थुगु खबर वंजा तय्गु छैन थ्यन । थःथःपिनि भात काय् अबु दाजु किजा पि  
मदुगुलि नुगः मछिका खोया च्वन ।

सकल या थथ्ये खोया जक च्वनानं मजिल धका धैर्यं याना सकलया थःथःपिगु  
छे मामागु तालं शुद्ध याय्मागु ज्या सिधय्का शोक मयास्ये धीर याना दुःखं च्वनेयु ज्या  
समाप्त यात ।

थनंलि माँ काय् निह्य ब्रिया गृहस्थि व्यवहार यागु ज्या ! याय् धुंका कमाय्  
याय्गु दिना च्वन । थथ्ये दिन ववं मैत्रीकुमार ल्याय्हा जुस्येलि मातृभक्ति जुया माँ  
सेवा यात ।

सुथ न्हापां दना माँ यात तुति भोः पुया नोःतुइ धुंका तिनि म्ये पित्त खँ ल्हाय्गु  
चलन यात । अनंलि पति व्रता स्त्री नं भात यात सेवा याइथ्ये मैत्री कुमारं माँ तात  
सेवायाना मातृ भक्ति जुया च्वन ।

माँ यात थमं भोजन तयार याना थःगु ल्हाति नके धुंका तिनि थः नइगु । थमं  
नयागु चिपं माँ यात मनकुस्ये माँ यागु चिप थमं नइगु । थःगु चिप भाडा थल इत्यादि  
थमंहे सिला माँ यात छुं हे ज्या मया कुस्ये माँ लुकुंछिना तले कुने यंका सागु बस्तु  
जक माँ यात नकातोंका सन्तोषयाना वहनी माँ यात थ्वना तिनि थः छनीगु । माँ नाप  
खँल्हाइ वलेनं मुसु मुसुं न्हिला नम्रता जुया नाइस्ये चोंक वचन तया खा चःकंका खँ  
ल्हाइगु । माँया भातमन्त धका दुःख तायेंमते अनित्यगु संसार थ्व छीगु शरीर समेत  
मदया वनीनिनिगु नित्यगु बस्तु छु मदु । फुकं तोता याकचा वने मानि । पाशा वइपि  
धर्म व पाप निम्ह जक ल्यु ल्यु वइगु धका धर्मशास्त्रे धयातगु जिनं वोना  
च्वना ।

थुजागु खँ माँ यात वरावर कना तच्चतं माँ भक्ति जुयां सेवा याना च्वन ।  
छन्हु माँह्यस्ये पुत्रयात थथ्ये धाल- हे सुपुत्र । छं जित थुलि तच्चतं सेवायाना गृह  
तपस्या यात छवना जि खुसि जुयागु खँ ल्हानां साध्य मजुः छंगु मनोरथ छुखः पूर्ण  
जुइमा । थथ्ये धया पुत्रयागु शिरस रस्वक बुबुस्थाना धाथ्ये याह्य काय् पुत्र रत्न छवः  
(धया न्हिला दिव्य भोजन (दुरु धौ फल) तया सन्तोष जुइक नकल ।

दिव्य भोजन घयागु- ला न्या हि मदिरा पालुगु छायागु फाकुगु पांगु नवगु पुलांगु  
बस्तु मखु । थुजागु भोजन याका सन्तोष यासानं गप्पेजा पुलु पुलुं मत घयागु ध्ये जक  
फल वड ।

तःप्वागु मतथ्ये फल दइगु दिव्य भोजन खः मधि फल दुरु धौ ध्यः कस्ति साख  
(पंचामृत) धाइ न्याता अमृतं युक्तगु सुगन्ध नस्वागु यात धाइ क्षीर जा भोजन बुद्ध  
बोधिसत्त्व आर्यतारा वसुन्धरा लोकेश्वरपि महात्मा साधु महर्षि विद्वान् आचार्य  
पण्डित पिगु आहार खः धका तथागत पिगु वचन तःतः धंगु ग्रन्थे चवया तगुदु धका  
सत् गुरु पिसं कंगु जिनं न्यना तयागु दु ।

हे पुत्र छनं सोका थुजागु मात्र आहार यात धाःसा थ्व मां सेवा यानागु पुण्य  
पूर्णरूपं फल लाइ । मानं हानं धाल हे पुत्र ! छ जन्म मजुनि वले सन्तान मदया  
त्रिरत्न शरण नाम कया व्रतयाना थुजागु दिव्य भोजन जक दान याना थःपिसनं नया  
सोकेश्वर बुद्ध बोधिसत्त्व पित्त भाव यानागु पुण्यं छ जन्म जुल । छं अबुया पाशा  
(त्वाय्) नं उपदेश विद्या सद्गुरु पाण्ये दान धर्म याकल । छनं थुजाह्य त्वाय् पाशा  
संगतया थ्व मांनं धागु खे लुमंका सेवा याय्गु सो ।

हानं छन्त बालावस्थाय लिपि विद्या स्यना तह्य गुरु भक्ति जुया सेवा याय्गु  
विचार या । गुलि मूर्ख तय्सं थः तमातले जक गुरु धका सेवा याइ । लिपा थः सलकि  
थतः ज्यां छिनकि गुरुयात तुति ज्वना कोथलेत गोसा याइ थुजापिन्त दुर्विज्ञेय मूर्ख धाइ  
लिपा थुपि पापि जुया न्हागु ज्या यासानं असिद्धि जुया सोंयां सोय् मयका सिनावनि  
जल ग्रह (लखे च्वनीह्य) गोंजु सोंजु जुया ताःकाल दुःख भोग याइ ।

हानं थःत ज्ञान विद्यातह्य प्रथम गुरुयात द्वेषयाना गुरु या शत्रु नाप भुले जुया  
न्हापायाम्ह गुरु यात शत्रु भापा याइ । थुजापिन लखे च्वनीपि जलग्रह जुया ताकालं  
दुःख भोग याइ ।

मूर्ख जक मखुः परम मूर्ख जुया थुजागु ज्या याइपिगु संगत याय्मते । छु याय्  
छ १२ वर्ष दुवले परदेश विज्याह्य छं पिता जि स्वामी स्वर्गवास जुल ।

छन्त स्यने कने वांलाक याय् मफुत थ्व मांनं धयागु उपदेश बुद्ध बोधिसत्त्वपिगु  
वाचा चोयातगु ग्रन्थ निनं न्हापा न्यना तयागु खः ।

गृह धर्म खः अबु आजु अजाजु- मां अजि तोपा अजिष्वयानं च्वे चोपि- हानं क्वे च्वोपि फुकयात सुखः जुइगु ज्या खं याना धर्म याइह्य यात कुलदीपक, वंशमक्ति कुले तःप्वागु मत च्याकुह्य सुपुत्र धाइ । छनं वांलाक विचार या ।

थथ्ये मांनं उपदेश व्यूगु धर्म शास्त्र नीतिशास्त्र या खं तच्चगु नियम खः धका सीका काय् नं मां यात विन्ति यात ।

भो जननी (मां) छपिसं उपदेश व्यूगु जिनं अध्ययन याय् धुन । हानं जिनं छगु खं विन्ति याय् न्यना विज्याहुं मां अबु धयापिसं- थःगु हि जन्म जूपि काय् ह्याय् पिगु ला हि खने दय्क अथवा खने मदेक नया काय् या कला भौमचा पित्तसमेत दुःख विल धाःसा, थुजापि नं पापिपि मां अबु खः ।

जुजापि सिना बनीबले काय् नं ह्याय् नं छे नं भौमचां उपकार यांमा थुपि स्वर्ग, बनी मखुः । धमं यागु भोगं जलग्रह लखे च्वनीपि जन्तु जुया ताःकालं दुःख भोग याय्माली धका ग्रन्थे चोया तगु नं जि बोने धुन ।

काय् ह्याय् पिसं मां अबुपि सेवा याना धर्म याइथ्ये- मां अबु आजु-अजि धापिसंन- काय् ह्याय् भौमचा छेपित्त दुःख मयास्ये सुःख ज्वीगु ज्या सेवा याय्मा । जलग्रह जुइ मखुः स्वर्ग लोके वास याइ सुःख जुइ । थ्व गृह तपस्याया धर्म खः ।

थुगु प्रकारं काय् मां निह्य सिया तार्जति खँल्हाय् धुस्येलि आनन्दं वास याना च्वन । छन्हु मांनं धाल- पुत्र छ ल्याय्ह्य जुल विवाह याय् माल ।

काय् नं लिसः विल- मानं धागु खँ खः । विवाह याय्त अबुंथ्ये धन साधन काय् फय्केमा- अबुं थुलि उलि धन कमाय् याना, वन धका जिनं मस्युः । जित मांनं आज्ञा दय्का विज्याहुं ।

पुत्रं थथ्ये खँ न्यस्येलि- माँह्यस्ये विचार यात । अबुं रत्नाकर वना धन साधन यात- निकगु पतकस समुद्रे कुतुं वना सित धयागु खँ न्यने माल । कने धाःसा अबु याथ्ये जिनं याये धाइ- अबुथ्ये थ्वनं समुद्रे कुतुं वन धाःसा छु याय्गु । थ्व खँ कनेमखु धका चिन्तना याना थथ्ये कन ।



हे पुत्र ! अबु ष्ये धन साधन याय्त छे' च्वनानं अनेक व्यवहार याय् ज्युः । गनं परदेशे वने म्वाः ।

मानं धय्ये धागु खं न्यना- मैत्री कुमारं बजारे वना का कपाय् काप इत्यादि ज्याम मुत्तु सुका या व्यापाद याना धन साधन यात । कमाय् यानागु धन फुकं माँयात लः ल्हाता च्वन ।

छन्हु बन्धु वर्ग (फुकीतेसं) धाल- हे मैत्री कुमार ! छं अबु यागु नां यात मलोगु व्यवहार यात, याय्मते- गुबलें छं हासा दाला दोक नं मिया च्वंगु खना- थुजागु ज्या ज्या याय्मते- छं अबुं थ्ये रत्नाकर, वना महाजन जुया च्वय् लागु व्यापाद याय्मा भलेतिनि छं कुलदीपक पुत्र जुइ ।

थुजागु तालं ज्या याना च्वंसा जन्त सुनानं पत्थार याइ मखु । थय्ये धागु खं न्यना मने गरख्येस्ये च्वंका विचारयात खगु धाल । जिनं छक परदेश वना धन कमाय् याना हया धर्मनं याना नां तये । थय्ये चिन्तनां याना छन्हु माँया न्होने च्वना विन्ति यात ।

भो माता ! जिनं छगु विन्ति याये त्यना छुः धासा अबुजुं थ्ये रत्नाकर वना धन सा धनयाना वये विदा विद्या विज्याहुं । थय्ये पुत्रं विन्ति यागु न्यना काय्या खाः सोया उत्तर विल ।

हे पुत्र ! छ नकतिनि या उमेर तिनि अनुभोग मदुनि लिपा अनुभोग दया उमेर नं आपा दइबले हुं । भाः थय्ये वनेमते जि याकचा जुइ छं विवाह सिमधनि, छं अबुनं रत्नाकर व्यापाद या वंवलें द्वंगाया चोना बह्य द्वंगा फाता पुला नदीस कुतुं वना मृत्यु जुल, म्येपिन सकलें सित ।

आः छनं वने धाल अय्येहे जुल धाःसा छु गति जुइगु, वनेमते छे च्वना मामागु ज्या याना नया जीवन हना चों ।

थ्व खं न्यना काय् नं उत्तर विल- छक संभवं द्वंगा फाता पुल धाय्वं हानं हानं जुइगु मखुः । म्येपिनं बराबर वना च्वंगु हे दु छुं नं मजुः जिनं वने त्यना गना विज्याय् मते जिगु इच्छा पुरे याना विज्याहुं ।



जिनं वंजाल पि मुंका थिक याना तय् धुन जि मवंस्ये मजिल मानं छुं धन्दा  
काय्म्वा- याकनं विदा फोने । अबु आजु पिसं कमाय् याना तगु जक नया फुकीह  
कुलदीपक पुत्र मखुः जि कुलदीपक जुइ त्यना ।

मूल

पतित्वा तत्पदं भोजे रुदन्त्येव ममाषत ।  
पुत्र मां मापरित्यज्य गच्छरत्नाकरे ऽम्बु धौ ।  
यावन्मे विद्यते प्राणं तावत्तिष्ठ मयासह ।  
एवं मयोच्य मानोऽपि धृतोत्साह महामतिः ।

अर्थ

थुगु अवस्थास धीरयाय् मफेका गोतुला माँहस्ये काय्तात तुति भोः पुइथ्ये  
सना खोया धाल । हे पुत्र । ! जित त्यागयाना समुद्रपार तरेयाना वनेमाथाय् रत्नाकरे  
हुँ धका धाय्गु जिनं फइमखुः ।

जि गनतक म्वाना चवन अनतक छेँ छ चवने माल थालिधया तःचवतं खोल । थथ्ये  
माँ खोसानं बुद्धिवन्तह्य मैत्री कन्यक कुमार रत्नाकर वनेगुलि उत्साह जुइका जिवने  
मखुत मधा ।

मूल

मातुः पादौ शिरहृत्य संप्रस्थितो व्रजगृहात् ।  
मातु भैक्ति स्वपुत्रेदं विपाक कस्यकर्मणः ।  
इत्युत्का विलपन्तो सा निपपात महीतले ।  
मातरं तां समुत्थाप्य नत्वा स सहसा चरत् ।

अर्थ

माँ या निपा पालिसं थःगु शिरदिका प्रणामयाय् धुँका थःगु छेतं पिहाँ वनेत  
तयार यात । मातृ भक्तिह्य थः काय्तात स्वया थथ्ये धाल- हे पुत्र ! माँ यागु वचन  
मदय्कं वने त्यन कर्मया भोग पाक जूगु सुनानं पने फइ मखुः ।

थुलि धया मांहा कुलानी देवी पृथ्वीस चतावाना गोःतुला खोया च्वन । मां  
यात ज्वना थना हानं प्रणाम याना हतासनं गमन याना वन । मांहा हिकहिक याना  
धैर्यरूपं कोथास गोतुला च्वन । गमण याना प्याहाँ वंहा कुमार या वंजालपि नाप  
ववं थःगु देशं पिहाँ वना थासे थासे बास च्वना ग्राम पवंत देश पुला वने धुस्येलि  
द्वंगास च्वनेमागु वहे नदीस थ्यन ।

माफियात सःता धाल- माफि दाजु- जिपिं सकल यात थुगु नदीनं पारयांय्  
माल । रत्नाकर वने धका वया याकनं द्वंगास तथा पार याना व्युः । थथ्ये धास्येलि  
माफि खुसि जुया द्वंगास सकलें तथा थःनं च्वना नदीतरे पाय्त द्वंगा न्हाकल ।

मूल

तत्र सानो गंता मध्ये बहोत्यातां निला हता ।  
खण्डी भूता विभिन्ना भू द्विलोलिता निराश्रया ।  
तत्र ते वणिजः सर्वे निपतिता महाम्बुधौ ।  
संस्मरन्ते त्रिरत्नानां प्राणं त्यक्ता दिवंपयी ।

अर्थ

उगु अवस्थाय् नदीया दध्वी थ्यंवले द्वंगा माफि यागु बसे मलात । तच्चतं  
उत्पात जुइगु गोःफ्य् वया द्वंगा लःघा लिस्ये मवंस्ये चाक हुला द्वंगा तज्यामा  
बाकुदला लखे दुवे जुल । द्वंगास च्वना वपि वंजात सकलें ननी कुतुं वना सकलया  
म्वाय्गु निराश जुया त्रिरत्न नाम कया मृत्यु जुया स्वर्ग वास जुल ।

मूल

मैत्री कन्यक श्रृंकोऽसौ धृत्वाच्च फलमुत्तरन् ।  
सनै स्तीरं समुद्गं मय पश्य न्महीतले चरन् ।

अर्थ

मैत्री कन्यक छह्य बाकुदगु द्वंगा ज्वना (कर्णधार) माफि नापं च्वनावह्य जुया  
माफिनं घेःपुना लंखस लापा कया बलात्कारणं नदीया सिथे थ्यंका विस्तारं पारतरे याना  
प्राण वचे जुइकल माफि थःगु थासे वन- मैत्री कुमार याकचा गनवने गनच्वने जुल  
न्हकुस ल्हाःतया खोल ।

मांनं वनेमते धका गंगु खः मां या वचन लंघन याना वयागु या फल युजागु  
उपद्रव जुल । मां यात खोय्का वयागु दोषं नदी कुतुबना मृत्यु जुइ त्यन । मां यात सेवा  
यानागु पुण्यं मृत्यु मजुल धका खोखों त्रिरत्न नाम कया पश्चिम दिशा सोया  
गमण जुल ।

मूल

तत्र स प्रचरन् दूरा द्वर्शं नगरं महत् ।  
तत-रामाः सुभद्रांगा श्रतस्त्री दिव्यरूपिकाः ।  
निर्गता स्तमुपायातं समीक्ष समुपा चरन् ।  
कान्ता स्ता अतिसौन्दर्यः समीक्ष्य मैत्र कन्यकः ।

अर्थ

भिक्षा फोना नया ववं दूर देश पुला वने धुस्येलि छगु स्थाने तःधंगु नगर खना  
मनस हर्ष जुइका वन । थुगु वखतस सुन्दरी सुलक्षणो दिव्यरूप अप्सरा प्यह्य स्त्रीगणपि  
थःगु क्यवे चाहुला वपिसं अतिर्न बांलाह्य थ्व मैत्री कन्यक कुमार याकचा लें वया  
चवंगु खन ।

सुन्दरीपि युवती स्त्री प्यह्यस्ये आश्चर्य्य जुइका ताउतिनं स्वया च्वन । न्होने  
थ्येस्येलि अप्सरा देवी पिसं न्हिला धाल । भो महाभाग ! छपिनि कुशल जूला, गन  
विज्याय् धका थन थ्यंक वयागु याकचा वल धर्मं मदुह्य थन वय् फइ मखुः । छपि  
धर्मया शरीर सुपुरुष खः विज्याहुं ।

थन दिव्य सुन्दरी अप्सरापिगु थाय् खः । जिपि प्यह्य तता क्यहेपि दिव्य कन्या  
मिसा या जीवन थ्व हे खः पुरुष मदुनि । जिमिगु भाग्य तथा छपिगु नं भाग्यं थन  
थ्यंकवल । नाप लात छपि विज्यागु खना जिपि खुसि जुया लसो वयापि खः । जिमिगु  
छे विज्याहुं थुलि धया थःपि च्वनेगु रमणीय अतिनं बांलागु छे बोना यंकल- राजा  
रानीपि आनन्दं च्वनीगु कोथा समानगु थासे तया स्वागत याना विविध प्रकार या  
दिव्य भोजन तयारगु न्होने तया छुं संखा मदु भया विज्याहुं ।

थन जिपि नापं च्वना विज्याहुं छपिनि इच्छा दुध्यं जिमिसं पुरे याना बी, छपि जिमि स्वामि भजे याय् । छपिसं जिपि पत्नी याना विज्याहुं । अनेक वस्तु नका तोंकां पुंका कोथा पत्ति यंका क्यना खुसि यात । थन मदु धयागु छुं मदु सकतां दु- जिपि प्यह्य नाप थकारलि निस्ये न्हिन्हि छपिनि यथ्ये मनोरथ पुरे याना ह्यिता विज्याहुं । गनं म्येगु थासे विज्याय् म्वाल । इत्यादि अनेक मोह क्यना तच्चतं प्रेम याना वसीकरण यात ।

मूल

एवं प्रभाषितां ताश्च निसंम्या सोऽनु मोदितः ।  
यथा हीति प्रतिज्ञाय सहसामिः समाश्रयत् ।

अर्थ

एवं प्रकारं थुपि अप्सरा पिसं धागु खं न्यना थ्व कुमार अतिनं हर्षमान जुल । अहो जि गुजागु थासे लावल धका थःथमं होस जुइका- छिमिसं धाथ्ये च्वने जुल छिपि पाशा याना च्वनेगु इच्छा दु धया थुपि नापं मन हर्ष जुइका च्वन ।

नन्दीस च्वनाबले सिगु दुःख या खं फुकं कना- उगु स्थाने नयां तोना दिव्य स्त्री गणपि नापं भोग याना च्वन लछि पुला वस्येलि मां लुमंका एकान्त च्वना विचार यात । जि थनजक च्वना मजिल गुलि च्वनेगु मां नं जि लुमंका गथ्ये च्वना च्वन जुइ । थुमित हेका लिहां वने माल थथ्ये चिन्तना याना घाल ।

अरे प्रिय स्त्रीपि ! जिनं छगु खं धाय्- जि छे भात मदुह्य मां याकचा गुगु धंगं च्वना जि याकचा काय् लुमंका खोया च्वन ज्वी । जि छक छेवना मां याके विदा कया हानं थन वये । थुलि धयां खं न्यंका चित्त बुजे याना विदा कया उगु थासं मंत्री कुमार बक्षिण विशा स्वया गमन जुल ।

मूल

तदा ततो विनिर्जता अष्टौ दिव्य कुमारिकाः ।  
तमेक समुपायात मुपेत्येवं वभाषिरे ।  
स्वागतं भो महाभाग कश्चित्ते कौशलं तनौ ।  
एहिपश्य त्वमस्माकं नगर मिदमुत्तमम् ।

### अर्थ

न्हिछि वने धुस्येलि उगु वखते च्याम्ह दिव्य सुन्दरी कुमारिकापिसं थ्व याकचा वया च्वंहा मैत्री कुमार खना न्होने वया थथ्ये धाल । भो महा भाग ! छपिगु शरीर कुशल जूला ! थथ्ये धया स्वागत याना प्रणाम यांय् धुका विज्याहुं थन जिमिगु उत्तम नगरे धया वोना यंकल । राजगृह समानं बांलागु छें कोथास तया च्याहा सुन्दरी दिव्य कुमारिका अप्सरा पिसं चाहुला न्हापा प्यहास्ये मोनयाथ्ये थुमिसनं तच्चतं माने याना भोजन याका नेगु त्वनेगु पुनेगु तीगु च्वनेगु छेनेगु इत्यादि भोग धाय्गु विया अनेक धन द्रव्य नत्त या तिसा बस विया खातास तया जिपि च्याहा अप्सरा पिनि पुछ्छ छपि जुल जिमित तोना म्पेथाय् विज्याय् म्वाल सदानं थनसं च्वना इच्छा थ्ये सुख भोग याना जिपि नापं च्वना विज्याहुं ।

थथ्ये धया मोह याना उगुथासे विज्याकल । मैत्री कुमारया स्वप्न थ्ये जुया आश्चर्य जुइका च्वन अहो थ्व संसारे गुजोगु प्रकारया चरित्र वयना तल धन्य धन्य धका मनहे सुख भोग याना वास यात ।

अन मोहं तोपुया तगुलि प्यदंतक च्वने धुस्येलि मां लुमंका ऋले जुया च्वन । छाप् छुः जुल धका दिव्य सुन्दरी स्त्रीपिसं दिन्ति यात । कुमारं खं न्यंकल जि थन च्वनागु प्यदं दत, व्यपारया वयाहा खः जिगु खबर न्यने मदया छें जि मां याकचा गथ्ये खोया चोन जुइ ।

जि अबु दाजु किजा तता वयेहे पि सुं म्दु— याकचा काय् जि थन छिपि नाप सुख भोग याना थथ्ये नया चोना जित पापं पुना लिपा दुःख जुइ । जित गनेमते जि वने विदा कया हानं वये धया खं न्यंका अनं विदा कया दक्षिण दिशा नातुं स्वया, वन ।

### मूल

ब्रजम् प्राप नन्दनाख्यं महादिव्य पुरं वरं ।

तदा ततः सुभ द्रांगा षोडशा प्सर सा मुदा ।

रामा विनिर्गता स्तत्र वद्शु स्तमुपा गतं ।

तं समीक्ष्य सुमद्रांगं सर्वा स्नाः प्रमथा मुदा ।

## अर्थ

ववं इन्द्रया नन्दन वव समानं बांलागु तःधंगु छगु नगर थ्ये जागु छे खना थन सुज्वना च्वंगु जुइ धका अन छहांवन- उगु बखतस अन दुने च्वंपि कल्याण याइपि सुन्दरीरूप अप्सरा किबुहा (१६) थः थःगु तालं प्रशन्न चित्त जुया च्वंपि खना स्वया ज्वन । थ्व सुन्दरीपिसनं थ्व कुमार खना लोवंका न्होने वया थथ्ये घाल । हे महाभाग पुरुष छपिनि कुशल जूला धया न्हिला स्वागत याना थकालिम्ह ल्हाः ज्वना दुने विज्याहुं ।- थन नन्दन नां जुया च्वंगु वैजयन्ति कूट्टागार समानगु सुन्दर जिमिगु छे सकभनं स्वया विज्याहुं धका सकभनं वयना छगु कोथास सयसिने (खतास) तया सकसिनं प्रणाम यात । मुख्यह्य स्त्रीनं थथ्ये विन्ति यात स्वया विचार याना विज्याहुं- थन मृतसं जीवनी वास दु चिन्तामणि रत्न सया, लुगजू स्वां अपामार्ग वास सिमा हलमा लुंदुगुचा ग्येरू अम्क फिपौ इत्यादि मुडिलो वासमा (तेमा) घाइ हानं राजवृक्ष इत्यादि चाहुला च्वंगु तःधंगु बववया दब्बी लागु छे तले यंका बांलागु कोथास दुने बांलागु भिगु तास तिनिहवा या बस्त्रं सहितगु खातास फेतुका विविध प्रकार या रत्नं सहितगु तिसा वसनं पुंका नेगु तोनेगु वास फल मधि बुरु धौ धयः कस्ति साख पंचामृतादि दिव्य भोजन न्होने तया भया विज्याहुं धया नुसिला विया भोजन याका ख्यायाना हतनं न्हिना आराम यात ।

हानं नाना प्रकार या पशुपंछिपि वासयाना थःथःगु स्वरं हाला च्वंगु वयवे यंकल । पलेस्वां उफोस्वां सहितगु पुखुलि लःहें ह्मिता च्वंगु हितितुं योका निर्मल लखं सहितगु थासे स्नान याका अनेक स्वांमा सिमा फल सया च्वंगु थासे यंकानं चाहुइका वयने यंकल ।

थःपि म्येहाला वीणा सितार बाजं थाना प्याखे हुला न्हिला ख्यायाना अनेक तालं अप्सरा तेगु स्वभावं सना हाला मोहं तोपुया न्हिन्हि थुजागु तालं सुखभोग याका मैत्री कुमार यात पालन पोषण याना सुख भोग याका तल ।

उगु थासेनं स्वदे तक वासयाना च्वने धुस्येलि छन्हु मां लुमंका फुलेजुया मनं खं रुहात । अहो छु हेतु जुल जित गन लाभगु जि धका अश्रय्यं जुया च्वन ।

दिव्य सुन्दरपिं छचालं च्वना छाप् जुले जुयागु छुः जुल इत्यावि अनेक खँ ल्हाना तवविया हेकल । कुमारं थःगु खँ पोंका घाल ।

अरे सुन्दरी स्त्री गणपिं ! जित गनेमते जि अबु मबु तता बयहें दाजु किजा धार्यापि मबु । याकचा काय् थन च्वना, भात मबुहा जि मां गथ्ये च्वना जि लुमंका दुःख ताया च्वन जुइ । छिमिसं विचार याना छक सो । जितनं छिमितनं पापं लिप्त जुया लिपा दुःख भोगयाय् मालि । अध्येया निमित्त जि छें ववे मानं हुं धाःसा हानं वये थय्ये खँ बुजे याना विदा कया उगु थासं पिहाँ वया दक्षिण दिशा पाख्ये गमन याना वन ।

मूल

तदा यतोऽमि निर्याता द्वात्रिंश दिव्य सुन्दरी ।  
तं दिव्य सुन्दरं कान्त मुपायातं समीक्षिरे ।  
समीक्षन्तं महाभागं सर्वास्ताः प्रमदा मुदा ।  
समेत्य समुया श्रित्य पश्यन्तं चैव मब्रुवन् ।

अर्थ

अनंलि उगु बखतस छगुथासे आपालं बांलापि स्वीनिह्य (३२) दिव्यरूप सुन्दरी स्त्री अप्सरापिसं थुहा तेजवन्तह्य सुन्दर रूप भाग्य दुहा मैत्री कुमार याकचा लें वया च्वंगु खना हताय् चाना न्ह्योने वया खाः स्वया अविनं खुसि जुया स्वागत याना विन्ति यात ।

मूल

एहि पश्यन्त मस्माकं प्रासादं मह बुत्तमं ।  
अत्र सन्ति मनोरम्या चालयाः संप्रसोभिताः ।

अर्थ

जिमिगु थ्य उत्तम बांलागु मनोरम बासयाय् ययगु कोथा यको दुगु छें दु । कोथा पत्ति रत्नसुवर्णया निसा बस अन्न वृही पानयाय्गु नय्गु फल रस रसायन अतिनं स्वाद दुगु वस्तु हानं अनेक दिव्यगु वासनं पूर्ण जुया चनन ।



छपिसं छुंघन्दा कया विज्याय्स्वाः थन जिपि नापं चवना योद्योगु नया तोना पुना  
तिया ह्मिता द्यना रसरंग याना जिपिनाप सुख भोग याना विज्याहुं ।

बाजं थाय्गु म्ये हालेगु वीणा सितार गितार अनेक पुयेगु प्याखें हुलेगु थाय्ने  
वीलांगु दु । स्वया विज्याहुं धया ल्हा ज्वना यंका सकभनं वयन । । अत्यन्तनं शोभाय  
मानगु मखमल तास तिनिखा नाइश्य च्वंगु पीठ (म्येच) स फेतुका दिव्य भोजन नका  
तोंका मानेयाना खुसि यात ।

### मूल

मातृ भक्ति युतां नृणां सौख्यार्थं मिमितानि हि ।  
तदं कृत्वा जनीं भक्ति मागतोऽसि सुखाप्तये ।


### अर्थ

थःत जन्म याह्य मां तथा अबु यात भक्तियाना वपि काय् म्हाय् पित्त-  
हानं पुत्र पुत्री पित्त रक्षा यामा वपि मां- तथा अबु यातनं सुःखभोग याकेया निमित्ते  
थन थुजागु छें दयका जिपि तया तल । छनं मां यात तच्चतं सेवा भक्तियाना च्वंह्य  
छः । उकीं थन लावल, अथ्ये मखुम्ह थन लावइ मखु ।

छपिसं छु इच्छायात उगु यक नया तोना जिपि लिस्पे सुःख भोग याना  
आनन्दं चवना विज्यासा छपिनि कल्याण जुइ । थय्ये धागु खें न्यना कुमार न्हिला  
चवन ।

हानं छम्ह स्त्रीनं थय्ये खें न्यंकल- हानं म्येगु थासे वनेगु इच्छायाय् मते छाय्  
धाःसा यमराजाया दिशा श्यनीन अन लातकि छ्यने नयागु अयोमय चक्र तया होका  
सास्ति याना तइ । थुगु थासे लापि पापित फुकयात थय्ये सास्ति याना दुःख विया  
तइगु- थुजागु थासे छाय् वनेगु सदानं थन हे चवना ऐश्वर्य्य याना भीं जुइ ।

अथ्ये धाःगु खें न्यना मैत्रीकुमार आश्चर्य्य जुइका विचार यात । थ्व खं खः मखुः  
स्वये दुसा जक पत्यार जुइ- थनजक सदानं चवनेजा मज्युः थय्ये चिन्तना याना  
चवन ।



मेजीकं न्यकक्रमाय स्यात्तुलयाउमय परदभवंस देवयागयमलाकथनऊ  
 लपित्द्राहीपापियाग भियअया मयचक्रहीका साक्षियानागगुस्वना सुह  
 यायमरु याउगुसासना किंनयधयाचक्रलिकवाथागुभियगगु चिय—



छन्हु यथे धाल अरे सुन्दरी नारोगणपि ! जित गनेमते— आ दक्षिण दिशास वना  
सोवनेगु इच्छा जुल सुःख दुःख फुकं जिगु कर्मया फलखः जिमग्या अवस्यनं वनेजुल ।  
थनसं ताकालं च्वना जि मृत्यु जुल धाःसा छिमितनं दुःख जितनं पापं पुना दुखहे  
जुइ । जि सित म्वानि धयागु खवर जि माँनं गथ्येयाना सीकीगु ओःतकनं मस्यूनि ।  
उकि जि वने त्यना थथ्ये धया खँ चित्त बुछेयाना बिदा कया उगु थासं पिहाँ वया  
दक्षिण दिशा स्वया गमनयाना वन ।

मूल

चतु षष्ठीपरि वृता कन्यारति सुखाप्तये  
एवं ध्यात्वाभि निश्चित्य समैत्री कन्यक स्ततः  
निष्कम्य दक्षिणे मार्गे संपश्य भ्रम्य गच्छत ।  
ततो दूरा दपश्यन्स दूरंप्राप्त मयोमयम् ।

लें थाय् थासे स्वया ववं कुमार या हानं विचार वल— प्यह्य च्याह्य णिबुह्य  
स्वी निह्य दिव्य कुमारी अप्सरा धापिगु थासे वासयाना वय्धुन ।

आः हानं खुइप्यह्य दिव्य कन्यां धापि अप्सरापि दुथाय् लाइगुला धका चिन्तना  
याना वन । ववं धाथ्ये खुइ प्यह्य दिव्य कन्यापि वया न्हापायापिसंथ्ये खँल्हाना  
स्वागत याना वोनायंका मनोरमगु छें तया मानेयाना तल ।

अन वयहि प्यहु मात्र च्वना छिमिसं धागु खँ न्यने मागुजा खः तर छिपि सकलें  
तता वयहेंपि तुल्य जुल जित दानु अथवा किजा समान याना दया कृपा तया नका  
तोंका सुःख बिल, थुगु पुण्यं आयासिनं सुखी जुइमा धका आशीर्वाद विया अन च्वंपिन्त  
चित्त बोध याना बिदा कया उगु थासं पिहाँ वना दक्षिण दिशा स्वया गमन  
याना वन ।

ववं तापाकं निस्ये खन— छह्य पापियात सिमा ववसं तया शिरे अयोमय  
(नयागु चक्र) दिका होका सास्तियाना तःगु थासे थ्यन । शिरे हि न्ह्यपु सोसो वय्का  
बिचेत नया च्वन । यम किकर वया अयोमय चक्रलिकया वासलं इला हानं न्हापाथ्ये  
तयार याइगु ।

यम किंकर निहस्ये श्व पापियात थथ्ये खँ न्यंकल थौं छगु मुहूर्त (घौ निघौत्या)  
वन गात, बासलं इला तरारी याय् धुन । आः कन्हे अयोमय चक्र छंगु शिरे तथा  
सासना याय्गु धका धाःगु खँ न्यना मैत्री कुमार आश्रय्य जुया च्वन ।

अहो गुजागु हेतु- दिव्य कुमारी तय्सं धागु धाथ्येख थन जिनं स्वयदत धका  
ऊले जुया जि थन लावल गन वनेगु धका दुःख मनयाना च्वन ।

यमकिंकर पिसं श्व कुमार खना थथ्ये धाल । हे कुमार छ तच्चतं वांलां तेज दु  
युवन्नावस्थातिति हानं सजीवं याकचा थन वल जिपिनं आश्रय्य जुल छ महापुरुष ख  
जिमिसं सिल ।

विना पुण्ययाकें थन वय् फइमखु छ गथ्ये याना वया- सुनां लं क्यना हल गय्  
वयागु थन छ च्वनेमते लिहाँहुं कन्हे श्व पापी यात सास्ति जुइगु खनीवले छ सूछा जुइ ।

यमकिंकरं थथ्ये धाःगु न्यना मैत्री कन्यक कुमारं थथ्ये बित्ति यात । भो यम  
किंकर जु! जिगु बित्ति न्य- जि थन वये धका वयागु मखुः व्यापाव यावयाह्य खः  
इत्यादि खँ छैन पिहाँ वया वले निस्स्ये यागु वृत्तान्त खँ कन ।

यमकिंकर धापि (यमदूत) पिसं विचार याना धाल । भो कुमार ! आमथ्ये  
जुस्येलि छ महा भाग्यमानीह्य खः जिमिसं वोना यंके थन वासयाना कन्हे लिहाँहुं ।  
छ गनं वयागु खः अनहे हुं । थुलि धया कुमार यात वोनां यंका छयाय् वांलांगु छें  
तया योग्यगु वस्तु नयगु बिया थःपिगु थासे वन ।

बिया थकुगु वस्तु नया कुमार अन वासयात- कन्हे सुथे जुल यमदूत पिसं विचार  
यावल । हितिस यंका स्नान याकल थः पिनिनं यात इले नल न्हिने जुल पापियात  
सास्ति याय्गु ई जुल । कुमार यात नापं हया छथाय् तल न्हिन्हि याय्थ्ये कुनातह्य  
पापि यात पित हया सिमा ववंसं तथा चिना छचने अयोमय चक्र सोचाका बिल ।

मूल

ज्वाल वलमितं चक्रं तस्य मूर्ध्नि परिभ्रमन् ।

तीक्ष्णं ददर्श वद्धस्य सत्करक्त प्रवाहिणः ।

स्व शिरः प्रशुतः पूय शोणि तै निहितासनं ।

तं दृष्ट्वा तीव्र नीर्वेदा दवद न्मैत्री कन्यकः ।



अर्थ

मिथ्ये च्याना अयोमय चक्र थ्व पापीया शिरे हिला हि न्ह्यपु सोसो वया च्वन ।  
पापिया तीव्र वेदना जूगु- मैत्री कन्यक कुमारं खना सहयाय् मफय्का खोया घाल ।

मूल

कस्त्वं क्रूर व्यथा क्रान्त कस्येदं कर्मणः फलं ।

पृष्ट तेनेति कारुण्य पुरुष स्तमभाषत ।

अर्थ

छ सुःख तच्चतं सहयाय् मफेक सास्ति जुल गुजागु व्यथा (रोगं तोपुल) छन्त थ्व  
दुःख जूगु फल छु कर्म यागुलि खः थय्ये कुमारं न्वस्येलि थ्व पापि पुरुषं विन्ति यात ।

मूल

मातुः कृतापका रोज्हं तस्येदं कर्मणः फलं ।

एतदाकर्ण्य स रासि पापसंवाद संकितः ।

विचिन्तय ममाप्यस्ति पापं मातुः कृताश सः ।

अयं पापा सहा ध्यायी दृष्टसारण कृन्मया ।

अर्थ

पति बताह्य माँ यात मखुथ्ये खोय्का हाय्का दुःख विया मभिगु मसागु नका  
माँनं खंक भिगु सागु थमं नया- अथवा दानं लाका माँ यात अपराध अयोग्यःगु ज्या  
याना याका याके विया वयागु कर्मफलं थौं जित थुजागु दुःख भोगयाय् मागु सास्ति  
याना तल ।

थय्ये धागु खँ न्यनां- थ्व मैत्री कुमार यानं छुं पापयानागु थय्ये संखा जुल ।  
जिनं माँनं वने मते धका खोया गंक पिहाँ वया थ्वहे पापं थन लावल । जितनं थय्ये  
हे सास्ति याइगु कर्मफलं थन घाना हगु जुइमा ।

थय्ये पाप या सहायता (पाप याह्य पाशा) नापं च्वना भोग याय्मागु जिनंखन ।  
थ्वहे लुमंका भाः थनहे जिनं भोग याना वने । थय्ये निश्चय याना-माँ यात दुःख  
विया सिना बह्य पापि यात सास्तियाना तगु थन थ्वयागु मर्मवेदना मदय्केत उत्साह  
याना अयोमय चक्र लिक्का जितति धका मैत्री कुमारं यम किकर दूत पिन्त घाल ।

यम किकर दूतपिसं ताउति ख्वाः स्वया श्व मैत्री कुमारयात लिसः विल ।  
 भो कुनार ! यमराजा यागु बचन मदय्कं जिमिसं योयोथ्ये सनेमज्युः । मुनां छुःपाप  
 यात उह्यायात कर्मानुसारं भोगयाय् मागु खः । सुना धर्मयाना वल उह्यायात भिगु भोग  
 याकि । थःथःगु पाप पुण्यया फस थमं थमं हे याइ । थथ्ये धागु खं न्यना मैत्री कुमारं  
 पापियागु शिरे तथा हीका तःगु अयोमय चक्र थमं लिकया थःगु शिरे तथा— श्व पापि  
 यात सास्ति याय् गात, श्व यागु पाप भोग जि याये जिनं मां यात खोय्का  
 घयाह्य खः ।

मातृ द्रोहया फल पाप भोग आःहे याना फुके धया थःगु शिरे च्वंगु चक्र थमं  
 हीका सहयाना सास्ति नल ।

मूल

दीप्तं तच्चक्र मध्ये तन्मैत्रीकन्यस्य मस्तके ।

तच्चक्र ममरादीप्तं वह्नि ज्वालाभि भाषितम् ।

अर्थ

मैत्री कन्यक या छ्यने च्वंगु अयोमय चक्र हिला च्वंगुयाकें मि पिहाँ वया न्हापा  
 सास्ति नया च्वंह्य पापियाथ्ये सास्ति नगु यमकिकर पिसं स्वया सहयाय् मफयालि  
 काय्त्त सन हीका तसानं वाकूछिना सहयाना लिकाय् स्वाःधका इसरा बिल ।

मातृ द्रोहि पापिया आनन्द जुइका स्वया च्वन तथापि पापि पुरुषं मनस भापिल  
 अहो गुजोह्य करुणावान् परया वेदया सहयाय् मफय्का थमं वेदनानया परयात आनन्द  
 याइह्य श्व महापुरुष यात प्रणाम धका तुति भोः पुया विन्ति यात । छपि धन्य २  
 महापुरुष खः जिगु वेदना लिकया थमं कष्ट नया जित आनन्द याना विज्यात ।

जिगु वेदना जिहे नये लिकया जितनातुं तथा विज्यासा योग्य जुइ । थथ्ये  
 घाःसां लिमकास्ये असह्य वेदनां जुइका च्वन लिपा गोःतुला मूर्छा जुइकल ।

यम किकर (दूत पिसं) मैत्री कुमारया मस्तके च्वंगु चक्र लिकया वासलं बुला  
 वा नतोंका मूर्छा जुया च्वह्य यात चेतना दय्का लः तोंका थना प्रणाम याना विज्यात ।

भो महा भाग ? महापुरुष करुणाधारी खः छपि सुःख । जिमिसं ह्यमस्युः छपिगु  
 परिचय यम राजायात न्यंकेत्य ना थुलि धया यमराजा यात खबर बिल ।



यमराज चित्त गुप्त विज्याना मैत्रीकुमार या खवाः स्वया आज्ञा जुल । ब्रह्मोत्तर नाम छें अप्सरा पिसं सेवाया का चवने धुंकूह्य हानं थनयम पुरे वया गुजोगु आश्चर्य ज्या याना वयन् द्वल्लिक तक धन्य दुः ।

अयोमय चक्र पापियाके लिकया थःगु मस्तके थमंतया परया वेदवा खना सहाय्य मफुह्य परया दुःख लिकया आनन्दयाना थमं वेदना नय् मासानं दुःख मतास्ये वेदना नया परयात उद्धार याइह्य बुद्ध बोधिसत्व खः । हानं थन यमपुरे सामान्य मनुष्य सजीवं वय्गु समर्थ मदु । बोधिसत्व महाभाग करुणायमाण मखुम्ह सिनं थुलि करुणा तथा परयात उद्धार याय्गु समर्थनं दइ मखु ।

साधु २ करुणा चित्त बोधिचित्त मैत्री कन्यक कुमार धन्य प्रशंसां दु । थ्व पापी यात थनिनिस्स्ये थ्व अयोमय चक्र शिरे तथा सासना याय्गु गात । मैत्री कुमार छं सास्ति नय्गु म्वाल थ्व यातनं सास्ति याके मखुत ।

छें छं मांनं लुमंका चवन याकनं छें हुं न्हापाथ्ये मातृ भक्ति जुया चवं हुं छें थ्यंक यमकिंकर पिसं तय्के ह्ये । थुलि यमरामां आज्ञा जुल । यमराजा जटाधारी लोकेश्वर यात नमस्कार याना यम किंकर नापं मैत्री कन्यक कुमार लिहाँ वया म्येगु हे लें क्रमशः नदी तरेयाना व्यूह्य माफि नाप लाना संतोष जुइक शिलपा विया नदीतरे याना अबु व पाशापिगु नामं श्राद्धया अर्थ खः श्रद्धा पूर्वकं दानयाना अनं लिहाँ वया थःगु छेक्वे थ्यंकवल ।

पाशा वह्य यमकिंकर (यमदूत) विदा कया लिहाँ वन तुरन्त लोप जुया यम लोके थ्यंकवन । मैत्री कुमार मां धका सःता थाहाँ वन न्हिने सिया स्वंगु प्रहर जावले थहाँ वह्य पुत्र खना घेः पुना ताउतिनं प्रीतियाना न्हिला खुसि जुल ।

काय् नं मां यात तुति भोः पुया विन्ति यात । मां यात खोय्का पिहाँ वनागु अपराध क्षमाया धका माफि फोन माफि जुल धका मानं काय्तात माफि बिल । तथाऽस्तु याना छें नं पिहाँ वना गथ्ये छु छु जुगु ख । थमं अनुभोग याना वयागु ज्या खें फुकं मां यात खें कना नेगु तोनेगु ज्या सिधय्का वंजाल पिनि जहान सकल निमंत्रणां याना गोःफेवया नदीस द्वांगा फाता पुला जुगु घटना फुकं खं कना द्रव्य (धयवा विया) सन्तोष याना धैर्यकाका लिछोया न्हापाथ्ये मातृ भक्ति जुया चवन ।

छन्हु काय्या सुन्दर ऐश्वर्य रूप खना माहस्ये न्हिला धाल । हे पुत्र छ ऐश्वर्य बान्ह्य खः । जि भात मडुगु लोमंक जित सेवा याना छुं दुख मतास्ये कुलपुत्र जुया च्वन । जि छखना खुसि जुयागु बयान याना साध्य मजुः । जन्म जन्मे छं दुःख मजुस्ये सुखं श्रयानन्द महामंगल जुइमा हानं छगु खँ घाय्त्यना छखना जि तस्सकं करुणा बन, जि नकों जुया वल छं जित जक सेवा याना च्वन । छनं लिपा वृद्ध (बुधा) जुया बइतिनि छन्त सुनां सेवा याइगु छं विवाह याय्गु छुंहे वास्ता मया जि दुवले याकनं विवाह याना छे यागु ख्वाः स्वय्गु मन हताय चाल । कुल व्यवहार स्थीर याय्गु नं सो ।

जि मृत्यु जुइ बले अग्नि संस्कार याना मामागु ज्या याइह्य छ खः । छ मृत्यु जुइबले सुना याइगु । मांया खँ न्यना याकनं विवाह याय्त कुत या ।

युगु प्रकारं मां नं घागु खँ न्यना खुसि जुया तुति भोः पुया कायनं विन्ति यात । सो माता (मां) काय्या उपरे करुणा तया विवाह या घया विज्यात याय् मागु खः ।

जिगु विन्ति न्यना विज्याहुँ । अबु दिवंगत जुल— अबु वनिगु जुसा मां यातथ्ये सेवा याना च्वनेगु अवश्य खः । छुयाय् अबु स्वर्गवास जुल मां छह्य सिगु न्होने च्वने बया जि खुसि जुया च्वना श्व जिगु भाग्य छः ।

अबु मन्त युगु जन्मस मां छह्ययात सेवा भक्ति याना च्वनेगु इच्छा याना । विवाह यातकि थुलि एक चित्तं मां यात सेवा भक्ति याय्गु ब्रत छख्ये लाइ ।

मूल

सत्योपमं नास्ति तप स्त्रिलोके  
त्यत्कापि हिंसा सदृशोऽपि धर्मः ।  
गुरु गंनीयान्न पितुः परोऽस्ति  
मातुः परं दैवत मस्ति नान्यत् ।

अर्थ

सत्य समान उपमा बीगु त्रिलोके (स्वर्ग मर्त्य पाताले) तप म्येगु महु । अर्थात् असत्य मण्डीगु ।

प्राणि स्याय्गु हिंसा कर्म तोता धर्म याय्गु समान पुण्य म्येगु मद्रु । अर्थात् हिंसा कर्म त्याग याय्गु हे धर्म ख धयातल ।

गुण दुम्ह गुरुयात व गुणदुह्य अबुयात भक्ति याय्गु समान गृह धर्म म्येगु मद्रु । अर्थात् गुणिकह्य गुरु व अबुयातनं भक्ति याय्गु काय् म्हाय् पिनि परम कर्तव्य खः धका शास्त्रे धया तगु खः । जन्म याह्य माँ समान देवता म्येपि मद्रु । अर्थात् माँयागु गुण समान गुण म्येपिके मद्रु । धागु सीकेमा ।

मूल

पितरौ जन्म दातारौ पोषकौ प्रतिपालकौ ।

धर्म श्री सुख मर्तारौ तत्तौ गुरु नृपेश्वरौ ।

अर्थ

माँ अबु निह्य जन्मदाता जुया वाला वस्थां निस्स्ये पुत्र पुत्री पित्त पालन पोषण यापि खः । धर्म व ऐश्वर्य जुया सुःख या मालिक नं माँ अबु खः । मध्ये या निम्ति माँ अबु निह्य गुरु व राजा तुल्य नं खः धका सीकेमा ।

मूल

तत्पुत्र श्रद्धया पित्रोः शरणे समुप स्थितः ।

कृत्वा सत्कार मभ्यर्च्य बन्दित्वा सर्वदा भजत् ।

अर्थ

गृहस्थि धर्मे च्वंह्य काय् नं श्रद्धातया माँ अबुया शरणे सदानं च्वना सत्कार (सेवा भक्ति) तया पूजादि याना तुति भोःपुया देव देवो भाषा भक्ति तय्मा ।

मूल

यो मातां पितरौ भक्त्या समभ्यर्च्य सदा भजनू ।

सर्वेषां लोकपालानां सेवाधिक फलं लभेत् ।

## अर्थ

गृहस्थि धर्मेच्चं ह्य गुह्यजा काय् मचां मां अबुयात भक्ति तथा सदानं पूजादि याना भावयाइ । वयांत सकल लोकपाल देवतापिन्त सेवायानागु स्वयानं अपो पुण्य फल लाभ जुइ

शास्त्रे यथ्ये धयातगु दु धका जिनं सोका गृहस्थि धर्मे च्वनाम्ह काय् मचा खः । थुगु जन्मस मां अबु भक्ति तथा सेवा याना वने । विवाह याना स्त्री पुत्र पुत्री पौत्र पौत्री (कला काय् म्हाय् छे छुइ) पिं दय्का गृह जाले च्वना तःतः वयंका भाव भक्ति याय्गु फुक छल्ये लाका च्वमे मखुत ।

थुगु प्रकारं मां यात मैत्री कन्यक कुमारं (काय्न्) चित्तबोध जुइक विन्ति याना विवाह मयास्ये जन्म नितेयात । आपालं म्वाना छन्हु मां दिवंगत जुस्येलि अग्नि संस्कार आदि दान पुण्य याय् मागु क्रिया फुकं सिधेका छन्हु थः नं स्वर्ग वास जुल ।

## मूल

एत न्मया समारव्यातं श्रुत्वा सर्वेऽनु बोधिताः ।

पित्रोः शरण मा श्रिस्य भजनं कर्तुं मर्हति ।

## अर्थ

एवं प्रकारं थन च्वना जिनं कनागु खं न्यना सकल या तच्चतं हर्षयाना चित्त बुजे जुया च्वं । मां अबु पिन्त पुजादि याना म्वाना च्वतले भाव भक्ति याय्गु योग्यजुः धयागु ज्ञान सकसिनं थुइकल ।

## मूल

सोऽह मेवा भवत्पूवं मैत्री मां मैत्र कन्यकः ।

पादेनो त्सादरं मातुः प्राप्त स्तांदुःख वर्तिनी ।

कार्षापणार्थणा नातुः प्राप्तश्चा प्सर सांपदं ।

इति हेतो मयाख्यातं माकर्तव्या पमान्यता ।

अर्थ

गुह्यजा न्हापा मैत्री अथवा मैत्री कन्यक धका धाह्य कुमार म्येह्य मखु । थुगु समये जिहे खः धका सीकि माँ या पालि भोः पुया नित्य सेवा याय्गुलि उत्साह यानागु प्रभावं दुःख वर्जित जुल । हानं माँ यात छुं छकुचा अपमान जुइक खोय्का गुलि यमसांसन नया वया । माँ यात सेवा यानागु पुण्यं प्यह्य च्याह्य ऋखुह्य स्वीनिह्य खुइ प्यह्य अप्सरा पिसं सेवां याकेगु नं प्राप्त जुल । थुजागु हेतु जुल धका जिनं कनागु खं न्यना निश्चय रूपं सीकि थुगु प्रकारं ज्ञानोपदेश विद्या बिज्याजु न्यना चोँपि सकसिनं धन्य २ साधु खः मैत्री कन्यक कुमार खः धन्य २ साधु भगवान बुद्ध धका साधुकार विद्या प्रशंसा याना मुनीन्द्र यात चाहला प्रणाम याना विदा कया थःथःगु यासे लिहाँ वन । ० ।

थुगु खँ भद्रकल्या वदान २८ अध्याये हानं शतका वदान ३५ अध्याये दु ।

—:○:—:○:— थुलि मैत्री कन्यक कुमारा वदान समाप्त जुल —:○:—:○:—

## सर्वज्ञमित्रावदान

(लया १५)

नमः सर्वं बुद्ध बोधि मन्वेष्टः ।  
सकल बुद्ध बोधिमन्त्रं स्मिन् नमस्कारः ।

एकस्मिन् भगवान् बुद्धः श्रावत्यां जेतसंस्कृते ।  
विहारेऽनाथ पिण्डस्या रामे संविजहार सः ।

। इत्यादि ।

न्हापा छगु समये श्रावती नगरे जेत ऋषि देकावंगु विहार दुः उगु थासे अनाथ  
पिण्डव छह्य दाता महाजन यागु क्यवे भगवान् बुद्ध विराजमान पुग्रा विज्यात ।

थुगु क्यव गुजागु घासा आपालं वांला स्वर्गे इन्द्रयागु नन्दनक्वव समान  
तःधंगु मनोरमस्थाने दथ्वी भगवान् बुद्ध बिज्यास्येलि, जवे शालिपुत्र, खवे महा-  
मौगल्यायण निह्य भिक्षुपि च्वना चामलं गायेका च्वन ।

आनाथपिण्डद महाजन न्ह्योनेसं च्वना विन्तियाना च्वन । हानं आयुष्मान्  
आनन्द काश्यप महाकाश्यप सुचेतन उरुवित्त्व पंचभद्र वर्गीय एवं प्रकारं फिंस्वसल  
भिक्षुगण तथा भिक्षुणीपि हानं उपाशक उपाशिका बुद्धभक्ति श्रद्धालु योग्यवर्गपि, बह्या  
विस्तु महादेव इन्द्र वैश्रवर्ण कुवेर यमराज गन्धर्व किन्नर महोरग विद्याधर अप्सरादि  
धृतराष्ट्र विरूढक विरूपाक्ष चतुर्महाराज, राजा मंत्री महाजन, अनेक नारीगण  
देवकन्या नागकन्या सप्तर्षि सारथवाह वाणिज, बिद्धान् ब्राह्मण क्षत्रि वैश्य शुद्रवर्गादि

सहित वया प्रदक्षिणादि प्रणाम याना गन गन चवनेगु थाय् दु अन अन यथाक्रमं चवना पुलिचुया थगांन्यया ल्हा विन्तियाना भगवान् या ख्वाः स्वया चवन ।

थुगु समये काश्यप भिक्षु दनावना भगवान् या आश्रम चाहुला पालि भोःपुया न्ह्योने चवना यिन्ति यात ।

भो भगवान् सर्वज्ञ गुरू ! थुगु शुभ इले सकल यात कृपा तथा आनन्द जुइगु अमृत ज्ञान आज्ञा देका विज्याहुं ।

थन सकलया बोधिज्ञान ह्यसीकेगु हानं इच्छा जुया चवन, प्रभू याकनं आज्ञा जुसा सकल खुसि जुया न्यनि ।

थय्ये विन्तियागु न्यना भगवान् बुद्धं आज्ञा देका विज्यात । आयुष्मान् हे काश्यप भिक्षु ! छ धन्य खः सकल यात खुसि याय्गुलि नाय जुया खँ न्यने सःह्य, छं एकचित्त याना न्य कने त्यना, छनं हानं म्येपिन्ति न्यंकि ।

न्हापा त्रेतायुगे ऋषूछन्द बुद्ध या पर्याये जुया वंगु खँ जि लुमना वल- थ्व खँ गथ्ये धासा व्याख्या याय् त्यना सकसिनं मनतया न्य ।

भरतखण्ड शुभस्थाने पद्मपुरि नाम छगु देश दु- थ्व देश लक्षणं पूर्ण वखते जल वृष्टि जुगुलि सकल प्रजा लोक पिनि दुःख मदु सदानं आनन्दं बास याना चवन ।

उगु देशे रथ किंसि सल सैन्यगणपि दु । हानं आपालं धनद्रव्य रत्न वस्त्र अन्न वृही इत्यादि पूर्णपि यको दु । हानं विद्वान् पि ब्राह्मण पण्डित जोतीष वैद्य गणपि नं दया चवन ।

सार्थ बाह महाजन युवक सुन्दरी नारी गणपि नं यको दयाचोन । देश प्यकुंला । छगु योजनया प्यक्के धाइ- किंखुगु योजन या हाक व्या जुया ६४ कोशया विस्तार गु बांलागु देश जुया चवन- देशयात त्वेक प्रजापि दया चवन- देशे छलालं ताइबासिमां चाहुला पखालं चाहुयेका तगु दु । अनेक जातया स्वां मां सिमास फल सया सोभादया चोंगुलि पशु पंछि तेनं नेगुलि दुःख मदु । सा म्ये चोले दुगु आदि पशु पाले याना चवंपि नं यको दु- दुरू धौ घ्य नेगु तोनेगुनं प्रशस्त जुया देशे चोपि मनुत बांलागु पुष्टगु शरीर- निरोगीपि आपा आयुर्दानं पूर्ण जुया दुःखी पि मदु ।



थुगु पवित्र पद्मपुरि देशे पद्म ध्वज नाम राजा-महा धनि धर्मदुह्य ज्ञानिह्य सकल शास्त्र सया कोविद पर्दविदयाचोंह्य- प्रजापिगु दुःख सोये मफुह्य रूपनं सुन्दर शान्त स्वभाव, श्व राजाया पत्नी पद्मावती नाम महारानी पति व्रता-अति सुन्दरीह्य विवेकी धर्मात्मा (धर्मया शरीर) थुपि क्षत्रि जाती ।

हानं श्व राजायात लोह्य न्याय नीति विचारवान् निःस्वार्थी पर उपकारि ज्ञान ध्वज मंत्री, नांयात लोय्क ज्ञान बुद्धि नं दुह्य । प्रजा गणपिन्त सुख याय्गु जक उत्साहह्य जुया प्रजा सकलया अति प्रेश जुया चोंह्य ।

राजा मंत्री पिगु विवेक वांलागु लि सकलया आनन्द जुया सुखं दिन हना च्वन ।

थुगु देशे गुण शील धयाह्य वैश्य जाति घनाघह्य महाजन छह्य दु- श्वया सा म्ये चोले अनेक पशु पंलीपि लहिना विचार याइपि तया सकसिनं माने याका चोन । श्वया धन संपत्ति रत्न लुं वह धातुया वस्तु यको दु- छे बुं नं प्रशस्त । । श्व या पत्नी गुणवती अतिनं सुन्दरी पतिव्रता स्त्री स्वामी भक्ती जुया धर्म याना चोंह्य थुलि भाग्यमा मोपिनि सन्तान मद्दु ।

छन्हु पिह्यस्त्री पुरुषया थय्ये खं जुल- पुरुषं धाल- प्रिय स्त्री, जी थौंया दिनस छं दुःख मद्दु काय् छह्य मद्दुगुलि दुःख न म्हाय् दु ।

थुलिमछि संपत्ति सोइत तोता बनेगु । जीगु भाग्य धिकार संपत्ति यात मलोगु दुःख जुल । जीपि निह्य उमेर विस्तारं फुना बनि छुयाय्गु- आपालं परिश्रम याना तयागु संपत्ति व्ययं जुल- आः छु धर्मयाय्गु सो छं धर्सयासा सन्तान दैगु सोइके न्यनेगु मने संताप जुल । थुलिमछि संपत्ति परयात तोताः बने मालिन- जिजा नेगु तोनेगु कमाय् यायेगु नं इच्छा मन्त धका ऊसुका तया हानं धाल ।

पुच प्रयोजनाद्वारा पुत्रः पिण्ड प्रयोजनं ।

हितं प्रयोजनं मित्रं धनं सर्वं प्रयोजनम् ।

नीतिस थय्ये धागु दु- गृहस्थ चोंपिनि धर्म पुत्रया निमित्ते स्त्री बिवाह याइ । काय् छुया निम्ति मृत्यु ज्वीवले मां अबुपिगु नामं श्रद्धातया श्राद्ध धका पिण्डदान

या केत पुनः कुल प्रकाश याय्त खः । त्वाय् पाशा छुयायेत धासा दुःख सुखया  
ज्याखें हित अथवा अहित गोप्यगु खं व्हाय्त खः । धन दुयायेत सकल ज्याया प्रयोजना  
थें जुइ । । कुल धंगु हे पुत्र खः पुत्र हे मन्त धासा कुल धयागु गन दैः । वथ्ये धन  
संपत्ति छे बुं फुकं कुले चवना धर्म याइह्य सुपुत्रया लागी खः । हानं धन संपत्तिनं  
सुपात्रे खर्चयाना पर उपकारि जुया दान पुण्य याय्त मागुखः ।

विशेष [पिता पुत्रेण मोक्षदम्] इत्यादि शास्त्रे चोयातगु दुः अबु माँ पित्त  
गृहस्थि धर्म चवना काय् नं मोक्ष छोइ । थुलिया निमित्ते काय् मागु खः काय् मन्त  
धासा- मृत्यु जुइबले म्पेपिगु भरोसाय् लाइ । थुलिभछि संपत्ति कुपात्रे लाइगु जुल ।  
आः जिनं हानं धन साधन यायेगु ज्या तोतेगु जुल । छं गुनं जिगुनं निम्हसिगुनं कर्म  
विकार संपत्तिनं धिकार जुल । हे दैव धका नाना प्रकारं दुःख मनयाना  
खँल्हात ।

थथ्ये अपशोच याना स्वामीनं धागुखें न्यना गुणबती स्त्रीनं विन्ति यात ।  
भो पुरुष ? छाय् थथ्ये अपशोच यानागु कीपि बुढा बुढी जा मखुनि उमेर हे दनि  
धर्मनं याना चोने बुलुहुँ सन्तान दइ ।

छगु निगु खें जिनं न्यना तयागु दु । थःथःगु कर्म भोग नं खः सुनानं स्यंके फइ  
मखुः सकल या कर्स दोषं अनेक जुईगु खः थ्व संपत्ति सुयात तोता वनेगु घाल- थःगु  
शरीर समेत छन्हू तोता वने मानिगु खः धास्येलि संपत्तिया छुमाया । छु जक यंकेगु  
दुष्ये चों बिचार याना छक सो, सकल बस्तु अनित्य जिगु धयागु नाम मात्र खः यंकेगु  
जा छुं महु पाप पुण्य निगु लिस्ये वइ म्येगुजा नापं वइगु छुं महु धका तःतःधंवि  
गुरुपिगु वचन न्यना तया ।

जि मिसां धाय्नागु मकु, छपिसं सिया चौगुनं खैः । अपशोच याय्गु तोता  
आबंनिस्स्ये सन्तानया लागी धर्म याना परमेश्वर यांकेफोने, थथ्ये यानानं उपकार मनुल  
धासा जीगु कर्म दोष खः जिनं छुयाय् ।

थुलिमछि संपत्ति दया चौगु कुल व्यर्थयाय् मज्यु खः छपिनि सोया हानं म्येह्य  
स्त्री विवाह याय्गु इच्छा दुसा याना विज्याहुं ।

जि पतिव्रता स्त्री स्वामीभक्ती खः छपि सेवा याना चोनेगु तोतेमखु छपि जि इश्वर छः छपिसं घाय्ये चोना स्त्री धर्म ह्यसीका चोनाह्य खः । जिके छुं दोष मदु- पुनं विवाह याना विज्याहुं धका वचन जिनं बी धुन । जिगु निमित्ते छपिसं छुं धन्दा कया विज्याय्म्वा ।

थय्ये स्त्रीनं धागु न्यना पुरुषया मन आनन्द जुईका धाल । प्रिय स्त्री- छ धन्य खः छु छु धर्म यायेगु इच्छा दु या- जिनं याये- निह्यसिया थय्ये खंल्हाना रात्रि बिते यात सुथे जुस्येलि थःपिगु नित्याचार ज्या सिधेका नेगु तोनेगु इत्यादि धुंका विद्वान्पि ब्राह्मण गुरु सःता बित्ति यात ।

भो गुरुपि- जिगु छेया ऐश्वर्य्य सिया च्वोंगु दैः हानं जिगु दुःखनं विडितहे खंः । घन संपत्तियात त्वेक सन्तान मदु छु धर्मयासा सन्तान प्राप्त जुइ आज्ञा जुया विज्याहुं । थय्ये गुणशील महाजनं बित्ति यागु न्यना ब्राह्मण गुरुपिसं उपदेश विल ।

हे महाजन महाजननी जिमिगु खँ न्य । शिव नारायण पूजा याना रुद्रिया ब्रह्माया स्तोत्र वेदवोंकि । यज्ञ होमादि याना ब्राह्मण पित्त दान याना भोजन याकि । पीठ मंरव आदि पूजायाना सन्तान फोना भावया सन्तान या ख्वा सोयेदः । थय्ये उपदेश व्यूथ्ये थुपिहे तथा घन खर्च याना ज्या यात छुनिछुः जुया निरास जुल । हानं चन्द्र सूर्य्य भक्ति याकल सिमा पूजा इत्यादि अनेक यानासोत सन्तान यागु लक्षण खने मदया निह्य स्त्री पुरुष अन्दोल चित्त जुइका छुयाये गन वने घयागु मन आकुल जुईका च्वन ।

छन्हु क्रकूछन्द बुद्धया शिष्य छह्य विद्वान् उपाशक थ्व महाजन गुणशील या छँ द्दहाँ बल- थुगु समये महाजन या स्त्री नापं च्वना दान याना च्वन- थ्वैतनं दान बिल दान कया, त्रिरत्न शरण धका स्वक नाम कया कयन थुमिसं नं नाम काल- थ्व उपाशकजुं धन्य पद विद्या आशीर्वाद विल मनोरथ पूर्ण जुइमा त्रिरत्न सेवाया थय्ये घास्येलि प्रणाम याना आदर तथा आसने फेतुका बित्तियात ।

जिमि मनशीतल ज्वोक त्रिरत्न नाम कया न्यंकल खुसिजुल जिमित थय्ये नाम काय्गु सुनानं मकं जिमिसं थोतिनि न्यना छुयाय् सन्तान मदुगुलि दुःख जुइका च्वना, छुः धर्म यासा सन्तान दइ आज्ञा जुया विज्याहुं ।

थथ्ये आदर तथा न्यस्येलि थ्व विद्वान् उपाशकं उपदेश बिल । हे धन पति महाजन ! तथा महाजननी छपिगु शील स्वभाव खना जि खुसि जुल । जित आदर तथा दान यागु विषये धन्य प्रशंसा याना ।

जि प्रशन्न जुये धुन, छपिनि धन संपत्ति दु- सन्तान मदुधाल छुछु धर्मयाय् धुन धका न्यन, महाजनं थःपिनि यायेधुंगु फुकं कन ।

थ्वखँ न्यना थ्व विद्वान्जुं महाजनयात सन्तान प्राप्तजुया लिपा थ्यंक कल्याण जुइगु सद्धर्म उपदेश बिल । हे महाजन सीकि न्हापा याना वंगु आःनं याना च्वंगु, लिपानं याइ तिनिगु षट्गतिचक्रे भोगयाय् स्वालीगु उपोषध ब्रत दु- थ्व ब्रत या प्रभू श्री आर्यावलोकितेश्वर करुणामय खः ।

प्रथम त्रिरत्न शरण, द्वितीय थ्वसपोल लोकेश्वर करुणामयया शरण, तृतीय पूजादि अर्घ विद्या प्रार्थना याय्गु, मनवाच्छा याकनं सिद्धजुया पुत्र प्राप्त जुइ । थ्व खँ न्यना खुसिजुया धन्य २ जिमिगु भाग्य आःतिनि मनोरथ पूर्ण जुइ । थुजागु उत्तम धर्मया खँ सुनानं जिमित आतक मकंनि, छपिछह्य सङ्गुरु जुल धया पालिस भोःपुया आदर तथा भोजन दानयाय् धुंका हानं विन्तियात ।

भो गुरु ! थ्व ब्रतयाय् वले नियमयाय् मागु नं कना विज्याहुं जिमिसं मागुतक याये । थथ्ये धास्येलि दशशील या नियम कना विज्यात ।

(१) स्वभाव शुद्ध जुया हिंसा मयाय्गु । (२) ऊढा अत्यथ्व मल्हाय्गु (३) खुंज्या तोतेगु । (४) अहंकारी जुया तँ पिहाँ वइगु नदिरा पान मयाय्गु । (५) आमीषबस्तु ला न्या ख्ये चि हलु दुर्गन्ध चीज मनेगु । (६) परस्त्री-पर पुरुष भोग मयाय्गु (७) गीत नृत्य चंचल स्वभाव तोतेगु । (८) उच्चासनयाना मद्यनेगु । (९) तिसां तिया तामास या ज्या तोतेगु । ) १०) रथ वाहन या ज्या परया शरीरे च्वना उख्ये थुख्ये मजुइगु ।

न्हागु हे ब्रतयासां थुजागु नियम ह्यसीका, थ्व छिगु अकूशल कर्म तोता- छिगु सुकुशल कर्म ज्वना पूजादि पाठ धारणी, याचना अनुमोदना याना दीपावली सहित अहोरात्र संम भाव याय्गु । विशेष अष्टमी दिन खुन्हु आरम्भयानां श्रद्धातया एकचित्तं माने याय्गु खः । थुलि खँ कना विदाकया विद्वान्जु उपाशक लिहाँ वन । थथ्ये उपदेश

विद्या षकुगु शिरे धरेयाना अष्टमी दिने सद्गुरु पाख्ये उपोषध व्रत आरंभ यात ।

थुगु प्रकारं व्रत दक्षितक भावयाय् धुस्येलि थ्व गुणवती महाजननीया गर्भवती जुया वगु खना महाजनं स्त्रीया ख्वाःस्वया न्हिला घाल प्रिय स्त्री धन्य २ उपोषध व्रतया प्रभावं छंगु शरीर गर्भवती जुल सन्तान या ख्वाः स्वये दइन धका तेथाय्हे मदेक खुसि जुयां च्वन, क्रमशः मासपूर्ण जुल शरीर मफया वल महाजनं स्त्रीयात कोथाय् तथा विचार यात ।

थुगु वखते थ्व महाजन या फुकीते नुगले दाह जुइका गोप्यं सल्हायात । थ्वया संपत्ति फुकं जीसं वहं काये धका इच्छा याना चोनागु व्यर्थ जुल । धर्मयाना गर्भवती जुइका चोह्य गुणवती मासं पूर्ण जुया कोथाय् चोने धुंकल ।

काय् बुल धाःसा आशा फुकं निराश जुल, म्हाय् बुल धाःसानं जीसं संपत्ति फुकं काये फइमखुत । आ थय्ये जतन याय्माल । थ्व गुणशीलया अति पत्यारह्य जोतीष छम्ह दु । थ्वं धागु खं न्यनीह्य थ्व खः थ्व जोतीषयात जीसं गोप्य याना ध्यवा विद्या जीगु ल्हाते कया नका तोंका वशीकरण याये इत्यादि सल्हा याना गोप्य रूपं जोतीष सःता कोथास तथा विन्ति यात ।

भो जोतीष जु ? छपिनिनं जिमिनं कल्याण जुइगु छगु खं विन्ति याय् त्यना-न्यना विज्याहुं । छु धाःसा जिपिं दुःखि थ्व गुणशील जिमि स्या फुकी, थ्व या संपत्ति तय् थाय् हे महु- थ्वया सन्तान मदया चोन थ्व मृत्यु जुइ थ्वयागु संपत्ति फुकं जिमिसं वहं काय्गु इच्छा याना चोनागु खः ।

आ थुमिसं धर्म याना गर्भवती जुइका मचा बुइकेत कोथास चोने धुंकल । जन्म जुइह्य बालक सोह्य बुल धासा छुं खं मन्त म्हाय् बूसानं अर्थ दनि । काय् जुल धासा थ्वयागु संपत्ति जिमिसं भोग याये फइ मखुत । अथ्येया निर्मिन्ति जिमिगु विन्ति दुकि छपिसं याय्फुः । काय् वुल धासा छे तये मजीका वाके छोयेगु जतन जुगति याना विज्याहुं ।

अले थ्व यागु संपत्ति फुकं जिमिगु ल्हाते लाइ- जिमिगु दुःख फुइ । थुलि छपिसं यासा थ्वयागु संपत्ति स्वभाग थला छ भाग छं पित्त बीगु सत्य जुल । थुलि विन्ति याना जोतीष यात ध्यवा विद्या- नका तोंका वशीकरण यात ।

जोतीषं विचार यात, धुमिसं धागु खं जि भाग्यमानि जुइगु जा खः संपत्ति यको दस्येलि छु धन्दा धका धनया लोभ चित्त याना जिनं माःगु जतन याये छु धन्दा काय् म्वाः धया भरोसा विया अनं गोप्य याना पिहां वया महाजनं सतके हगुलि गुणशीलया छेँ द्दहां वन । जोतीषं हानं बिचार यात, थ्व महाजनं जित गुलि हे ध्यवा बी, थ्वया फुकी तेसं धागु खं ज्या याय् फुसा जिनं महाजन जुइ दैगु खः । थय्ये हे यायेमाली धका निश्चय याना चोन ।

गुणशील महाजनं थ्व खं मस्युः जोतीषयात सस्मानयाना आदर तथा धाल । भो जोतीषजु जि स्त्री या गर्भ मासं पूर्ण जुया व्यथा जुगुलि कोथाय् दिदिमांजु तथा थिक याता तथा ।

प्रश्न विचार याता विज्याहुं काय् बुइलाकि म्हाय् बुइ । थ्व खं न्यना जोतीषं संपत्ति या लोभं धाल । भो महाजनं प्रश्न थय्ये खः थय्ये जन्म जूसा असल हे जुइ-केहि लिपां जन्म जूसा खराव जुइ तर पुत्र जन्म जुइगु लक्षण खनेदु । केहि लिपा गुणवती स्त्रीया आनन्दं गर्भ छुते जुल । कार्तिक मासया पुन्ही-कृतिका नक्षत्र बृहस्पतिवार खुन्हु रात्रिस काय् जन्म जुल ।

थ्व बालक (३२) लक्षणं पूर्ण, सुन्दर रूप चन्द्रमाया तेज थ्ये शीतल आनन्द स्वभाव छत्र जोग दुह्य, अनित्य ह्योसका त्यागि जुइह्य, विद्वान् जुया सकल यात ज्ञान कना गुरु जुइह्य, कुलदीपक गंभीर स्वभाव जुया मखोस्ये चोना चोन ।

मचा जन्म जूवले कोथाय् दिदि अजिमां द्दह्यजक जुया चोन- गुण शीलं पुत्र जन्म जुल धैगु समाचार न्यना ख्वाः चक्रंका सो वने थिक जुल । जोतीष छेँ तथा तगु दु जोतीषं ऊसुका तथा वयन, गुणशीलया मने छुं संदेह जुया न्यन, छाया ऊसुका तथागु-थ्व बालक भि लाकि मभि विचार याता धा ।

जोतीषं कुण्डल ज्याना सोत भिगुयात अःकथं धाय्गु विचार याता, धनसंपत्तिया लोभ चित्त जुइका मिथ्या (ऊठा) खं ल्हाना विल- हे महाजन ! न्यना विज्याहुं थ्व जन्म जूह्य पुत्रजा खः खयाँ छुयाय् व्यर्थ जुल अबुं ख्वा स्वये मज्यूम्ह थ्व बालक थय्ये बाकेछोसां भि जुइ । बाके मछोत धासा छपि याकनं मृत्यु जुइ ।



जोतीष शास्त्र ऊढा गुवलें जुइ मखु प्रमाण थय्येख न्यना विज्याहुं  
महाधनी त्वमेवं हि धन नाशं करिष्यति ।

गृह द्रव्यादिकं सर्वं दानंदत्वा गमिष्यति ।१।  
इति प्रचोदितं दैवं निश्चयेन भविष्यति ।  
इति ज्योतिष्विदोक्तं वै श्रुत्वा चासौ महाजनः ।२।

मनसा चिन्तयत्वेवं धिग्मा मिति बिषादितः ।  
जोतिषाय तदा तस्मै द्रव्यं दत्वा सुदक्षिणाम् ।३।

हे महाजन छपि महाधनि खः निश्चय मेव थ्व बालकं लिपा धन संपत्ति नाश  
याइ । छे बुं धन इत्यादि बक्क संपत्ति दान याना पिहाँ वनि ।१।

थय्ये जोतीषं धागु खें न्यना ऊले जुया च्चोम्ह गुणशीलया स्वासीया हानं खें  
न्यंकल, थ्व खें न्हापायापि देव पिगु वचन खः । निश्चयनं सर्व नाशयाइ । थय्ये  
जोतिषं कंगु न्यना थ्व महाजन पत्यार जुल ।२।

मनं चिन्तना यात धिकार जिगु भाग्य धका बिषाद यात । जोतीष यात उगु  
बखते दक्षिणा बस्तुर बिया- छपिसं घाय्पे याये पक्का जुल धया विदा बिया छोट ।३।

थनलि महाजन थःगु कपाले दाया खोबि वेका न्हकुस लहातया मचा वूगु कोथास  
व्हावना मचाया स्वाः सोये मज्यु धागुखें बिश्वास याना बालक यात मसोस्ये गुणवती  
स्त्री या स्वाः सोया जोतीषं धागुखें फुकं कना घाल ।

प्रिये छ जि घयाप्ये दुह्य खः जोतीष शास्त्र ऊढा जुइ मखुः थ्व बालक जन्म  
जूगुजा विष थ्येजुल- गुलि ज्या मछिन, सन्तान मदया दुःख जुल धाधां आपालं  
धन संपत्ति फुका धर्म यानाया प्रभावं काय् जन्म जुल, अबुं स्वा सोये मज्युम्ह लिपा  
संपत्ति बक्क फुकीम्ह काय् जन्म जुल- जि थ्व मचा यागु जात चोकेगु व्यंकेगुनं मखुः ।  
थ्व कुलक्षण मचायागु स्वा सोयेगु नं मखुः । आः थय्येहे बाके छोयेगु निश्चय याय  
धुन ।

जिनं लिपा दुःख सिये मालीगु निमित्त सीके धुन । कीसं लिपां फोना नये  
मालीगु छनं सीकि । हानं च्यान्हु वा फिन्हु देबले जिहे मृत्यु जुइगु घास्येलि छ बिधवा



जुइ । श्व शत्रु पुत्र नाप च्वना लिपा सर्वनाश याइ बले भातनं महु कोना नेगुला थुजाह्म काल पुरुष काल कूट बिष समानम्ह छे तये मज्यु । श्व बासक थय्ये वांछोया कल्याण जुइ मयात धासा जीसं दुःख भोगयाये मालि ।

थुजागु अनर्थ वचन स्वामीनं धागु न्यना- गुणवती स्त्रीनं तिसः बिल । अहो आश्चर्य गुजोगु खे न्यनेमाल धिकार श्व छु हेतु खः । श्व ज्योतिषं धागुखे जि पत्यार मजुः ।

भो स्वामी ! छपि वैजकं जुलला- न्हापा छुयाना वयागु पापं काय् बचा मदया गुजागु खे गुजागु धर्म, याना लुमंकां बिज्याहुं गुजागु दुःख जुल । भाग्यं चूलात सद्गुरु थुजाम्ह गुरुयागु वचन शिरोपर यानां, त्रिरत्न, बुद्ध श्रो करुणामय भक्तियाना उपोषध व्रत यानागु पुण्यया प्रभावं थो दिव्य सुन्दर लक्षण दुम्ह पुत्ररत्न जन्म जुल- जि दुरू जक तोंका श्व बालक बाछोयेगु खे न्यने माल ।

श्व पुत्र छपिनि मयसा म्बाल, जि जन्म यानाम्ह पुत्र खः जित रत्न समान जुइ । श्व पुत्रया दोष छु दु- अथवा जि ल्यब कया दुम्ह पुत्र जा मखुः । सर्वनाश याइ धाल लिपाया खे सुनानं मस्यु । खसानं थमं जन्म यानाम्ह पुत्रयात अथवा पुत्री जूसानं गथ्ये वांछोयेगु जि वेश्याजा मखुः धायेमात्रं पापं पुनेगु न्यनेहे योग्य मजुगु खे न्यनेमाल । धाथ्ये यायेमालिबले छु गति जुइगु ।

छपिसं छु छल्लहानागु मागु कुलाचार याना पुत्रया उपरे दान पुण्य मंगल कार्य उत्सवयाना बिज्याहुं । धाथ्ये धयागु लाकि अथवा हेकनं धयागु ।

पुरुषं हानं धाल- धाथ्ये धयागु खः छ पत्यार मजुसा जि सिनावंसानं जिलला, विस्तार यायेमते सुथे जुया वइ श्व सर्व नाशक कुलक्षणम्ह बालक छं ज्वना वने म्हासा म्बाल । विदि अजिषात धाल छं श्व बालक ज्वना सुनानं मखनीगु यासे बानावा छन्त धनद्रव्य अन्न वस्त्र प्रशस्तं विधेगु पक्का जुल ।

श्व खे न्यना गुणवती स्त्री चिकुज्वर वम्हथ्ये छाका खोवि वयेका गप तपुयाना विन्ति यात ।

अहोहे दैव स्वामी ! गुजागु ज्वीन श्व स्वपनाला बिपनाला जि फिलातक प्वाथेतया पतिव्रत धर्मे च्वना जन्म यानाम्ह खः । लिपा म्बाकनं याना जुल धाय्मालि

स्व ज्या याये मत्ते । यथ्ये स्त्रीनं खोया विन्ति यागु छह्ये खोया गुणशीलं मन भ्रान्तिम्ह  
बेय्ये जुया मचा तीजक कया छगु थले तथा कापतं तोपुया थिकयात । यथ्ये यागु खनी  
बुरु छकनि तोके आस्ये घया पन । जि जन्म यानाम्ह जिगु खं प्रमाण जुइ जिनं नाप  
बने, जितनं बाकेछो घया बालक ज्वनेत सन ।

महाजिनं तं पिकया घाल, अरे दुष्टास्त्री ! छं भात यात स्वयानं बालकयाके  
मायातल । छपतिव्रता स्त्री खःसा जिगु खं हे प्रमाण जुइ ।

भात सीसानं सम्पत्ति दबव नाश यासानं जिलला भात फोगी जुया फोनानसानं  
जिलका मखुला, छंगु बुद्धि धिकार पतिभूताम्ह मिसा खसा भातं धागु खं न्यनि वचन  
व्यथं याइ मखु आमय्ये छाप् सनागु संकच्चो ।

यम्ह स्वामी (भात) याकनं मृत्यु जुइगु घास्येलि विधवा जुइका चोने मालिगु  
गथ्ये मसिल ।

स्वामी यथ्ये खं न्यंकुगु वले गुणवती या मनं विचार यात । स्वामी याकनं मृत्यु  
जुइगु स्वामी फोना नेगु संपत्ति फुकं नाश जुइगु ज्या याकीम्ह मिसा पतिव्रता स्त्री मखु  
खः । जित गुजोगु आपत्ति जुल गुजागु बिपत्ति सोया चोनेमाल । जिगु कर्म थ्व  
बालकया कर्म अबुया कर्मनं धिकार हे खः जि पुत्र जन्म यानागुनं धिकार जुल ।

इत्थं न रोश्मि कान्ते सहसा परि मुंचय ।

न मुंचे छवितं पुत्रं त्वां विमुंचामि निश्चय ।१।

अथवा अद्य तत्रैव मरणं यामि त्वन्मुखे ।

इति क्रूरतरं वाक्यं श्रुत्वा भर्तोदितं तु सा ।२।

हे कन्ते ! छं मने लुइका च्वनागु याकनं थ्व मचा पितयंकेमाल यदि छं थ्व मचा  
बाके छोयेमखु घका विघ्नयात घासा छ समेतं पितनेगु निश्चय जुल ।१।

हानं छं अनेक तालं खोया ज्या यात कि- छंगु न्होने आः थय्ये हे जि सिना  
बनेगु नं पक्का जुल । यथ्ये भातं तं पिकया धागु खं न्यना थ्व गुणवती स्त्री  
ग्यात ।२।

स्वामीया वचन न्यने छुयाय् जिमिसाया वचन प्रमाण जुइमखु खः । ओछुयाय् धका मने दुःख तांसां सुं क चोन ।

पुरुषं हानं धाल, याकनं ज्या यायेमाल छ वनेगु ला, जि वनेगुला, दिदि अजियात छोय्गुला विस्तार छाय् ।

स्त्रीनं इतः मतः कंना धाल- जि पतिव्रता स्त्रीनं जन्म यानाह्य काय् जि थ्व वालक ज्वना बांछोयेगु योग्य मजु ।

स्त्रीनं थय्ये धास्येलि पुरुषं धाल- अथ्ये जूसा दिदि अजि वाके छोये धया विस्तार योय्म्वाल- प्रशस्तं धन विये-गोप्यगु थासे तथा याकनं वा ।

महाजन या वचन शिरे तथा मचा ज्वना दिदि अजि पिहां वनेत तयार जुल ।

थुगु बखते गुणवतीया दुरु हाया बल- खोबि वेका विन्तिघात । भो स्वामी अपराध क्षमा, दुरु छक तोंके धया वालक कया मुले तथा दुरु तोंका धाल ।

हा हा हे पुत्र ? छ खोयेनं मस- जि पुता गथ्ये बांछोयेगु । जि अपूर्वं दर्शन याये दुह्य सुन्दरह्य पुत्ररत्न छन्त नकतिनि जन्म याना दुरु तोंके मगानि लुदंक मांया दुरु तों, दैवं बिल- तथापिछ पिने वने माल जिगु जन्म मन्त- थ्व छु पाप याना बगुलि थथ्ये मभिगु ज्या यायेमाल, छन्त जि गथ्ये लोमंकेगु- गथ्ये वियां छोय्गु, जि यंका गन तेगु- जार पुत्रथ्ये- पतिव्रता स्त्रीनं जन्मयानाह्य बांछोइन छन्त ।

भो स्वामी ? आतक लानि थ्व ज्या यायेगु तोति, न अबुया दोष न मायादोष- न वालक या दोष, इश्वर विधातानं जक स्यु बचन विया ज्यायाकुह्य जोतीष धाल, छे ते मज्युसा म्येपिन्त विया लहिके छोये- थुजाह्य सुन्दर पुत्र वाके छता छोयेमते धया- नुगदाह जुइका अर्धयं जुया गुणवती मूर्छा जुल ।

थुगु इले मांया मुले चोम्ह वालक अबुं कया दिदि अजियात लः लहाना वाके छोत ।

लिपा गुणवती या चेतना दस्येलि मिखा कना सोत मुले मचा मदु- जि पुता वाके छोये धुनला धका न्यना सोत । पुरुषं धाल- वाके छोये धुन गोप्य यायेमाल खोल धासा फुकी जला खला तेसं सोकि तस्सकं हालेमते सुं क चोने माल ।

युगु वखते विदि अजि न्होने थ्यन- विन्तिबात, नाइस्ये चोंगु वस्त्रं तोपुया घक्सि तया विद्या छोट जिनं देशं पिने पश्चिम दिशापाखे घाय् बुया चोंगु थासे तोता वया । ले सुं हे मनुत वपि मवुनि त्राहिमानं ग्याका व्वांवया धका कन गुणशीलं विदि अजियात धन वस्त्र अन्न विद्या संतोष यात ।

महाजननी या नुगलं सहाय्य मफेका सुकु सुकुं तीसकं खोया नुगले लहातया च्वन । पिने मचा चोना च्वंगु थासे प्यम्ह धोंमुना नेगु मावपिसं मनुष्यया गन्धन ताल, उख्ये थुख्ये सोत प्यम्हसिनं खन । अहो थों थन कीत तःधंगु आहार चूलात अवश्यनं खः धका परस्पर खँल्हाना लेःलेः ताया हूँकन सो सो पाशापि धया सोत ।

घाय्या दुने चोंह्य बालक वस्त्रं तोपुया तगुलि छुजुइ धका ताउति सोया च्वन । उगु वखते (१) छम्ह धोंनं धाल, हे पासापि, बालक सो कीपि प्यह्यसिनं नेगु आहार खः अहो भाग्य हाहा धका न्हिला बालक यात कापतं भुनातल लिकया थ्व मचा यागु ला कीसं बराबर यांना नेगु खः ।

(२) हानं निह्य ह्य धोंनं धाल, व मचा स्वाम्हला सीम्हला विचार यां स्वाम्ह जूसा नेमज्युः सीम्ह खःसा नेगु खः कीपि धों जाततेसं स्वाम्ह यागु ला नेगु धर्म मखुः ।

(३) हानं सीम्ह म्ह धोंनं धाल- आश्चर्य ख बांलागु वस्त्रं हिना तोपुया तल व्याधां धोंतेल लाना यंकेत पांय् छुना तगुला अध्येखसा नेत विचारया । तर जि धोंया मुख्यम्ह ख ग्याय् मागुजा मखु । हानं कीत स्याय्त् वाण तयातगुजा मखुला बालक सोया सीकि ।

(४) प्यम्ह म्ह धोंनं धाल- चान्हे व्याधातेसं पांय्छुना तगु खंमखु धों लाय्त् चान्हे थन व्याधात च्वनी मखु । स्वाम्ह मनु (मचा) तोपुया थुजागु थासे वाय् हेनं मखुः ।

पथ्ये छगु छगु तालं प्यम्हसिया खँल्हाना मिलेजुया बालक सो धया मुख्यम्ह धों न्होनेबना न्हापालाक जि लानेगु धया तीजक बन । स्वम्ह म्येपिनं त्युल्यु बन ।

न्होने च्वंम्हं लिउने चोंपिन्त खें न्यंकल, सीम्ह जूसा खेंहे मन्त म्वाम्ह जूसा जीपि प्यम्हस्यें बां न्याना स्याये थुलिनं बुद्धि मदुला । ग्यानां चोने मते सुये जुलकि जीपि धोंखः सुले मलाइ धया ला हि नेगु आशा याना प्यम्ह धों प्यल्ये चोना काप वांन्याना लिकाल ।

थुगु वळते श्व बालक या कर्म भोगया फलं बालकया शरीर सिंहया मचा जुया धःवा खनेदेक वांखायां चोंगु धोंतेगु मिळास थथ्येखन । प्यम्ह धोंते तस्सकं ग्याना- सिंहया मचां बुइका मांम्ह नसा मावन जुइ कीपि थन खनी थन च्वने मजिल गनवने गन चोनेगु हाहा कारं हाला प्यम्ह धों प्यल्ये बिस्युंवन ।

अनंलि बालक आनन्दं सुक च्वना मिखा तिसिना न्ह्योवम्हथ्यें च्वना च्वन । थुकिया प्रभावं सुखावती भुवन पोतल पर्वतस विज्याम्ह करुणामय आर्यावलोकिते श्वरं सुदृष्टि सोया च्वंगुलि ।

थुगु वेलास छें च्वंम्ह मांहा गुणवती या न्ह्योमव कायजक लुमंका सितला म्वानिसा नुगलं धीर घाये मफया खोया घाल, भो स्वामी सीसा म्वाल- म्वानिसा कयाहये, प्रतिब्रत धर्ममाने याना स्वामीया वचन पालन याये धुन खला धायधुंका स्वामी यात सूचना विद्या रात्रीया स्वंगु प्रहरया इले दिदि याके खें न्यना बालक कया हये धका गुणवती पिहां वना देशं पिने थ्यंका छचालं सोया खेंकल ।

छुंम्बाकं आनन्द छ चोना चोन जिकाय् छुयाय् छं अबुयागु अयोग्यगु ज्या जूसानं पतिव्रता धर्म स्वामीया वाक्य माने यानागु खः पुता जिगु दोष मखु छन्त- मानं कावया थुलि धया घेःपुना काय्त ल्हाःछोत ।

मात्र मां स्पर्श मास्पर्श मात शृणुगिरं मम ।

माता गुणवती त्वंहि पिता मे गुणशील च ।

विपरीतं युवाभ्यां वै नामार्थं मेव मेव हि ।

प्रमुं चतीह मां युवां किकरिष्याम्यहं-नतु ।

हे मां ! जिगु खें छगु न्य, थन जित थिये मते थिये मते, जिमां गुणवती अबु गुणशील नाममात्र जुल । श्व धाथ्येयागु खें खः । छिपि निम्हसिनं अबुगु

ज्या याना जित वांछोयेहल जि नकतिनि जन्म जूहा मचां छुयाय् छुयाय्गु समर्थ  
बद्ध । अवश्यनं जि चीधंगु भाग्यम्ह खः थन सुखं चोना चोनागु दुः मां अबु  
पिन्त छं दोष मदु जि ज्ञान मदुनि थन अन चोनेगुनं मस्युः मां अबु पिगु दया  
कृपां जिथन आनन्दं शीतलगु थासे पृथ्वी मांया मुले चोनागु दु । जि छुजुइ गुगु  
जुइ मस्यु विधातानं स्युः ।

हानं धाय् थःत थमं धया, हे बालक ! थन छं न मां न अबु दु । न छे न च्वनेगु  
थाय् न दुरु तोनेगु दुः । थुजाम्ह बालक यात थव वया जिकाय् (पुता) वा धावल  
थ्व धाम्हस्ये जिकाय् मखुत जित लुमंका वा धाय्गु वखत नं मखुत ।

थ्व बालकं थय्ये धागु न्यना मांम्हस्ये नुगले बुबुस्याना घाल अहो जिकाय्  
जि यानागु मखुः छं अबुयागु बचन खः प्रमाणयाना, जित क्षमाया, भिगु चेतना  
याना कावया छेवनेनु छं अय्ये थय्ये धया चोने म्वाल थुजागु थासे गथ्ये छ  
चोनेगु ।

थय्ये धागु न्यना बालकं हानं घाल, आपालं थनगुलि खेल्हःयेगु हालेगु छं  
प्रयोजन मन्त छ याकनं छेहं निम्हत्यपु कलह जुइ ।

थन बिस्तार जुलकि अबुं तंपिकया छन्त मखुथ्ये याई । गृहस्थ धर्म मिसाया  
स्वामीसमान उत्तमगु रत्न, मिजंया स्त्री समान स्नेह प्रेम, म्येगु छं मदुः । मां अबुपिनिनं  
पुत्र समान रत्न म्येगु मदुः । मनुष्यपिनि शील स्वभाव समान वांलागु तिसा म्येगु  
मदुः । थन मां अबुं काय्यात अति स्नेह प्रेम यागु जुया काय्नं थय्ये धया ।

आ थ्व खं फुकं व्यर्थ जुल स्वप्नथ्ये स्थीर मजुल अथ्येया निम्ति जित थियेमते,  
भोमाता (मां) जित पिल कि जि थनसं सिना वनि । मां धयाह्यसिया काय् म्हाय्पिके  
हं कन थ्यंक माया दया चोनि, जितनं वया चोनि ।

अबु धयाह्य गथ्ये जा सर्वव्यापक आकाश समानं गंभीर जुया जिकाय् यात रक्षा  
यायेमागु खः । थ्वथ्ये पृथ्वीसमान जुया मांनं थमं बुइकापि काय् म्हाय्पिन्त रक्षा याइ  
रात्रिस मतं बयना यंकैय्ये काय् म्हाय्पिन्त मां अबु यात रक्षा याइ । ज्ञानाचोंगु मत फसे  
तया बिल । सत्तया मरोसा अवश्य नं देमखुः । जि पृथ्वी मांया मुले अथवा पृथ्वी  
आकाश आनन्दं ज्ञाना चोना, आकाश फागां तोपुया धाय् फुंग याना छना च्वना ।



आ हानं छे वाधाम्ह मीया भरोसा अबुया भरोसा जित गथ्येजा आकाशं कुतुं  
बह्य समान जुइफुः । जिगु उपरे अहंकारं पिहाँ वइगु मोहसमान जुया स्वप्नेखंगु  
बस्तुष्ये अट्भूत जुया च्वनी ।

आकाशे चोंगु तारा(नौ) न्हिने मखंगु बहनी गथ्ये खनेदत, थुकिया कारण सीतलगु  
तेजंजक खने दइगु, षवागु तेजं खनीगु मखुः धका विद्वान् तेसं घयातगु दुः । जित नं  
थ्येहे जुया च्वन, पतिव्रता स्त्रीनं जन्म याह्य पुत्रयात- गथ्येजा अमृत यात विषभापा  
याना वां छोय् हल, हानं छे यंकल घासा विषहे जुया पतिव्रत धर्म नष्ट जुइ । अथ्येया  
निर्ति याकनं छे विज्याहुँ, आर्यावलोकितेश्वर (करुणामय) या सुवृष्टि खँगुलि थ्व  
मचा थुजागु खँ न्यंकल धका नुगले ध्वाथुइका का ।

थ्ये काय् नं गंभीरगु खँ न्यंकुगु न्यना मलाका हाहा जि सर्वज्ञ समानह्य पुत्रयात  
वां छोय् हल, गथ्ये तोता वनेगु जिगु जि स्वामीयागु बुद्धि धिकार खः धका मने  
संताप याना विरह यात ।

सुधसिया प्रहर जुया बल मनुतेसं खनिधका लाजचाया हतासनं छे वया कोथास  
चोना ग्वारा तुला नुगले लहाःतया ऋसुका तया च्वन । भातह्य वया हेकल- मचां धागु  
खँ फुकं कन अबुह्यनं ताउति संताप जुइका चोन ।

धीर याना निह्यत्यपुया पश्चाताप जुइका खँल्हात, जला खलातेसं सीकेमज्यु  
छोय् मते गुप्तयाना न्हापाष्ये ख्वाः चकंका चोनेमाल जोतीषयागु खँ विश्वासयानागु खः  
सत्य असत्य फुकं जोतीषया कपाले याय् धुन हाला खोया जुइगु प्रयोजन मन्त सुंक च्वं  
धका भातं धागु खँ न्यना स्त्रीनं थ्ये विन्तियात ।

भो स्वामी ! देशंपिने दक्षिण पाख्ये घाँय् दुथाय् तयातल सोहुँ, सुं मदुसा  
कया हति ।

स्त्रीया वचन न्यना गुणशील सोवन, बांलाक सुथे जुल । मनुतेसं खना सोया  
चोंपि गुलि सोवपि सोयावपि नाना प्रकारं खँल्हागु न्यना अन थ्यंका मने दाह  
जुइकल ।



गुलिसिनं हाहा धिकार सुपापि थुजाह्य बांलाह्य काय्मचा बांछोयातल धापि ।  
 गुलिसिनं थ्व मचा मिह्य छः धाल, गुलिसिनं सुपापि बेश्याया ज्याजुइ धापि, गुलि  
 सिनं थ्व मचा नीजजाति मखुः ल्यवकाल मचा नाले मछला बाय् हल थ्व ज्यायापि  
 महापापिहे छः धापि । गुलिसिनं ल्यवसीं तेगु ज्या थुजागु पापकर्म का सो धिकार  
 धापि । गुलि मचा मदु पिनि नुगः मछिका खोया चोपिन्त छेयंका प्रतिपाल या धापि  
 नं दया चोन ।

थ्ये नाना प्रकारं मिसा मिजंत मुना सोया चोपिसं हाला चोंगु न्यना  
 मने त्राहिमान जुइका गुणशीलनं सिथे चोना सोया चोन । मनंचिन्तना यात धिकार  
 जि महापापि जुल, लोकं अपहासयाना धागु छे नं न्यने माल, विषं ल्होया तह्य सर्पथ्ये  
 तोले जुयां, सर्प न्याना विषं दांह जूह्यथ्ये जुइका चोन ।

तवा दित्योदिते ऽकस्मा दाकाशागत्यत महान् ।

गृद्धः संनीयते दूर माकाशारण्य दुर्गमं ।

तत् दृष्ट्वा लोकिताः सर्वे हाहाहेति प्रचोदिताः ।

गुणशीलोऽपि तंदृष्ट्वा दुःख व्याकुल मानसा ।

थुगु इले सूर्य उदयजुया निभा तोया चोवले आकासं बोधिसत्त्व स्वरूप देवपुत्र  
 छह्य तधिकह्य गृद्ध जुयां वया बोया वह्यस्ये खनेवं ववहां वया थ्व बालक यात गृध्दं  
 ज्वना च्वे थतयंका चाहुला उत्तर दिशां पाख्ये दूर वन पुला यंकल ।

थ्व खना स्वयाचोपि सकल मनुतेसं हाहाहा धका लाय बुया लापा थाना सोया  
 चोन, गुणशीलनं थ्व खना मने दुःख जुइका आ कुलया शोकयाना छे वया ग्वारातुला  
 नुगले ल्हाति बुबुस्याना खोवि वेका तःसकं हाले मछासां हिकहिक याना खोया  
 च्वन ।

खेपिसं गृध्दं मचा वाया यंकल धका हाहाकारं हाला नुगः मछिका जुल— थुगु  
 समाचार सीका गुणवती स्त्रीनं स्वामी याके गथ्ये जुल धका खेन्यन— पिनेवना वले  
 लोकं धागुखे मचा स्वयावखे गृध्दं यंकुगु फुकं कना नुगवाया चोन ।

यमं बुद्धकाह्य काय् गृह्यात नकेथ्ये जुल हाहा दैव नाम कया निह्य त्यपुया इतः  
मित कंका च्वोन । दिवि अजिमांनं गोप्यं चोना मने दुःख जुइका चोन । जोतीष छह्य  
ग्याका गुणशीलया फुकीतेगु छेवाना विविध प्रकारं खेल्हाना तर्कना याना चोन ।

महाजन पिनि निह्य त्यपु सुपाचं तोपुया आकाश खिउथ्ये ख्वाःमन खिउका  
चोन । छे अमाइया रात्रिथ्ये खिउका चोन, सन्तान मद्गुछे सन्तानवत, गथ्येजा आकाशे  
सुपाचं तोपुया खिइइवले विजलि प्वालाक खनेदया सुपचे लोप जुइथ्ये पुत्र जन्म जुल  
तुरन्त खनेमन्त । पिने यापि मनुत वया छाया खोयागु छुजुल धावइ धकानं त्राहिमानं  
ग्याका छुयाय्गु गुगुयाय्गु जुइका मलाका मन भ्रान्ति जुइका च्वन । थुलि गुणशील  
या छेयागु खेजुल ।

गृध्रं यंकूम्ह बालक यागु खे सीके ।

तस्मिन्नवसरे तत्र गृध्रो बालक नीयतेः ।

कनकावति सत्क्षत्रे उत्तरस्यां हिमालये ।

गत्वा संहर्षित स्तत्र भक्षणार्थं मुमोच तत् ।

बुद्धक्षत्रे महाचैत्यो ण्णीषेस्वर्णमयोत्तमे ।

थुगु अबस्थाय् गृध्रं बालक यंका तःधंगु देश उत्तर दिशाय् लागु कनकावती  
नाम भिगु थासे हेमाल सतीथाय् बुद्धमूर्ति तःगोगु उण्णीष नाम चैत्यया फुसे लुंयागु  
इलां तयातगुलि जुना तोतल कुपंछिया रूप कागु स्वभावं वोधिसत्व रूप देवपुत्र जूसानं  
मचाया ला नयेधका इच्छा यावले मचाया ल्हाःतुति सना मिखा कना चोंगु खना अहो  
सजीव तिनि गृध्र (कुपंछि) जात ख म्वाह्य सिगु ला नयेमज्युः जि वोधिसत्व देवपुत्र  
खसानं जाति स्वभावं नेगु इच्छायात धका चिन्तना याना उगुथासे बालक तोता गृध्र  
वोयो थःगु थासे वन ।

थ्व बालक यात करुणामयया सुदृष्टि दुगुलि धों तेसं थिये मफुत, गृध्रं ज्वना  
आकाशं हसानं गथ्येजा विमाने चोनां आनन्दं न्होवेका वनेथ्ये जुया शरीरे गनंहे घाः  
मजुः रक्षा जुया चोन ।

थुगु कनकावती देशे छह्य बौद्ध विद्वांन् बुद्ध भक्ति रतिसर्मा ब्राह्मण या सन्तान  
मवया थः स्त्री रतिसर्मा ब्राह्मणी सहित (निह्यत्यपु) सुथन्हापां वया चाहुला थुगु

चैत्य पूजा पाठ याना चवंपिदुः । कन्हे सुथे थुपि तिह्य षः पिगु नित्य सुथ न्हापां दना  
श्वहे चैत्यया स्थाने वया धूप दीप पूजादि अर्घविया स्तोत्र बोना चाहुला चोंगु अवस्थासे  
इलांया द्योने बालक सनाहगु शब्दताया ब्राह्मण ब्राह्मणीपि ग्याना उख्ये थुख्ये सोत सुनं  
खने मदु थसोवले इलां सनां चोन, अद्भूत जुया थाहां वना सोवले पिदुह्य बांलाह्य  
बालक छह्य खन । आश्चर्य्य जुया व्वहां वया न्हिला स्त्रीयात धाल ।

प्रिय स्त्री रत्नावती छगु हेतु खः पिदुह्य अतिसुन्दर बालक काय्मचा छह्य  
तयातल सुनां जुइ थ्व ज्या ह्यिग वहनी सिगु जुइमा— थ्व बालक कीसंयंका पालेयाना  
तये, पुण्यनं दइ धया थाहां वना बालक ज्वना व्वहां वया सोवले लक्षण दुह्य खना  
ब्राह्मण खुसि जुया धाल ।

की सन्तान मदुगु सीका थ्व बालक कीतहे धका तथा तेहल पक्का खः छंगु गर्भं  
पुत्र दइ मखुगु जुया— चैत्य बुद्धालय भक्ति यानागु प्रभावं थ्व बालक चूलात थ्व बालक  
तोते मजिल थ्य बालक छं घेःपुनाति जिनं पूजा विसर्जन याये म्येपि मनुतेसं खनी  
जिमिसं यंके घाइ याकनं छे वनेमाल ।

कीगु भाग्य धन्य २ खः पुत्ररत्न कीत बिल कीसं आदि बुद्धालय स्वयंभू धर्मयातु  
वागीश्वर सेवा यानागुया फल प्राप्त जुल— छंसीकि सुलक्षण सुन्दर पुत्र वरदान बिल ।

थय्ये पुरुषं धागु खैन्यना रत्नावती स्त्रीनं विन्ति यात । भो स्वामी प्रभू थ्व मचा  
कीसं यंके जीला स्वया मचा, लक्षण वृसानं जार पुत्र जुइफुः थय्ये मखुसा काय्मचा  
थुजागु यासे तेहेला, नीच जातीनं ज्वीफुः ।

कीपि ब्राह्मण जाती छः जिगु विचारं जा थ्व बालक वेश्या पुत्रथ्ये च्वं, इश्वरं  
व्यूह्य गनखंः कीपि उच्च जातीतेसं नीचजाती वेश्यापुत्र नं ज्वीफुः गथ्ये यंकेगु— कुल-  
नापं खराव ज्वी, थन हे तथायके मालि म्येपिसं यकुसा असलहे जुल ।

जन्मनो जायते शुद्रः कर्मणो जायते महान् ।

कथं मज्जोसि हे कान्ते रूपं दृष्ट्वा विचारय ।

नीचस्यापि तरंरूपं कथंस्या दिदृशं ननु ।

तस्य रूपं सुवर्णच लक्षणं ब्रह्म लक्षणम् ।

हे प्रिय स्त्री, छ जान्या जुयेमते, जि धयागु खें न्य शास्त्र यागु खें प्रमाणया, संसारे मनुष्य अथवा ब्राह्मण धापिनि, म्येपि आचार्य जुइपि फुकसियां जन्म जुस्येनिस्ये मखुः सकलें जन्म ज्वीवं शुद्रसमान खः । कर्मयाकें लिपा थःगु जाती जुइ । थ्व बालक या रूप लक्षण विचचारया, नीच जाती मखु ब्राह्मण तथा उच्च जातीया लक्षण दुः । पि दनिह्य जुया निमित्त थःथःगु जाते मिले यायेगु कर्म दुः थुलि लक्षण दुह्य बालक कीत चूलाइनं मखुः ।

ब्राह्मणी नं हानं विन्ति यात । थ्व मचा यंकलाइ लिपा कीत दुःख विद्या संपत्ति नाश याइह्य जुल धासा छुःयाय्गु ।

ब्राह्मणं उत्तर बिल, लिपा यागु खं सुनानं धाय्गु समर्थ मदुः । आपालं छं ताहाक याय् गात धया मचा स्त्रीयात विद्या पूजा सिधेका निह्य त्यपु थ्व मचा ज्वना छे थ्यंक वल । उखुन्हु हे पिध्यना जातकर्म व्यंकेगु ज्या, सिधेका फिनु देका नामकरण यात । धर्मधातु चैत्य सेवा याना दुम्ह जुया धर्मदत्त धका नाँछुना कलशाभिष्येक विद्या मंगल यात ।

क्रमश पालन याना बखत जुस्येलि कुलदेवता दर्शन याका, अन्नप्राशन कर्म जानकेगु (जंको विधि) नं सिधेका निमंत्रणास वपि थःपिनिनं पायस भोजन (क्षीर जा) नेगु इत्यादियाना खुसि जुया चोन ।

ब्राम्हणया कुले तथा लिपा तःधिक जुया, वस्येलि लिपि विद्या स्यना आख वोंका थःहे पुत्र तुल्यं प्रतिपाल याना तल । थ्व बालक यानं थःत जन्म याम्ह माँ धका निश्चय याना चोन ।

थुगु प्रकारं पालन पोषण याना न्याद (५) वर्षया उमेर दत अबु जुया चोम्ह ब्राम्हणया शिष्यपिन्त स्यनीगु विद्या फुकं नापं चोना न्यना चोनीगुलि थ्व बालक धर्मदत्त याकेनं कथ जुया वोना वयनीगु सकल ले ताया गुरुपुत्र यात माने यांना तल ।

छन्हु रतिसर्मा ब्राम्हणया स्वयंभु चैत्ययाके पंचरस्मि पिहां वगु दर्शन याना धका स्वप्न जुल— न्ह्यलं चाल सुथे जुल थःगु नित्याचार सिधेका स्त्रीयात स्वप्ने खंगु कना

जनं चिन्तना यात स्वयंभू दर्शन पायेगु इच्छा ज्वीका छन्हु स्त्रीयात घाल-

हे प्रिये ! जि नेपाल देशे वना तीर्थं सीका स्वयंभू बुद्धालय भगवान् छक दर्शन याना वये- बालकयात भिनकं बिचार याना चों धया खं न्यंकल । धर्मदत्त पुत्र यातनं यः शिष्य पित्तनं खं न्यंका छन्हु भिगु दिने मंगल याना- शिष्यापि प्यम्ह वोना छे नं पिहां वना गमन याना ववं नेपाल देशे थ्यस्येलि थ्व स्थान उत्तम गु पुण्य भूमो छः घका सीका तःतं धंगु तीर्थे स्नान याना- शान्त तीर्थे नं वना शरीर शुद्ध याय् धुस्येलि जनहे बास याना बिचार यात ।

थ्व थासे प्रज्ञोपाय विनिश्चय विधानानुसारं- महा मंजुश्री बोधिसत्त्व गुरुं यः स्त्री सहित तंत्रयान विधि पूजायागु दुरु पंचामृत प्रयोग याना छः । बृहत्स्वयंभू पुराण ४ अध्याये उल्लेख दुः । मंसिर कृष्णदशमी छुन्हु सुथ न्हापां हेवज्र, नैरात्मा (प्रज्ञा-उपाय-स्वरूप) देव देवी दर्शन प्राप्त याना योगसिद्धि वरदान कागु गुह्यालय (गुह्येश्वरी) छः घका शिष्य पित्त कना थुगु थासे थमनं पूजा पाठ जप ध्यान याना चिद्धि बिते याय् धुंका कन्हे सुथे उगु तीर्थे स्नान धुंका स्वयंभू स्थाने गमनयाना थ्यस्येलि सप्तविधान या वाक्य उच्चारण याना- वन्दन पूजन सिधेका स्वयंभू धर्म धातु वागीश्वर पंच तथागत आवि बुद्ध तुमंका प्रदक्षिणा याना अनंलि मंजुश्री बोधिसत्त्व या चिन्ह दुषाय् वना अननं भाव याय् धुंका प्यन्हु तक अन चोनां उगु थासं क्वहां वया छथाय् वास यात ।

उगु बख्ते विदेशी बौद्ध विद्वान् वया चोंगुदु घका सीका नेपालवासी धर्मावलंबीपि वया आदर तया मानेया वल ।

थ्व विद्वान् रतिसर्मा ब्राम्हणं स्वयंभू स्थाने चोना सुथे- बृहत् स्वयंभू पुराण तथा म्येगुनं धर्मोपदेश व्याख्या याना आपालं जनतापित्त बुद्धधर्म म्हसीका बोध यात, सकल सन्तोष जुया श्रोतागणपिस श्रद्धा तथा सिलपा चढे पाये हगु ब्रव्य अन्न धातु वस्तु अनेक नेगु, वस्त्र इत्यादि निःस्वार्थ जुया मुंका बुद्ध बिहार देकेगु इच्छा याना चित्त चुके यात ।

श्रोतागणपिगु सहायतार्थ याके बुद्धमूर्ति स्थापना याना विहार दय्कल ।

यन किण्डोल विहार देकुगु खंसीके । ।

तदा हि तत्र संस्थानं किं बोलेति च ख्यातवान् ।  
तदद्यापि च तत्स्थाने कनका वतीजना सदा ।  
मानिताः पूजिता स्तत्र भक्ति युक्तेन संयुताः ।  
ततो ऽ सौच महाविप्रश्च श्रुतुर्मासान्तरे स्वकम् ॥

थुगु बखततस निश्रय याना अन देकुगु विहारया नाम किंदोल विहार धका प्रख्यात याना सकल सज्जन पित्त न्यंका, स्वयंभू बुद्धालय, मंजुश्री बोधिसत्व, किंदोल विहारे त्रिरत्न (बुद्ध) पूजादि याना मंगलोत्सवयात । थौतक थुगु स्थानयात किंदोल विहार धाय्गु जुया चोन तिनि ।

श्री स्वयम्भू ज्योतिरूप दर्शन व पूजादि यावइपि सज्जन वर्ग स्वदेशी अथवा विदेशी तीर्थ यात्री गणपि बास याप्त सोभायमानं ज्याखिक पाय्खिगु बिहार छगु दय्का बिल ।

थुगु बिहार निर्माण कार्य सिधस्येलि बिहार या नां छुतय् माली धका छु विलम्ब जुइक आकुल व्याकुल याना मती अन्दोल जुइका चव्वंगु थय्ये खः ।

★ किम् इति आन्दोल-किमान्दोलम्- धका लिपा विचार याना किण्डोल महाविहार धैगु नाम प्रसिद्ध यात ।

अतः थौं तक थुगु स्था यात किण्डोल विहार धका सकभनं प्रख्यात जुया चवन । थनलि थव विद्वान् रतिसर्मा ब्राम्हण प्यला लिपा थगु छे लिहाँ वन ।

★ थव अनुवाद (लेख) छगु न्हापा निर्देया कौमुदी स्यना तयाह्य शिष्य खः हेमराज शाक्यजु यात वियागु-स्वयम्भू महाचैत्य धका पिकागु सफुति (१३) ल्याया पत्रे रतिसर्मा ब्राह्मण या स्वयम्भू दर्शन धागु व हान ६०३ ल्यास किण्डोल विहारया खँ व ६०० ल्याया पत्रस बोधिवृक्ष सिमाया महत्व-

मूले बुद्धं त्वचिधर्मं शाखा संघं तथैवच ।

पत्रे पत्रे देवपुत्रं द्रुमराजं नमाम्यहम् ।

थव ग्लोक छपुनं वियागु उक्त सफुति ६०० ल्याया पत्रे उल्लेख याना बांलाक प्रचार यात । थव लेख ग्लोसिगु नां मदुसानं आपलं धन्य प्रशंसा याना । ० ।



अद्यापि थुगु स्थानयात कनकावती देशवाशी तेसं पूजादि भक्ति तथा लुमंका  
चोंगु दु धयागु प्रमाण विया तल । थनंलि श्व रतिसर्मा ब्राह्मणजु प्यला पुला वस्येंलि  
थःगुछें लिहाँ वन ।

श्व ब्राह्मणं छुया निमित्तं विहार देकल धासा थन स्वयंभू दर्शन यावइपि च्वनेत  
हानं लिपाय्यंक भिक्षुपिनं धासयाकेत खः धयागु निमित्ते थुगु विहार आतकनं  
किदोल धका प्रसिद्ध जुया चोनतिनि ।

—श्व ब्राह्मण या छेंयागु खें—

अनंलि धर्मदत्त बालक खुदया उमेर जुया आखनं सेका चोन । थथ्येहे बुलुहुं  
निद फुस्येलि श्व बालक च्याद (८) वर्षया उमेर थ्यन धर्मया अबु ब्राह्मणं स्यना तगु  
विद्या सेकानं आख वोवइपिगु पाठ न्यनानं सेका मचा जूसानं छह्य विद्वांन्थ्यें जुल ।

श्व बालक परया उपरे करुणा दया दु । पिहाँ वनीवले फोगींत खनी छें वोना  
हया नका छोइगु चलन जुया चोन । ब्राह्मणी नुग स्यागुलि मखंक विया छोइगु ।  
बराबर फोंवइपि श्वयागुछें आपा जुयावल । श्व धर्मदत्त बालकं यकोदेक विया छोइगु  
जुया दारिद्रपि लेःताया वनीगु छन्हु मचा व माँह्य निम्ह फोंवल लं भ्वाथगु खना  
नुग मछिका मचायातनं माँह्यातनं पाय्छिगु न्हगु भिगु वस्त्र नेगुनं वियाछोत ।  
हानं कन्हे छुन्हु म्येपि मिसाम्ह फोंवल लं भ्वाथगु खना करुणातया माँ ब्राम्हणी यागु  
वस्त्र पोचिना मखंक विया छोत । मचात वइवले थःफिना तयागु वस्त्र तोयानं विया  
छोइगु स्वभाव ।

थथ्येयागु खना ब्राम्हणं घाल, पुत्र धर्मदत्त, छ आपालं दाता जुया च्वन छाया  
अथ्येसनागु न्हापा सोया आज्ञा फोंवइपि छेंयको दत्त । छं याना छें धन द्रव्य वस्त्रादि  
पाजुल, आमथ्ये सन धाःसा जीपिनं नये मखना फोगीं जुइ फों वइबले बीमागुजा खः  
माँ अबुपिके न्यना जक बीगु, मन्यंस्ये मखेंक अपोजुया सनेमते । सन धासा माँनं दाया  
छन्त कसायाइ बोबी, जिनं बाकितय् मखु थथे धागु न्यना न्हिला बालकं विन्ति यात,  
जिगु मन गथ्ये गथ्ये पिने वने वले गंसीपि लं भ्वाथःपि धुसिपि बुढा बुढी मचात रोगी  
नयेमखोंपि खनीवले जि ह्वेमास्ति वइगु, उकीं जीगु छें संपत्ति यकोदु— जीतनं म्येपिसं  
बान वियाहगु संपत्ति खः म्येपिगु जक दानकया स्वर्ग वनी मखुः ।



पर्यागु जक नया तोना पुका तिया जुया गुबले जक सुख जुइगु । धननं परयात  
कराबर दान विया लका तौका पुंका तीका सुख वियेफुसा जक लिपा सुख जुइ । दान  
काह्य सोया, दान व्युम्ह न्हापालाक स्वर्गबास मिले जुइ । थय्ये छपिसं शिष्यपिन्त  
कना विज्यागु जिनं न्यना लुमंका तयागु दु । उकीं भति भति जुसानं दानं घानागु  
खः ।

सर्वत्याग श्रु निर्वाणं निर्वाणार्थि च मे मनः ।

त्यक्तव्यं चेन्मया सर्वं वरं सत्येषु दीयताम् ।

सकलवस्तु अनित्य खः घका सीका त्याग याये फुसः निर्वाण पद दइ घका जिगु  
मन सदानं ऊत्सुक दु । केवल निर्वाण वनेगु हे इच्छा दु खःसा हेमन सदानं छं त्याग  
चित्तया, जि सकल वस्तु त्याग याय्गु हे यदि इच्छा दु । निर्वाण वनेगु खःसा सत्व  
प्राणीपिन्त दान याय्गु हे सार जुइ ।

न्हापा यापि बुद्ध बोधिसत्वपिसं थय्ये घया वंगु खः । आजुया चोंपिसं नं थय्ये  
घया चोंगु दु । लिपा वंइपिसनं थय्ये हे घया विज्याइ ।

थुजागु बोधिज्ञान लुमंकि अध्ययनया घका तःतःधंगु सूत्रे षण्ये चोया तगु दुः ।

एवं प्रकारं छपिसं शिष्यपिन्त स्वया कना विज्यागु जिनं लुमंका दुःखिपिन्त  
क्या तथा दानघानागु खः ।

श्व खं न्यना अबुह्य न्हिला धाल, धन्य पुत्र छं लुमंका घागु खं सारगु खः ।  
तथापि छ च्यादया उमेर तिनि आर्वनिस्ये वेदान्त जुइमते । अबु काय् निह्य थय्ये  
खंल्हाना चोंगु इले— दुरू तौम्ह बालक छम्ह बुया, खुद दुम्ह काय् छम्ह ल्हाः ज्वना  
भ्यायगु लनं फिना मिसा छह्य फों बल । श्व लना धर्मदत्तं अबुया हवाः स्वया धाल ।  
भौ पिता श्व फोगीया गुजागु अवस्था सो । फोगीयात नं धाल, हे याचक ? छं थौं  
छुनया— फोगीनं धाल— आतक छुं हे मनयानि प्वा जाय्क नये मखंगु च्यान्ह दत्त,  
ह्मिगनं दाला— लः छक तोना छना, श्व मखा छह्य पित्याना च्छि मद्यंस्ये खोया चीन,  
आनं नयेगु छुं मदया धन फों बया ।

जि भात महु- थ्व मचा प्वाथे दया सोला दुवसे भात सित, जिखना हीचाये मते नयेगु आशा याना वया नये मखंगुलि दुरून मव छुयाय् मचात न गंसि जिगु रूप थ्वहे छः । छुयाय् फौवना म्येथाय् वोविया हल भोब्राह्मण जु- करुणा तथा बिज्याहुं ।

धर्मदत्तं खोवि वेकल- ब्राम्हणया छुधाय् गुगुधाय् जुल, ब्राम्हणीनं नेगु अन्न भतिचा ज्वना वया विल । धर्मदत्तया मनसंतोष मजुया- कोथास वना अन्न वस्त्र मखंक हया याचकयात विल । फों वहाले ताया सुवा विया वन । ब्राह्मणया निह्य त्यपु ऊयाले चोना सोया चोन । त्याग याय् मफया ब्राम्हणीनं धर्मदत्त यात दाल- ब्राम्हणं- बोबिल वालकं सहयाना चोन ।

बहनी जुल नल तोन छन, थ्व बालक यात मनकुस्ये कुना तल लिपा पिकया आःनं थ्ये सन धाःसा थ्वयासितं तच्चतं कसा नयेमालि इत्यादि अनेक प्रकारं बोबिया नका कोथाय् मतस्ये तले छयाय् थ्यन ।

कोथास ब्राम्हणीनं स्वामीयात बिन्ति यात । छपि नेपाले विज्यावले नं थ्व मचां आपालं घन संपत्ति मखंक खुया बिया छोइगु जिनं फको सहयाना चोना- दाइ धका छपिन्ति मकना ।

थ्वयागु स्वभाव थ्ये छुयायगु- जि उवले हे धयागु छः ।

फतपिसं जन्म याना तम्ह थ्व मचां लिपा छुयाइ गुगु याइ कीत दुखः बी धका धयागु छः । आः जिगुखे हे प्रमाण जूलाकि मजुः । ब्राम्हणं लिसः बिल- छः स्त्री छं धागु छं प्रमाण जुल । थुगु छवार म्वाल सहया, कन्हे कंसनं थ्येहे यात धाःसा जतन जुगति याये निम्ह त्यपुया परस्पर थ्ये खँल्हाना छन ।

मुथे जुल थः पिगु नित्याचार सिधय्का नय् त्यल धर्मदत्त काय्यात अबुम्ह सिनं बुजेयात । पुत्र मानंदागु जिं वोवियागु छन्त ज्ञान बियागु छः छं सीकि थुगु छगुबार म्वाल आवलि थ्ये सने मते ।

थ्व छं न्यना वालकं बिन्तियात, भों पिता ! जि मखंक दान यानागु या पुण्य छपिन्ति मदेला । अबुम्हं घास- आः नं थःगु तालं खँल्हात तिनि, आः याय्मखुत मधाः

हानं पण्येयात धासा जिनं बाकितये मखुः धया चोंबले, ब्राह्मणीं मांहसिनं सकभनं  
कोंथास तालं गोया विल । यःपिनिनं नया काय् यातनं नका निह्य त्यपुसुंक चोना  
चरित्र सोया चोन, उगु बखतस दाविद्रह्य ब्राह्मण छह्य फोंवल, थ्व वालकया छुवी  
गुगुबी जुया धाल- छ ब्राह्मणथ्ये च्वों खला- याचकं धाल जि ब्राह्मण खः छुयाय्  
ब्राम्हण जुया पूजा पाठ याय् मफुः पूजा याय्त पूजा जोलनं मदु । थथ्ये जक धाय्वं  
नुगः मछिका कोथांपत्ति तालं गोया तगुलि विचार यात, मूलगु कोंथास पूजा ज्वलं  
यको दुः सफुनं आपालं दु सोथना तल काय् मजिल- मदुसां कन्हे पितहः तले कोथास  
चोंगु हे दानयाय् धैगु चिन्तना याना अबु मां पिनि नित्य पूजा (न्हिकं) याइगु जोलं  
पुस्तक इत्यादि फुकं पोचिना फोंवह्य दारिद्र ब्राह्मणयात मखंक विया- कन्हेनिस्स्ये पूजा  
पाठ याना नः धया विया छोंत । हानं म्येम्ह दारिद्र वल भुतली चोंगु दक्क विया  
छोंत । याचक लेः लेः ताया सुवा विया वन ।

चिवा कया चोंपिनि वहनी जुल भुलली वन छुंहे मदुः फको सहयाना सोथना  
तगु बसा पितहया मागुज्या सिधय्का नल । कन्हे सुथे जुल नित्यपूजा याय्त आगं  
कोथाय् वन छुंनं मदुः धुकुति सोथना तःगु पितहा नित्य पूजादि यात ।

निम्ह त्यपुया खँल्हात सकभनं तालं गोयागु या फल पिहां वल । जाथुइगु थल  
भुतली चोंगु दक्क- हानं नित्यपूजा याय्गु जोलं पाठ याय्गु पुस्तक इत्यादि पूजांकोथास  
चोंगु फुकं मदय्का चोनेमाल । छं दागु जि बोवियागुलि तमं यागु खः । आवंलि दाय्मते  
बोवीनं मखु कोथास तालं गोय्नं मजिल हेका चित्त बुळे याना स्यख्ये याये मालि-  
थथ्ये खँ ल्हाना बोवीगु दाय्गु कोथास तालं गोय्गु तोतल ।

हानं प्यन्हु दुवले सुथे ब्राम्हणया नित्य पूजा याना चोन- ब्राम्हणीया जा थुया  
चोन- धर्मदत्तया आख वोना चोन । बुढा बुढी निम्ह फोंवल लं भ्वाथ निम्ह, थुपि खना  
तस्सकं माया वना आखः वोना चोम्ह धर्मदत्त कोथास वना छु विया छोय् धका  
सोत ।

पोचिना तगु मिसा वस छजु व म्हिचास तया तगु दां खनेवं ज्वना वया  
बुढीयात वस- बुढायात दां (धयवा) म्हिचा नापं विया याकन हुं धया छोंत । तय्  
थाय् हे मवेक लेः ताया सुवा विया वन ।

इ जुल सुथसिया भोजन सोम्हं नापं चबना नय् सिधल, ब्राम्हण कोथाय् बना ध्यवा म्हिचा सोत मदुः स्त्री यात सःता थन तयागु ध्यवा म्हिचा गनतया धाबले जिनं मकया तयातःगुजा खना सत्यनं मथिया धया । थःगु वस छपोनं मदुगु खना गनं पिहां वनेवले पुनेगु बांलागु वस पोचिना थन तयागु छपिसं गन तया धका न्यन ।

ब्राम्हणं धाल- छंगु वस जिनं मथिया तयातगुजा खना निम्हसिया नुगःमछिना काय् धर्मदत्त सःता न्यना सोत, बुढा बुढी निम्ह फों वल- दान विया छोया- नुगःमछिके म्बाः दान जक काय्गु मखुः दान काम्ह सोयानं दानबोम्ह न्हापालाक स्वर्गस थ्यनी- अबुया ध्यवा- मांया वस काय् नं दान याना मां अबु स्वर्ग छोय्त दान यानागु खः । वान याम्ह काय् यात, दाल बोबिलं धासा दान यानागु निस्फल जुइ खःला अबुंशिष्य- पित्त उपदेश बी थ्ये मां यातनं उपदेश विया चित्त जुके यानाति ।

मां यागु ख्वाः स्वयानं धाल- मांया भात छपिनि स्वामी खः जितनं ज्ञान वियां विज्याहुं धया लेः ताय्का तं पिहांमबोइगु खें न्यना विज्याहुं । थुगु प्रकारं न्यंकूगु खं न्यना निम्ह त्यपुसुं क चोन । धर्मदत्त थःगु थासे वना विद्या वोन ।

ब्राम्हणं कसुका तया धाल गुजोगु स्वभावम्ह वालक सो- लिपा थुजागु तालं सर्वनाश याइम्ह धका भविष्य ज्ञान विचारया ना वाय्हम्ह खनि जिद्वन आः गथ्ये याये न्हि न्हि थ्व हे जक खं ल्हाये बांमला छगु जतन याय् माल धयागु निम्ह त्यपुया सल्हा याना चोन ।

बन्हि जुल नय् धुंका बालकयात माने याना थ्यन । ब्राम्हणपिनि स्त्री पुरुष निम्हसिया गोत्य खं जुल । भातम्हं धाल, हे प्रिये ? आः थ्ये यायेगु कन्हे सुथे थ्व बोना जि पिहां वने बने वाना वये छं थिक जुइक खंल्हा धका निम्हसिया माक्व सल्हा याना मन धोर याना चोन । सुथे जुल स्वम्हं दना वल- ब्राम्हणी स्त्रीनं धाल- म्हिग पूजा धावगु दु काय् नं बोना विज्याहुं धया वन, थ्ये धास्येलि ब्राम्हण पुरुषं न्हिला धाल, अथ्ये धया वंसा काय् यात बांलागु लैनं फिकि- धर्मदत्त पुता- जजमान पिन्थाय् वनेगु लनं फिना थिक या ।

अबु जुं धागु खं न्यना मांनं व्यूगुलनं फित । नेगु मधि छपो ज्वना रतिसर्मा व 'धर्मपुत्र धर्मदत्त वालक' बोना छचनं दक्षिण दिशास्वया पिहां वन देशंपिने थ्यस्येलि

मचां न्यना सोत, अबु गन थ्यंक वनेगु ? अबुम्हं धाल तापा थाय् थ्यंक वनेमानि ।

आपालं धन दुम्ह साहु जजमान छम्ह दुः तापाक च्वना चोन- तोत्येनं नुगस्या दान यको विया हइम्ह- श्व साहुया मांयागु नामं धर्म याइगु धाल दक्षिणा यकी दान विया छन्तनं वस दान याइगु धाल उकीं तापासा वयागु प्यन्हू या लं कन्हे थ्यंकेमा अथ्ये जुया नय्गु ज्वना वया धकाहेका विस्तारं वोना यंकल । बन्ही जुल बासं चोना ज्वना वयागु मधि नकल छन, कन्हे सुथे जुल विस्तारं वन थासे थासे नका थःनं नया श्वहे रीतं वन । बहनी जुल बास चोन नय् धुंका छन ।

सुथे जुल हानं वन थौं जा थ्यनीगु जुल नुः धया दूरवने वन बान्हि जावले ज्वना वयागु नकल- बालकया तुति स्याकल उसि उसि याना छक आराम काल । परिश्रमं स्याक न्ह्योवय्कल । भतीचा जावले न्ह्यलं चाल- जि तुति स्यात धका बालक सुःख मदय्कल । थुगु अवस्थास वने सि कावम्ह छम्हस्ये धाल ।

अरे भाजु थुजागु वने मचा वोना वल गन वनेगु । ब्राम्हणं धाल- जि ब्राम्हण श्व काय् छः जजमान काय्यंस वयागु काय्पनं वोना वा धागुलि वोना हया थ्यनीन श्वं तुति स्यात धागुलि आराम कया चोना ।

छंगु नां छु- छेँ गन धका न्यन, सि वजानं विन्तियात, ब्राम्हण गुरू नमस्कार, जिगु नां काष्ठाहार छेँ हूकनसं खः जि जहानपि सुं मवु याकचा गरीब वने वया सिकया मिया नया चोना । जिगु वासस्थान कथल्यग्राम गां छः । थथ्ये सि वंजानं धागु न्यना-

ब्राम्हणं मने कपत याना धाल हे किजा छं कल्याण जुइमा, जि छगु धाय् छं म्हाः धाय्मते छन्त सुख जुइगु छः । जि जजमान या थासे वनेत श्व मचा ब्वना यंकेगु थाकुल तुति स्याकल छुयाय् छं विचार यानाति- जिवना श्व काय्केहये लुकुं छिना कावडपि मवुसा, ज्या सिधयेका जि याकनं वये थौं कन्हेनं मवल धासा छं छेयंकाति दानविया हगुनं छन्त बछि बिया श्व बोना छेँ वने छं छुहे धन्दा काय्मवाः धका अनेक तालं चित्त दुफेयाना देः धाय्का, बालक यातनं मामाथ्ये धया छलेयाना सिंवजायात जिमायाना धर्मवत्त (धर्मपुत्र) यात तोता म्येगु हे लंवना थःगु छेँ वन ।

न्यान्हु देय्का क्रमशः छे थन, ब्राम्हणी नापं खँल्हांत, हे प्रिये तापाक बने धुस्येंलि बनेप्यन सिंवंजा (काष्ठाहार) धाम्हं नाप खँल्हाना बालक यातनं मामागु तालं चित्त बुक्येयाना हेका सिंवंजाया ल्हाते तोता वया नुगमछि कीगु कर्म धिकार । दैवं अकस्मात् काय्मचा व्युगुखः जिनं म्येपिन्त विद्येमाल । गथ्येजा सिमाय सगु फल पाके जुल थमं नये मखंक हाया वंथ्ये जुल ।

आपालं संपत्ति फुकल धका तमं बने छम्हसित नासु बिया वया धाल सिंवंजानं छेवया छाया कामवयागु धका बोहल धासा अथ्येनं दुःखहे जुइ धका निम्हसिया नाना प्रकारं खँल्हाना छल्ये दुःख छल्ये सुखथ्ये जुइकां च्वन ।

॥ बने मचाया खें सीके ॥

निह्छिनं बालक बने च्वना दुःख ताया च्वन, अबुजु मव म्येम्हं सुंमखंगुलि बोवि वेका च्वन, सिंवंजानं धाल, ब्राम्हणपुत्र, छं अबु मवल जि वनेच्वनागु संध्याइ जुल थन बने चोने मज्जु खोय्मते कन्हे अवश्यनं कावइ छं तुति मस्यागु जूसा नापं बोना यंकीगु खः तुति स्याकल जित जिमायाना वन जिगुछे वनेनुः धया सिंभारि कुबिवा थ्व धर्मदत्त यागु ल्हाज्वना सिंवंजानं छे बोना यंकल । जिगु छे थ्व ख गरीब छुयाय् भ्वाथगु छे दुःख ताये मते छन्हु निन्हु चोनेत खः धया सिकुदिका दुने वना दुसिचू हया व्वाति दायका थनं नल बालक यातनं नकल । बहनी जुल थन लासा छुंमदु सिमाहया लासाय् चना सिंवंजा चछि न्होवेकल ।

बालक या न्होमव अनेक तर्कना योना सुकुसुकुं खोया चोन, सुथे जुल निम्हंवना पिहाँ वल— बालकयात धाल जि बने वनेमानी छ थन छे पिया च्वं दुसि व्वातिनेगु आहार जिगु भाग्य थुजागु थन गामे जि समान गरीप म्येपिं मदु । थुलि धया निम्ह व्वंगाचाय् वना ख्वांसिला चायाथले लः फयाहया नेगु दुसि व्वाति थिक याना निम्ह सिया नल । बालक छेतोंता सिंवंजा वनेवन, थःगु ज्यायाना उल्ये सोत ब्राम्हण मवगुलिं इले सिकुबिया छे थ्येक वल, सिमाथाय् तया बालक यात धाल ।

हे ब्राम्हण पुत्र ! यौनं छं अबुजु मवनी नम्येपिं वल आःतकं मवस्येलि थौं वइ मखुत कन्हे जक वइगु जुइ । आ छक नेत वनि, कन्हेजा बजारे वना सिमिया नेगु



न्याना हयेमाल, छं दुःखताय् मते । फोगीं यात जिम्मायाना वन जिके दुथ्ये नयाच्चं  
धया नेगु थिकयात दुसिया जा नया बालक छें तोता सिबजा सि म्यूवन नेगु न्याना  
छें बल बहनी जुल नये सिधेका थौन छं अबु मवनि खला जित दुःख जुल छ अबु  
गुजाम्ह खः काय् बोना वया जित नासुबिया दान कावन छाय् मवल- कन्हैजक  
वयेत्यलना- छनेमाल धया छन सुथेजुल सावीक मामागु ज्यायाना नेमाल धकाखँल्हात ।  
थौनं मवसा गथ्ये याय्गुजि धनिम्ह खसा ब्राम्हणया मचा पालेयानातये, गरीबं छु बीफइ  
दिक् जुया सिवँजानं हानं धाल, जि न्यनातयागु दु- ब्राम्हण जात पुरोहित जुया परयागु  
धन दान कया नेगु जक ध्यान थमं छु दानयाये म्वा । दान कया नया जूगु सोयेबले  
धनांछ जुइमा, रूप सोसा नया मचोँपिथ्येच्चोँ ।

म्येपिथाय् नेगु जुलकि भूतं नेथ्ये नइगु धागुनं खथ्येच्चं आपत्यार जुल ।  
थुजाम्ह ब्राम्हणया काय् छन्त जि छुयाना नकातेगु ।

थ्व धर्मदत्त बालकं बिन्तियात, छम्ह निम्ह अथ्येखँ : सकलें उथ्ये जुइ मखु ।  
जि अबुं कामवतले छंगुछेचोना मामागु ज्यायाना चोने दिक् जुइ मते ब्राम्हणयात  
नकेगुनं पुण्य खः दान धयागु जितजक मखु सकलयातनं नके तोँकेगु योग्यजुः ।

परस्पर थथ्ये खँल्हाना नयेधुंका सिवँजा थःगु ज्याय् वन । बालकं विचार  
यात, जितहेका बने तोतेहल थ्येच्चं । जि दारिद्र पित्त छुं छगु निगु बस्तु दान  
बियागु दुः थ्वहे तमं काय्यात बने तोता त्याग यागुला कावसा छुं खँमन्त, मवसा  
यागु खँ खः थः च्यान्हु तकनं कामवस्येलि बालक तच्चतं दुःख ताल जुलेजुया चवन ।

सिवँजानं धाल, छाय् दुःख तायागु कामवतले थन चोनाच्चं कावइबले हुँ थुलि  
धया थगु संपत्ति सिपतना तयागु थासेयँका वयन- थ्व सि जिगु सम्पत्ती खः गँगु  
जक मिया छोपेगु सिंति बीगु मखुः जि सि मियावये धया सि छकु कुबिया  
देशे वन ।

न्हिने जुस्येलि परदेशीत तीर्थ चाहला वपिं छगुपुच मनुत वया थ्व बालक  
यात धाल, हे मचा ! थन सुनं मदुला ? जिमि जाथुया नेत सि माला चवन  
सिदुला धका न्यन, बालकं लिसः विल । जि माँ अबुपिं थनमदु दाजु छह्य दु सि म्यूवन



चिह्ने पिया चोना, सिमासा गुलिमाणु खः उलिकया यंकि धया सि तयातगु थासे केने  
यंकल ।

मावव सिकया छयाय् वना जायुया नये धुंका, सिया ध्यवा गुलि माल धका  
न्यव । ध्व बालकं सियाध्यवा स्वाल, छुयाय् तीर्थ बना वपि खः धनिजूगु जूसा छछाक  
भोजन याके मागु- गरीप छुंवी मफुः सि भतिचा या ध्यवा गथ्ये काय् जासं ।


थ्ये घासानं ध्यवा माको का छं बाजुं छन्त बोविया कसायाइ । धया ध्यवा  
विल । ध्व बालकं तीर्थवासी पिगु स्वा स्वया धाल- दाजुं वोवी मखुः थन वन  
छगुलि सिमां सिया छु धन्दा, बन धयागु पृथ्वी खः सकलया इना नेगुथ्या, नदी, खुसि,  
हिति, पुखु ध, वंग्गा, तूं इत्यादिस लयक्वदु । थ्वनं सकजया भाग थ्यागु खः वथ्ये बने  
स्वा फल सया चोनि घाय् बुयाचोनी ध्व नं सकलया म्हंकागु हे खः । ध्यवा काय्  
मखु जासं धाल ।

ध्व बालक या खं न्यना ध्व मचा जूसानं खल्लागु गुलि बांला धका हाला खुसि  
बुया वन । बालक स्वाथगु छं च्वना मनं शोकयाना चोन, छं सागु नया च्वनाह्य  
सासाय् घना आख वोना सुसंगत याना च्वनाह्य- थन बने दुसिया जा नया घाय्  
सासाय् घना आख वोनेगु मदेका सिबंसाया संगते लात हा हा गुजागु दुखया भोगयाय्  
बाल जि धबु गुबले बडगु । थ्ये चिन्तना याना च्वंवले सिबंजा थ्यंक बल ।

सिमियां न्याना हयागु वस्तु पाकयाना नल बहनी जुल घन सिबंजाया बांलक  
स्याक न्ह्योवल । ध्व बालक या न्ह्योमव अनेक तर्कना जुल- गन वंसा जित कल्याण  
जुइगु- थन मा अबु महु- जित सुनां भरोसा विया रक्षा याइगु रक्षा याइह्य पुण्य खः  
जिनं पुण्य याना मबल जुइ- जित करुणा सुना याइ- गुह्यजा करुणाया सागर समान  
बुया चोनि वयात सबानं नमस्कार ।

बुद्ध धर्म संघ (त्रिरत्न) खः नमस्कार थ्ये चिन्तना याना च्वन बांलाक सासास  
छनेबलेथ्ये आनन्दं न्ह्यो वेकल- रात्रिया सोंगुप्रहरे स्वप्न जुल ।

हे कुमार शोकयाय् मते थन छन्त दुःखया लिपा सुख जुइ तिनि धन्दा काय्स्वाः  
छं भिगु पुसा पिना वगु दु । स्वप्ने थुलि घागु न्यना लिपा न्ह्यलंचाल दना अहो जित  
स्वप्ने धयागुथ्ये घाथ्ये जुइमा धया फेतुना च्वन ।



सर्वरू मित्रवर्षद्वससिनं चतुर्कशूरुया १०८ वातकपिंड्या नवाइति  
 यरूया वल्लयंकुससिनं श्रार्यगावातमंका १०९ वातकपाभपिकनं गावा  
 न्मकीकुरुकूमरुधकाउपयभविद्या १०८ वातकपिंश्रुकातमपुंमकुरु  
 गृ विग्र—



11

1

1

1

1

1

1

अनंलि सुथे जुल- काष्ठाहार नं दना बालक फेतुना च्वंगुलि धाल- हे ब्रह्माण पुत्र ! छे न्ह्योमवला छं मां अबु लुमंका चोन जुइ आ यन छं अबु सुः धका न्यन ।

बालकं लिसः बिल- जि अबु छंगु जिमायाना जित तोता वंहा खः । वया कला जिमां अवश्यनं खः धका निश्चय याना जि थुलि जकस्यु थन सुनां नकातल वहे मां अबु धासां ज्यु ।

सि वंजानं हानं धाल, छन्त छं अबुं बने हया छाया तोता थकल- छं छे छु याना- आतकं कामब वैमखुत- छन्त जिनं छुयाना प्रतिपाल याय्गु ।

बालकं लिसबिल- जित अबुं कावैतिनि नापं बने- जि याकचा छे वनेत लैमस्यु निन्हु प्यन्हु जित पालेया जित पाले यागु पुण्य गनवनि थथ्ये छुं संखा मयास्ये धया सुंक चोन ।

इजुल मामागु याना निम्हसियां नल- सिधेका सि सोवन केहि सिपाजुया च्वंगुलि सिवंजानं बालक यात धाल- वसि गथ्ये पाजुया च्वंगु सुनां यंकल ।

बालकं धाल- खः तीर्थ वना वपिसं जाथुइत सि भतिचा व्युः धाल छिमिसं माववका धया- काल खः धववाना धागुजा खः ध्यवा मकया- तीर्थ वना वपिके ध्यवा गथ्ये काय्गु दान जुल धया खुसि जुया वन ।

सिवंजाया मने दुःख ताल- छगु बार म्वाल सिकावने थाकु छंसीकि- ध्यवा मकास्ये सि वीमते ध्यवानां धाइवले काय्गु ध्यवा मब्यूसा सिनं मवीगु- सि खर्चवाय् मते जित दुःख जुइ धका बालकयात न्यंकल ।

थुगु प्रकारं ङिनिन्हु पुला ङिसोन्हु दस्येलि थुखुन्हु दिने सिवंजा काष्ठाहारया तयातगु सि मखंक थव बालकं म्येपिन्त न्हापाथ्ये ध्यवा मकास्ये बिल- थुगु तालं घमाधम निन्हुतक बिया च्वंगु सिवंजानं खन ।

बालक यात धाल सिमियागु ध्यवा गुलिदत हति जिके मन्यंस्ये सि मीमते धयागु खं मानेमया याकनं ध्यवा जित बुजेया । सि बछिहे मन्त गनतया ध्यवा जित हति ।

बालकं उत्तर विल । भो दाजु काष्ठाहार ! भति भति मात्र दान यानागु खः सिमियागु मखुः ध्यवा जिके मदु । दानया फलं लिपा जय जुइ । फोंवइबले थःके

वया चोंगु दान याय्मा— छम्ह नये मखन धका वल बोगु छुं महु दुसिचू भतिचानं विमा छोया दुःख ताय् मते । न्हापा दानवः मलागुलि आ दरिद्र जुल आः दान यासा लिपा दरिद्र जुइ मखुः । दुसिया क्वाति तोना सिमा हले द्यना भ्वाय्गुछें चोने मागु छुया निम्ति सोकि, सिबंजा वाजु— न्हापाया जन्मे दान याना मवगुलि खः ।

श्व खें न्यना दान पुण्य होनह्य सिबंजानं संतापयात, हाहा गुजागु जुल । गुजाह्य मचा जिगु ल्हातेलात, दुःखिधयां ऊन् दुःखि जुल जिगुछें काल सोचा वल । न्हापा मसिल अबुं तोता वंह्य धका छें हया जि द्रन । थथ्ये जुया खनि ब्राह्मणं बने तोते हगु माकया गल खिचा यात घाथ्ये ब्राह्मणया गल जित जुल ।

जिगु माग्य धिकार जि हानं बने वना सिका वनकि श्वं सर्वनाश याइ जि गनं हे वने मजिल हे दैव धका हरेश नया च्वन ।

फिखुन्हु दस्येति थय्ये छेजक च्वनानं छुयाये श्व या अबु ब्राह्मण वला मवला सोये धका दिग्दार जुइका सिबंजा थःगु छेनं पिने वना लें च्वना उख्ये थुख्ये सोया च्वन ।

थुगु समये रत्नकोश वती देशे रत्नकेतु राजाया मनुत प्यह्य ग्रामे चाहुला वपि श्व सिबंजाया न्ह्याने थ्यन । थुपि खना सिबंजानं न्यन । भो महा पुरुषपि ! गनं बिज्यानागु, थन छाय्, छुःकारणे गन बिज्याय्गु धका न्यन ।

राज पुरुष पिसं जवाफ विल— हे साधू ! थन जिपि वयागु कारण कने । जिपि रत्नकोशवती देशं वयापि उगु देशया राजा रत्नकेतु या मनुत राज पुरुषपि जिपि खः । ग्राम नगर चाहुला थन वया राजाया वचन पालनयाना वया श्व गोप्यगु खें । छु घासा लक्षण दुह्य १२ वर्ष पुला मवंनिह्य पुरुष (मिनं मचा) अत्यन्त राजायात आवश्यक जुया च्वन, नराहुति यज्ञ पूर्णयायेत मागुलि जिमित छोयाहगु छंबिफुला फुसा द्विच्छिदां (१०००) वोगु मगासा तनावी । छं बीमफुसा थुजाह्य मचा बीम्ह गनं दुला क्यनाव्यु सिंति याय्मखुः छन्तनं ध्यवा वोगु जुल ।

थुजागु वचन न्यना सिबंजानं चिन्तना यात, अहो जिगु जन्म सफल जुल— दैवयोगं जिगु दरिद्र दुःख फुइन, थुलि मनं लुइका सिबंजानं राज पुरुष पित्त थथ्ये विन्तियात । भो राजपुरुषपि ! जिगु छें छम्ह दु लक्षणं पूर्णम्ह मिजंमचा खः ।



ज्यो ध्ये याना तयाम्ह थ्व मचा निश्रयनं जि बिडगु जुल । द्विद्धिदां जित हति-  
जिगु नां काष्ठाहार खः धका बिन्ति यात ।

राज पुरुषपिं लेःताया धाल, हे भद्रे काष्ठाहारजु ! सत्यनं खला राजा  
या भाग्य खः ज्याः सफल जुल-- जिमितनं जस दइगु जुल छन्तनं ध्यवा दया सुखि  
जुइगु खः ।

काष्ठाहारं बिन्तियात, जिगु गोप्यखँ न्यना बिज्याहुँ, थ्व बालकं खंके मज्यु  
ध्यवा हति, अबुं तोता जित बिया तम्ह जुया छं अबुं काय्के हल धका जि धया चित्त  
बुके याये, खःनुः धया बिज्याहुँ थ्व मचा लेःताया वइ यंका बिज्याहुँ ।

थुगु खँ न्यना राज पुरुषपिं खुसिजुया ध्यवा द्विद्धि बिल-- ध्यवा कया नापं बोना  
यंकल । काष्ठाहारं ब्राह्मण पुत्र मचायात न्हिला धाल । अरे बालक छँ दुःख मन्त,  
छं अबुं काय्के हल याकनहुँ जि बने वने त्यल-- का यंका बिज्याहुँ धया लल्हाना विल  
थुमिसं खः छं अबुं छोया हपिं वनेनु धया ल्हाः ज्वन बालक पत्यार जुया न्हिला वनेन्है  
धया सिबजायाके विदा कया राजपुरुषपिं नापं वन ।

सिं बंजाया छँ दुने चोना ध्यवा स्वया मोह जुइका चोन-- मनं चिन्तनायात  
जिगु धन सिं बान यागु या फलं जित अकस्मात् द्विद्धिवां दत धका न्हिला लेताया चोन ।  
हानं नुगः मछिथ्ये चोंका छँनं पिहां वया खने दतले सोया चोन, खनेमन्त थः मागु  
ज्याया वन ।

थनंलि थ्व राजपुरुषपिसं लें बिचार याना थासे थासे वास चोना नका योंका  
थःपिनिनं नया रत्नकोशवती देश स्वया वन ।

प्यन्हु न्यान्हु दस्येलि दिन या स्वफः इले रत्नकोशवती देशपिने थ्यन । बालक  
कुले जुल । राज पुरुष पिसं धाल ! हे बालक छ कुलेजुल-- छन्त खँकने छँ माँ अबु  
सुः छ जन्म जूगु गन छंगु नाँ छुः काष्ठाहार या छँ गथ्ये लात छंगु जात छु । छंगु विषय  
लें खँल्हाना वयागु नं छं न्यना वगु दुः छं सिलहे जुइ ।

थ्व खँ न्यना बालकं बिन्ति यात, जि माँ अबु कनकावती देशे च्वंहा रतिसर्मा  
ब्राह्मण रत्नावती ब्राह्मणी खः जिगु नाँ धर्मदत्तः । वने जि अबुं छाया जुइ मस्यु तोता

वन काष्ठहारया ल्हाते लात । वान काय्त जजमानया थाय् वने धका बोनायंकुगु खः ।  
जि तुति स्यागुलि काष्ठाहार यात लःल्हाना जि अबु दान कावंह्य मब थुलिहे जक  
जिस्पूः मेगु खें छुं मस्युः जित थन वोनाहःगु कारण छाया जुइ । उकीं ऊलेजुया  
चोनागु ।

राज पुरुषपिसं बालकयात खेंकन- बालक छंसीकि थन च्वंह्या जुजुया १०८  
बालक मिजं मचात होमस दुइत जज्ञ याना चोंगुदुः । १०७ दत छह्य मदया  
च्वंगुलि मांला चोन । आः छ काष्ठाहारं द्दछि दाँ कया मिया हल- जिमिसं थन बुछे  
याय्त छन्त हयागु खः । वा वा नुः घया वोनाहल राजदरवारे द्रुत यंकल ।

राजा मंत्री गुरु पुरोहितपि मुना चोंगु सभास थ्व बालक राज पुरुषपिसं  
लःल्हाना बिल । सकसिनं सोवल खना सकल हर्ष जुल ।

थ्व बालक गन मुनां विया हल घयागु खें चर्चा जुल । बोना हःपिसं वृत्तान्त खें  
कना चित्त बुछेयात । थ्व बालक याकेनं न्यना सोत खः धाल- थ्व बालक बोनाहः  
पिन्त सिलपा विया खुसियात । महाराजया भाग्य खः जिमिसं हया- महाराजया जय  
जुइमा घया विन्ति याना यःपिंगु थासे वन । अनंलि बालक यागु शरीरया लक्षण  
विचार यात ।

गुरु जोतोष पिसं सीका महाराजा यात विन्ति यात भो रत्नकेतु महाराज !  
छलपोल प्रतापी खः । मनोरथ पूर्णजुइ छुं धन्दा कया विज्याय् म्वाः ज्व बालक या  
शरीर भिं मभिमं सोय धुन ।

थ्व बालक स्वोनिता (३२) लक्षणं संयुक्तह्यः खः याकनं पूर्णाहुतिया ज्या  
सिद्धयाय्त भिगु बेला (साइत्) सोयां विज्यासा कीगुज्या याकनं सफल जुइ इत्यादि खें  
कंगु न्यना राजा लेःताया थ्व बालक राजसभाय् चोना राजां ताउतिं सोया संतोष  
जुइकल ।

राजां आज्ञा जुल- थ्व समान लक्षण दुह्य बालक म्येपिं कीगु थासे मबनि धन्य  
धन्य जिगु भाग्य, थ्व बालक १०७ तया तयागु बालगृहे तय् यंकि । थथ्ये आज्ञा जूगु  
तथाऽस्तु याना थ्व बालक यातनं यंका बालगृहस न्हापा हयातपिं सखिव न्हेह्य (१०७)  
बालकपिं कुना तःगु छें तय् यंकल । थ्व समेत १०८ बालकपिं दत घयागु विषये



यज्ञ मण्डलस चोपिं दरवारे चोपिं सकलया तच्चतं मन आनन्द जुइका चोन । राजा रानी मंत्रीपिं हर्ष जूगु तयथायहे मदु श्व बालक बाल गृहे दुतहःगु वहनी जुया च्वन इले नकेमागु नके हल मूलगु लुखा तिना पिने सिपाहिं पाचोन उगु वखते लिपा वम्ह धर्मदत्त तच्चतं अद्भूत जुइका नकेहःगु मनस्ये अन च्वंपिं सकल बालकपिं सोया गुजोगु हेतु धका आश्रय चा या च्वन ।

उगु वखतस अन च्वंपिं सछि व न्हेह्य बालकपिं छपं जुया धाल । हे काल पुरुष ! छः छह्य आः अन द्वाहाँ वबले जिपिं सकलें याकनं सीन । जिमित थनतया इले नका तोंका बिचार याना तल जुजुं व तवर सोवया छुछु नय्गु दु नकि धका आज्ञा जुया लहिना तल आः छ काल द्वाहाँ वगुलिं जिपिनं छनं याकनंहे अथवा कन्हेहे जुइफु यज्ञस होम याना फुकं आहुति बीगु जुल । धिकार श्व काल द्वाहाँ वल धका वोविया त्राहिमानं ग्याका चोन ।

थुपिं सछि व न्हेह्य मिले जुया परस्पर ख्वाः स्वया आः छुयाय्गु हाहा गुगुयाय्गु धका हाला चोपिं । गुलिसिनं वा कतततं न्हेया मिखां स्वया कुवाक्य ल्हाना न्यंकल ।

हे चण्डाल ! पापि गनं वयाह्य छाप् थन वयागु । जिपिं सकल यागु प्राण फुक वह्य छ अवश्यनं खः । आपालं सुःखं च्वनागु फुक वह्य खः । थुगु थासे काल द्वाहांवल सिना वनीगु अवश्य जुल ।

हानं म्येह्यस्ये धाल- हे काल छ थन चोनेमते जिपिं वछिजा म्वाइ धका आशा यानागु व्यर्थ जुल छ महाकाल वगुलिं जिपिं फुककं सीगु जुल । हानं म्येह्यस्ये थथेधाल, छाप् थन वयागु जिपिं सुखं च्वनागु फुक वल छ शत्रु खः । म्येह्यस्ये धाल, सछिव न्हेम्ह सिगु जीव घाटक यावम्ह छ पापी खः जिपिं याकनं मृत्यु जुइन निश्चयनं ख पिहांहुं ।

गुलिं थथ्ये हाला खोल- सुनां रक्षा याइगु थन जित आःथथ्ये मृत्यु जुइगु इ थ्यंक वल- नेगु तोनेगु चोनेगु फुत काल द्वाहाँ वया च्वन । गुलिं थथ्ये हाला खोपि हाहा हे दैव ! गुलिं हाले मफुपिं- गुलिं खोयाजक चोपिं गुलिं सीन धका बिलाप याना तोले जुया चोपिं । गुलिं थन माँ अबु दाजु किजा तता क्यहे सुं भरोसा मदुसां जुजुं नका पालेयाना तल आः मृत्यु जुइन हाहा धका खोपि । गुलिं मां नं मिया हल- गुलिं

राजु किजां मिया हल छुयाय् थन चोना नया चोनागु भोग घाये गात कन्हे कंस हे  
सीन हे देब घका खोपि । गुलि अबु मां मचा बले सित पापिम्ह आजुं मिया हल- थन  
ज्वना नयागु नं फुत काल वये धुं कल आः गण्ये यायेगु गन वनेगु घका खोपि । गुलि थन  
मां अबु बहान्पि सुमदुसानं लोमंका चोनागु व्यर्थ जुल । सिना वनीन गण्ये याय्गु  
सीमयनी घयां छुयाय्गु हाहा देब घका खोपि । थुजागु प्रकारं अनेक शब्द उच्चारण  
याना खोया बोबिया चोंगु न्यना- धर्मदत्त बालक अमल नया ऊले जूम्ह थ्ये वंगु वंगु  
हवाः जक स्वया थन थुलिमछि बालक जिथ्ये जापि तथातगु थासे छम्ह जिनं तयेहल  
खः जित काल द्वाहावल घाल जि सोइतनं छुं यानागु मदुः अहो गुजागु अयोग्य खं  
न्यनेमाख गुजागु थासे लात घका लाताम्ह थ्ये जुया सुंक चोना चोन ।

थुगु बखते अन न्हापा चोना चोंपि फुक सिनं सहाय्य मफुत थ्व काल पापी  
यात घया कसायात ।

गुलिसिनं दाल त्वाकमं च्वात, संपुल कुतिन्यात- त्वाः नकल ककुतिल गुलिसिनं  
तुति ल्हाःज्वना इसा थिसा यात ।

थ्व धर्मदत्त बालक या तच्चतं बेवना जुया विन्ति यात । जिनं छुं मस्यूः आःसिल  
जिनं मिया हःह्य खः पासापि जित क्षमाया । हे त्रिरत्न प्रभू जि शरण वया घकां  
खोल ।

पिने पा चोना चोंपि सिपाहि तय्सं दुने बालकपि त्वात घका खापा चाय्का  
सोवल- सकलयात ह्याना थःथःगु कोथास तथा बुछेयाना सकभनं खापातिना ह्यति  
ह्यति थ्यना त्वापु शान्त याना थः थःगु थासे घना लुखास खापा तिना पिने चोंवन ।

थुजागु जुस्येलि थ्व धर्मदत्त यातनं छगु कोथास नेगु तथा छ थनचवं घया वंगुलि  
उगु थासे चोना मखोस्ये शरीरे सकभनं स्याका छुनं मनस्ये ऊले जुया अनेक चिन्तना  
याना ज्वन । न्ह्यो मव वाचापुला वस्येलि थःचोनागु कोथास ऊयालं तुयुगु तेज द्वाहाँ  
वगु खना मन शान्त जुइका सोत चन्द्रना प्रकाश जुया चवंगु खना आकाशे थसोया  
ऊयाले ज्वना, थ्व दुःखिह्य धर्मदत्त बालकं ल्हाः विन्तियाना थथ्ये प्रार्थना यात ।

प्रभू नमस्कार, दुःखया मिपुना दाह जुया चोह्य जित, शीतलगु तेजं खेका, पापं  
पुना चोने मरुके दाहजुया लःमदुगु थासे चोंह्य न्या थ्ये सास्ति नया च्दनाह्य दुःखि  
मचा जित शीतलगु लखंलुना दुःख फुका वीगु रस्मिखेका सफल याना विज्याहुं ।

दुःख वहौ सुदुर्लभे पतितोऽद्याह मेवहि ।  
तद्विंह संमये येन तस्मै नमोऽस्तु कोटिधा ।  
तारिणि चण्डिके त्वं मां मुद्धा रोद्धर मृत्युतः ।  
तेषां मेवच सर्वेषां मममृत्यु भयंहर ।

दुःखया मिच्छोयां च्वंगु तः गागु गाले कुतुंबना थाहांवये मफया च्वंह्य यौ  
जि खः । उगु मि शमनयाना थकाइह्य सुखः वइत कोटिक नमस्कार दुः ।

[सत्त्वा न्तरयतीति, तारिणी- तस्या संबुद्धौ, हे तारिणि !]

सत्त्व प्राणीपिन्त दुःख फुका तरे याइह्य सुःख वइत तारणी धाइ । छपिन्त  
सःता हे तारणि । हे चण्डिके जित अकाल मृत्यु याकें उद्धार याना विज्याहुं ।  
श्व सछिव न्हेह्य जि पासापि सकल यातनं अकाल मृत्युया भय हरण याना विज्याहुं ।

थुगु दुःखें जित सुनां तरे याइगु, दुःखया सागरे चुइक यंकूह्य जित सुनां ज्वना  
थकाइगु, थुगु शंकण्ठ लिकाइह्य हे तारिणि छपि गन दु गन विज्याना चोना, जि  
वरांवर सता च्वना ताय्का विज्याहुं- थुगु प्रकारं तारायात लुमंका तारणी शब्द  
उच्चारण याना वारांवार प्रार्थना याना एक चित्तं भक्तियाना चोन ।

थुगु बखते भक्तियाना नांकागु ताय्का तथागत पत्नी पोतल पर्वतं निस्ये आर्य  
तारा देवी आकाश मार्गं स्वयं उगु थासे विज्याना आज्ञा जुल । हे वालल ! जित नाम  
कयागु छुकारणे, लुमंकागु छाया धा ।

गुह्यजा श्व पापयागु मि दाह जुइका इतःमतः कना चोह्य सुखः वइत जि  
निश्चयनं तरेयाना बोत्यना । अध्येया निमित्तं स्त्री बाचक प्रज्ञा स्वरूप जिगु नाम  
तारिणी जुया च्वन खः धका स्वर्ग मर्त्य पाताल स्वंगु भुवनेसं प्रख्यात जुया च्वन ।  
अध्येया कारणे छंगु दुःख जि तरेयाना बी । छं छु इच्छा याना जिगु न्ह्योने धा जि पूर्ण  
याना बी धका थन वया ।

थुगु प्रकारं अकस्मात् विज्याना तारादेवीं आज्ञा जुस्येलि धर्मदत्त बालक अति  
हर्ष जुल । शीतल रश्मि तुयुगु वर्ण जुया चोह्य आनन्दरूप आर्यधर्मधात्वेश्वरी तारा  
ऊपाले पियेसं सतिक आकाशे विज्याह्य खना विन्तियाना प्रणाम चाख् धुंका स्तुतियात ।

नमस्ते तारणि देवि सर्वसत्त्वानुकंपिनि ।

महा दुःखं विजानीया ह्यागताऽत्र प्रसीद मे । १।  
 मम दुःखं विनाशाय भवता परमेश्वरि ।  
 तथापि प्रार्थया म्येष शृणु मे हित मानसा । २।  
 परम दुःख संप्राप्तं निरापरा धतो मया ।  
 केनोपायेन तदुःखं देवि शान्ति भविष्यति । ३।  
 किन्तु तत्रागतेऽकस्मा दह मन्यै र्जनैरिह ।  
 कालागते ति कथिता तद्वाक्य मसहि ण्णुता । ४।  
 तथायज्ञांगिकैः सर्वै रूणामष्टोत्तरैः शतैः ।  
 नाना प्रकारतो मह्यं श्रापितं क्रूदितोदितं । ५।  
 रुदितं चापि यः कश्चि न्मूर्छितं गर्वितं मयि ।  
 अहो दुःख महोकष्ट महो पापि भवेदहं । ६।  
 दुणमष्टो त्तराणां वै शतानां प्राण नाशकः ।  
 केनोपायेन मे देवि भवेद्भव प्ररक्षका । ७।  
 यज्ञां गानांच सर्वेषां भव प्राण प्ररक्षका ।

नमस्तेऽस्तु नमस्तेऽस्तु नमस्तेऽस्तु नमो नमः । ८।

हे तारणि, हे देवि, हे सर्वसत्त्वानुकंपिनि, ! सकल सत्त्व पिन्त कृपातया दुःखतरे याना विज्याइह्य छलपोल खः । जिगु दुःख फुकेत प्रशन्न जुया यन विज्यात जिनं छपिन्त नमस्कार । १।

जिगु दुःख मदेकेत विज्यात, हे परमेश्वरि ! तथापि जिनं विन्तियाना बांलाक कने न्यना विज्याहुं जित हित सुख याय्त सोया विज्याहुं । २।

तस्सकं तच्चतं दुःखस लाह्य जि खः जि छुं सोइतनं अपराध मयाना छु उपाय याना थुगु दुःख हे देवि शान्ति जुइ । ३।

छु कारणं अकस्मात् छपि थन विज्याना विचार याना विज्यात खैः । जि थन म्येपिन्त छ्यात, वखत विचार याना अवश्यनं सोया धया विज्याइगु शुभ वचन यावयें न्यना थुमिसं सहयाना, जित सहयाये मफुत छ पापि काल धाय्केम्बाक छपि उद्धार याय्त विज्यागु खः । ४।

वश्ये यज्ञस आहुति वीत ह्यातपि सखि व न्हेह्यस्ये नाना प्रकारं जित् आप  
विया तंपिकया धागुदु । ५।

गुलि छोया गुलि मूर्छा ज्वीका चोपिनं दुः गुलि जित माया मतस्ये कसा याइ  
पिदु, अहो गुजागु दुःख, गुजागु कष्ट, गुजाह्य पापि जि जुल । ६।

जित थुमिसं सखि व न्हेह्य सिगु प्राण घाटक घावले काइह्य जिजुल, थुमित छु  
उपाय याना उपकार जुइगु खः हे देवि ! जित आज्ञा जुया विज्याहुं, छलपोल  
रक्षायाइ म्ह खः । ७।

थुपीनं जिनं यज्ञस आहुतिविया भस्मयाय्त ह्या थन कुनातपि सकल यागु प्राण  
अकालं मृत्यु मजुइगुलि रक्षा याइह्य छलपोल खः । छपिन्त नमस्कार दु नमस्कार दु ।  
छपिन्त नमस्कार दु । सदानं नमस्कार-नमस्कार । ८।

थुलि भक्तिया स्तुति यागु न्यना तारिणी देवीनं कृपाया दृष्टिं स्वया थ्व  
धर्मदत्तयात तथा म्येपिन्त उद्धार याय्त आज्ञाजुया विज्यात ।

हे शिष्य ! छ ग्याय्मते, जि भक्तयात रक्षा याय्गु कारणे थन वये धुन जित  
भक्त बत्सला धाइपिनं दु । कल्याण कारी घका बुद्ध बोधिसत्वपिसं धया चोन ।

अथ्येया कारणे, छन्त थ्व दुःख जुयाचोंगु याकनं फुका शंकष्ट तरेवादा बिइ धन्दा  
काय्मते । हे शिष्य एकचित्तं न्य, हे महा भाग ! उत्तमगु मृत्यं जयमंत्र धारण या ।

गुगु बखते छन्त अकाल मृत्युया भयवइ उगु वखते एकचित्तं स्मरणया (लुमंकि)  
गुह्यस्ये थ्व मृत्यंजय मन्त्र लुमंका चोनि, वया अकाल मृत्युभय तरे जुइ । स्वर्ग  
बासनं लाइ ।

छक स्वक न्याक न्हेक थ्य मंत्र सुना श्रद्धातया वोनि लुमंकि थ्वया च्यागु भय  
भवया अन्त्ये मोक्ष वासना मिले जुइ । सुना थ्व मंत्र जित ह्यसीका भावयाइ वया  
तथागत ज्ञान याकनं ह्यसिया बोधिसत्व धाय्कः चोनेदैः । अनं लिपा बुद्धपद लाइ ।  
बोनेगु थथ्ये खः सीकि ।

प्रणवाविक सं तारे तुरे तुत्तार बोधने ।

तुरेन्त स्वाहाया युक्तं मृत्यंजय मुदाहृतं ।

तेन मृत्युंजयष्यन्ति निश्चयेन मयोदितं ।

तारये त्युदितं श्रुत्वा बालकोऽति प्रहर्षितः ।

। आर्यतारा देवीनं युगु मृत्युंजय मंत्र दान विया बिज्यात ।

प्रथम च्चे ओं उच्चारण याय्गु, अनं लिपा तारे घाय्गु, अनंलि तुत्तारे पव तेगु, अनंक्वे तुरे घाय्गु अन्त्ये स्वाहा घया सिधेयकेगु- [ॐ तारे तुत्तारे तुरे स्वाहा] यष्ये ऋग आख पाय्छियाना एव मृत्युंजय मंत्र उच्चारण याय्गु, हे बालक एव पद संबोधन छः जित सत्येगु । छन्त य्वीक कने, श्रावकचर्य, प्रत्येकचर्य, महायानचर्य (त्रिथान) स्वंगु बिमान स्वरूप लं दु । एव स्वर्गुलि, छधि जुया च्वंगु वज्रयान चर्ये लागु मंत्र ओ घका भक्तियाय्गु ।०। अनंलि जिगु नाम काय्गु । हे तारे-हे तुत्तारे हे तुरे- जिगु भक्ति स्वाहा कया विज्याहं । एव जकमखु म्येम्येगु मंत्र यानं प्रभाव यकोदं मंत्रया अर्थ दैमखु

युगु मंत्रया प्रभाव कनेधुन, मूर्खं मजूस्ये निश्चययाना श्रद्धातया युगु मंत्रोच्चारण याना म्येपिन्तनं भक्ति दुपिन्त दानया घया बिज्यात ।

एवं प्रकारं आर्यतारा देवी प्रकट जुया दर्शन विया मंत्र दान न्यंका विज्यागु अवस्थास धर्मवत्त बालक खुशियुया दक्षिणा यःगु शरीर दोहलपा अष्टांग प्रणाम याना क्षमा फोन । क्षमाजुल घका आशीर्वाद विया बिज्यात । बालकं हानं स्तुति यात ॥

कृतांजलि पुटोभूत्वा प्रणि पत्पश्चता पुनः ।

तथाऽस्तु भवता प्रोक्तं यथा मे कृपयो दितं ।

नम स्तारे तुरे वीरे तुत्तारे भय नाशिनि ।

तुरे सर्वार्थदे तारे स्वाहाकारे नमो नमः ।

तथाऽस्तु याना शिरं फमा ल्हाः निपा हाज्वलपा विन्तियाना प्रणामयाय् घुंका हानं प्रशन्नमन याना यष्ये स्तुतियात ।

छलपोलं कृपातया मंत्र न्यंका प्रभाव भावार्थ सहित शिक्षा बिक्षा आज्ञा जुया विज्याय्ये जिनं निश्चयरूपं श्रद्धातया धारण याय्गु अवश्य जुल । हे तारे हे तुरे हे वीरे हे तुत्तारे हे भयनाशिनि, हे तुरे हे सर्वार्थदे हे तारे हे स्वाहा कारे, सबानं नमस्कार, नमस्कार ।



थुगु प्रकारं स्तुतियाय् धुंकाप्रणाम यागु खना, अष्ट महाभय मदया, अष्टसिद्धि प्राप्त जुइमा धका न्हिला धर्मदत्त बालक यात आशीर्वाद विया विज्यात ।

(८) अष्टमहाभय सीकेगु

- |                              |                                       |
|------------------------------|---------------------------------------|
| १) राज भय, जुजुयागु भय-      | २) चौर भय, छुंयागु भय-                |
| ३) शत्रुया भय, सोमफुपिगु भय- | ४) बज्रभय, मलयां भय-                  |
| ५) अग्निया भय, मियागु भय-    | ६) बायु भय, फेयागु भय-                |
| ७) आप भय, लयागु भय-          | ८) भूकम्प भय, भोखाय् घोयां स्यनीगु भय |
- थुजागु भय मदंगु ।

(९) अष्टसिद्धि सीकेगु

- १) वाक् सिद्धि- वचन प्रिय जुइगु
- २) कार्ये सिद्धि- यानागु ज्या सकल जुइगु
- ३) मंत्रसिद्धि- देव देवीपि संतुष्ट जुइगु-
- ४) वाक्यसिद्धि- बोनागु वाक्यया फल दंगु-
- ५) विद्यासिद्धि- बोनागु विद्याया प्रभाव बांलाइगु
- ६) योग ध्यान चर्यसिद्धि- ध्यान यानागु योगया ज्या सकल जुइगु-
- ७) समाधि सिद्धि- याकनं चित्तस्थीर जुया पुरश्चरणयाय् फेइगु-
- ८) प्रज्ञा ज्ञानसिद्धि- मिथ्यादृष्टि मदया बुद्धयान बुद्ध धर्म विद्वान् जुइ फेइगु-

थुजागु प्राप्त ज्वीमा धया आर्य तारा देवी तुरन्त अन्तरगत जुया थःगु स्थाने लिहाँ विज्यात ।

थुलि ज्या जुइ धुस्येलि थुगु मंत्र लुमंका चोंगुलि शरीर आनन्द ज्वीका थ्व बालकया गंभीर ज्ञान लुमना वल ।

थुगु वखतस सखि व न्हेम्हसिया न्ह्योवेका चोंगुलि थ्व धर्मदत्त गुरु जुया बोधयात धका स्वप्न जुया न्ह्यलंचाल सकलें दना वया जिमिसं बोविया कसायानागु इत्याबि फुक्कं माफ याना विज्याहूँ गुरु धका शरण वल ।

सकलयात माफ विद्या आर्यतारादेवीं दर्शन विद्या मंत्र दान उपदेश विद्या वंगु फुक खँ सकलयात कना मंत्र न्यंका उपदेश विल हे पासपि ! थुगु अर्थ ताराया मंत्र नित्य लुमंका चों ।

छिपि यज्ञस आहुतिविद्या होम याइगु इले मिखा तोसिना बोनेगु यज्ञमण्डपस कुतुं बनो मखु; जिनं विचारयाना चोने धया अन्तरध्यान जुया विज्ञात । आ ऊपि ग्याये म्वाल छुमस्यु पहयाना चोनेगु, थ्व खँ गोप्यया धका धर्मदत्तं कंगु खँ न्यना सकलया मन हर्ष जुइका गुरुयातनं आर्यतारा यातनं प्रणाम याना चोन ।

सुथे जुल सकलया स्नान धुंका नकेहल नल थ्व मृत्युंजय मंत्र भजेयाना चोन । थनंलि वान्हि पुला वस्येलि राजा रानी मंत्री गुरु पुरोहित उपाध्या गुरु म्येपि सकल राजसभास चोना जोतीष न्होने तया (१०८) पुरुष बालकपि आहुति विद्या पूर्णया होमयायेगु शुभ दिन छुबुन्हु याय्गु धया सल्हा जुल राजां आज्ञा जुल- हे जोतीष ! थ्व ज्या छंगु ख दिन तोकेयाना धा ।

जोतीषं शुभदिन पत्र चोया विल । । राते स्वया न्हिने बांलाइ । पौष पुन्ही निष्पन्नक्षत्र वृहस्पतिवार सिद्धियोग मकर राशे सूर्य चोनोगु (सन्हू) थनि च्याहुमानि थ्व छुन्हु अमृत जोग दु मनोरथ पूर्ण जुइगु भिंगु दिन खः सुथसिया ८ ताःइले आरंभ याना १० ताः इलंनिस्स्ये नराहुतिया प्रमाणं छुः आहुति वीमागु खः विद्या पूर्णया ज्या सिधेकां विज्याहुं । थुगु रीतं चोया बोना पत्र राजाया ल्हाति लःल्हाना विल । जोतीष यात दस्तुर विद्या खुसियात , पत्र यज्ञ मण्डप या पिनेतिका सकलयात सूचना विल ।

थुबुन्हुया दिनस राजाया इष्टमित्र बन्धुवर्ग प्रजापिन्त निमन्त्रणा बिल देशे घण्टा घोष याका शुद्ध याय्गु बांलाकेगु फको बाजाथांना उत्सव याय्गु इच्छादुपि सोवेगु । यःभःगु छे बहनी दीषावली (मत च्याकेगु) थुगु खवर न्यना प्रजापि खुसिजुया चोन ।

दरवारे नं पूर्ण याय्त्त मामागु विशेष रूपं ज्वरेयाना ध्वजा पताक आदि अनेक मिलेयांना गुरु पिन्त दान सिलपा बीगुनं सकल वस्तु तयार यात ।

हानं त्यागी भिक्षु साधु महात्मा महर्षि योगी ब्रह्मचारी बुढा बुढी मचात याचक पिन्तनं दान बीगु निमन्त्रणा बिल । थ्व खँ वालकतेसं मस्यु न्हिन्हि तारामंत्र भजे याना धर्मदत्त यात गुरु भापा मानेयाना चोन ।

थनंलि चतुर्दशी खुन्हु वहनी नके धुंका बालकं पित्त खें न्यंकल । हे यज्ञांग पुरुष बालक पि ! राजां खवर बिया हगु खः । छिपि (१०८) छह्य छह्य याना आहुति बिया होम याइगु दिन कन्हे जुल । छिपि देवतापिं नाम काय् मासा नांका, कन्हे सुथे नकी मखुत ।

श्व समाचार न्यना बालकपिं त्राहि जुइका चोन- तच्चतं एकचित्त जुया खोवि वेका ताराया मंत्र भजेवाना थुखुन्हु बालकपिं थःथःगु थासे चोना मद्यंस्ये ध्यानं लुमंका हे तारणि (मां) शरण धका समाधिज्ञाने चित्त वंका च्वन- पौष पुन्हि दिन कन्हे जुल, सुय न्हापां राजपुरुष पिसं बालक सकलें पितहया न्हापां संखाका लुसिध्यनेगु ज्या आरम्भ याना तिर्थलखें स्नान याकल । लिपा धर्मदत्त यागु पावल संखाका लुसि ध्यंबले जगु तुतिया म्हाला पतिचाय् घाः जुया हिवगु दुरु समानं तुयुगु सकसिनं खना अद्भूत जुया सोया च्वन ।

श्व खें रांजाया सभाय् थ्यन, राजा रानी मंत्री गुरुपिं सकलें वया सोवल- श्व भिंगु निमित्त वयंगु खः धका न्हिला सकलें खुसि जुया चोन । राजां खें न्यंकल अहो जिगु भाग्य थौं पूर्ण या दिन निर्विघ्नं जिगु ज्या सफल जुइगु भिंगु लक्षण वयन सकसिनं सीकि ।

थुगु बखते गुरु पिसं विन्तियात, भो महाराज ! लिपा वम्हनं खः श्व धर्मदत्त लिपालाका पूर्णास आहुति वीगु ज्यायाय् त्यना, श्वहे निमित्त वयंगु खः । छलपोल या ज्या सफल जुइ छुं धन्दा कया विज्याय् स्वाः ।

अनंलि सकलया लुसि ध्यना संखाय् धुंका स्नान क्रिया सिधेका शुचि वस्त्रं पुना बालक पित्तनं पुंका थिक यात । निमन्त्रणाय् वपिनं मामागु थासेतया आदर यात । गुरुपिसं पूर्णया ज्या सकलयात थथ्ये न्यंकल । सकल यात वयनेमागु जुया रात्रिया प्रहर तोता दिनेयाय् त्यनागु खः । थथ्ये न्यंका सल्हायाय् धुस्येलि यज्ञ आरम्भ यात ।

वेला पाय्छि जुल धका बालकपिं सकलें यथाक्रमं यज्ञ मण्डपस दुतयंका शंख लः पंचगव्य कलश लखं हायाना- गुरुपिं सकलें थासे च्वना थिक जुल । मूलम्ह गुरुं सुलुपात्रे घृततया वेदशास्त्र या अंग पुरेयाना वाक्य वोन थथ्ये खः ।

[हव्य कव्य वाहनाय, श्री वेदांग सहित दानपति रत्नकेतुराजा चक्रवर्ति नृपाभिलाषी शान्तिकुरु पुष्टिकुरु प्रथम गृताहुति नराहुति यज्ञ होमाचन स्वस्ति स्वाहा । ]

थकीया भावार्थ थय्ये खः अनेक वृहो, सुगन्धधूप, पंचामृत, मिलेजुया च्वंगु बस्तुतयां होमयाना वेदया अंग सहित पुरेयाना जजमान् रत्नकेतु राजाया चक्रवर्ति महाराजा जुइगु इच्छायाना चोंगु पूर्णयाय्त शान्ति जुइमा पुष्टि जुइमा धका न्हापांलाक छ्यः दुया, अनंति मनु वा (बालक) पिं दुया— थुगु यज्ञ होम पूजा यानागु मंगल याना हे अग्निदेव ! कया विज्याहुं । ० ।

थुगु रीतं उपाध्या उपगुरुं बाक्य बोलिस्ये बालक छह्य छह्य ज्वना, शुलुपात्रे थोका यज्ञशालास ववफात । थुगुतालं यागु बालक तेसं स्वया ह्य पीस्ये बेका मिखा तोसिनां एकचित्तं आर्य्यतारादेवी या मृत्युंजय मंत्र बोनीगु जुया च्वन ।

थुगु प्रभावं सच्चिव न्ह्ये ध्यन, आहुतिविया होमयापिं यज्ञशालास मण्डपया दुने छह्यहे मला— च्वे कुं पिछोयेत होतयातगु होतं बालकपिं छह्यछह्य पंछिथ्ये पिहाँ वया बोयावना सुगन्धमुख देवपुत्र जुया स्वर्ग वास जुल । थुगु विषये आर्य्यतारा देवीं सुदृष्टिं स्वया विज्याना च्वन ।

अनंति आः पूर्णाहुतियाय्गु जुल छम्ह वाकिदुम्ह धर्मदत्त बालकयात आहुति वीगु धका थिकयात । थुगु अवस्थास अष्ट सुगन्ध सिंतेमाल धका विचार याना यज्ञस सकमनें सोवले प्यंगु दिशास च्वंपिं उत्तर साधकधापिं ब्राम्हण गुरु पिसं ववफापि बालक छम्हनं मखना धाल ।

हे गुरुपि ! थय्ये जुइमदु विचारयाना सो, थुलिमछि बालकपि ववफाय् धुन छम्हनें खने मदु गनवन तुरन्त भस्म जुल खंला । थय्ये धास्येलि सकसिनें सोत गनें मखना अद्भूत जुया खंजुल छम्ह निम्हजा खनेदेमागु खः छगुहेतु जुल धकापरस्पर खंलहाना चोन ।

थुगु बेलास यज्ञस विज्याना च्वंम्ह हुताशन अग्निदेवता कोप जुया च्वन । १२ वर्षदत्त जित निमंत्रणायाना ताडन तथा होम याना चोन, थौं समाप्त जुइगु पूर्णया दिन ख धका जिगणपिं सकलें वया चोन, बाक्य अनुसारं ज्या मजुः बाक्य छगु जमा छगु यात धका तंपिकया मि सिना कुंजक वया चोंगुलि मिखा कने थाकुयां मिखास खोवि वेका उगुथासे च्वंपिनि मिखा बुबुस्याना च्वन ।

केहि लिपा मि सिनावन, अग्नि देवता संतोष मजुया यज्ञ कुण्डलया कुंचो भयंकर रूपं तधिक तःत्या जुया ह्यांगु वर्णह्य सर्प पूतिजुयां फोत्राकया म्ये (चमि) च्वाला च्वाला पिकया थाहांवया यज्ञशाला स्वहि हिना दरबार पाख्ये सोया श्वास फुइ फुइ याना च्वन ।

श्व भयंकर मूर्तिह्य सर्प खना ग्याना गुरु धांपि ब्राह्मणादि जजमान राजा रानी या परिवार मंत्री सोर्वापि सकल उख्यला थुख्यला मदेक विस्युं वन ।

सिलपा बीत तयातगु धनद्रव्य अनेक धातु वस्तु तुं, बहया थल छुं हे मदेक कया यंका विस्युं वंषिनि नराहुति यज्ञ विघ्नजुल धका कोलाह शब्दं हाला ब्वां ब्वां जुया च्वांपि, गुलि खेया चोर्पि पुरोहित राजा रानी मंत्री राजपरिवारपि सकल दरबारे चोना नाना प्रकारं चिन्तनायाना खोया हाला चोन ।

लाखं मयाक धन खर्चयाना थौतक (१२) बर्ष दत गुलि धन फुत जुइ अहो आश्चर्य, गुजागु तालं सर्प पिहाँ वया वयंगु, छु विघ्न जुल छु यानागु स्यना थय्ये कयन धिकार- आगथ्ये याय्गु छुयाना श्व सर्पयात संतोष याय्गु । मिछोया च्वंगु यज्ञशालां सर्प पिहाँवल धैगु खे न्यने नंगुनं मखुः धयां सुं पत्यार जुइगुनं मखु । थनिया दिने सोयेदत थय्ये अनेकतालं नुगः मछिका हाला च्वन ।

महारानीनं विन्तियात, खोया हालां छुं प्रयोजन मदुः जि वयेतग्या राजा मंत्रीपि वना सोहें अन आः छु जुया च्वन सुनां छु याना च्वन विचार याहुं ।

रानी थय्ये धागु न्यना राजां धाल खः रानी छं धागु खे थिकजुः छुयाय् छ खोय् मते- विघ्न जुल जतनयाये खोया हालां प्रयोजन दैमखुः । थुगु प्रकारं बोध जुइका राजा मंत्री निह्य ग्यासानं तीजक यज्ञशालास सोवल ।

धर्मदत्त बालक छम्ह मिखा तीसिनां छथाय् कुने फेतुना मग्यास्ये आर्य्यतारा लुमंका मन्त्र ब्वना च्वन । सर्प छह्य वांखाया दरबारे स्वया च्वन ।

राजां विन्तियात, थन सकल छपिखना त्राहि ज्वीका विस्युं वन, जिनं च्वने ग्याना दनावना । भो सर्प राजा जिनं छु मस्यु छुयानागु मजिल छपि सुखः पूण सिमधनि, आः छु याय्माल, गुरुपि गनवन माला हति-

राजपुरुषापि वना यज्ञयापि गुरुपि सकलं मुना चोपिखंका बोनाहल । राजाया न्होने गुरुपिसं विन्तियात, भो महाराज ! क्षमा याता विज्याहुँ-सर्पराज खनेवं ग्याना म्येषाय् वना छुयाय् जिपि लाताथ्ये जुल । १२ बर्ष दत परिश्रमयानागु सिधइगु दिने थथ्ये जुल- यज्ञ सिमधनि पूर्णास तथा आहुति बीमानिह्य बालक छह्य बाकि दनि सकल ग्याना बिस्सुं वन छलपोल या भाग्य बःलागुलि थ्व बालक दना मवंस्ये थनहे च्वना च्वन तिनि । थ्व बालक अग्निसर्पयात आहुति बिया होम याता पूर्णा सिद्धयाये ।

यज्ञकर्म पूर्णाहुति मयास्ये ज्या सकल जुइमखुः थ्व बालक समेत् १०८ आहुति बिया होमयाय् धुनकि नराहुति यज्ञ पूर्ण जुइ महाराजाया मनोरथनं सिद्ध जुइ ।

थय्ये धागुखे न्यना राजा हताय् चाया थ्व बालक ज्वना अग्निसर्पतात आहुति बिया होमयाय् माल का वाक्यबों धका ब्राह्मण गुरु पिगु ख्वाःस्वया ज्यायाय् धका तयोर जुल ।

थुगु बखते अग्निसर्प साम्य जुया मनुष्य बोलि राजायात थथ्ये आज्ञा जुल ।

हे राजा खे न्यं । हानं थथ्येहे मूर्ख ज्या याय् त्यनाला । थ्व बाकिह्य बालक छह्य महात्मा धका सोकि । माहात्मा धागुया अर्थ थथ्ये खः आपालं पुण्यवान् निर्मल शुद्धचित्त जुया त्यागी जुइ फुगु शरीर जुया च्वंह्य खः । थ्वहे बालक ह्यसोका गुरुयाना थ्व कंगु उपदेश न्यना नराहुतियज्ञ पूर्णया । आः गन अग्नि देवता दुः धका होमयाय् त्यनागु, थ्व बालक स्वैत नः धका आहुति वीगु इच्छा याता, थुगु रीतं यज्ञ होमादि आहुति बिया पूजा याय्गु कर्तव्य मखुः अकर्तव्य खः ।

यज्ञशाला, यज्ञ मण्डप, धका देका अग्निदेव साधनयाना यज्ञ याइ उगु यज्ञ मण्डप यात अग्नि मण्डल भाषायाना पूजादि क्रम याय्गु सोकि । हे नृप ! छंगु थ्व नराहुति यज्ञ विघ्न जुल, थन देशेनं विघ्नोपद्रव जुइ । थुगु प्रकारं अग्निसर्प न्यंकूगु खे न्यना, राजा रानी नापं च्वना खोवि वेका विन्तियाना स्त्रोत्र यात ।

नमस्ते त्वग्निसर्पाय सर्वशान्तिं कराय च ।

क्षमस्व मेऽपराधं यत्तदुपायं प्रभाषय ।



भो अग्नि सर्प ! छलपोल यात नमस्कार दुः । सकल दोषयात शान्ति याइह्य  
छवि खः घका यज्ञयाता क्षमायाता विज्याहुँ । जिगु अपराध छु खः व द्वंगुलि उपाय  
यायगुनं आज्ञा जुया विज्याहुँ ।

अग्नि सर्प आज्ञा जुल, भो महाराज ! ग्याय्मते- छं ज्वायागु अःख जुल ।  
ध्व बालक यात सर्वज्ञ भापायाता आदरति वं थन ज्ञान कनिगु एकचित्त न्यना  
हानं यज्ञया ।

हानं जि घाय् न्य- शमशाने मृतक प्राणी मात्र दाह याइ । व शमशान स्वधानं  
घृणीयाता सजीव प्राणी (उकीसनं बालक) पि, यज्ञशाला अग्नि मण्डले क्वफाना दाह  
याय्त्थन, थुकीया दोष यको दुः । याम्हनं याकूह्यनं नरक भोग यावनी । प्राणी स्याता  
आमीषतया अग्नि मण्डले पूजा कडापि याय्मते । खनेदुह्य अग्निमण्डल सूर्यमण्डल  
घका सोकि । सूर्यमण्डल अग्निमण्डल पूजा याय्गु निरामीष अहिंसा खः । अग्नि  
संतोष जुइ, याह्यनं याकूह्यनं स्वर्गवास याइ ।

थुलि खँ राजायात न्यंका अग्निसर्प बुलुहुँ यज्ञशालास क्वहां घना क्षणभरं खने  
मन्त । सकलया मन आकुल जुइका चोन । बालक छम्हसिया जित अग्निसर्प गुजागु  
प्रशंसायात, अहो आर्य्य तारामंत्र या प्रभाव ख धन्य २ जित होम याइ मखुत अकाल  
मृत्यु तरे जुल- हे तारे माँ, लाख कोटितक प्रणाम घका चिन्तनायाता मंत्र बोना  
भक्तियाता च्वन ।

तदा तस्मिन् महामार्या गतायज्ञ प्रविघ्नतः ।

दिने दिने मृतं नृणां शतपय्यन्त मेवहि ।

उगु बखतस रत्नकोशवती देशे नराहुतियज्ञ विघ्न जूगुलि न्हि न्हि महामारी रोग  
उत्पत्ति जुया (थको रोग घाइ ल्होइगु फाइगु) तुरन्त मनुत सिना वनीगु छन्ह्या  
संछिह्यतक मृत्यु जुल ।

देशे हाहाकारं प्रजापि तोल पत्तिक खोगु जक शब्द जुया को, इमा, गृद्ध कुपंछि  
बोया जुल भाय् थासे दुर्गन्ध देशं पिने शमशाने कुंजक वया गनं मृतक शरीर वांछोया  
त्तेगु, गनं भस्म जुया च्वंगु, गनं मिच्याता उनातगु, गृष्म ऋतु (मोहेला शिल्ला-पौष

માઘ) યા વહતે ઘાય્ સુકેજુડ થ્યે પ્રજાપિ મદયા વન । ન્હાયાય્ વંસાં છોગુ જક શબ્દ  
જુયા પ્રજાગણ પિનિ દુઃખ જુગુલિં દેશે હાહાકારં ઉપદ્રવ જુલ ।

મંત્રીજું રાજા રાની પિગુ ન્હોને વિન્તિ યાત, ઓ મહારાજ ! દેશે તત્ત્વતં પ્રજા  
પિનિ દુઃખયા અવસ્થા જુલ । જિ ચાહુલા વયા, ગુલિ હાહા જિકાય્, ગુલિં જિ માં, જિ  
અબુ, જિ સ્વામી, જિ પ્રિય સ્ત્રી, જિ મ્હાયા, જિ અબુ જિ દાજુ, કિજા, જિ કકા ઇત્યાદિ  
નામ કયા છોયા ચોંગુ ન્યના વયા । રાજાયા પ્રજા પિનિ થથ્યે દુઃખ જુડગુ જ્યા  
નરાહુતિ યજ્ઞ છાય્ યાગુ યાફૂપિનં ધિકાર ધયા થથ્યે જિત ન્યંકલ । થથ્યે સુંક ચોને  
મજિલ ઘકા મંત્રી ધાગુ હેં ન્યના રાજા તાર્તિ ઝુલે જુયા ચ્વન । નરાહુતિ યજ્ઞ યાપિ  
બ્રાહ્મણ ગુરૂપિનં ઘતુર નયા અમલંકાપિ થ્યે તોલે જુયા ચ્વન ।

છું લિપા શોકયાના રાજાં ધાલ, મન્ત્રિજુ ! જિનં છુધાય્- વિદ્વાન્ ગુરૂપિગુ  
આજ્ઞા પાલન યાનાગુયા ફલ લ્હઃ થુજાગુ જ્યાયાકા સકલેં વિસ્યુ વને માલ, થુમિગુ તાલ  
સ્વેધુન । થુજાગુ બિપરીત જુસ્યેલિ સકલેં હાહાકાર છાય્ મજુડ ।

૧૨ વર્ષ તક લ્હર્ચયાના યજ્ઞહોમયા જ્યા જુલ- ૧૦૮ બાલકપિ છહ્યાયા દ્વલ્લિ નિદ્વ  
પ્યદ્વ ન્યાદ્વ તક ધ્યવા વિયા ન્યાના હયા પ્રતિપાલ યાના જ્યા યાનાગુ યજ્ઞવિઘ્ન જુલ ધેવા  
ગુલિ નાશ જુલ, અગ્નિ કોપ જુયા સર્પ મૂર્તિ કયન । ગ્યાના ઉલ્લ્યે થુલ્લ્યે વિસ્યુ વનેમાલ  
પ્રજાપિ નાશ જુલ દેશે ઉપદ્રવ જુલ લ્હઃ જિત ગુજાગુ પાપં પુન ચ્વ જ્યા યાનાહ્ય જિ  
યાકુપિ ગુરૂપિ, જિનં ધયા ધિકાર લ્હઃ ।

છુ ઉપાય યાય્ગુ સ્વેકે ન્યનેગુ, મંત્રીજુ છંગુ બુદ્ધિ છુયાસા ચ્વ વિઘ્નશામ્ય જુડ । ૦ ।  
મંત્રીં વિન્તિયાત- આપાલં લ્હલ્હાના ચોનેગુનં પ્રયોજન મદુઃ ચ્વ મહામરી રોગ ઝીતનં  
જુયા મૃત્યુ જુડફુ । વિસ્તારયાયે મજિલ, ઓ મહારાજ ! ઝીગુ દેશે વિદ્વાંન્ પિ બુઢાપાકા  
પિ સતાહ્યે નરાહુતિ યજ્ઞ યાપિ ગુરૂપિ જોતિષપિ તયા હેં ન્યનેમાલ- ધયા મંત્રીજું  
સતકે છોયા દરવારે ચોના સલ્હાયાત ।

રાજાં ન્યન- ઝીગુ દેશે જુયા ચોંગુ ઉપદ્રવ સકસિનં સિયા લ્હના ચોંગુદુઃ ચ્વ  
મહામરી રોગશામ્ય યાદ્ધપિ સુલ્હઃ છુયાય્ગુ ઉપદેશ વિદ્વમાલ । ઝગુ સભાય્ વયા ચોંપિ  
મધ્યે છહ્ય વિદ્વાંન્ તીર્થિકાચાર્ય્ય બ્રાહ્મણજું વિન્તિયાત । ઓ માહારાજ ! જિગુ  
સફુતિ ધ્યે ચોયાતગુ દુ । નરાહુતિયજ્ઞ વિઘ્ન જુયા મહામરી રોગ જુલ ઘાસા દેશે

उपद्रव मनुइकेत थय्ये याय्मा । जाकि न्यामुरिवा जाथुया पीठ देवीया न्होने दोचिना प्रेत मूर्ति देकेगु । ० । पंचोपचारादि पूजा याना म्ये, फैं, दुगु, अथवा चोले सछि सछि स्याना हि तोंका आतापतिमानं खोखाय्का थ्व प्राणी हिंसा या बलि पूजा याय्गु । ० । बाक्यचोना दिशा विदिशा प्यकालें छ्वासे पिखालखु सकभनं तया-वाकिगु पीठे उप-पीठें थाय् थाय्पत्ति तोले बाक्ये छोयेगु । ० । स्यानापि पशुया ह्यजक मामागु ज्या यापिन्त नका संतोष याय्गु- थय्ये यातधासा महामारी रोग याकनं शाम्यजुइ । १ । हानं म्येह्य तीर्थिकाचार्यं थय्ये विन्ति यात । भो महाराज ! जिके च्वंगु थ्व सफुलि थय्ये चोया तगु दुः न्यना विज्याहुं । नराहुति यज्ञ विघ्न जुया महामारी रोग पिहाँ वगुया शान्ति याय्गु विधान थय्ये याय्मा मनु छह्य तया बलि वियेगु । ० । न्यामुरि जाकिया जाथुया- नोग्व द्वके पूर्ण याय्गु । ज्जोलकं तया पीठ देवीया भावं पूजा याय्गु- मनुष्य छह्य स्यानागुया हि छगपत्ति म्हुका हि तोंकेगु । ० । मनुया ह्य द्वक छगले त्यकुइतक सोभना बाह्य खनेदेका हानं पूजायाना, देशे काहाँ पुया द्वक फुकं ल्यूल्यु यंकार्लि देशंपिने बाक्ये छोयेगु- याकनं थुगु दोष शाम्य जुइ । २ ।

हानं म्येह्य तीर्थिकाचार्यं विन्तियात, भो महाराज ! न्यना विज्याहुं जिगु सफुलि थय्ये चोयातगु दु । म्ये, दुगु, फैं, चोले, हें- हें मदुसा ख्यें नं ज्यु । नोह्य नोह्य याना जम्मा सछिम्ह पशुस्याना अष्टमातृका पीथे च्वना न्यापा न्यापा पंचबलि थुगुरीतं पूजायात धासा याकनं थ्व महामारी उपद्रव शाम्य जुइ । ३ ।

हानं म्येह्य तीर्थिकाचार्यं विन्तियात, भो महाराज ! जिगु थ्व सफुलि चोया तगु थय्ये खः न्यया विज्याहुं । जाकी न्यामुरी अथवा छमुरीं या जा थुया बछि प्रेत मूर्ति देकेगु मनुष्य छह्य स्याना प्रेतयात हि तोंका पूजा याय्गु । अनंलि स्यानाह्य मनु बलिपूजा यानागु प्रेतनापं थ्यना वाकिदुगु जाफुकं छोनेतया (पुरेयाना) हानं पूजा याना चान्हे थ्व नर बलि वियागु प्रेतमूर्ति मनुनं कुविया शमशाने वाके छोय्गु । देशे उपद्रव दक्कव शाम्य जुया याकनं सुख जुइ । ४ ।

हानं म्येह्य तीर्थिकाचार्यं विन्तियात । भो महाराज ! जि ज्वना वयागु सफु थुकि चोयातगु खं न्यना विज्याहुं । होम विघ्न जुल धासा हानं होम याय्मां, न्हापा गुजागु तालं यांनागु खः । अथ्ये मफुसा थ्व वाकि दुह्य मचा नापं नोह्यतया होमबाना ज्या सिधेवं अग्नि सन्तोष जुया थुगु महामारी उपद्रव याकनं शाम्य जुइ । ५ ।

थुगु तालं उपदेश व्यूषि न्याह्यायात संतोष जुइक दक्षिणा बिइ धुंका विदा विषा  
छोत । राजाया मन संतोष मज्जु खोविवेका मंत्रीनाप खँल्हात थुमिसं धागु खँ फुकं चोया  
तल स्वंगु खँ माने याय्गु छंगु विचार गथ्ये खः । मंत्रीजुं लुमंका विन्तियात—  
भो नृप ! थुमिसँ धागुखँ अनेक मने धौन्नजि वाल थ्व ज्या थगितयाना अग्निसर्पं  
धया वंगुदुः बालक सर्वज्ञ समान खः थ्व याके न्यनाया धागु छपिनि लोमनला—  
श्वयाके छक न्यने माल ।

मंत्रीजुं लुमंका व्यूगु न्यना राजा न्ह्यलं चाह्यथ्ये जुया— थिक धाल सतके छोया  
न्ह्योने तेहल । उगु सभाय् बालक धोया वथाने सिंह समानं चोना छचालं सोया  
आर्य्यतारा लुमंका छक ध्यानं विचार यात ।

थ्व बालकया रूप खवाः खना राजाया मन कंपथ्ये जुइका बुलुहुँ आज्ञा जुल ।  
हे बालक धर्मदत्तजु ! थन जुया चोंगु अशान्ति उपद्रव छं खना सिया चोंगु दु । आः  
थुगु बिछनशान्ति याय्त, थन तिथिक आचार्य्यपिके न्यनागु खँ चोया तयागु थ्व खः ।  
छंगु विचारं छुयाय्गु । अग्निसर्पं छंके न्यनाया धया वंगु दुः छं स्युगु खँ जित  
कनेमाल ।

थय्ये राजां धागु न्यना थ्व बालकं उपदेश बीत, छगु निगु खँ प्रश्न यात, भो  
महाराज ! छपिनि थ्व नराहुति यज्ञयाना जिथ्ये जापि मचात धमाधम यज्ञस दुया  
छुकारणे यानागु !

छपिनिगु शरीरे मि पुइवले गथ्येचों ! थ्व प्रश्नयागु न्यना राजां इतःयतः कंका  
ह्यपीस्ये वेका उत्तर बिल— चक्रवर्ति राजा जुया सकसिनं मानेयाका सोंख याय्गु इच्छा  
याना थ्व नराहुति यज्ञ यानागु जिगु शरीरे मिपुके मनं तर मिपुइ धका जि तच्चवं  
ग्या । अग्नि देव सपंजुया क्यंगुलि छ छम्ह बाकिजुल ।

बालकं हानं न्यन— चक्रवर्ति राजा सीमाला ? सीना वंसा गन वनीगु ?

राजा लिसः विल— चक्रवर्ति जूसानं सोजा अवश्यमा— सिना वनीवले यमराजा  
नाप लावनि ।

बालक न्हिला घाल— जित थन मचाखँ ल्हात धाइ— धाय्मखु खःसा जक  
हानं जिनं खँल्हाय् ।

बालक यागु खँ न्यना राजा खछि सुंक च्वना धाल- धन्य बालक ह्यजक बालक बुद्धिजा च्वेलाह्य खः छं धागुखं न्बने धा ।

बालकं नोः वात- बालकपि मि क्वफना स्यानागु कुकर्म चक्रवर्ति राजा जुया सोंख वानागु सुना सोया चोनिगु यमराजां सोया चोनीगु खःला ?

मचात मि क्वफाना स्यानागु कुकर्म लाकि- सुकर्म ?

कुकर्म खःसा छाया यानागु ? सुकर्म खःसा जितनं क्वफाना धमाधग म्येम्येपिनं हया क्वफाय् हति थःपिनं छह्य निह्य क्वहाँ वनेमागु खः छाया क्वहाँ मवनागु ?

थन तीर्थिक आचार्यपिसं धया विज्यागु खँ चोयातगु सोयेधुन । सर्पं न्यागु विष लिमकास्ये हानं विछें न्याकेथ्ये जागु खँ खः ।

श्व उपदेश सुनां स्वैत गनचोना छुकारणे कंगु च्वयांतगु सफु खः । थुलिमात्र छगु निगु खँ ल्हावले अनचोपि सकलें पाक तुल्यजुया सुनां उत्तर वीगु समर्थ मदुः । राजां विचारयात श्व बालक सामान्य मनु मखु; बालक जुसानं ज्ञानजा यकोहे दुह्यखनि- श्वयात होमयाये लागु जुसा छुजक जुइगु धका सकल यात श्व खँ न्यका राजां प्रणामयाना जिमिसं मसिल आज्ञादेका विज्याहुँ ।

राजा नम्र जुया न्यस्येलि बालकं मने आर्य्यतारा लुमंका उपदेश विल । भो महाराज ! थन सकल विद्वान्पि दुषाय् जि बालकं खँ कनेगुजा योग्यमजुः तथापि मग्नास्ये सत्यवचन धाय्त्यना । सकसिनं मन पिमछोस्ये न्यना विज्याहुँ ।

चक्रवर्ति राजा जुया सोंख यानागु सोया चोनीह्य पाप पुण्य- (सत्य असत्य) खः । मचांत मि क्वफागु सुकर्म मखुः कुकर्म खः कुकर्म कदापि जय जुइ मखुः । थन तीर्थिकाचार्य गुरुपिसं धागुखँ चोयातगु- तथागत पिगु वचन मखुः । छं गथ्ये सिल धाइ- बौद्ध विद्वान् पिके न्यना तःतः धंगु पुस्तक अध्ययन यानासोत धासा बुछें जुइ । जि मचा खः जि अबु छह्य बौद्ध विद्वान् खः ।

उपदेश वीबले थःथगु स्वार्थी मिले मजुगु खँ कनेवं श्व छुंसःह्य मखु धाइ कित तोजक वनावनि । थननं उजापि देफुः । ज्ञान बुछें मजुपि गुरु मदुपि, अध्ययन मदुपि सट् संगत मदुपि थुजापिगु पुचले उपदेश वीबले, न्ह्यपनं मत्ताह्ययात म्येहाला क्यनेथ्ये

मिच्छां मख्हंहा कां यात, मतं क्यनेय्ये छुंशोभा दंमखु । मूर्खपिन्त बोधयाय्गु तस्सकं  
थाकु । थःथःगु स्वार्थं पुरे याय्त मखुगु खः खगुयात मखुधका उपवेश विधा ज्या याकि-  
ज्या याह्मनं याकुह्मनं अधोगति नरक भोग याइ ।

भो महाराज ! प्राणी स्याना ज्या यागु धर्म धाइ मखु । अधर्म धाइ अधर्मं  
सदानं दुःख जक जुइ । प्राणी स्यानागु पापं जन्मपत्ति दुःखि जुया अल्पायु जुइ । परयात  
दुःख विधा थःजक मुख जुइगु ज्यानं अधर्म खः धर्म याना धका लेःताया जुइ ध्याचगु  
लें व्वांवंह्य तुल्य धका सीकेगु पशु पंछि द्विष्टि स्यानागु मनुच्छह्य स्यानागु पाप लना  
स्वत घासा मनुस्यागु पाप ऊचातुया चोनि धका धया तगु दु । आपालं मनुस्यपि स्यात  
घासा पापया संख्या याय्त थाकुइ । अय्येवा निम्ति प्राणी घाटक या ज्या याय्गु योग्य  
मजुः । थुजागु ज्ञानतोता मिचेयाना, थः सीम्वाह्य्ये प्राणी घाटक याना सनाजुइ अन्त्ये  
मयंकरगु नरकया गाले कुतुंवना दलंदः वर्षं तकनं थाहाँ वये फइ मखु ।

प्राणी स्याय्गु समान पाप म्येगु महु । हे महाराज ! राजधर्मेनं अपराध मदेकं  
स्यायेमज्जु अपराध हे दुसानं विचार वाँलाक याय्मा । संग्राम जुइ वलेनं आतताइ  
(अपराधि) पि अय्ये तथा छुं दोष महुपि निर्वलतेत घाटक यात धाःसा थुकिया दोष  
लिपा नरक भोग याना दुःख भोग याइ ।

मनं सुखजुये धका इच्छायाना ज्या अपराधि जुया याइ सुख जुइ अवश्य मखुः ।  
अमृत तोता विष प्रेम याह्य समान जुइ । बिषं कल्याण याइ मखुः अमृतं जक कल्याण  
याइ- अमृत सेवा याय्गु हे अहिंसा खः ।

दुःख जुइगु लें व्वांवना सुख जुइ धयां छुयाय् दुःख हे जुइ । मोहेलाना सुख जुइ  
धका कुकर्मया ज्या यात शत्रुभापायाना थःत थमं नि दुःख जुल धका धका मलका  
खोया सुइगु परम मूर्ख खः धयागु प्रमाण तःतः धंगु सूत्रे चोया तगु बुद्ध बोधिसत्त्व  
पिगु वचन दु ।

संश्लिष च्याह्य मनुष्य वीलक पिगु प्राण हरण याय्गु ज्या मि बबकाना स्याना  
थःछह्य चक्रवर्ति जुया सुख जुइगु होम क्रिया नराहुति यज्ञ यात, आः दुःख जुल धका  
इतः मतः कना हाता सना जुल- थःगु मनयात थमं विचारयाना रक्षा याय्मा-



चक्रवर्ति राजा जुइगु वखत गुवले गुवले तिनि दुःख मात्र न्होने वल थ्व न्होने वगु दुख मदेकेत मनं वाय्का सोत धासा खनि । अले थनं परयानं रक्षा जुइ । यःगु चित्त यात रक्षायाय् मफेका तप यासानं तप यानागु सफल जुइ मखु न्हापालाक चित्तयात समाधान याय् फेकेमा ।

भिगु मभिगु ज्या थमं यानागुथमं हे भोग याना फुना वनि । गथ्येजा छें, बुं धन, इना बीगु थ्यें मखुः । थथ्ये सीका परप्राणी उपकार जुइगु उपाय याक्यें स्वर्ग लोके वने दइ । परयात दुःख विलकि लिपा थःतनं दुःख हे अवश्य जुइगु खः ।

भो महाराज ! मनुष्यपिनि उत्तमगु धर्म यज्ञकमं खः धका तःतः धंगु यज्ञ राजा पिसं याइ— यज्ञ जक मखुः उत्तमगु धर्म— मिथ्यादृष्टि अविद्या हिंसा थुजागु याक्यें भिन्न जुया ज्या याय्गुयात घाइ ।

मिथ्यादृष्टि, अविद्या हिंसा, थुजागुलि प्रेम जुया यागु ज्या यात अधर्म घाइ । न्हागुनं सकल कर्मस होम विना ज्या सिद्ध जुइमखु धयातल । प्राणी स्याय्गु होमं थतनं लिपा स्याना होम याइ । संसार श्रृष्टिनिस्ये बुद्ध बोधिसत्व पिगु वचन थथ्ये दु । प्राणीपीं उपकार जुइगु होमयासा तिनि सिद्धि प्राप्त जुइ धागु खः । संपूर्ण विधि कर्म शुद्धरूपं ज्यायाय्मा अलेतिनि मनोरथ कार्य सिद्धि मिले जुइ । मिचेयाना, विवेक विचार मयास्ये दुष्टचित्तं विपरीतगु ज्या यातधासा अखगु असिद्धि मात्र प्राप्त जुइ ।

भो महाराज ! छपिसनं थथ्येहे विपरीतगु ज्या यात, अथ्ये यागुलि विपरीत जुया देशे महामरी रोग उत्पन्न जुल । छपिसं सद्धर्म ज्ञान न्यने मफुगुलि विवेक विचार पाय् मफुत ।

हानं न्यना विज्याहुं-- (१०७) सखिव न्हेह्म जिथ्येंजापि बालक यज्ञस खने मबु घाल गनवन, अग्निसर्प याके न्यंगुजुसा अवश्यनं कनि । आ जि कने, छोया चोंगु मि वांछोसानं अन मलास्ये अकाल मृत्यु निवारण जुया पंछि वोया वनेथ्यें आकाश मार्ग स्वर्ग वास जुल ।

स्वैगु प्रभावं थथ्ये जुल धासा एकचित्तं न्यना विज्याहुं । जित बालगृहे तेयंकल चान्हे १०७ सखिव न्हेह्मसिनं काल बल धका बोविया कसायात, तथापि मन धैर्य

बाना ज्याले भो सुला खोया बले-- आर्यपारा विज्याना दर्शन विद्या मृत्युंजय मंत्र  
बान याता छुं ज्ञान निगु प्पंगु कना लोप जुल ।

ध्वहे मंत्र पासा भापायाना सकल खंकना आर्य तारो मंत्र न्यंका ध्व हे मंत्र  
बोंगु प्रभावं मिक्कुतुं मवंस्ये स्वगंवन-- जि छह्य बाकि जुल जितनं न्हापालाक होमया  
थाय् बांछोगु जुसा जिनं स्वर्ग वनीगु खः थथ्ये वृत्तान्त खं कना न्यंकल ।

आः हानं प्राणी स्याना ज्या यांत धासा ध्वया सितं अपो विघ्न जुइ फुः । आम  
चोयातगु खं फुकं सद्धर्मचर्य्य मखुः यज्ञयाय् मागु खः सद्धर्मचर्य्य याकें दान जप पाठ  
होम इत्यादि यासादेशे सकभनं शान्ति स्वस्ति जुया थःगु मनोरथनं सिद्ध जुइ ।

धर्मेण वर्द्धते राज्यं धर्मेण धनवान् भवेत् ।

धर्मेण सुखमाप्नोति धर्मस्वर्गं महोयते ।

तस्मात्त कारये त्कश्चित्पर प्राणादि पीडनं ।

परो पकाराय स्वर्गाय नरकायान्य पीडनम् ।

धर्म याक्ये राज्य बढे जुइ धर्म संपत्तिनं बढे जुइ । धर्म सुख प्राप्त जुइ धर्म  
स्वर्ग वने दइ । अध्येया निम्ति परयात पीडा जुइगु ज्या गुवलें मयाय्गु । पर उपकारं  
स्वर्गें च्वने दइ-- पर पीडा याकें नरके च्वने मालि ।

परात्मा स्वात्मना तुल्यं सुखं दुःखं तथैव च ।

ध्यातृत्वेन सु प्रयत्नेन सद्धर्मं प्रविचारय ।

परया शरीर, थगु शरीर उध्यें भापीमा सुख दुःख नं समान यायेमा थथ्ये  
ह्यसीका सद्धर्म या ज्या यायेगु मनुष्यया बांलागु कर्तव्य जुइ । थुलि खं ध्व बालक  
(महात्मा) नं कंगु उपदेश न्यना राजा रानी मंत्री तथा उगु थासे चोपि सकसिनं  
निश्चयनं सत्यगु खं खः धका बुफेजुल ।

राजां आज्ञां जुल-- भो बालक गुरु ! आः छुयाय् माल धया विज्याहुं । राजां  
थथ्ये धास्येलि ध्व बालकं हानं उपदेश बिल ।

सर्वं देवालयं चैतयं सर्वं धर्मोदयं वरं ।

सकल लोबहृकान्तं देवलोकालयं वरम् ।

चैत्य सकल देवतापिगु छे समान, संपूर्ण धर्मया उदय जुया धर्म प्रकाश जुया  
ध्वंगु खः । सकल ब्रह्म लोक थ्यंक देवता पिगु वासस्थान स्वरूप जुया चोंगु चैत्य मूर्ति  
घका धया तल ।

थुजागु चैत्य छग्व धर्मधातु या प्रमाणं स्थापना याना आर्य्यताराया धारणी मंत्र  
स्तुति तथागतपि लुमंका स्तोत्र वोना दर्शन प्रणाम धुंका भक्तितया पूजादि क्रमानुसारं  
याइ- संपूर्ण दोष (पाप) निवारण जुया अकाल मृत्यु नाना प्रकारया रोग अष्टमहाभय  
हरण जुया तत्कारणं थ्व महामारी विघ्नोपद्र शमण जुया देशे सकल यां कल्याण जुइ ।

सुनां स्वयम्भू चैत्य बुद्धालय यात नाना प्रकारं अपहासयाना निन्दायाइ वन्दना  
पूजादि मयाइ- थुजापि लिपा स्वांथ ग्वाज्यो जूवनि- सदानं दुःख यागु अनुभोग  
याना चोने माली । सुनां नित्य दर्शन प्रणाम मात्र याना चाहुला श्रद्धातइ- थुजाहयात  
बुद्धभक्ति याकनं अग्रबोधि (बोसिसत्व) जुया अनुत्तर ज्ञान लाना मोक्षलाभ जुइ ।

भो महाराज ! जि अबु ब्राह्मण रतिशर्मा बौद्ध विद्वान् जुं आपालं सज्जनपिगु  
पुचले चोना धर्मोपदेश व्यूगु जि न्यनातया- सत्ययुगे विपश्चिबुद्ध तथा शिखिविबुद्ध या  
पर्याये शशिपट्टन देशे श्रृंगकेतु, पुष्पकेतु, स्वर्णकेतु राजापिसं तारा नामकया चैत्य चाहुला  
भक्तियाना वंगु- हानं त्रिरत्न नामकया चैत्य प्रदक्षिणादि पूजायाना प्रजापिन्तनं याका  
वंगु पुण्य फलं थुपि बोधिसत्व जुया तथागत ज्ञानलाना संसारं मुक्त जुल ।

थ्वहे ज्ञान लुमंका थननं चैत्य देकालि पुलांगु चैत्य गन गन दुः अन अन वना  
[त्रिरत्न हे तारे मां शरण- मां तारय] जित तरेयाना विज्याहुं- थुगु प्रकारं नामकया  
वाजं थाना न्यकु पुया भक्तियात घासा याकनं विघ्न शान्त जुइ ।

॥ वोनेगु थथ्ये खः ॥

बुद्धं धर्मं च संघं च भजामि सर्वदा खलु ।

तारां जिनेश्वरीं चैव नौमि मां तारय प्रभो ।

बुद्ध धर्म संघ पित्त प्रणाम, निश्चयमेव सदानं थथ्ये भावयाये ।

हानं जिनेश्वरी आर्य्यतारा यातनं प्रणाम याना, हे प्रभू जित तरेयाना विज्याहुं ।

एकपाद पदोत्क्षेपात् गुंजातुल्य हिरण्यकं ।  
दानस्य फलमान्पोति वदन्ति च मुनीश्वरैः ।

छपला छिनाया छगुरति सुवर्ण दान यानागु पुण्य प्राप्त जुइ धका मुनीश्वरपिसं  
धया वंगु दु धका थण्ये चोबा तगु दु ।

लाता पाक पिसं बोने फइ मखुगुलि त्रिरत्न आर्य्यतारा नामकयां बाजं थाना न्यकु  
पुया न्यंकेगु कारणे व पशुपंछि तेतनं न्यंका वीगु कारणे चैत्य चाहुला भक्ति याय्गु  
थःनं परनं फल्याण जुइगु खः । न्यनामात्रं अकाल मृत्यु तरे जुइ- दर्शन यानागुलि पाप  
नाश जुइ । लुमंकागुलि स्वर्गवास दइ- त्रिरत्न आर्य्य ताराया प्रसाद खः ।

धन द्रव्यानि रूपेण क्षुद्र विस्तारितं मतं ।  
आमीष भोजनं चापि हिंसाचनतु कारयेत् ।

धन द्रव्यादि खर्च यायेत् त्यागी जुइमा, स्वार्थो जुया नेगुलि जक अप्पोयाना भाव  
याय्गुलि तिसिना धर्म जुइ मखु । सद्धर्म चर्य्यया ज्याय् हिंसा कर्म हानं आमीष भोजन  
(नये) मज्जु धया तल ।

दातव्वं सुगते दानं दानाद्वै लभ्यते सुखं ।  
दाना द्वै लभ्यते भोग्यं दाना द्वै लभते धनं ।  
दाना त्सं हरते शोकं दाना द्वै दुःख नाशनं ।  
दाना द्वै लभ्यते मित्रं दानाद्वै सर्व शान्तिकम् ।

दान याय्गु योग्य बुद्ध संघ पित्त खः तथा म्येपित्तनं दान यानागु पुण्यं सुख  
जुइ । लाभया निम्ति जक मखु निश्चय याना दान यानागुलि यको आयुर्दा दया सुख  
भोग याये वइ । दानया फलं धन संपत्ति नं लाभ जुया भाग्यमानि जुइ ।

दान याकें शोक संताप हरण जुइ- दान याकें दुःख मदं । दान याकें इष्ट मित्र  
लाभ जुइ- दान याकें सकल शान्ति जुइ ।

थण्ये प्राणी मस्यास्ये यज यात घासा शान्ति पुष्टि जुया, वशीकरण दर्या शत्रु  
मवंगु- स्वर्ग वास, मनोरथ पूर्ण जुइगु खः । छुं शंखा मतस्ये यायेमा, शंखा याकें विघ्न  
जुइ- उकीं शंखा दक्क तोता नराहुति या अर्थ सीकां ज्या याना विज्याहुं

प्रमाणः- अष्टोत्तर शतानां वै मानवानां च भावतः ।

अष्टोत्तर शतैः पुष्पैर्मध्यपुष्पैस्तु शान्तयेत् ।

सद्धि व च्याह्य मनुष्यपि आहुति वोगु या भावं सद्धि व च्याफो द्वाफोस्वां मात्र आहुति विया होम यासा शान्त चित्त जुया अग्नि संतोष जुइ ।

थुगु प्रकारं बाल गुरुं उपदेश व्युगु न्यना, राजां आज्ञा जुल । हे मंत्री राज पुरुषपि ! गथ्ये बाल गुरुं धागु खः अथ्येहे याय्गु जुल- सकल वस्तु तयार या ।

तथास्तु याना सकल मिले जुया मामागु वस्तु तयारयाना शिल्पकार सःता चैत्य स्थापना याय्गु ज्या आरम्भ यात । राजा या छे क्वसँ छग, देशे दध्वी छग, तीर्थे छग स्वंग चैत्य मूर्ति स्वयंभू बुद्धालय क्रमानुसारं शुभ दिने स्थापना याना सद्धर्मचर्य्य पूजा याका याउस्ये चोंक ज्या सिधेकल ।

थुगु बखते बाल गुरुया बुद्धि आर्य्यतारा देवीया मंत्र कापते चोका ताहाकगु पें कठिस वोय्का दिग् विदिग् सकमनं याय् थासे राज गृहेनं स्वाना ध्वजा पताकादि किंकिनीजाल केरामां स्वाना सुगन्ध धूप थना आर्य्यतारा नाम उच्चारण याका मंगल यात । उगु देशे कल्याण जुया प्यन्हु दुबले महामारी रोग शांम्य जुया वन रोग जुया चोंपिनं लायावल । न्हापाथ्ये सकल या आनन्द जुल उगु देशे चोंपि राजा प्रजा सकल सिनं थ्व बाल गुरुया बुद्धि खना खुसि मजुपि सुंहे मडु सकसिनं धन्य २ थ्व महापुरुष धका वयान यात ।

थुगु वखतस राजा रानी मंत्री म्येपि सकसिनं थ्व बालक सर्वज्ञ तुल्यह्य खः धका सोका बिन्ति यात । छलपोल यातनं यज्ञस होमयाय् लागु जूसा जिमिगु छुगति जुइगु धका संताप याना राजां क्षमा फोन । थ्व बालक न्हिला- भो महाराज ! सकलया जय मंगल ज्वोमा आः छुं धन्दा मन्त क्षमावी धुन । छलपोल या छगु ज्या वाकि दनि- विघ्न जूगु यज्ञ हाने याका विज्याहुँ । महाराजां आज्ञा जुल भो सर्वज्ञ गुरु- अग्नि सर्पया वचन दुः । छलपोल गुरु जुया ज्या यासा जक ज्या सफल जुइ) म्येपिगु ज्या सोयेधुन जि तःधंगु धोका नया ।

थय्ये राजां विन्ति यास्येलि- बाल गुरुं विचार याता धाल । भो राजेन्द्र ! महाराज, थय्ये जुस्येलि जि छगु छँ विन्तियाय् त्याना, जिगु उमेर श्वहे खः ब्राह्मण पुत्र खःसानं यज्ञ याय्गु विषये गुरुपद छगु अधिकार जिके मदुनि । जि तीर्थेवना स्नान यावने जित बिदा व्युः अधिकार कया वये । थय्ये धास्येलि राजा प्रशन्न जुया बिज्याहुं धका बिदा वित । तथास्तु याता याकचा उत्तर दिशा स्वया सुथे बालक पिहाँ वन- चवं विहंगम नाम निर्मलगु छगु तीर्थे थ्यन- मन आनन्द याता स्नानयाय् धुंका छथाय् बास यात । सज्जन वर्गपि वया स्नान याता फिया चैत्यदेका पूजा पाठ दानयाता वनीगु सोया मनं चिन्तना यात । थुगु तीर्थ उत्तम स्थान खः थन जि याकनं थ्यन । आः जि गनवने मालि नराहुति यज्ञकर्म छु विधानं याय्गु सुनां कना जित शिक्षा दिक्षा विद् धका विचार याता च्वन ।

थुगु समये बनं भिक्षु छह्य क्वहाँ वया तीर्थे स्नान याता स्वां फल ज्वना थाहाँ वन । श्व खना बालकं विचार यात, श्व भिक्षु वंगु थासे वंसा जितनं कल्याण जुइ धका पलेस्वां छफो ज्वना वन । भिक्षु न्हापालाक थ्यने धुंकल । लिपा च्वेथ्येने धुस्येलि बनया दथुस आपालं योग्यपि भिक्षुसंघ मुना धर्म देशना याता विज्याह्य क्रकूछन्द तथागत दर्शन प्राप्त जुल । धन्य जिगु भाग्य धका दना सोया च्वन ।

क्रकूछन्द तथागत सकल विद्याया आचारणं संपन्न जुया सुगत लोकवित् जिन धाय्का देव मनुष्य पिनि गुरु जुया सद्धर्म उत्तम ज्ञान कना पुरुष दक्कया सिंहसमान सारथि जुया विज्याह्य भगवान खः ।

श्वसपोलं उपदेश वियागु बिना आज्ञा जुल- हुँकन दनाच्वंह्य बालक यात थन वोना हति । छह्य भिक्षु वना बालक वोना हया न्ह्योने तेहल- बालक चाहला ज्वना वयागु पलेस्वां दोहलपा पालिस भो युया, पुलिचुया ल्हा विन्तियावा च्वन ।

बालक यात स्वया थमं स्युसानं अन चोपिन्त सीकेत क्रकूछन्द भगवानं न्यना यिज्यात । हे बालक ! थन छाय् वयागु- छं मां अबु छंगु नं नां छु छ गन जन्म जुयाह्य जात छु ? । थय्ये न्यंवेले बालकं खोंवि बेकां विन्ति यात, भो भगवान् जिगु बुःछ छलपोलं स्युः तथापि कने । जि कनकावती देशे जन्म जुह्य जि अबु रतिसर्मा



ब्राह्मण, माँ रत्नावती ब्राह्मणी जात ब्राह्मण जिगु नाम धर्मदत्त । च्याद फुइथ्ये चोंवले जजमान कार्य्य जित अबुं बोनायंका वने थ्यंवले छह्य सिंवजायात नासुतया वंह्य (१५) दिन तकनं अबुं कामव । थ्व सिं वँजानं द्वद्धिदां कया रत्नकोशवती देशे नराहुति यज्ञ याना चोंह्य जुजुयात मिया हल ।

अनंलि बालगृहे तगु, अन चोंपि सछिव न्हेह्यस्ये बोविया कसायागु थमं सासना नयागु रात्रिस भक्तियाना आर्यतारा लुमंका स्तुतियाना दर्शन प्राप्त जुया मृत्युजय मंत्र दान याना— उपदेश बिया अन्तर ध्यान जुगु थमनं अन चोंपिन्त मंत्रदान बियागु नराहुति यज्ञस बालकपिं होमे कबफागु थः छह्य वाकि बले अग्निसर्प पिहाँ वया धयावंगु अनलि देशे महामारी रोग जुया मनुत सिना वंगु— थमं उपदेश बिया राजायात बोध याना चंत्य स्थापना याका शान्तियाना महामारी उपद्रव मदेका बियागु खं कना आः जित गुरुयाना विघ्न जुगु नराहुति यज्ञ याके धाल थुगु विषये शिक्षा काय् धका बिदा कया पिहाँ वयाम्ह थन छलपोलया थासे लावल जित रक्षा याना विज्याहुं ।

थुगु खं न्यना अनच्चंवि सकल आश्रय्य जुया चवन । ऋकूछन्द बुद्ध न्हिला विज्वात । सुनन्द महाभिक्षु दनावना प्रणामयाय् धुंका ऋकूछन्द या न्ह्योने चोना छलपोल छाया न्हिलागु धका प्रश्न यात । ऋकूछन्द बुद्धं आज्ञा जुल— हे सुनन्द भिक्षु ! जि न्हिलागु कारण दुः कने— हे बालक छनं वांलाक न्य ।

पद्मपुरि नाम देशे गुणशील महाजन वैश्यजाति छम्ह दुः थ्वया पतिव्रता स्त्री गुणवती धयाम्ह खः । सन्तान मदया आपालं धन खर्च याना अनेक पूजादि धर्म यात सन्तान मदया दिक्क जुइका चोन ।

छन्हु बुद्धोपाकश छम्हस्ये त्रिरत्न शरण आर्याबलोकितेश्वर यागु उपोषध व्रत या विधान कना वन । थ्व व्रत यांस्येलि गुणवतिया गर्भवती जुया किला दस्येलि पुत्र जन्म जुस । थ्व गुणशील यागु संपत्ति भोग याय्त शत्रु जुया च्वंविं फुकि तेसं जोतीषयात खं न्यका थ्व बालक अबुं एवा सोये मज्यूम्ह छे तल धासा याकनं अबुसिना वनि । हानं संपत्ति नाश याइम्ह इत्यादि अनर्थगु खं न्यंका जोतीष यात धनया लोभ क्यना जोतीषं गुणशील यात धाल । थ्व बालक याकनं देशं पिने वाकेछो ।

श्व खँ विश्वास यांना पतिव्रता स्त्री गुणवती यात खँ न्यंका बल जफतं रात्रीस मचा बाके छोट । देशं पिने घाय् दुथाय् वांछोय् धुंकूम्ह बालक धों प्यम्ह वया स्थाना नये धका वबले लोकेश्वर या सुदृष्टि सोया चोंगुलिं मचाया रूप धों तेगु मिखाय् सिंहया मचा खन- ग्याना विस्युं वन धों तेगु भय मन्त ।

अनंलि माँम्हसिया मन त्याग याय् मफया स्वामीया वचन पालन याय् धुन । मचा काय् धका वन- जि जन्म यांनाम्ह पुत्र छें यंके धका ज्वनेत थिक यावले श्व बालकं जित थिलकि जि थथ्यें सिनावनि धका खँ न्यंकल- सुथसिगु प्रहर जुल लाज जुइका मचा तोता गुणवती माँम्ह छें वन । सुथेजुल सकल मनु तेसं छन नाना प्रकार या खँ जुल । उगु वखते देव पुत्र छम्ह गृद्ध रूप कया श्व बालक यात गृद्धं ज्वना आकाशमार्गं हया उत्तर दिशा कनकावती देशे चैत्यया फुसे इलामेतया गृद्ध थःगु थासे वन ।

थुगु चैत्यसेवा यांना चोंम्ह रतिशर्मा ब्राम्हणया स्त्री नापं चैत्य पूजा यावंवले श्व बालक खना निम्हसिया खँल्हाना जी सन्तान मदया थन चैत्य सेवा यांना चवनागु या प्रभाव खः जीसं यंका श्व पिवनिम्ह बालक यात पिध्यना जीगु ब्राम्हण या कुले तया प्रतिपाल याये धका हया पिध्यना व्यंका मामागु कर्म खँका स्थना कना पालन यांना धर्मपुत्र धका धर्मदत्त नां छुना ८ बर्षसम्म छें तया पुत्र समान यांनातम्ह खः ।

श्व बालकं फों वइपिन्त नका मखँक लें वसा धरत्रात्रिषा छोगुलिं लिपा जोत फोगों याइ धयागु विचारं निम्ह त्यपुया सल्हायःना जजमानया कार्यस दान काय्गु धका हेका हया श्व बालक बने सिवंजा काष्ठाहार यात लः ल्हाना ब्राम्हण थगु छें वन । सिवंजाया ल्हाते लात बालक श्व खः । थनं क्वेयागु खँ श्वंहे धाय् धुंकल सीकि । थुगु प्रकारं आज्ञा जुगु खँ न्यना बालकं तच्चतं अपशोच यात ।

ऋकूछन्द भगवानं बालकयात बोध यांना विज्यात- छ वैश्यजाति खः आः छ ब्राह्मण पुत्र धासां जिल- अवचोच याय् म्वांः छंगु कर्मभोग नं दुः छं भोगयाय् धुंकल थःथःगु न्हापा यांना वयागु भोग लिपा कर्म फल जुया च्वनि पम्हं हे उगु कर्मफल भोग मयास्यें मगा । १० ।

थुगु खँ न्यना सुनन्द भिक्षुं हानं प्रश्न यात । भो भगवान् ! श्व बालकं न्हापा छु याना वगुलि थुलि दुःख भोगयाय् मागु आज्ञा दय्का विज्यासा थनचोपि सकलया नं श्व बालक यानं संतोष जुइ । ० । सुनन्द भिक्षुं थथ्ये प्रश्न यास्योलि क्रकूछन्द भगवानं, श्व बालक या पूर्व जन्म यां खँ खना विज्यात ।

नैरंजना नन्दीया तीरे शारंग नाम जुया चोंगु छगु गां दुः थुगु ग्रामे बसुभद्र घयाह्य बणिक पुत्र छह्य दया च्वन, श्वया पाशा बशुदर्य नापं व्यापाद याय्गु कारणे म्येगु ग्राम नगर भ्रमण याना लाभ जुइका लिहाँ बल, छगु स्थाने वास च्वना सुथ न्हापां दना गमनयाना वरि निह्य निगुलें लाना निह्य निह्ये वनेलाल ।

पाशा मबनि धका निह्यसियां निह्ये पिया च्वन लें दन धका मस्युः । उगु बखतस बसुभद्र या स्नानयाना थमं ज्वना वयागु नया च्वंवले तीर्थ चाहुला बह्य केहि बारिद्र ब्राम्हणया काय् मचा छह्यनं बोनावगु अन ध्यन । बसुभद्रयात स्वस्ति मंगल जुइमा, याकचा थन धनद्रव्य बस्तु ज्वना छाया चोनागु भरिया मदुला धका नोंतुल-जिकाय् यातनं छुं नेगु दुसा दानया छि ब्राह्मण खः ।

थथ्ये धागु न्यना बसुभद्रं घाल,- जि वणिज पुत्र वैश्यजाति व्यापाद याना लिहाँ वया जि पाशा छह्य पिया चोनागु भरियानं थःहे जुया वया जि नापं बह्य बसुदर्प पाशा छह्ये लात छं खँला धका न्यन । निम्हेसितनं छुं नेगु दान यात निह्यसियां नल ।

श्व ब्राह्मणं बिनियात छं पाशा जि माला वोंनाह्ये श्व मचा थन तया थके विचार यानाति । बसुभद्र खुसि जुया ज्यु जि विचार याय् जि पाशा माला हति घया छोट । बसुदर्प वणिज थःगु छें पाख्ये म्येगुहे लें वने धुंकल । मावंह्य ब्राह्मणं लुइके मफुः नाप लाना बोनायंके फुसा सिलपा बीगु आशायाना लें नाप लापिगु नां न्यना उख्ये थुख्ये भ्रमण याना जुल गनं नापमला ।

छथाय् छह्य साहुया दान याना च्वंगु खवर न्यना अन दानकाय् धका ब्राह्मण वन लें तापागुलि सन्ध्याइले थ्यन, वहनी जुल साहुं दान याना भोजन याकल । थःकाय् लुमंका ब्राह्मणया नुगः मछिकल । काय् कावनेत बहनी जुल- कन्हें न्हापानं वनेधका अनसं वास यात ।

उख्ये पाख्ये बसुभद्रया मचा जिम्मा कया वने न्हिछि चोने धुंकल बहनी जुलनं  
ब्राह्मण थ्यंक मवगुलि मनस अनेक लुमंका मचायात धाल । छं अबु आःतकं मव छ  
खोय्मते छं कन्हे जक वडगु जुइ छाप् खोया धका हेका थ्यन, थ्व मचानं च्यादया  
उमेर न्होवेकल ।

भसुभद्रं विचार यात बने थ्व मचा नाप चोना जित कल्याण जुइ मखुः । न  
तोता बनेगु छुंवसा छुयायगु थथ्ये चिन्तना याना चोन सुथे जुल नेगु बस्तु छपो न्होवह  
मचा नापं तथा बसुभद्र थःगु सामान ज्वना थगु छे पाख्ये वन । मचा न्हालं चाल  
याकचा खोल अबुं कामवनी गनवनेगु जित तोता थ्व बसुभद्र दाजु वने धुंकल छुयाप्  
गुगुयाप् जुया तोता थकुगु नेगु नया अन मचोंस्ये उख्य थुख्ये जुया फोना नया जुल ।  
१५ दिन दुचले थः अबु नं नापलात । निम्ह सिया थिति खेल्हात थःगु छे वोना यंकल ।

अनंलि बसुभद्र थःगु छे थ्यन- बसुदर्पनं थःगु छे थ्यंका चोने धुकल निह्य नाप  
लाना परदेश वना व्यापाइ यानागु हिसाव ध्यवा निह्यसिया इना कावले केहि अपो  
ध्यवा बसुभद्र याके जुल । थुपि ःसिना बस्येलि जन्म कार्वापि बसुभद्र थ्व बालक छः  
बसुदर्प काष्ठाहार, मचा नासुतया दान कावंह्य ब्राह्मणजु रतिशर्मा छ । छुं ध्यवा  
भतिचा थःमं अपो कागुलि न्हापायाह्य पाशा बसुदर्प, आः काष्ठाहार जुया जन्म  
कावह्य सिनं द्वछि दां कया थ्व बालक मिया लाभ यात । बसुभद्रया थसं नासु कयाम्ह  
बालक बने तोतुगुलि थःत नं जन्म जुइवं वाका चवनेमाल- हानं च्यादया प्रतिपाल  
याम्ह रतिशर्मा ब्राम्हणं बने तोतल । ब्राम्हण अबुं कामवगु कारण थथ्येखः ।

न्हापा वसुदर्प वणिजं दान बो धुंकुगु द्रव्य (ध्यवा)नुग स्यात धका लितकया पाप  
यागुलि थुगु जन्मे दरिद्र जुया बने काष्ठाहारसि वंजा जुवल । न्हापा बसुभद्रया दोष  
छकुचा थुलिहे मात्र छः । थवं जन्म जन्म पति दान पुण यागु हानं लिपा थ्यकं याइगु  
थ्व धयां साध्य मजुः ।

आः बालक सीकि- थ्व बालक भविष्ये कलियुगया प्रथम चरणे शाक्य कुले  
जन्म जुया- जगतो हिताय निमित्ते सद्वर्म्म ज्ञान (अमृत) दान याइम्ह । आःनं थःत  
शत्रु भाव याना बोविया कसायापि सखिव न्हेम्ह यात, बोधिचित्त उत्पत्ति याना भित्र

माया आर्यंतारा या मंत्र दान विया उद्धार यात, थुपि आर्यंताराया सुदृष्टि स्वर्गवास जुल । थ्व चीचोगु पुण्य मखु थ्व बालक छम्ह अन मलागु जुसा— बालकपि फुकं मि च्याना चोगु यज्ञ शालास क्वव्वना सिना वनीगु खः ।

निर्जीव सीधुंकुपि मनुत शमशाने तथा दाह याना भस्म याइ— संसार या स्वभाव रूपि धर्म खः स्वैतनं छुं दोष मदुः । सजीव म्वापि मनुत (प्राणी) यज्ञशालास क्वफाना दाहयाना भस्म याय्गु धर्म मखु थुकीया दोष कनेतहे थाकु ।

थ्व बालक गुरु जुया थुजागु प्राणी घाटक याना (स्याना) याय्मागु ज्या गुवलें याय्गु योग्य मजु धका नराहुति याम्ह राजाया सभाय् च्वना उत्तमोत्तम सद्धर्म ज्ञानोपदेश विया बोधयाना वये धुंकल धन्य थ्व बालक धया साधुकार विया विज्यात । विहंगम पर्वते क्रकूछन्द बुध्दं न वर्ष दुह्य धर्मदत्त बालक यात शिक्षा विया भिक्षुयागु खँ ।

इत्युक्ता सर्वकर्माणां शिक्षादत्त्वा यथाविधिः ।

सर्वकर्म समुद्दिश्यं यथा योग्यानुसारतः ।

सर्वज्ञमित्र पादेति नामसंस्थापितोऽप्यभूत ।

एहीति करसं धायाऽभिषेकं प्रददौ मुनिः ।

थुलि उपदेश बीधुंका क्रकूछन्द मुनि (बुध्दं) थ्व धर्मदत्त बालक यात न्ह्योने तथा यथा विधिक्रमं शिक्षा दिक्षा विया आज्ञा जुल । हे धर्मदत्त ! छ सकल कर्मया ज्याय् गुरु जुया योग्यानुसारं याहुं थुलि आज्ञा जुया प्रथम कलशाभिषेक कलशल् खँलुना स्नानयाका धया विज्यात, थ्व प्यंगु सागर तीर्थ स्वरूप जुया चोगु कलशया लखें स्नान याकागु तुल्य जुल ।

(१) शिरे ल्हाति बुबु स्यानां सँमदेका हानं स्नान याका आज्ञा जुल— त्यागीया बस्त्रं पुना संसार अनित्य खः, धका ह्यसीका गृहत्याग यांना भ्रमन जुइगु थुलि धया

(२) चीवर वस्त्र (भिक्षु) या लें लःल्हाना पुंकल ।

(३) खिखिरिका बोहले तेगु बस्त्र लःल्हाना पुंका धया विज्यात । छ सुनानं खनेवं त्यागी जुया बुद्ध जाने चोह्य धका सीका काइ । थ्व चीवर वस्त्रं पुना प्राणी पित्त उपकार जुइगु ज्याखँया नाय जुइगु ।

(४) पिण्डपात्र (गोलपा गुलुपा) नं घाइ लः ल्हाना आज्ञा जुल । थनिनिस्स्ये सीकि-  
 ष्व थल बुद्ध बोधिसत्त्व पिनि भोजन याइगु थल (पात्र) थुकी तया सात्त्विक भोजन  
 याइगु- मदिरा, मांस, हि, युजागु नेगु तोनेगु थल ष्व मखुः ।

(५) नामाभिष्येक- छ धर्मदत्त भिक्षु जुल बुद्धया मंत्र ब्वना थनिनिस्स्ये गृहस्थि तेसं  
 ष्ये लाको नया हाता जुइ- मजित । दशशील प्रार्थना याका बुद्ध चिन्ह स्वस्ति शिरे  
 ह्यासुगु सिन्हलं नन्दा वर्त घाइ चोया, बुद्ध जन्म जुइवले न्हेपला छिना पलेस्वां उत्पत्ति  
 याना बयनी, ष्वष्ये सप्तपद छिका गमनयानालि भिक्षा दान कया प्यन्हु या भूमण जुया  
 वान व्यूगु नया हानं थन वा घया धर्मदत्त यात याउस्ये च्वंक भिक्षुयाना विज्यात ।  
 भिक्षादान कया वा घया छोट ।

विहंगम पर्वते-ऋकूछन्द बुद्धं = वर्ष दुहा धर्मदत्त भिक्षुयात  
 बज्राचार्याभिष्येक व्यूगु खे ।

न्यान्हु दस्येन्नि गुरु ऋकूछन्द बुद्धया न्होने उपस्थित जुया साष्टांग प्रणाम याना  
 ल्हाः विन्तियाना चोन गुरु ऋकूछन्द बुद्धं आज्ञा जुल ।

हे धर्मदत्त भिक्षुजु ! छ शरीर बालक जुसानं ज्ञान तःधिकह्य खः । त्रिपान  
 (श्रावक प्रत्येक महायान) चर्य या ज्ञान स्वयं सीका चोने धुकूह्य खः । आः नराहुति  
 यत्तस गुरु जुया ज्या सकल याय्त थन वल भिक्षुयाय् धुन- छन्त बज्राचार्या भिष्येक  
 (बज्रपान) चर्य याक्ये कर्म (ज्या) याकेत सर्वकर्माधिकार पदयागु शिक्षा ज्ञान विद्या  
 छोय्त्पना ग्रहण या ।

युलि खे न्यंका भिक्षुचर्य चोवर बस्त्र पिण्डपात्र दान याकल-

(१) प्रथम कलशा भिष्येक प्यंगु सागर (तीर्थ) या प्रमाण बोधिसत्त्व, देवतादि पिसं  
 स्नान याना वंगु तुल्य साधन क्रिया पूजायाना तयागु थुगु कलशा भिष्येक स्नान  
 याका छंगु काय शुद्ध यानागु खः छं सीकि घया शिक्षा बिल ।

(२) द्वितीय तुयुगु चोवर बस्त्र लःल्हाना पुंका बज्राभिष्येक वज्र लःल्हाना जगु  
 ल्हाति ज्यंका नुगले थोका बुद्धचर्ययां ज्ञान जिनं धारण याये धाय्का ष्व बुद्ध  
 चिन्ह धारण याय्गु सीकि थय्ये घया शिक्षा बिल ।



- (३) तृतीय घण्टा भिष्येक (गं) लः लहाना खगु ल्हार्तो ज्वंका थाका खगु पुलिस लहा दिके विया जि धर्म ध्वनि (शब्द) न्यंका, थ्व धर्म चिन्ह प्रज्ञा ज्ञान स्वरूप या ज्वाभ धारण याय्गु धका सोकि थथ्ये खँ कना शिक्षा विल ।
- (४) चतुर्थ नामाभिषेक छंगु नाम थनिनिस्ये सर्वज्ञ मित्र पादाचार्य जुल धया शिरे बज्र थिया जापमाला लः लहाना कोखाय्का धया विज्यात— थ्व जापमाला संघया चिन्ह धका सोकि— न्यास तथा जापविधि प्राणायामनं धाइ जप लुमंका चोनेगु आदि बुद्ध (वज्रसत्त्व) या मंत्र न्यंका, मंत्रा भिष्येक नं धाइ थुगु मंत्र विद्या बोना जापमाला हिकेगु सोकि धया शिक्षा बिया विज्यात ।
- ५) पंचम मकुटाभिषेक मकुद लः लहाना दर्शन ज्ञानया शिक्षा तथा दिक्षा (ज्ञानालोक) धया विज्यात । थ्व मकुटस न्हापयागु कल्पे जुया विज्यापि पंच तथागत न्याह— १) वैरोचन २) अक्षोभ्य ३) रत्नसंभव ४) अमिताभ ५) अमोघसिद्धि आदि बुद्धपिगु चिन्ह सहितगु चूडामणि सकसिनं प्रणाम याना पूजादि यानातगु धका सोका शिरे धारण याय्गु मकुट (तपलि) धया पुइका थुजागु गुरु पद बज्राचार्य छन्त याना, थुगु विधि पंचाभिषेक विया ।

दशाकुशल (पाप) तोता, दश शील धरे याना गुरु जुया म्येपिन्तनं ज्ञान कना— मिध्यादृष्टि अविद्या (अहंकार) हिसाकर्म मयास्ये बज्राचार्य पुज्य गुरु जुइगु परम कर्तव्य खः धका कना विज्यात ।

थनंलि थ्व सर्वज्ञमित्रं ऋकूछन्द गुरु या न्होने चोना अष्टांग प्रणाम याना, रत्न मण्डल दोहलपा, पाप देशना याचना पुण्यानुमोदन याय् सिधेका आपालं हर्षयाना विदा कया ऋकूछन्द बुद्ध गुरुं छोया हःपि पाशानापं लिहाँ वया रत्नकेतु राजायां थासे थ्यंक वल ।

राजां प्रणाम याना धया विज्यात, छपि विस्तार जुल— गन विज्याना न्हापा थ्ये मखुत तच्चतं बांलागु रूप जुया विज्यात ।

सर्वज्ञतित्र गुरु न्हिला— विस्तारं थः वना वयागु खँ— ऋकूछन्द बुद्ध दर्शन लाना थःत याना हःगु खँ वृत्तान्त कना सकलयात न्यंकल— राजा खुसि जुया विन्तियात, भो गुरु ! यज्ञ बिघ्न जुगु हानं याय्त् छुयाये माल— छपिसं धागुतक याये कना विज्याहुँ ।

यथ्ये घास्येलि सर्वज्ञमित्र पादाचार्यं खुसि जुया न्हापालाक धर्म याय्गु खँ कना विज्यात । भो महाराज ! न्यना विज्याहुँ- यज्ञ यायेगु खः न्हापालाक थुगु धर्म छगुनि न्यना विज्याहुँ जित्तं कने ।

सत्ययुगे विपश्चिबुद्धया वचन न्यना शशिपट्टन देशे श्रृंगकेतु राजां, गन्धवती देशे इन्द्रपृष्ठ राजां, चैत्यव्रत यानां चैत्य थानागु गर्भेतया तःगो याना चैत्य बुद्धालय देका पूजादि सत्कार याना, देशे महामंगल यांना प्रजापिन्त सुखीयाना वन ।

अनंलि शिखिवी विश्वभू तथागत पिगु आजानुसारं वाराणशी देशे कीलकीर्ति (कृकीराजा) तथा म्येम्येपि राजा पिसंमं चैत्यव्रत थमंयाना म्येपिन्तनं याका गर्भेतया म्येगु चैत्य तःगो जुइक देका पूजादि पाप देशना याका मंगलकार्यं कयना देशे प्रजापिन्त दुःख मदेका सुखयाना वन ।

वय्ये थन छपिसंनं याना देशे मंगल कार्यं जुइका प्रजा सुखी याना- बुद्धचर्य या ज्ञान, अहिंसा करुणा शान्ति आनन्दगु सद्धर्मचर्य धर्मोपदेश थाय् थासे प्रचार याका विज्याहुँ । महामारी रोगं प्राणीपि सिना देश अमंगल विशोभा जुया चोंगु फुक मदया देश मंगल जुया शोभा दया प्रजापि ज्ञान बुद्धि दया सुखी जुइ छलपोल पिनिनं कल्याण जुइ । अनंलि लिपा विघ्न जूगु नराहुति यज्ञ सफल जुइ यथ्ये खँ कना ज्या याकल ।

पद्मध्वज पलेस्वां चिन्ह, मयूर ध्वज म्हेखा चिन्ह, कलश चिन्हया ध्वजा पुस्तक चिन्हया ध्वजा क्रमशः, पूर्व दक्षिणे पश्चिमे उत्तरे स्वाना पताक किकिनीजाल इलां प्रतिमा छाया आर्य तारामंत्र यागु ध्वजा सकभनं बोयेका सुगन्ध धूप थना, केरामा केटकी स्वांमा त्रिरत्न ताराया नाम उच्चारण याका अष्ट मंगलया चिन्ह बोया प्रजापिन्त खवर न्यंका तौल पत्तिकं राजदरवारेनं चैत्य व्रतयाका चैत्य थाका सकलयांत व्रत याकल ।

ऋकूछन्द बुध्दं विया विज्यागु उपदेश थव सर्वज्ञमित्र पादाचार्यं गुरुं राजदरवारे सकलयात तथा प्रजापिन्तनं यथ्ये न्यंकल ।

पंचामृतादि भुक्तेन मासपर्यन्त माचर ।

विशेष श्रावणे मासे कार्तिके च विशेषतः ।

सद्धर्म चर्ये माहिंसा सर्वसत्त्वार्थ कारणात् ।

मोहेन प्रकृत श्रापि सर्वकार्य विनश्यति ।

पंचामृत आदि (दुरु, धौ, घ्य, कस्ति, शाख) अथवा चिनि मिश्रि सहितगु क्षीर मधि फलाहार याना छगु मासतक नियमानुसारं याय्मा । मुख्यनं श्रावण मास अथवा कार्तिक मासेनं ज्यु । अथ्ये सद्धर्मचर्य याय्वले सकल सत्त्वपि हित्त सुख याय्या निमित्त हिंसा याय् मज्युः । मोह जुया अहंकारं यात धासा थ्व जक मखुः म्येगु ज्याय्नं सकल ज्या या पुण्य नाश जुइ । गुगु याय् मज्यु नेमज्युगु खः निषिद्ध याना ज्या यासा पूर्णरूपं फल प्राप्त जुइ । मयात धासा होः गंगु थले लःतेथ्ये जुइ । थुगु प्रकारं उपदेश विद्या ज्या याकल । उगु समये आर्यतारा प्रशन्न जुया पुष्पवृष्टि जुल सुगन्धं वास वगु फेवल शुभ निमित्तगु पृथ्वी कंप जुल ।

थुगु समये सर्वज्ञमित्र पदाचार्य गुरुं न्यंकल धन्य २ महाराज सद्धर्म ह्यसीका ज्या यात जय मंगल जुल । हानं धाय् त्यना, सकल धर्म याइवले उत्तमगु धका यज्ञ होम याइगु भिगु ज्या खः सःसा सिद्धि दइ-- मससा असिद्धि जुइ । गथ्ये यासा सिद्धि असिद्धि जुइगु महाराजं सोय् धुंकल तथापि जिन्त्यना वयागु खं कनेत्यना ।

स्वयम्भू त्रिरत्न बुधद बोधिसत्त्वादि हानं ब्रह्मा विष्णु महेश्वर इन्द्रादि दशदिग् लोकपाल चतुर्महाराज पि आवाहान याना पूजा याइ । थुमिगु न्ह्योने प्राणी स्याना ला हि नकेगु योग्य मखुः धका सीका अथ्ये अयोग्यगु ज्या मयात धासा याकनं ज्या सफल जुइ थुकीयात सिद्धि धाइ । थुकीं भिन्नगु ज्या असफल जुइ असिद्धि धाइ । सिद्धि दैगु मदैगु फोगु लहाते दुः । आः हानं होम याय्गु विषये न्हापालाक खँ न्यने फेकेमा, सल्लि व च्याह्य मनुष्यपि म्वा म्वा यज्ञे क्वफना होम याय्गु छु विधि खः उजागु विधियात-- परप्राणाहुति (हिंसादि पापकर्म) धाइ । द्दलंद्व वर्षतक अग्निघट नरके चोना दाह जुइका दुःख भोग याय् मालि उगु बखते सुना रक्षा याइगु । रक्षा याइह्य पुण्य खः आः पुण्य पाशा घेः पुना ते मफुत धासा दुःख हे जुइ । थ्व मनुष्य जन्मे फको परयात दुःख मव्यूसे सुखयाना पुण्य पाशा घेःपुना तेगु ज्या याय्मा ।

परयात दुःख बीगु नरक वनी-- परयात सुख बीगु स्वर्ग स्वनी । परया शरीर व थःगु शरीर तुल्य जुइकेगु परया दुःख थःगु दुःख नं उथ्ये खनेमा ।

भो महाराज ! आः हानं यज्ञ होम याय्गु बिधि (१०८) द्वाफोस्वाँ शोधनयाना होमयाय् त्यना- इन्द्रादि देवता अग्नि संतोष अवश्य जुड़ । न्हापा थ्येँ सकलयात निमंत्रणा विया बांलाका यज्ञ शालास चोनेगु थाय् पूजा ज्वलं ३२ वृही अष्ट सुगन्ध धूप इत्यादि माक्व थिकयाना तय्माल । थय्ये सर्वज्ञमित्र पदाचार्य वाल गुरूं धागु खेँ न्यना राजां आज्ञा जुल- भो गुरू छपिसं धाथ्ये याय्गु अवश्य खः धया मंत्री तथा म्येपि सःता यज्ञ याय्गु सारदाम ज्वरेयाके बिल । सकल मिले जुया तयार यात । निमन्त्रणानुसारं बिघ्न जूगु यज्ञ हानं याइ सोवनेगु इच्छायाना सकलें थ्यंकवल ।

सुदिनं स समादाय प्रारभत् यज्ञ मुत्तमं ।

क्रमात् सर्वज्ञ मित्रोऽपि हव्यद्रव्यादि प्राजुहोत् ।

अष्टोत्तर शतान्येवं दुर्वाकुण्डानि चाक्षतं ।

तदाऽग्नि देवताः सर्वे संतुष्टाः लोक पालकाः ।

न्हापा पुन्ही खुन्हु याथ्ये चंत्र पुन्ही (भिगु दिन) खुन्हु सुथन्हापां यज्ञशालाय् छलालं मापि सकलें च्वना राजा रानी यजमान तथा न्हापायापि ब्राह्मण गुरूपिनं थःथःगु थासे चोना सोया चोन । क्रमानुसारं थ्व सर्वज्ञमित्र पादाचार्य बाल गुरूं उत्तमगु यज्ञ आरंभयात, पंचामृत (हव्य) वृही द्रव्य मिलेयाना संशोधनयात नापं (१०८) गुंतु तियागु द्वाफोस्वाँ ताय् आख्यनं शुद्धगु थलेतया तल ।

हव्यद्रव्य वस्तु सीके- ३२ वृही पंचामृत अष्टसुगन्ध कूश पलेस्वाँ पा नैकयागो क्मसि खाइसि व्या ग्वे ग्वा मधि फल धूप दीप वास अपोयाना घ्यः । थुलि बस्तु होम याना थिक बेला जुस्पेलि द्वाफोस्वाँ ताय् आख्यो सहिय छक छक छग छग याना सछिव च्याक घ्यतया आहुति यिया होमक्रिया सिधेकल ।

थय्ये शास्त्र विधि प्रमाण लंघना मयास्ये मिलेयाना होम यागुलि उगु अबस्थास लोफपाल अग्नि देवतादि सकलें संतोष जुया चोन । पंचरस्मि (तेज) थाहाँ वया अग्नि देवं दर्शन बिया शुभ मंगल या आशीर्वाद विया अन्तरगत जुया खने मन्त । यज्ञ यागुनं सफल जुया सिधेकल, मूल गुरू जुया यज्ञ याह्य सर्वज्ञमित्र पदाचार्य कलशाभिष्येक स्वाँ सिन्ह विमा मंगल याना आशीर्वाद सकल या कल्याण जुइमा धया यज्ञ समाप्त याना विज्यात । स्वर्गलोकं देवबाजा याना स्वाँ वृष्टियाना हल ।

सकलया मन प्रशन्न जुइका अहो धन्य ध्व सर्वज्ञ मित्र पादाचार्य बाल गुरु घया—  
नहापा यापि ब्राह्मण गुरु राजा रानी मंत्री राज पुरुषपि, सोवपि निमन्त्रणाय् वपि नर  
नारी सकसिनं ताय् स्वांनं होला ध्व बाल गुरु यात प्रणाम याना सिलपा बिल ।

नहापा यापि ब्राह्मण गुरु पित्तनं योग्यता रूपं दक्षिणा सिसपा विया प्रणाम याना  
आशीर्वाद व्युगु तथाऽतु याना रत्न केतु राजाया नराहुति यज्ञ बिघ्न जुगु सर्वज्ञमित्र  
पदाचार्यं हानं यज्ञयावले (१०८) द्वाफोस्वां मात्र होम याना नराहुति यज्ञ सफल  
जुइका वयन ।

अनंलि सकल या मन आनन्द जुइका थुगु ज्याय् निरामीस भोजन याना उडुन्ह  
या दिन फुना वहनी जुस्येलि दीप मालिका (मत च्याका) उत्सवयाना रात्री वितेयात ।

कन्हे सुथे जुल स्नान सिधस्येलि थ्व बालक गुरुं राजायात उपदेश विया खें  
न्यंकल । भो नरेन्द्र महाराज ! छलपोल या हानं छगु ज्या दनि न्यना बिज्याहुं ।

ऋकूछन्द तथागत निमन्त्रणा याना दानयाना आशीर्वाद कया बिज्याहुं जन्म  
जुयागु सार जुइ । दान याकें शील स्वभाव बांलाइ— शील यायें शान्ति दइ क्षान्ति  
याके वीर्यपराक्रम दयावइ । वीर्य दतकि ध्यान ह्यसी— ध्यान बलातकि प्रज्ञा ज्ञान  
ह्यसी । थ्व षट्पारमिता तथागत चर्य्य खः क्रमानुसारं अर्हत् जुया मोक्ष प्राप्त जुइ ।  
थ्व ज्या विस्तार मयास्ये निमन्त्रणा दरवारे कसि च्वना यासानं गा ।

थुगु खें न्यना थौं हे निमन्त्रणा याये थनि प्यन्हु बिज्याके धका खुसिजुया राजा  
कसि चोना उत्तर दिशा सोया ताय् स्वां होला ल्हाः विन्तियाना आज्ञा जुल ।

भो भगवान ऋकूछन्द ! जिगु दोष यात माफि विया छलपोल संघपि नापं जिगु  
दरवारे बिज्याहुं बाल गुरु छपिनि शिष्य यागु वचन प्रमाण याना श्रद्धा तथा याये  
त्यना थथ्ये धया दान याय्गु थाय् बस्तु चीवर तयार याकल ।

ऋकूछन्द बुध्दं सीका भिक्षु पित्त न्यंकल, हे भिक्षुपि थनि प्यन्हु रत्नकेतु राजाया  
थास निमन्त्रणा यात वनेगु जुल छिपि सकलें वोनावा धाल ।

थथ्ये आज्ञा जुगु न्यना भिक्षुपि खुसि जुया चोन । प्यन्हु दत सुथे राजायाके  
बिदा कया बालगुरु नहापाथ्ये वना अनश्रयंका प्रदक्षिणा याना प्रणाम याय् धुंका न्ह्योने  
पुलिचुया ल्हाविन्ति याना धाल ।

ओ भगवान् गुरु ! छलपोल भिक्षुपि सकलें राजाया थास विज्याहुँ जिनं लसो वयां । थथ्ये विन्ति यास्येंलि इले भगवान् ऋकूछन्द बुद्ध भिक्षु संघ न्यासमुंका सर्वज्ञ मित्र पादाचार्य सहित विज्याना राज गृहे थ्यंक विज्यान ।

लुखां निस्ये वसाकाप लाया तगु थासं यंका पालिस अर्घ्ययाना यथाक्रमं आसने विज्याकल । न्हापां राजा रानी मंत्रोगण तथा म्येपि सकसिनं अष्टांग प्रणाम याना अनंलि त्रिरत्न शरण बुद्ध पूजा सिधेका चीवर बस्त्र दान, दुरुस पाक यानागु जा (क्षीर) पूर्णगु पिण्डपात्र (गुलुपा) दान, विविध प्रकारं श्रद्धातया सकसिनं दानयाना सिधेयल । अनंलि भोजन क्रिया जुल- नुचाय्के धुंका मुख शुद्धि मसला विया, म्येगु सभा मण्डले विज्याका सकलें न्ह्योने चोना, शील स्वभाव धरेयाना बालगुरु नापं चवना रत्नकेतु राजां विन्तियात ।

ओ शास्ता भगवान् छलपोल यागु कृपाया सुदृष्टि, बालगुरु सर्वज्ञमित्र पादाचार्य पद प्राप्त जुल । वसपोल यागु बुद्धियाक्ये देशोपद्रव शान्ति जुयानं जिगु मनोरथ नराहुति क्रिया बांलाक सफल जुया थन सकल या आनन्द जुइ धुं कल ।

जि राजा जूसानं तीर्थिक सासने लाला निर्बृत्ति ज्ञान सद्धर्म ह्यमस्युः थौं थ्व हे बालगुरु पाख्ये किञ्चित् सद्धर्म ह्यसिल ।

जि न्हापा मिथ्यादृष्टि ज्ञानोपदेश विश्वासयाना तच्चतं ढोका नयेधुन । जिगु भाग्यं थौं बालगुरु द्वारा छलपोल तथागत दर्शन लात । छगु निगु ज्ञान न्यनेगु इच्छादुः आज्ञा जुया विज्यासा थन च्वंपि सकसिनं सद्धर्म ह्यसी ।

[ थन ऋकूछन्द बुद्धं रत्नकेतु राजा यात ज्ञानोपदेश व्यूगु खँ ]

थुगु खँ न्यना ऋकुछन्द बुद्धं आज्ञा जुया विज्यात । हे महाराज रत्नकेतु ! तथा सकल सज्जनपि- एकचित्त याना न्यनेमा, न्यनागु खँ म्येपि-तनं कने फकेमा, न्यनागु खँ खः मखु नुगलं बाय्का भिगु लें पला छिना वने फकेमा ।

धर्म नाना प्रकार या दुः । नाना प्रकार या देव मनुष्य दैत्य राक्षस भूत प्रेत पशु पंछि कीटाणु स्वर्ग नरक धका दया चोन । मनुष्य जुसानं राजा प्रजा धनि दारिद्र लक्षण अलक्षण रोगी निरोगी कां खू धुसि स्वांथ ग्वाज्यो पाक लाति अनेक तालं बांला बांमला पि यकोदुः । गुलि बिद्वान्- गुलि छुंहे मस्यु मसपि महामूर्ख आदिपिनं संसारे यको दया चोन ।



थुपि छुयाना छु छु कर्मयाना वगुलि थथ्ये जन्म जुइगु थ्व ज्ञान बोध जुइकेत विद्वान्हा सट् गुरु या शरणे वनेगु मनुष्य पिनि कर्तव्य खः । उगु वखते तिनि यानागु ज्या सफल जुया सिद्धि मिले जुइ ।

अविद्वान् असट् गुरु पिगु खे न्यना ज्या यात धाःसा स्वार्थीलाना ज्या फुकं असफल जुया स्यनी । धर्म धैगु हे अहिंसा- प्राणी (मस्याय्गु) न्हापायापि, आःयापि लिपा यापि बुद्ध बोधिसत्व धर्म भाणक विद्वान् वर्ग पिसनं थथ्ये हे च्वेलागु उत्तम सद्धर्म ज्ञान कनि ।

स्वार्थी तेसं थःगु आहार सिद्ध याय्गु निमित्ते- बुद्ध वचन खः धका दाः तथा हिंसा कर्मयाका धर्म याकि अथवा याइ मिथ्यादृष्टि या ऊट्टा खेल्हाना याकल धका सीकेगु । थुजागु उपदेश बीपि सभाय् च्वना नोः बाय्त थाकुइ । थुजापिगु उपदेश विश्वास मयाना भिजुइ । छाय् धासा गुरुनं शिष्यनं नरक भोगयाना षड्गतिस चाहुला दुःखभोग याय् मालिगु खः । क्रकूछन्द बुद्धं थथ्ये आज्ञा जुल ।

मो महाराज ! बांलाक ध्यान तथा न्य- जिनं क्षमावती देशजा राजा अग्निदत्त ब्राह्मण जाति, थ्वया स्त्री विश्वायणो महारानीया गर्भं जन्य जुयाह्य राजपुत्र खः । तीर्थिक संवृत्तिमार्ग भोगी जुया संसार चक्रे चाहुले मागु धर्म तोता, अथ्ये संसारे चाहुले स्वागु सद्धर्म या ले पला छिना योगी क्रकूछन्द बुद्ध धाय्का । योगी जुइत प्रथम पापमूल हिंसाकर्म तोता, अहिंसक जुया धर्म याय्गु हे दानपारमिता खः । श्रद्धातया थन दानपार मिताया ज्या यात । थुकिया पुण्य फल- किंचित जिनंकने ।

(१) बुद्ध बोधिसत्व, भिक्षुगण उपाशक आर्य्यगण पित्त सुज्ञानि सज्जन श्रद्धावान् पिसं भक्तितया शीतल सुगन्ध लखे पालिस अर्घ्य विद्या अथवा लिचायकेगु ज्या पालि सिला पूजादि याइ । उह्य मनुष्य लिपा आपालं नां प्रचार जुया भोग याइ ।

(२) सुनां पोतासनं मण्डल चोया भक्ति याइ- थुपि शुद्धगु स्थाने मालिक जुइ ।

(३) सुना सुगन्धगु स्वां स्वांमाला बिया भक्ति याइ । थुपि बांलाह्य सुलक्षण जुया जन्म जुइ ।

- (४) श्रीछण्ड रक्तचन्दन कुंकुम कपूर गोलोचन (ह्यासुसिंह) लें तिका भक्ति याइ- थुपि उच्चकुले भिगु थासे आपालं घनाद्य जुइ ।
- (५) वस्त्र कोखा गा अथवा जजंका मात्रं कोखाय्का सुनां रुक्ति याइ- थुपि सकतां पूर्णह्य जुया जन्म जुइ ।
- (६) सुनां सखं बुया वगु अथवा भूमौ बुया वगु नस्वागु स्वां शिरे तथा कोखाय्का भक्तियाइ थुपि राजा जुया आपालं भोग पाइ ।
- (७) सुनां अष्ठ सुगन्ध या धूपथना भक्ति याइ- थुपि बांलागु शरीर निर्मल चित्तह्य सिद्धिनं दुह्य जुइ ।
- (८) सुनां चिकं वा घ्यः या दीप च्याका दान याइ- थुपि मिखाया रोग मदेका तेज दुह्य बांलागु मिखा जुया जन्म जुइ ।
- (९) सुनां अनेक जातया भिगु फल दानयाना भक्ति याइ- थुपि थःथःगु इच्छा पूर्ण जुया भाग्यमानि जुइ ।
- १०) सुनां चाकुगु रस तोंका भक्तियाइ- थुपि अमृत तोनेदुगु थासे चोना सुखभोग याइ ।
- ११) सुनां मघि लद्दु श्रद्धा तथा दान याइ- थुपि शान्त सभाव कोमल वचन सकलया प्रेम जुइका चोने दइ ।
- १२) सुनां पंचामृत या रस दुरू घौ घ्यः कस्ति साख (चिनि मिश्रि यागु पान भोजन तोंका भक्ति याइ- थुपि सिद्धि ऐश्वर्य, धनी सुन्दर रूप, विद्यावान्-दीर्घायु निरोगी जुया जन्म जुइ ।
- १३) सुनां श्रद्धा तथा सुवर्ण वह विविध प्रकारया धातु अथवा चायागु पिण्डपात्रस (गुलुपाले) मारसि जाकिया क्षीर अथवा जा पूर्णयाना भोजन दान याइ थुमित भाग्यमानि जूवनीगु पुण्यया फल संख्या याय् मफुगु सुख प्राप्त जुइ ।
- १४) सुनां भक्तितया अन्न छो चाकुगु रस मसला तथा जा भोजन दान याइ- थुपि नक्ष्मी कुवेर या सुदृष्टि दुगु छें घनाद्य जुया सुख भोग यावनि ।
- १५) सुनां भक्ति तथा भूमौ उत्पन्न जूगु वृहि (बुव) दान याइ- थुपि मनं तुनःगु संपूर्ण पुरे जुया भाग्यमानि जुइ ।

- १६) सुनां भक्तितया निरोगी जुइगु पुष्ट जुया च्वंगु बांलायु बास दान याइ थुपि सदानं रोगी मजूस्ये वल वीर्य पराक्रम दया चोने दइ ।
- १७) सुनां थःगु गछें श्रद्धातया आसन दान याइ, थुपि राज्यैश्वर्य जुया भोगयाय् दइ । सुवर्ण वह धातु भिगु वस्त्र दानया पित्तनं थुजागुहे ऐश्वर्य भोगयाय् दइ ।
- १८) सुनां भक्तितया पंच रंगी वस्त्र यागु छत्र ध्वज पताक बोय्का भों यागु मात्र जूसानं विहारे देवालये बोय्का बांलाका चोनी हानं सुका मुलु काप दान याइ थुपि राजानं माने याये माह्य चक्रवर्ती जुया भोग यावनि ।
- १९) सुनां भक्तितया पुस्तक कलम मसि भों दान याइ— थुपि महापण्डित जुया सिद्धिदवान् जुइ ।
- २०) सुनां सलां गोण आख चोय्गु किताव दान याइ— थुपिनं मूर्ख बुद्धि मजूस्ये बुद्धि बुह्य नुग दुह्य जुया जन्म जुइ ।
- २१) सुनां भक्तितया ग्वे ग्वा अनेक मसलां दान याइ— थुपि तोलया नाय जुया, विविध प्रकारं ज्ञान बुद्धि दया चोनि ।
- २२) सुनां त्यागयानां धन संपत्ति द्रव्य दान याइ थुपि धर्म अर्थ कार्य मोक्ष (चतुर्वर्ग) लाभ जुइ ।
- २३) सुनां लकां कुसा तुतां क्वपु क्वापालाकां दानयाइ थुपि राजा जुया जन्म जुइ ।
- २४) सुनां खाता, लासा, फांगा, फुंग, म्येच (सय्या पीठ धाई) इत्यादि कुटुंब दान याइ— थुपि पराक्रमी जुया धन संपत्ति या नाय जुइ ।
- २५) सुनां सल किसि रथ दान याइ— थुपि स्वर्गया राजा नं जुइ ।
- २६) सुनां छें बुं दान याइ— थुपि महाजन जुया जन्म जुइ ।
- २७) सुनां अग्नि भाण्ड मि तया मक मत च्याकेगु वस्तु त्वादिबा इत्यादि दान याइ— थुपि आयुर्दा यकोदया निरोगी जुइ ।
- २८) सुनां पाश (खिप) लःथल दान याइ— थुपि भूत प्रेत तीर्थंक पशु पंछि जुया जन्म जुइमखुः सदानं ज्ञान दुह्य जुया मनुष्य कुले जक जन्म जुइ ।
- हे नराधिय महाराज ! संम्यक संबुद्ध चर्य थथ्ये विधान सीका दानपारमिता या ज्या दान याना देश प्रजा थःपित्तनं सदानं कल्याण जुइगु थःगु भोग दतले भिगु कार्य

याना वयनेमा धका, थुगु खँ न्हापानं दीपंकर बुध्दं राजा पित्त कना वने धुंकल ।  
लिपानं थय्येहे राजापित्त कना विज्याइ तिनि । आः थन जिनं कना । दान, शील,  
क्षान्ति, वीर्य, ध्यान क्रमसः धारणयां फुसा तिनि प्रज्ञावान् जुया निर्वाण बुद्ध ज्ञान  
खनि बुद्धज्ञान ह्यसिषा बोधिसत्त्व जुया लिपा बुद्धहे ज्वी ।

हे नृपोत्तम रत्नकेतु ! थुगु प्रकारं फल प्राप्त जुइगु धकां सीका बारंवार  
आर्य्यगण पित्त दानघात घासा क्रमशः दानपार मित्ताया ज्या सफल जुया मोक्षफल  
निर्वाण फल लाभ जुइ ।

सुनां लक्ष चैत्य व्रतयाना यानागु चैत्य गर्भेतयां हानं बुद्धालय चैत्य धर्मधातु देका  
बुद्ध मूर्ति स्थापना याना विहार मण्डिर देवालय [देग] निर्माण याना धर्मागार धर्म  
याय्गु थाय् छँ देका दान याइ । अथवा न्हापा देकातगु भ्वाथः जुया चोंगु जिर्णोद्धार  
याइ- थुपि क्रमशः अप्रमेय फल लाना पोतल पर्वत (सुखावति) भुवने अग्र बोधि  
(बोद्धिसत्त्व) जुया वासया वनी ।

सुनां थुजागु ज्ञान सीका चैत्यालय बुद्ध भुवन धका चिन्तना याना खनेवं त्रिरत्न  
नाम कया प्रदक्षिना याइ । अथवा पशु पंछि पित्त नं न्यंका उद्धार याय्गु निम्ति त्रिरत्न  
आर्य्यतारा नाम कया ब्राजं यानां न्यकु म्वाहालि पुया चैत्य बुद्धालय चाहुली थुपि  
अप्रमेय फललाना मुक्ति वनि ।

दानं महत्तरं राजन् दानं सुगत पूजनं ।  
दानं सुखानि सर्वत्र दानं दुःख हरं बरं ।  
दानं मकृत व्यापारं दानं मसाथ्य साधनं ।  
दानं मनोरथं पूर्णं दानं प्रथम पारगम् ।

दान या फल थय्ये खः दान धयागु तत्सकं उत्तमगु ज्या खः । हे महाराज !  
दान व बुद्धपूजा यानागु अति उत्तम जुइ । दान याक्ये सकभनं सुख जुइ- दान यानागुलि  
दुःख फुना सुख जुइ । दान मयाह्य सिषा व्यापार यासानं लाभ जुइ मखुः दान पुण्य  
बःलाह्यसिषा न्हागु ज्या यासानं सफल जुइ । दान याक्ये मनोरथ पूर्ण जुइ । दान  
यानागुलि न्हापांगु दानवारमितानं पूर्ण जुइ ।

दानं निष्कण्ठ राजानं दानं राज्य महत्तरं ।  
 दानं महर्धिकं भूपं दानं यान सुखा वह् ।  
 दानं कीर्ति करं लोके दानंक्षत्र समन्वितं ।  
 दानं बहुतरं गेहं दानं शक्रास्पदं वरम् ।

दान याक्ये राजाया छुं भये दैमखु दान याक्ये राज्य बःलाइ । दान याक्ये राजाया पराक्रम बढे जुइ- दान याक्ये सुख जुइ अनेक आसन प्राप्त जुइ । दान याक्ये लोके यस कीर्ति प्रचार जुइ । दानं हे भिगु वासना मिले जुइ । दान याक्ये छें या बनोवस्थ मिले जुइ । दान बःलासा स्वर्गे इन्द्रयागु आसन मिले जुइ ।

दानं वै सुकुले जातं दानं नृलोक पुज्यकं ।  
 दानं आर्यपदं प्राप्तं दानं जिनपदं गतं ।  
 एवमेव महाराज तत्सर्वं च त्वयाकृतं ।  
 एतत्सर्वं फलं प्राप्तं साधुत्वं च नर षभ ।

दान याक्ये निश्चय नं उच्च कुले जन्म जुइ- दान याह्य यात मनुष्य लोके सकसिनं पुज्य धका माने याइ । दानया फलं आर्यपद गुरु महागुरु परमगुरु, मिले जुइ- दान यागु फलं क्रमशः बुद्ध पद प्राप्त जुइ ।

हे महाराज ! थुगु रीतंसीका थौं श्व ज्या फुक थमंयाय् धुंकरल । थुजागु दानया फल फुकं प्राप्त जुया सुःख मिले जुइगु अवस्था जुल साधु २ हे मनुष्यया राजा ! छः धन्य खः ।

दानं विभूषणं लोके दामं दुर्गति नाशनं । निवारणं ।

दानं स्वर्गस्य सो पानं दान शान्तिकरं शुभम् ।

दान धयागु लोके पुण्यया तिसा जुइ, दानया प्रभावं दुर्गति (नरक भोग) निवारण जुइ । दान या फलं स्वर्ग बनेगु स्वाहाने समान जुइगु खः दानयाक्ये शान्ति जुया सकभनं शुभ जुइ ।

श्व खँ न्यना राजां ब्रिन्ति यात, भो शास्ता गुरु ! छलपोलं सकल वस्तु या दानफल कना विज्यात । ला दान या फल कना विमज्या, छाया जुइ जिमिसं मस्यु । श्व खँनं आज्ञा जुसा जिमित ज्ञान लाभ जुइ ।

ऋकूछन्द बुद्धं आज्ञा जुल, भो महाराज ! थिक धाल, संम्यक संबुद्ध धर्मे जा दान याय्गु उत्तम फल जुइ । परप्राणी या ला दान यागु फल अधम जुइ । फल मद्गुलि अयोग्य जुया आर्य्यगणपिन्त ला दान याइ मखु अथ्ये जुया मकनागु । ला दान याय्गु अधम- जा दान याय्गु उत्तम जुइ धका सीकि । परप्राणी उद्धार याय्त बोधि-सत्त्व पिसंथ्ये थःगु शरीर या ला नका दान याय् फुसा दानपारमिता पूर्ण जुया बुद्धपद प्राप्त जुइ । थथ्ये आज्ञा जुगु अमृत वचन न्यना- उगु थासे चोपि सकलें चित्तबोध जुया आपालं मन हर्षयाना विन्ति याना चोन ।

ऋकूछन्द बुद्धं आशीवाद बिया विज्यात, दान या फल गुलिदुः व फुकं थन च्वंपि सकल यात ननानं प्राप्त जुया संसार दुःखं तरे जुइमा । थुगु आशीवाद न्यना थ्वसपोल बुद्धया पालिस सकसिनं यथाक्रमं भोः पुया शरण वन । सर्वज्ञमित्र पादाचार्य्य वालगुरूं विन्तियात, भो प म गुरू भगवान्- विहंगम बने आज्ञा जुया विज्याथ्ये थन चोपिन्तनं न्यंका विज्यासा जिगु दुःख सकसिनं सीका काइ ।

थुगु विन्ति न्यना थ्व बालक सर्वज्ञमित्र पादाचार्य्य यागु परिचय चोनिस्स्ये कना विज्यात । पद्मपुर देशे गुणशील महाजन या थः काय् बालक वाके छोये धुस्येलि यानागुतक ज्या स्यना दुःख जुया च्वन । थथ्ये आज्ञा जूगु खं न्यना चोपि सकलया मिळास खोवि वेका बाल गुरू या ख्वाःस्वया अहो गुजागु दुःख भोगयाना वह्य धन्य २ धका नुग मछिका प्रणाम यात । थुगु समये सर्वज्ञमित्र पादाचार्य्यजु दना सकल यागु ख्वाः स्वया थथ्ये प्रवचन यात, भगवान् ऋकूछन्द बुद्धयात प्रणाम ।

न्यना विज्याहुं- पद्मपुर निवासी जोतीष फुकी वन्धुवर्ग पिनि जय २ जुइमा थुमिसं सर्वनाश याइह्य मचा वाक्ये छोय्मा मधागु जुसा जि छेसंलाना महाजन पुत्र सम्म जुया गृहजाले तःक्यना चोनिगु । थुमिसं धागु खं विश्वास याइपि जि अबु गुणशील, मां गुणवती दिदि अजि, थ्वसपोल पिनि जय २ जुइमा, जि जन्म जुइवं देशं पिने वाकेहल थिक जुल । वाके हगुलि गृध्दं ज्वनायंका उत्तर दिशा कनकावती देशया पिने चंत्यया फुसे इलामे तोता वन गृध्दया जय २ जुइमा, गृध्दं ज्वना हया अन मतगु जुसा वांछोया तगु थासेनातुं सीधुंकल जुइ । चंत्य दर्शन यावह्य बौद्ध विद्वान् रतिसर्मा



रत्नावती विनि जय २ जुइमा, थुमिसं छे हया ब्राह्मण जातीयाना धर्मवत्त नां छुना  
८ वर्ष तक नका तोंका पुंका भाख स्थाना मतगु जूसा जि छु गति जुइ धुंकल जुइ ।

धर्मया अबु रतिसर्शा नं बने यंका मतोटुगु जुसा काष्ठाहार या ल्हाते लाइ  
मखुः । जित बने तोतेहल ब्राह्मण रतिशर्मा यात प्रणाम दु । बने तोते महगु जुसा माः  
तकं अनसं छे चोनेमालि बने तोतेहगु थिक जुल । काष्ठाहार सिंवजाया जय २ जुइमा  
वं मिथा महगु जुसा जि थन लाइ मखुः कथल्प ग्रामवासी जिनं सिंवजा जुइ मालीगु-  
नराहुति यज्ञ याकुपि ब्राह्मण गुरु नराहुति यज्ञ याह्य रत्नकेतु राजाया जय २  
जुइमा । नराहुति यज्ञ मयाकुगु जुसा मयागु जूसा जि थन लावइ मखुः ।

बालगृहे चोपि सखिव न्हेह्य बालक पिनिनं जय २ जुइ माल- थुमिसं जित  
बोबिया कसा यागुलि जिगु मने मिच्छोया भक्तिया मतच्याना आर्य्यतारा दर्शन प्राप्त  
जुल, जिपाशापि सखिव न्हेह्य स्वर्गवास जुल खः ।

थुमिसं बोबिया कसा मयागु जूसा आर्य्यतारा दर्शन याय् फइ मखु । सखिव न्हेह्य  
जिपाशापि नराहुति यज्ञस कवव्वाना सी धुंकल जुइ । अग्नि सर्पयात धन्य प्रशंसा  
याना, थ्व अग्नि सर्पं उपदेश विद्या वंगुलि जि वचे जुल, देशे उत्पात जुया निघ्नोपद्रव  
जूगु शान्ति याना सफल जुइका ।

अग्निसर्पं उपदेश मव्यूगु जूसा जिनं यज्ञशालास कवफना भस्मयाय् धुंकल जुइ ।  
उकिं अग्निसर्प यात प्रणाम याना, थ्वैगु वचन द्वारा जि वचे जुया- ऋकूछन्द बुद्ध दर्शन  
ताना सर्वज्ञमित्र पादाचार्य्य गुरुपद प्राप्त जुल । यज्ञविघ्न जूगु हानं द्वाफोस्वा मात्र  
होम याना नराहुति यज्ञ सफल जुल । ।

अनंलि चैत्यव्रत चैत्य बुद्ध मूर्ति स्थापन पूजादि कर्म याका सद्धर्म उपदेशानुसारं  
ऋकूछन्द तथागत भिक्षुसंघ निमन्त्रणा याना सम्यक संबुद्ध चर्य्य पिण्डपात्रादि दिव्य  
भोजन याका सद्धर्मज्ञान पुनः जिगु परिचय समेत कंका सकल थन चोपित न्यंके फत ।

थौं थुजागु वालावस्था या उमेरे जि थुजागु भोगयाना शरीर यात मलोसानं च्वे  
लागु ज्यायाप् माल- थ्व जिगु अहो भाग्य खः सकलया जय जुइमा नराहुति यज्ञस  
निमन्त्रणा विद्या तगुलि गुणशील महाजन रतिशर्मा ब्राह्मण काष्ठाहार सिंवजापि- सोम्हं

राजगृहे उपस्थित जुया यज्ञ यागु सोया क्रकूछन्द बुद्धं बालक यागु परिचय कंगुनं न्यना चोंगुदुः । बाल गुरु दनावना जित ह्यसिलला अबुजुपि धया स्वां बिया नोंतुल । बालक यागु ह्वाः स्वये मछाला निम्हं क्वछुना चोन, काष्ठाहार छम्ह न्हिला ह्वाः स्वया बालगुरु यात भागियात ।

थुलि सिधेका बालगुरू राजायात विन्तियात । भो महाराज ! जित सिलपा बिया विज्यानागु फुकं जि अबु गुणशील व रतिशर्मा ब्राह्मण निह्यात बिया छोसा बांलाइ । थय्ये धागु न्यना खं थुइका सिलपा बियागु धन द्रव्य फुकं किसि म्हेतया महाजन गुणशीलनं नापं तथा विदा बिया छें थ्यंक तेके छोट । गुणशील छें थ्यंका स्त्री यात थमं स्वया न्यना बयागु खं फुकं कना संताप जुइका च्वन ।

अनंलि बौद्ध विद्वान् रतिसर्मा ब्राह्मण यातनं गुरु मानेयाना दक्षिणा बिया आदर पूर्वक लिछोट । काष्ठाहार यातनं द्रव्य बिया संतोष याना छोट

अनंलि बालगुरु राजाया थासे अलग छथाय् आनन्दं वासयाना चोन । राजा दिन दिन गुरु नापलाना सद्धर्मज्ञाने च्वना अनन्दं वास याना च्वन ।

छन्हु न्हापाय्ये आर्यतारा लुमंका, बालार्क श्रग्धरा, छन्दं, (३७) श्लोक थमं रचना याना तयागु ज्येष्ठ पुन्ही छुन्हु बहनो किसि एकान्ते चोना आकाशे थसोया (चन्द्रमा पाख्ये ह्वा लाका) सर्वज्ञ मित्राचार्य बालकं स्तुति यात ।

रात्रिस स्वयं विज्याना आर्यतारा देवीं हानं दर्शन बिया छंगु भक्तिया स्तुति न्यना जि छुसि जुल- छंगु मनोरथ पूर्ण जुइमा धया लोप जुया विज्यात । कन्हे सुथे थ्व हे खं राजा यात कना नापं च्वना त्रिरत्न बुद्धालय चैत्य आर्यतारा पूजादि यात, थय्ये हे बारंवार पूजा दान यागु प्रभावं लिपा, थ्व रत्नकोशवती नगर (काश्मीर देश) या राजा रत्नकेतु या नाम, बज्र मकुट राजा धका लोके प्रचार जुल ।

छन्हु बुद्ध पूजायाय् सिधेका बालगुरु थ्व राजा नापं चोना चोंगु समये (सुथे) उद्धंलोके चोंपि बोधिसत्त्वपिसं रत्न सहित याना देका तगु सुवर्णमय नाम विमान च्याह्य देव पुत्रपिसं ज्वना वया राजाया न्होने थ्यंकवल ।

वेव पुत्र पिसं धया विज्यात थुगु विमाने सर्वज्ञमित्र पादाचार्य गुरु राजा, तथा राजाया सपरिवारपि सकलें थुगु विमाने चों, हे बालगुरु तथा महाराज पि ! धन्य

साधु २ खः चैत्यव्रत बुद्धालय चैत्य स्थापना याना त्रिरत्न आर्यतारा पूजादि प्रदक्षिणा  
यागु पुण्यफल असंख्य प्रमानं दत्त थुलि घया विमाने तथा आकाश मार्ग विमान द्वारा  
देवपुत्रपिसं स्वर्ग भुवने यंका अन चोपि देवता पिसं सेवायाका तल अन सकलें आनन्दं  
वास यानां चोन ।

भिक्षव एवमेवं हि बुद्ध पुण्यानु भावतः ।

सर्वज्ञमित्र पादोक्तं विधानेन मह द्विवं ।

नान्योऽयं भिक्षवः सर्व ज्ञमित्रोऽहं समा विदुः ।

परम दुःखत श्राहं संबुद्ध पद लब्धये ।

हे भिक्षुपि ! थुगु प्रकारं निश्चय याना बुद्धचर्य्यं सद्धर्म याना यांका कयना कना  
वयागु विधानया पुण्यानु भावं, सर्वज्ञमित्र पादाचार्य्यं गुरु पद प्राप्त याना,  
कनागु उपदेश न्यपि राजा रानी तथा सपरिवारपि सकलें स्वर्ग लोके चोना  
भोग यात ।

हे भिक्षुगणपि ! उहा सर्वज्ञमित्र पादाचार्य्यं म्येह मखु थुगु समये जि धका  
सीकि । थुजागु दुःख कष्ट नया जिनं भोगयाना वया, अनं लिपाया जन्म जन्म पत्ति  
सद्धर्मचर्य्यं तोमफीक क्वातुक ज्वना थौं बुद्धपद लाभ याना ।

रत्नकेतु राजा, शुद्धोदन जूवल जि पिता खः । महारानी जि माता मायादेवी  
जूवल गुणशील महाजन, गुणवती महाजननी वालक वाक्ये छोर्गुलि अनं लिपा निस्ये  
जि थुपि मां अबु छुते जुल ।

इति श्रीमुनिना ख्यातं निसंम्य भिक्षुकादयः ।

तथेति प्रति विज्ञप्य प्रात्यनन्द त्प्रबोधिताः ।

थुलि खें श्री शाक्यमुनिबुद्ध कना विज्यागु न्यना भिक्षुगणपि तथा उगु थासे च्वंपि  
सकलया मन प्रशन्न जुया, अहो भाग्य गुजागु अमृत उपदेश न्यनेदत्त धका अत्यन्त हर्ष  
याना सद्धर्मज्ञान वांलाक बुळे जुया चोन ।

सकसिनं धन्य २ भगवान् बुद्ध, धन्य २ सर्वज्ञमित्र, पादाचार्य्यं, धन्य २ ऋकूछन्द  
बुद्ध, धन्य २ रत्नकेतु महाराज, घया साधुकार विया प्रशंसा यानालि सकसिनं भगवान्  
बुद्धयात प्रणाम याना विदा कया यः थःगु थासे लिहाँ वन ।०।

-:◐:-:◐:- शुलि सर्वज्ञमित्र पादाचार्य्यया जातक जुल -:◐:-:◐:-

★ ★ ★ ★ ★

थुगु खें विचित्र कणिका वदान १० अध्याये दु ।

## सुधन कुमारावदान

[ल्या १६]

नमः सर्वबुद्ध बोधिसत्वे भ्यः

सकल बुद्ध बोधिसत्त्व पित्त नमस्कार

कपिलपुर नगरया समीपस न्यग्रोधाराम नां जुया चोंगु तःधंगु वांलागु वयवे विज्याना चोंह्य शाक्यमुनि बुद्धयात शुद्धोदन महाराजं निमन्त्रणा याना बिज्यावले लुम्बिनी वन जात्रा याना महामंगल उत्सव रूपं थःगु कपिलपुर नगर या राजगृहे विज्याकल ।

थुगु समये यशोधरादेवी ऊयाले चोना स्निग्धनील स्त्रोत्र थमं रचना याना तयागु बोना थः पुत्र राहुल कुमार नापं चोना छं पिता नर मध्ये सिंह समानह्य हूँ विज्याह्य छं खनला धया वयन ।

भगवान् थः स्वामी दर्शन याना मन धैर्ययाय् मफया हताय् चाया विरह जुया च्वंसानं प्रणाम याय्त यशोधरा ऊयालं कुतुं वया मूर्छा जुल । भगवानं खना थमनं ज्वना थना चेतना देका, ज्ञान कना बोध यात । सकसिनं प्रणाम यागु खना, यशोधरा राहुल कुमार निह्यसिनं पालि ताउति भो पुया विन्ति यात, जिपिनं ल्युयु वये धावले भगवानं थथ्ये आज्ञा जुल । छिपि बोनायंक्येगु अवस्था मत्यनि हताय्चाय् मते पुत्र राहुल कुमार यात विवाह सिधेका सन्तान देवं उगु वखते यशोधरा छ भिक्षुणी, पुत्र राहुल कुमार भिक्षु जुया गृह त्याग याय् वले ल्युल्यु वेगु योग्य जुइ ।

थथ्ये आज्ञां जुया श्रद्धां पूजायागु पिण्डपात्र क्षीर जा भोजन दान यागु कया भोजनयाय् सिधय्का सकल यात आशीर्वाद विया बोना हयापि भिक्षुगण नापं न्यग्रोधारामस लिहाँ विज्यात ।

युगु समये सभा मण्डल सकल भिक्षु संघ या मध्ये विज्यना शुद्धोदन महाजाज प्रभृति आपालं लोकपि मुंका धर्मोपदेश विया विज्याय्त थिक यागु वेलास आनन्द भिक्षुं षथ्ये विन्ति यात ।

ओ भगवान् ! यशोधरा देवी छु कारणं ऊयालं कुतुंवल, वीतराग गुह्यजा छलपोल रागादि मोह तृष्णा तोता विज्याय् धुं कूह्य पाके यशोधरा खनेवं माया मोहं तोपुलला गथ्ये, थमंतुं ज्वना यशोधरा देवी यात थना खवा स्वया चेतना देका रक्षा यात । थुकि यागु कारण मसिया न्यना, सकल भिक्षुगण पिनि आश्चर्य्य जुइका च्वन, मनस संदेह जुया च्वंगु मदेक आज्ञा देका विज्याहुं ।

थय्ये विन्ति यागु न्यना, भगवान् बुध्दं सकलयात चित्तबोध याय्गु निमित्ते विस्तारं आज्ञा जुया विज्यात । हे आनन्द, तथा म्येपि सकल उपाशक उपाशिका पिसं बांलाक चित्त तथा न्य ।

संसार या स्वभाव माया मोह राग निगु प्रकार या दुः । छगु मारया वल काम या माया तोपुइगु मोह काम राग इत्यादि खः । म्येगु काममार्गं भिन्नगु गथ्ये घासा, कुतुंवल दल ग्यात भय जुइगु हानं रोगं जुइगु दुः । थय्ये विचेत जुइगु मूर्छा वेदना पीड जुइका चोनीपि स्वया उपाय मयास्ये चोनेगु योग्य मजुः उपाय याना शान्त याय्गु हे योग्य जुइ ।

ऊयालं कुतुं वया मूर्छा जूह्य स्वया छुं वास्ता मयात घाःसा करुणा मदुह्य जुल, करुणा (कृपा) या प्रभावं मायायाना यशोधरायात मूर्छा जुगु वेदना मदेका शान्तयाय्त ज्वना थनागु खः सीकि, काम रागं मोह जुया राग यानागु मखुः । राग धंगु बिषयात प्रेम याय्गु, विराग धंगु अमृत यात प्रेम याय्गु कारण थःगु उपरे मखु परया उपरे जुइ । हानं धाय् न्य, सद्धि निस न्यास द्वद्धि दें या बने तप याना चोपि गृहं त्याग याना वंपि महर्षि धापिनं काममारं तोपुया मोह जाले लाना तप भंग जुया व्यर्थ जूपि दुः । छिमिसनं निह्य प्यह्य थय्ये जूपि खनेनं धुकल जुइ ।

गुह्यजा यशोधरादेवी गृह त्यागी महर्षि जुया बने तप याह्य मखुः गृहस्थीतिनि उकीसनं स्त्री जाती बुढीह्य मखुनि पुरुषं तोता तह्य जुया खवाः खन पुरुष थः स्वामी,



हर्षया प्रभाव छगु स्नेह प्रेम माया यार्के मोह जुया मनं घोरयाय् मफुगुलि हताय् चाया  
बवर्ही बह्य खः कुतुं बल ।

केवल कामरागं पीड याइह्य मारया प्रभावं मोह जुयानं कुतुं बल जुइफु । जिनं  
न्यापाया जन्मे काम रागया मोहं तोपुया थ्व यशोधरा देवी न्यापाया जन्मस थुह्य स्त्री  
खः माया तोते मफया अति दुःख भोगयाना विपत्ति जुइका वये धुन ।

गुगुं म्येगु जन्मे अनुत्तराया संम्यक संवोधिज्ञान लाय्या कारणे विवाहिता स्त्री  
दान यानानं वयागु दुः । पुरुषं माया मोह राग तृष्णा याना दुःख भोग याय् मागु  
कारण स्त्रीनं याना जुइगु नं दु । थुकी यागु खें जिनं लुमंस्ये बल गथ्ये धासा-

वीर्य पारमित या प्रभाव क्यना दुःख सिया वयागु खः स्त्री छह्य सिया लागी  
थ्वखें थय्ये खः कने त्यना । बांलाक एक चित्तयाना न्य ।

न्यापा त्रेतायुग या समये पांचाल भूमीया विषये, उत्तर पांचाल दक्षिण पांचाल  
निगु देशे निह्य राजा जुया भोग यान चोन । उत्तर पांचालया राजा आपालं धन जन  
मागु तक पूर्ण जुया सकभनं प्रख्यातगु हस्तिनापुर (नगर) नाम जुया च्वंगु अतिनं  
तःधंगु देश प्रजागणपि सकलया गुवलें दुःख धयागु मदु । सदानं सुवृष्टि सहकाल जुया  
च्वन । लुच्चा खुं उपद्रव ज्या याइपि सुं मदु घनाद्यपि धर्मात्मा विद्वान् ज्ञानि पुरुष  
तथा नारी सुन्दरी पिसं वासयाना च्वन ।

थुगु देशया राजा क्षत्रि जाति धन राजा, थ्वया स्त्री ब्रह्मणीदेवी महारानी नाप  
राज्य भोग याना च्वन । थुपि निह्य राजा रानी प्रजावत्सल (प्रजाभक्ति) धर्मचित्त  
दानी जुया धर्मनं राज्य चले याना च्वन ।

थुगु देशे अति तःधंगु सुन्दरमय महाहृद पुखु (दहें) छगु दयाचोन थुगु दहनस  
पलेस्वाँ उफोस्वाँ दया छचालं चस्वाँ जीस्वाँ दया बांलाना चोन । सिमापत्ति अनेक ङंग  
वास याना थःथःगु स्वरं हाला मनोरंजन जुया चोन ।

थुगु दहने नाग नागिनी छजो वासयाना चोंगु दु- थुमि जन्म चित्रक नाम जुया  
चोंह्य पुत्र नागराज छह्यनं दया चोंगु दु । थ्वयागु प्रभावं वखत बखत्स जलवृष्टि जुया  
देशे सदानं सुभिक्ष्य जुगुलि प्रजागणपिनि दुःख गुवलें मदु । सदानं सुख अनेक फल वृही  
अन्न शाक वस्तुनं पूर्ण जुया चोन ।

युगु देशे चोपि जनलोक पिनि दान पुण्य पूजा पाठ याय् गुलि हानं विद्वान् पित्त आवरतया मान सत्कार याय्गुनं चलन यको दया चोन । आचार्य्य गुरू भिक्षु त्यागी महात्मा दुःखि जनपित्त एवं ब्राह्मणपि खनेव सत्कार याना भोजन दान याय्गुनं सकसियां स्वाभाविक जुया चोन । राजा धनि पिनि थुगु प्रकारं रक्षाकारी जुया चोंगु उत्तर पांचाल देश जुया चोन ।०।

दक्षिण पांचाल देशया धंग थय्ये मडु थुगु देशया महेन्द्रश्येन राजा खः<sup>१</sup>थ्व गुजाह्य घासा अति पापि स्वभाव, चाण्डाल अधर्मो व्याधा या धंग, स्वागुं स्वागुं दण्ड याना प्रजा पित्त सुख मयास्ये दुःख विद्या न्हिन्हि पशु पंछिपि स्याना मांसाहार जुया कुकर्मयाना धर्म तापाका सुकर्म पाठ याय्गु चलन मडु । यापित्तनं मान्यता मडु सकसिनं थ्व राजाया स्वभाव वांमला व्याधा समान धाय्का चोन ।

देशे धर्म वःमलागुलि अशान्ति जक त्वापु कलह खुं लुच्चा आपा-बखते जल बृष्टि मज्जुगुलि अन्न वृही आदि नेगुयाकें लोक पिनि दुःख । देशे हाहाकार जुया प्राणी उपर निर्दया स्याय्गु, पालेगु, दाय्गु, चीगु, खुया काय्गु, लाका काय्गु, ख्याना काय्गु, त्राश बीगु, हेका काय्गु, बीबीगु, बःलाह्यसिनं बःमलापित्त सास्ति याय्गु, परयात दुःख बीगु जक दारिद्र नेमखंपि फोगीं आपा जुया देशे सुमंगल मडुः ।

अमंगल जक न्ह्याथाय् वंसा दुर्गन्ध फोहर लोक पिनि चिता सुख गुवलें मडु । थुजागु तालं सदानं दुःख जक जुया थन चोना कल्याण जुइ मखुत धयागु विचार याना आपालं लोकपि थःगु जन्मस्थान तोता उत्तर पांचाल देशे राजाया शरण वन । थुवि शरणायि वपित्त राजां दया तथा वनोवस्था याना रक्षा याना तल ।

दक्षिण पांचाल देशया राजा- छन्हु चाहुला सोत्रले देश शून्यथ्ये प्रजापि बांलाक खने मदया देशे ओहर दुर्गन्ध जुया कुपशु कुपंछी पि जक । हानं देवालय देव मण्डिर सत फलेचा इत्यादि दुना तस्सकं अमंगल जुया वांमलाना चोन ।

पण्ये जुया च्वंगुलि सोये मफया मनस दिक्कदार जुइका दरवारे लिहां वया मन्त्री याके न्यन । हे मन्त्री राज पुरुषपि ! देशे छु जुल प्रजापि बांलाक खने मडु गनवन धका न्यन । मन्त्री तथा जनलोक पिसं मग्ग्यास्ये यथार्थ विन्ति यात, भो महाराज ! किंगु

देशे अशान्तिं आपागुलिं उत्तर पांचाल देशे वना अन चोंह्य राजाया शरण वन । थन देशे स्वया अन स्वर्ग समान धयागु खँ न्यना थन प्रजालोकपि बछिहे मन्त ।

छु जुया धासा थन छलपोलं अति दुःख बिल विवेक मया धर्मनं महु वखते जलवृष्टि मजुया नेगुलिं लोकपिनि दुःख जुल । ऋगु देशे खुँ लुच्चा आपा जुल, अधर्मि चाण्डाल आपागु थासे चोने मत्प धका उत्तर पान्चाल देशे शरण वन । थन देशे स्वया अन देशे चवंपि राजा प्रजा धापिगु खँ बयान यायां साध्यमजु । नेगु तोनेगु पुनेगु चवनेगु तिगु धन सम्पत्ति याकें छुंहे दुख महु ।

इलम दुपिं तथा धनिपिं साधु सज्जन धार्मिकपिं विद्वान् दाता थुजापिं यकोदु । थन ऋगु देशेथ्ये खुँ लुच्चा अधर्मी चाण्डाल दारिद्र धापिं छह्यहे महु थन ऋगु देशे अशिक्षित आपागुलिं धर्म ह्यमसिया साधु सज्जन विद्वान् धार्मिक त्यागी भिक्षु महात्मा ज्ञान बुद्धि दुपिन्त छुंहे सत्कार याना माने याय्मा धयागु धर्म चित्त स्वैकेनं महु ।

उगु देशे थथ्ये मखु खँ न्यने बले जिपिनं वनेला धंगु विचार वैगु । महाराज छलपोलं विचार बांलाक याना बिज्याहुँ— प्राणी धयापिं गन सुख जुइ अन वनि अन चोनि । ज्वने चिये कुने स्याये पाले धइथाय् त्रास वीगु थासे सुनं चोनेगु इच्छा याइ मखु । अथ्येया कारणे थन ऋगु देशया प्रजालोकपिं ग्याना नेगुलिं दुःख जुया नं उत्तर पांचाल देशे वना वास याबन ।

थुगु प्रकारं मंत्री पिसं धागु खँ न्यना दक्षिण पांचाल देशेया राजानं थथ्ये धाल । आः छु उपाय याय् माल, छु यासा अन वंपिं लिहाँ वइ छिमिगु विचारं धा ।

राजां थथ्ये धास्येलि— मंत्री पिसं विन्ति यात, भो महाराज ! छलपोलं धर्म चित्त देका दान पुण्य याना प्रजालोक पिन्त सुखी जुइगु विवेक याना नेगुलिं दुःख मजुइका ज्या खँ मिले याना बिज्याहुँ । थ्व खँ न्यना हानं राजा धाल, जिंजक याना मज्यु सकसिनं याय्मा— छिमिसनं या, जिनं याये, मंत्रीपिसं बांलाक ज्या याइ धका छिमित मंत्रीपद या अधिकार विया तयागु खः ।

थथ्ये खँ ल्हाय् धुस्येलि— मंत्रीजन पिसं सिया चोंगु खँ विन्ति यात । भो महाराज ! छगु खँ बिन्ति याये, धर्म याय्गु खँ सिधल । वखते जलवृष्टि जुया अन

कल्याण जुया चोंगु छगु कारण दु । उत्तर पांचाल देशे छगु तःधंगु वहंदु उगु थासे  
सुलक्षणह्य जन्मचित्रक नागराज वासयाना चोंगु दु । उह्य नागराजया प्रभाव उगु देशे  
सदानं सुभिक्ष जुया प्रजा पिनि नेगुलि दुःख मदु सदानं सुखी जुया चोन धागु न्यना  
तया एव खं सत्यता खः ।

एव खं न्यना राजाया मने धर्म याय्गु चित्त छख्ये छोया उह्य नागराज जन्म  
चित्रक कोगु देशे पुखुलि तहेगु जतन याय्माल छुयांसा उह्य नागराज ह्य फइ धका  
न्यन । मंत्री नायक वित्ति यात, मंत्र साधन मयाय्कं ह्य फइ मखुः नाग साधन याइपिं  
ह्यफुसा थुमिसं छु घाइ । राजां न्हिला घाल- छं धागु खं थिकजु विना मंत्र नाग ह्ये  
फइ मखु धागु जि पत्थार जुल । हे मंत्रीपिं ! लोभ नं क्यनेमाल अले थुजापिं वइ ।  
जिं जतन याये घया लुं यागु चपिला छग ध्वजाया चोकास चिना दरवारे राजगृहया  
बवसं स्वाना देशे गोप्ययाना खवर बिल ।

मुनां उत्तर पांचाल देशे च्वंगु दहया दुने च्वंह्य जन्मचित्रक नागराज साधन  
याना कोगु देशया पुखुली तथा थोर याये फइ वइत एव लुंया चपला बिया तःधंगु  
मान बिया तये । एव खवर बिया प्यन्हु दुवले छह्य तान्त्रिक अहितुण्डक नाम जुया  
च्वंह्य वया राज गृहे राजा मंत्री पिगु न्होने बित्ति यावल ।

मो महाराज ! खवर व्यूगु ज्या जिनं याय्गु समर्थ दु । सुवर्णया चपिला छम्ह  
योग्यम्ह सत्य दुम्हयात बिया बिज्याहुं । ज्या सिद्धयाना जक लुंया चपिला  
जिनं काय् । थय्ये धागु न्यना राजा खुसिजुया लुंया चपिला पत्थारम्ह मनुयात  
सःल्हाना बिल ।

एह्य अहितुण्डकजुं बित्तियात— जिनं छक बना स्वया वये घया बिबा कया उगु  
थासे बना सोवन । बहनस प्यनेवं छवानं सोया मनं चिन्तना यात । जि एव ज्या सिद्ध  
याय् फुःधकां हिकमत याना लिहाँ वया राजयात बित्तियात ।

मो महाराज ! जिनं यायेगु समर्थ दु सोयावये धुन, थनि न्हेन्हु ज्यायाये जित  
नाग साधन क्रिया (नाग सन्तोष) याय्गु ज्वलं माल- प्रणी मस्यास्ये याय् नागवलि  
भूजाया विधि विधान दु । एव ज्या याय् दुरू धौ ध्य कस्ती साख आपामाल- नाग धूप

जिनं ज्वना वये । शिल्हाय् शील कपू कस्तुरी पाल्हा भतिचा जक जूसानं कस्ति नवरत्न हामो थुजागु ज्वलं थिक यानाति ।

थथ्ये धागु न्यना राजां मंत्री पित्त धया ज्वलं माक्व थिक याकातल । न्हेम्हु खुन्हु सुथ न्हापां वया पूजाज्वलं कुविका राजायात भरोसा विया अहितुण्डक उत्तर पांचाल या दहने थ्यंका छ्चालं चाहुला थसिमा कचा प्यदिगेसं स्वाना टाडन तथा पूजादि साधन क्रिया गन चोना यायेमालि- नाग धयाह्य विषधारी भयंकर रूप तःधिकनं जुडफुः चीधिकनं जुडफु । तर जतन जिकेदुः चीधिक जुया वल घासा शीतल जुया वडत आनन्द जुड । तःधिक जुया वल घासा चोने मफेक दाहयाना सास्ति यायगु विद्या तोते । थथ्ये चिन्तना याना थाय् माला सोत ।

थुगु वखतस थ्व नागराजं सीका मनस त्राशयाना शोक यात । थन जि माँ अबु यात सेवा भक्तियाना नापं चोना आनन्दं बासयाना चोनागु ताकालं दत । सहयाये मफयां जित साधन याना यंकेफुह्य अहितुण्डक तांत्रिकाचार्य्य वया चोने धुंकल ।

आः सुयागु शरण वनेमालि धका विचार याना सोत । थन चोना चोने मजिल जिनं जतन याना सोयेमाल धका नागराज गोप्ययाना दहनं थाहां वया मनुष्य रूप कया विचारयाना सोवले दहनयाक्ये उत्तर दिशास छ्छ्ये छे मनुष्य छह्य खना अनवना आदर तथा न्यन । याकचा छ थुजागु थासे चोनेत मग्याला- छंगु नाम छु छे गन उह्य मनुनं धाल, जि सुधक जात व्याधा खः । छुयाय् गरीव जहान प्रतिपाल याय्मा इलम म्येगु मदु ।

छे म्येगु थासे खः थन वया ऊंग पंछित अथवा वसा चला मवसा हुँकन दहने न्या यको दु जाल अथवा बलसि तयानं न्याक्यंका आहार चूलाका चोना । जिगु नाम फलक व्याधा, जि पाशा छह्य सारक धेह्य खः थन निह्य चोनेगु याना चोनागु थ्व पाशा रोगं सित लछिदत । आः जि याकचा जूसानं चोना ज्या याना च्वना जिगु ज्या प्राणी स्याय्गु खः । थथ्ये धास्येलि नाग मनुष्यं मस्यु पहयाना धाल । थन कीगु देशे सुमंगल जूलाकि मजु- राजां धर्मयाला मयाला, हाल खवर छु दु । व्याधां विस्तारं धाल जि स्युगु खे कने, थन देशे सदा नं सुभिक्ष्य जुया लोक पिनि सुख जुया चोन- राजा प्रजा सकलया, धर्म दु- जि छह्य सिया जक छुयाय् गुगुयाय् दरिद्र धर्म यायेत धन मदुगुलि

ग्यामर्छि, तर गुबलें गुबलें फुगु चागु धर्म जिनं याना चोनागुदुः । थन दहने नाग छह्य दु जन्मचित्रक धाह्य- थ्व यागु प्रमावं थुगु देशे सदानं बखते जलवृष्टि जुया च्वंगु धका सकसिनं घाइगु । उह्य नागराज जिनं खंगुजा मखु न्यना तयागु मात्र खः ।

थ्व फलक व्याघां थय्ये घास्येलि थ्व नाग मनुष्यं विन्तियात, हे फलक व्याघा- छ ग्याय् मते, थ्व दहने चोंह्य जन्मचित्रक नागराज जि खः । जिगु दुःखया खें कने छंगु शरण जि वया, दक्षिण पांचाल देशे चोंह्य राजां अहितुण्डक धाह्य तांत्रिक छह्य दु नाग साधन याइह्य- थ्व छोयाहया जित हरण याना यंकीन । कारण अन दक्षिण पांचाल देशया पुखुलि जित तंगु जुल ।

जि माँ अबु दु वाया चोने मालीन- हानं धर्मार्थी राजा तोता अधर्मी राजा या थासे चोनेगु । अन चोंपि जनलोक समेत थन वया चोंवल । जि छह्य थन चोंह्य अन वने मालीन ।

जिगु खें न्य- छ व्याघा इलम याना चोने माली मखुः छ घनि जुइ जिगु रूपनं बयने- अन जित यंकेत मामागु ज्वलं ज्वना साधन याइन थाय्माला चोन । थ्वयागु नाम अहितुण्डक नां यात लोय्क ज्यानं याइह्य ।

अहि धागु नागराज तुण्डक धागु मंत्रं साला यंकीह्य । थन वया पूजायाना साला यंकेत थिकयाना च्वन । थ्वं मंत्र बोना साधन याइबले जि मवनकि- थ्वं मंत्र अखयं बोनि जिगु शरीर जिनं सहयाये मफेक दाह जुया सास्ति जुइगु । उकीं मवंस्यें मज्युः थुकीका उपाय दु- जि कने शरण वयाह्य यात मरण मयात धासा उलि अपो पुण्य म्येगु मदु ।

विस्तार यायेम्वाल याकनं थ्व ज्या सिद्धयायेमाल जितरक्षा याय्त छं छुयाय्गु धासा छ छयाय् मखंक मुला चो' । थ्व अहि तुण्डक धाह्य स्ये' नाग साधन क्रिया सिधेका थुगु बहने सतिक वया लखे क्वसोया मंत्र १०८ बोनि- उगु वखते छं थ्वयागु शिरस बाणं के कि छ न्होने, बना थ्व यात थय्ये धाय्गु- छं बोनागु मंत्र दहने मतोतू स्ये- छं नातुं साला बुका, मखुसा हानं केष्ये त्यल घया केव्येत थिक या, थ्व ग्याना थमं बोनागु मंत्र थमं हेबुकाइ- जित लगे जुइ मखु जि वेगु न्होने वनेम्वाल- शाय् धासा वं बो'गु मंत्र वहे बुकागुलिं खः ।



अनंलि व लोहंते चता वाइ सिचुक छनि न्हलं चाइमखु सिना वनि । जि सदानं  
थमसं चोने दइ - छंत जि मां अबु पिसं रत्न सिलपा बिया संतोष याइ जिनं बिये छंगु  
दारिद्र बुःख फुना वनि- । थुगु प्रकारं घया थ्व मनु जुया वहा चौधिक चाम्ह नाग जुया  
वधन थ्व फलक व्याधा संतोष जुया प्रणाम याना छपिंगु बचन जिनं तथास्तु  
जिनं पायेगु अवश्य जुल ।

थ्व नाग राज दहने वकहांवना थःगु आश्रमे थ्यंकासोत थः मां अबु निहा अहितुण्डकं  
नाग साधान पूजा यागुलिं खोया चोन । जि पुत्र यंकीन बाया चोने मालीगु जुल गथ्ये  
याय्गु हे दैब हाहा धका विलाप याना चोंपिन्त हेका थमं घया वयागु खं कना बुफे  
याना तल । थुगु बखते फलक व्याधा धनुष बान ज्वना थःगु थाय् तोता दहने सोवल,  
नागवलि धकां पूजायाना चोंह्म खन, छथाय् सुला सोया चोन ।

पूजायाय् मागु विधान सिधेका नाग साधन याय्त दना वया दहने लखे ववछुना  
नाग सतेगु साधन मंत्र वोन १०८ भतिचा मथ्यवं फलक व्याधां शिरे तातुना बाणं  
केकल वेदना जुया चोंबले न्होने वया फलक व्याधां न्यंकल ।

अरे अहितुण्डक छं छु ज्यायानागु थन दहने च्वंह्म जिमिगु देशे वासयानां चोंह्म  
नागराजा खुया यंकेत जतन याना च्वंह्म छ नागराज खुःखः । छं बोनागु विद्या छंतातुं  
दुक्या नाग साधन मयास्ये ज्याया । यात धासा हानं केक्ये त्यल धया केक्येत थिक  
यात । सी धका ग्याना थ्य अहितुण्डकं थम बोनागु मंत्र विद्या हतासनं थमंनतुं दुकाल ।

तोतागु मंत्र विद्या दुकागुया प्रभावं थःत दाह जुया शीतल जुइकेत लोहंते चताः  
वाना गोःतुल- भतीचा लिपा थ्व अहितुण्डक मृत्यु जुल ।

जन्मचित्रक नागराज थाहाँ वया मनुष्य रूप जुया थ्व फलक व्याधा यात मां अबुं  
मयागु याय् मफुगु गुणयाना जित रक्षायात, छ धन्य खः धया घेःपुना छ ग्यायेमते  
मिखा तीस्यु धया दहने ववतयंका नागराजं थः चवनेगु छं बोना यंकल ।

थः मां अबुया थासेयंका विन्तियात, भो माता पितापि जित रक्षा याहा थ्व फलक  
व्याधा खः थ्वयागु कृपां जि छलपोलपि मां अबु नाप बाया चोने म्वाल जिनं थ्वयात  
थन बोना हया ।

एव खं न्यना अति खुसिजुया मनुष्य भोजन याका हेरा मोति (रत्न) धन छगुलि पोचिना सिलपा बिया माने यात । थमनं बिया जन्मचित्रक नागराजं जतन याना दहन या च्वे फलक व्याधायात तेहल । नाग थगु थासे क्वहां वन ।

एव व्याधा छे वने धका बंहा म्येगु थासे लाना ले दहन धका सीका वने छक चाहला स्वत । सिमा क्वसं छहा महर्षि खन न्ह्योने वना प्रणाम याय् धुंका थमं यानागु ज्या खं फुक कना नागराजं बिया हगु रत्न कयन ।

विचारयाना घया विज्यात— फलक व्याधा जिगु खं न्य, छं ज्यायागु छल्येज्युः छल्ये मज्युः छाया घासा देशे दुःखगु शान्ति याय्त नाग कावगु खः उगु ज्या भंगयात, अहितुण्डक पर उपकारी खः छं स्यात, एव स्वर्गवास जुल छन्त पापलात एव ज्या यागु मज्युः । तर छंगु बुद्धि यागु ज्या मखुः नागयागु वचन खः वचन व्यूहयात दुगंछि पापं पुन । तथापि वया मां अबुपि निम्हयात सेवा याना च्वगु धर्म तोमफिक छं ज्या याना बिल एव ज्या पुण्ययागु खः ।

छन्त हानं बुद्धि बिये आम रत्न ज्वना जुइ मते छ अकालं मृत्यु जुइ फुः खुं बाका पिगु मयं छन्त शत्रु बढे जुइ अवश्य । छे तयातल घासां छंगु छे बःमला खुयायंकि, छं मियंकुसानं छ व्याधा हेरामोतिया व्यापाद याय्गु मलो, व्याधा जातं रत्न मी हगुलि अनपत्यार जुया खुया हःगु जुइ धका छन्त खेपायाइ ।

छन्तनं म्येपिन्तनं कल्याण जुइगु उपाय या आम रत्न लित बिया दहने च्वंपि नागराज याके अमोघ पास घयागु महारत्न दुः । गुण म्हस्युसा जित फोने घया अमोघ पाश कयाहति, मव्यूसा म्बाल घया एव रत्न या म्हिचा तोता वा । एव महर्षिनं थथ्ये धागु खं न्यना जित खःगु हे ज्ञान बिल धेगु चिन्तना याना दहने वना जन्मचित्रक नाग राज लुमंका चोन । थुम्ह नागं सीका थार्हा वया छाया जित लुमंका चोनागु व्याधा फलकजु घया न्हापाय्ये मनुष्य जुया कयन ।

महर्षि जुं उपदेश व्यूगु खं घया विन्ति यात, जित एव रत्न छपले मदु । गुण लुमंका वीगु खःसा अमोघपाश (महारत्न) फोने एव हेरामोति रत्न लितयंका विज्याहुं । थुगु प्रकारं धागु न्यना नागराजं घाल, जि मां अबु याके न्येने मानि, हानं बोना यंके

धया घेःपुना बवे नागया छेयंका माँ नागिनी अबु नागराज या न्होने तया नाग पुत्र  
जन्मचित्रकं फलक व्याधां धया फोंगु अमोघपाश महारत्न हिं धाल, थ्व रत्न जित छेले  
मदु धयां लित बोहल । थ्व विषये छु याय्गु वीगुला मबीगुला ।

थय्ये पुत्रं धागु खँ न्यना फलक व्याधां यागु ख्वाः स्वया नाग नागिनी पिसं  
धाल । अरे फलक व्याधाजु छन्त खँ स्यंपिं दु जिमिसं सिल थ्व खँ म्वाल । छंगु गुण  
दुःख बीमागुनं अवश्य खः नाग धैपिन्त गरुड या भय दु- थ्व अमोघपाश जिमित  
लोकेश्वर करुणामय या व्रत यानाबले दर्शन विया विया थकुगु- अमोघपास महारत्न  
चिन्तामणि-मनं तुनागु ज्या सिद्ध जुइगु- गन मनंतुनां वां छोट अन तःक्यना च्वनीगु ।

उपद्रव शान्त जुइगु अमोघ नाम पाश धयागु (खिप) खः । अमोघ पाश लोके-  
श्वर धारणयांना तगु चिन्ह थ्व महामणी रत्न समानगु धाइ । नाग पिन्त गरुड या भय  
मदैगु- उपद्रव शान्त जुया नाग पिन्त प्राण रक्षा जुइगु- थ्व गथ्ये बीगु गथ्ये मबीगु ।  
मबिल धासा म्वालनं धाल- तर नाग पिन्त गरुडया भय गुबले वइ असंभव खः विया  
छोपे यंकि धया बिल ।

गथ्ये हयागु खः अथ्ये हे घेःपुना जन्मचित्रक नाग पुत्रं फलक व्याधायात दहने  
च्चे थ्यंका परस्पर खँल्हाना नाग थःगु थासे लिहाँ वन । व्याधां लेःताया अमोघपास  
ज्वना छेवन ।

। थन यागु खँ थुलि जुल ।

थनंनिस्ये धन राजाया खँ सीके

उत्तर पांचाल देशया राजा धनराजा थः स्त्री ब्रम्हणी नाप खँ जुल । प्रिये  
ब्रम्हणी छ विवाह यानागु तादत आःतक संतान मदु फोगु जन्म धिकार राजगृह शून्य  
जुइन, सन्तान धयागु बखते देकेमा लिपाथ्येक शोभा दइ मृत्यु जुइ वलेनं संस्कार याइ ।

सन्तान हीन जुइवं गृह धर्म याइपिं दैमखु- संपत्तिनं राज्य नं परया ल्हाति  
लाइ । निम्ह सिया थथ्ये चिन्तना याना छु धर्म यासा छु उपाय याना छु वास नया  
सन्तान दई धयागु विचार याना ब्राम्हणादि पण्डित इष्ट मित्र लिस्ये सल्हा कया दान  
पूजा पाठ यज्ञ होम, बिग्पाल लोकपाल अष्टमातृकापि सेवायाना जुल ।

जोतीष पाखें नवगृह पीठ भैरव गणेश कुमार महांकाल योगिनी आदि देव देवतापि  
भावयाना सन्तान देमा धका फोना जुल । सुनां छु धाल उगु उगु नं यांना धर्मस धन  
खर्च याना कुलेशेश्वर भक्तियाना जुल । तथापि सन्तान यागु चिन्ह छु खने महु स्त्री  
पुरुष निम्ह आपालं दिग्दार जुइका च्वन ।

थुगु समये बिद्यालयया मुख्यम्ह (अध्यापक) गुरु निमन्त्रणा याना सन्तान छु यासा  
दइ धयागु चर्चा यांना न्यन । थ्व अध्यापक पण्डित गुरुं विन्ति यात । भो महाराज !  
थुगु बिषये छु छु याय् धुन ।

राजां आज्ञा जुल थपिसं यानागु फुकं खँ कन, म्येगु छु याय्गु वाकिदनि धया  
विज्याहुँ । छपिसं धाथ्ये याये । थथ्ये धास्येलि थ्व गुरुं उपदेश बिल ।

भो महाराज न्यना विज्याहुँ— जिनं स्युगुखँ कने, छलपोलथ्ये जापि राजापिसं याय्  
योग्यगु खः । सन्तान या निमित्ते विशेष याना तःतः धपिसं याना वंगु खः । धर्म धैगु  
थमं मनंतुनाथ्ये याइगु याकोगु अनेक दु । थुजागु तालं याय्गु धर्म मखुः जिगु मनं ग्वया  
धयागुनं मखुः ज्ञान न्यनेगु निःस्वार्थी पठिक (सम्ह स्पूम्ह) लोक प्रिय सकलयात  
चित्त बोध याना चोम्ह थमनं हिंसा मयास्ये अहिंसा धर्म प्रचार याइम्ह ।

समाय् चोना सिंह समानं मग्याम्ये धर्मोपदेश बीफुम्ह, गुरु दुम्ह सिद्धि सहितम्ह  
प्रमाद बस्तु (सुरति अकीम चरेस गजि मदिरा दुर्गन्ध) चीज सेवन मयाम्ह थुजागु  
सेवन याय्गु योग्य मखुः धका उपदेश विद्या वर्जित याकीम्ह धर्मशास्त्र च्वेथ्यंक  
अध्ययन याम्ह थुजाम्ह विद्वांन् आचार्य्य याके न्यना छलपोलं च्वेलागु धर्म मयानी  
धैगु जिनं सीका ।

छलपोलं न्हापां त्रिरत्न म्हसीका शरण वना शीलयां बस्त्रं पुना उपोषध  
-व्रत याना विज्याहुँ सन्तान दइ । थथ्ये उपदेश विद्या विदा कया लिहाँ वन ।

थुगु उपदेश न्यने धुंका योग्यह्य गुरु पाख्ये त्रिरत्न ह्यसीगु ज्ञान न्यना स्वभाव  
शुद्ध जुया शीर धरेयाना अष्टमी दिन पत्तिकं त्रिरत्न शरण पूजावि क्रम धुंका अमोघपाश  
लोकेश्वर करुणामय ह्यसीका आर्याष्टांगमार्ग उपोषधव्रत दंपति सहितं आरम्भ यात ।

(१) पूजां द्वाफोस्वां, पलेस्वां, उफोस्वां, अर्घ्यं, (२) दण्डवत् (३) रत्न मण्डल

(४) पाप देशना (५) याचना (६) अनुमोदना (७) अध्येशना थुलि सप्त विधानुत्तर क्रिया सहित न्हापा पुष्पकेतु राजां याना वंथ्ये- आमीष दुर्गन्ध वस्तु नेगु तोनेगु निषिद्ध याना नियम पूर्वकं भाव यात ।

श्री अमोघपाश लोकेश्वर प्रशन्न जुया, भद्र कल्पिक बोधिसत्व व समन्त भद्र बोधिसत्व निह्य सःता आज्ञा जुल । पुत्र इच्छायाना व्रतयापि उत्तर पांचाल देशया राजा धनराजा व थ्वया स्त्री ब्रह्मणी खः । थुमिगु छे जन्म जूवनेगु स्वया इच्छा दु उह्यहुं घया विज्यात ।

न्हापा नराहुति यज्ञ सफलयाणा वह्य छ खः धका समन्तभद्र बोधिसत्वं भद्र कल्पिक बोधिसत्वयात छ हुं धका आज्ञा जुल तथाऽस्तु याना निह्यसिया सल्हायाय् धुंका भद्र कल्पिक बोधिसत्व स्वर्ग भुवनं क्वहाँ विज्याना धनराजाया पत्नी ब्रह्मणी महारानी या गर्भे रात्रीया प्रहरे प्रवेश जुल ।

अनंलि थ्व महारानी नं न्याता ज्ञान बिचार यायफत । छुछु धासा- (१) जि ऋनुमतो मखुत गर्भवती जुल - (२) लाको पाको खंल्हाइगु न्येने मजिल (३) नवगु पुलांगु खायूगु पांगु पालुगु बस्तु नये मजिल (४) फाकुगु ऊयातुगु छांलाय्गु ज्यांयाय् मजिल (५) धर्मकथा भिगु खं कनीपि संगत घाय्गु ।

थुलि चिन्तनायाना थः थमँ जिगु प्वाथे जवेजक वरावर सनिगु अवश्यनं पुत्र जन्म जुइगु लक्षण खः जिनं न्यना तयागु दु- थ्व खं थः स्वांमीयात कना निह्य सिया हर्षमन याना चोन । धन राजाया जिगु मनोरथ पूर्ण जुइन पुत्र जन्म जुइगु खःसा जिगु कुलछे मत च्याइना जिनं धन संपत्ति साधन यानागु सफल जुल ।

थथ्ये निह्य सिया लेः तागु खँ ल्हाना गर्भिनी रानीयात नयगु तोनेगु तीगु पुनेगु च्वनेगु इत्यादि न्हापा स्वयानं दुर्गच्छि मिलेयाना आनन्द तथा भिगु बांलागु पुण्यया खँः ल्हार्पि नापंतया रानीयात गर्भ रक्षा जुइगु अनेक रक्षायाना तल ।

बैद्य राज पिगु बिचार कया पालुगु पांगु खायुगु फाकुगु चि अपोगु छागु इत्यादि नेगु तोनेगु लंघर्म याना माकुगु चाकुगु रसायन बस्तु तागत वइगु नरमगु नाइस्ये चोंगु चीज मोजनयाका विशेष दुरु धौ घ्यः फलाहार याका पालन यात ।

हालेगु तं प्याहां बडगु तस्सकं हालेगु न्हेपने शब्द मव्यूस्ये मन आनन्द जुडगु मात्र न्यंकातल । गुलाफुना ङिला वयस्वेलि कोथास मामापि तथा बिचार याकल । महारानी या गर्भ आनन्द पूर्वक पुत्र जन्म जुल गुजाह्य पुत्र धाःसा सुन्दररूप ह्यासुगु वर्ण तःधिक शरीर छत्रया आकार शिर- पुलि ववहाँ वगु ल्हाः कपातःग्व उच्चस्वर धनुसाकार (भ्रु) मिखाफुसि म्ये चोवला सालु- सुगन्ध बासवम्ह कुमार जन्म जूगु खना तय् थाय् हे मदेक खुसिजुया सोया चोन ।

थुगु समये अकस्मात् भेरी (कहां म्वहालि पोंगा) पुयाहःगु शब्द बल- महा राजया अद्भूत जुल । श्व शब्द ताउती न्यनेधुंका गनं वगु श्व शब्द धका न्यना सोत कोथाय् चोपि चेतकादी धापी वया बिन्ती यात ।

भो महाराज ! छलपोलया भाग्यं ङीगु छे कुल दीपक लक्षण संयुक्तह्य पुत्र जन्म जुल । थ्वंगु प्रभावं भिगु शब्द न्येनेदत सो बिज्याहुं । थुगु समाचार न्यना हताय् चाया न्हिला कोथास वना सोवन । पुत्र जन्म जूगु व पुत्रया रूप लक्षण खना मन चः कंका ताउति स्वया आज्ञा जुल ।

प्रिय स्त्री धन्य छंगु गर्भ, त्रिरत्न शरण उपोषध व्रत यानागु सार जुल । थ्व बालक खना जि आपालं खुसिजुया, थुलि धया कोथां पिहां वया जोतीष सःता पुत्रया लक्षण बिचार याका देशे सकभनं बांलाकेगु दान वीगु सूचना न्यंका राजगृहे सकभनं बीपावली (मत च्याका) तच्चतं उत्सवयाना भिक्षु ब्राह्मण याचच बुढा बुढी रोगी बालकपि सःता २१ दिन तक (नीछन्हु यंक) बस वस्त्र नेगु धन भोजन दानयाना संतोष जुडका च्वन । व्यंकेगु ज्या (जातकर्म) सिधेका, नाम करण यात, विधि पूर्वक ज्या सिधेका पुरोहित गुरु जोतीष बन्धु वर्गपि निमंत्रणा याना थुमिगु सल्हाकया घनराजानं थ्व पुत्रयात सुधन कुमार धका नाम याना थुबुन्हु दिने नं विशेषरूपं दानकर्म याना कार्यालये ज्या याइपि कर्मचारी पित्तनं राजगृहे च्वंपि मंत्री पित्तनं खुसियांत थनंलि थ्व बालकयात, बुदुमां धापि निह्य दुरु तोकीपि- निह्य मल मूत्र सुघर याइपि, निह्य वस्त्रं पुंकीपि- निह्य बुया लुकुंछिना ह्मितीकीपि- याना च्याह्य दुदुमां पिगु ल्हाःते लःल्हाना प्रतिपाल याकल ।



गण्येजा पुखुलिस बुया वगु पलेस्वां ग्ये न्हिन्ह बढे जुया तःधिक जुल- कुलशेश्वर दर्शन याका शुभ दिने जा नकेगु (अन्नप्राशन) जंकोविधि नं थःगु कुलायनं सिद्धयाना क्रमसः पालन पोषण यायां निदबुनि प्यद बुनिनं धुंका- गुरुया ल्हाःते लःल्हाना लिपि विद्या आरंभ याकल ।

च्यादं दस्योँलि बालक शिक्षित जुया न्याता प्रकारं परिक्षा यायेसल । छु छु धासा १) लिपि आख चोय्गु २) आख फुकं ह्यसीकेगु ३) वोनेनं बांलक सगु ४) गुरुयात खुसि याय्गु ५) न्यनेगु । थय्ये विद्यारम्भ यानालि १२ वर्ष दुवले बांलाक शिक्षित जुया च्याता प्रकारं परिक्षायाय् सल ।

छुछु धासा १) उतिन्यंक तप्यंक शुद्धयाना चोय्गु २) न्ह्यागुनं सफु सोया तोम- फीक वोनेगु ३) ल्या अंक मढ्वांक गणित याय्गु ४) गणितया संख्यां मढ्वांक थमंयाना म्येपिन्तनं स्यनेगु ५) नीति शास्त्र ६) शिल्प विद्या देकेगु चोय्गु ज्या ७) कुमार कुमारिका पिंगु शरीर या लक्षण विचार यायेगु ८) नेगु तोनेगु अन्न फल- थुजागु च्याता परिक्षा याये सल ।

थनंलि क्षत्रि जातिया कुलविधि (व्रत वन्दन) चूडामूहर्त संखाय्गु ज्या मंगल कार्यया अभिषेक नं सिधेकल । १६ बर्षया शरीर जुल जनपद विद्यानं पूर्णयात- सभास चवना मढ्वांक मग्यास्ये खँल्हाय्गुलि लाय्कम्ह जुल ।

अनंलि राजनीति काव्य कोष व्याकरण विद्यानं सेकल । १८ बर्ष दत राज्य कार्यया विद्या नं अध्ययनयाना पूर्णयात ।

छुछु धासा- १) हस्ति ग्रीवायां चतुरः । सल किसि गया वनेगु । २) इश्वरपद- पृथ्वीस मालीक जुइगु ज्या ३) रथ म्हसी केगु ४) धनुष विद्या केक्येगु ५) अंकूशविद्या तःकेक्येगु ६) पाशविद्या चीगु (छिन्नविद्यां त्वाथलेगु) ७) मुण्ठि बन्धन ल्हाः म्हुछियेगु विद्या ८) भेद विद्या फाया निकु थला ज्या याय्गु ९) शिखा बिद्या आगंस सं ज्वनेगु । १०) पद बन्ध- दना च्वनेगु ११) पद चाल- व्वां वनेगु १२) हस्त मुद्रा प्याखँ हुलेगु (नृत्य) विद्या, १३) पाद विछेप बिद्या तुति प्यंकेगु व्वां वनेगु १४) कुर्मविद्या तुति छपां जुया ग्वाँलि चुया चाहुलेगु । ल्हाःसंका प्याखँ हुला तुति ताल मिलेयाना मढ्वाँकेगु समेत १४) विद्यां पारंगत जुल (१५) दूर वेग विद्या १६) शब्द वेद विद्या,

हालेगु तं प्याहां वडगु तस्सकं हालेगु न्हेपने शब्द मव्यूस्ये मन आनन्द जुडगु मात्र न्यंकातल । गुलाफुना ङिला वयस्वेलि कोथास मामापि तथा बिचार याकल । महारानी या गर्भ आनन्द पूर्वक पुत्र जन्म जुल गुजाह्य पुत्र धाःसा सुन्दररूप ह्यासुगु वर्ण तःधिक शरीर छत्रया आकार शिर- पुलि ववहाँ वगु ल्हाः कपातःग्व उच्चस्वर धनुसाकार (भ्रु) मिखाफुसि म्ये चोवला सालु-सुगन्ध बासवम्ह कुमार जन्म जूगु खना तय् थाय् हे मदेक खुसिजुया सोया चोन ।

युगु समये अकस्मात् भेरी (कहां म्वहालि पोंगा) पुयाहःगु शब्द वल- महा राजया अद्भूत जुल । एव शब्द ताउती न्यनेधुंका गनं वगु एव शब्द धका न्यना सोत कोथाय् चोपि चेतकादी धापीं वया बिन्ती यात ।

भो महाराज ! छलपोलया भाग्यं ङीगु छे कुल दीपक लक्षण संयुक्तह्य पुत्र जन्म जुल । एवंगु प्रभावं भिगु शब्द न्येनेवत सो बिज्याहुं । थुगु समाचार न्यना हताय् चाया न्हिला कोथास वना सोवन । पुत्र जन्म जूगु व पुत्रया रूप लक्षण खना मन चः कंका ताउति स्वया आज्ञा जुल ।

प्रिय स्त्री धन्य छंगु गर्भं, त्रिरत्न शरण उपोषध व्रत यानागु सार जुल । एव बालक खना नि आपालं खुसिजुया, थुलि घया कोथां पिहां वया जोतीष सःता पुत्रया लक्षण विचार याका देशे सकभनं बांलाकेगु दान वीगु सूचना न्यंका राजगृहे सकभनं बीपावली (मत च्याका) तच्चतं उत्सवयाना भिक्षु ब्राह्मण याचच बुढा बुढी रोगी बालकपि सःता २१ दिन तक (नोछन्हु यंक) बस वस्त्र नेगु धन भोजन दानयाना संतोष जुडका च्वन । व्यंकेगु ज्या (जातकर्म) सिधेका, नाम करण यात, विधि पूर्वक ज्या सिधेका पुरोहित गुरु जोतीष बन्धु वर्गपि निमंत्रणा याना थुमिगु सल्हाकया घनराजानं एव पुत्रयात सुघन कुमार धका नाम याना थुखुन्हु दिने नं विशेषरूपं दानकर्म याना कार्यालये ज्या याइपि कर्मचारी पित्तनं राजगृहे च्वपि मंत्री पित्तनं खुसियांत यनंलि एव बालकयात, बुदुमां धापि निह्य दुरु तोकीपि- निह्य मल मूत्र सुघर याइपि, निह्य बस्त्रं पुंकीपि- निह्य बुया लुकुंछिना ह्मितीकीपि- याना च्याह्य दुबुमां पिगु ल्हाःते लःल्हाना प्रतिपाल याकल ।

गद्येजा पुखुलिस बुया वगु पलेस्वां ग्ये न्हिन्ह बढे जुया तःधिक जुल- कुलशेश्वर  
वर्शन पाका शुभ दिने जा नकेगु (अन्नप्राशन) जंकोविधि नं थःगु कुलायनं सिद्धयाना  
क्रमसः पालन पोषण यायां निदबुनि प्यद बुनिनं धुंका- गुरुया ल्हाःते लःल्हाना लिपि  
विद्या आरंभ याकल ।

च्यादें दस्योँलि बालक शिक्षित जुया न्याता प्रकारं परिक्षा यायेसल । छु छु धासा  
१) लिपि आख चोय्गु २) आख फुकं ह्यसीकेगु ३) वोनेनं बांलक सगु ४) गुरुयात  
खुसि याय्गु ५) न्यनेगु । थय्ये विद्यारम्भ यानालि १२ वर्ष दुवले बांलाक शिक्षित  
जुया च्याता प्रकारं परिक्षायाय् सल ।

छुछु धासा १) उतिन्यंक तप्यंक शुद्धयाना चोय्गु २) न्ह्यागुनं सफु सोया तोम-  
फीक वोनेगु ३) ल्या अंक मढ्वांक गणित याय्गु ४) गणितया संख्यां मढ्वांक थमंयाना  
म्येपिन्तनं स्यनेगु ५) नीति शास्त्र ६) शिल्प विद्या देकेगु चोय्गु ज्या ७) कुमार  
कुमारिका पिगु शरीर या लक्षण विचार यायेगु ८) नेगु तोनेगु अन्न फल- थुजागु  
च्याता परिक्षा याये सल ।

षनंलि क्षत्रि जातिया कुलविधि (व्रत वन्दन) चूडामूहर्त संख्याय्गु ज्या मंगल  
कार्यया अभिषेक नं सिधेकल । १६ वर्षया शरीर जुल जनपद विद्यानं पूर्णयात-  
सभास च्वना मढ्वांक मग्यास्ये खँल्हाय्गुलि लाय्कम्ह जुल ।

अनंलि राजनीति काव्य कोष व्याकरण विद्यानं सेकल । १८ वर्ष दत राज्य  
कार्यया विद्या नं अध्ययनयाना पूर्णयात ।

छुछु धासा- १) हस्ति ग्रीवायां चतुरः । सल किसि गया वनेगु । २) इश्वरपद-  
पृथ्वीस मालीक जुइगु ज्या ३) रथ म्हसी केगु ४) धनुष विद्या केव्येगु ५) अंकूशविद्या  
तःकेव्येगु ६) पाशविद्या चीगु (छिन्नविद्यां त्वाथलेगु) ७) मुण्ठि बन्धन ल्हाः म्हुछियेगु  
विद्या ८) भेद विद्या फाया निकु थला ज्या याय्गु ९) शिखा विद्या आगंस सं ज्वनेगु ।  
१०) पद बन्ध- दना च्वनेगु ११) पद चाल- व्वां वनेगु १२) हस्त मुद्रा प्याखँ  
हुलेगु (नृत्य) विद्या, १३) पाद विछेप बिया तुति प्यंकेगु व्वां वनेगु १४) कुर्मविद्या  
तुति छपां जुया ग्वालि चुया चाहुलेगु । ल्हाःसंका प्याखँ हुला तुति ताल मिलेयाना  
मढ्वांकेगु समेत १४) विद्यां पारंगत जुल (१५) दूर वेग विद्या १६) शब्द वेद विद्या,

ઘ્વાં વના ન્હાવા લાકેગુ ન્હેપનં ન્યનાં માત્રં લુમંકા અર્થ થુડકેગુ ૧૭) મર્મ વિદ્યા પરયા મને ચોંગુ હેંસી કેગુ । ૧૮) દૂર પ્રક્ષિપ્ત વિદ્યા તાપક તિના છોય્ગુ વાંછોય્ગુ- થમં લાના કાય્ગુ । ૧૯) દૃષ્ટિ વિદ્યા- મિખાં ઇશરા બોગુ મિખા સ્વયા મનુ તેગુ ધંગમ્હ સોકા કાય્ગુ । ૨૦) પ્રમુષ્ઠિત વિદ્યા- વ્વાતુક જ્વનેગુ । ૨૧) શર વિદ્યા વાણં પ્રહાર યાય્ગુ તાતુનાગુ થાસે લાકેગુ ૨૨) દૂરાદૂર વિદ્યા- તાપાક છય્ગુ સતિક લાકેગુ ૨૩) વાદ વિવાદ શાસ્ત્ર વિદ્યા- સભાય્ ચોના વાદ વિવાદ યાના હેંલ્હાય્ગુ ।

૨૪) ધર્મ શાસ્ત્ર વિદ્યા- વલત વિચાર યાના- ત્યઃ મત્ય સત્ય અસત્ય પાપ પુણ્ય ઇત્યાદિ સોકેગુ । થુગુ પ્રકારં ૨૪ બિદ્યાં પારંગત જુગુ સોયા ધનરાજાનં પુત્ર સુધન કુમાર યાત- ઉત્તમગુ મધ્યમગુ અધમગુ તઃલાગુ પાય્ છિગુ ચીલાગુ યાના સ્વલા છેં તયાર યાના ધાલ । પોષ માઘં તસ્સકં ચિકુડ, વલે ચ્વનેગુ- વૈશાખ જ્યેષ્ઠ માસં તાન્વડ બલે ચ્વનેગુ આષાઢ શ્રાવણ- વર્ષાકાલં જલ વૃષ્ટિ જુડવલે ચ્વનેગુ યાના સ્વલા છેં ચ્વનેત થિક યાના સુધન કુમાર યાત વાસ યાકલ । થુજાગુ છેં નિયમ રૂપં કુમાર બુદ્ધિમાનિ જુયા સુલનં વાસ યાના ચોન ।

થનંલિ છન્હુયા દિને ફલક વ્યાધા ચલા હરણ યાય્ગુ નિમ્તિ સુથે ઉલ્ખે થુલ્ખે હિલા સોજૂગુ ઇલે છગુ પર્વતયા વ્વસં ઋષીશ્વર છમ્હ વાસયાના ચ્વંગુ લન । થુગુ થાસે તઃધંગુ દહં છગુનં અતિ શોભા દયા ચ્વંગુ લન ।

થુમ્હ ઋષીશ્વર ગથિન્યમ્હ ધાઃસા સિમા લ્લાલાયા લેંફિના લતા લહરા સિમા કલાસ તઃવયંકા મિલાછેં દય્કા વાસયાના ચ્વન- જટાધારી લુસિસં દાંડિનં તાઃહાક જુયા ચોમ્હ ધ્યાનયાના ચોંવલે વ્યાધા ન્હોને વના ઋષીશ્વરયા પાલિસ મોઃપુયા વિન્તિ યાત ।

મો ઋષીશ્વર તાઃકાલં દતલા છલપોલ થનચોના વિજ્યાનાગુ ધકા ન્યન । ઋષીશ્વરં મિલાકના સોત છ મુઃ ધકા ન્યન- વ્યાંધા બિન્તિ યાત જિ વ્યાધા લઃ જિગુ નામ ફલક છુયાય્ આહાર ચૂમલા પશુ પંછિ સ્યાના નયા જુયા ચલાં દડલા ધકા સોજુયા થન લાવલ ।

ઋષીશ્વરં આજ્ઞા જુલ વ્યાધાં વૃત્તિનં થિક મજુ વ્યાધા વૃત્તિ પાપ કમાયાના જુડગુ જન્મ ધિકાર- થ્વ હેં મ્વાલ જિ થન ચોનાગુ પોદં ૪૦ વર્ષ પુલા વન ।

व्याधां हानं विन्ति यात- थन छपिसं छुं अद्भूत खेला मखेसा म्वाल खेसा छगु निगु जित कना विज्याहें । थथ्ये धागु न्यना न्हिला ऋषीश्वरं धया विज्यात । हूँकन तःधंगु दहेंदु छं खेला- ब्रम्हस्वभी नाम जुया चोंगु पुष्करिणी (पुखु) आपालं शोभा दु- थुगु पुखुली सुन्दरोम्ह नागकन्या छम्ह दया च्वन गुवलें २ थाहाँ वया निभाले आनन्दं चोना च्वनीगु जिनं वना ।

थुगु पुखुया शोभा स्वर्गस् बियत्गंगा नदी तीर्थतुल्य मदु, धयागु छुं मदु । छचालं नाना प्रकारया सिमा स्वामा दयाचोन । सिमापत्ती फलसया चोन पंछित बासयाना थःथःगु स्वरंहाला वन थ्ये शोभा दयाचोन । सुगन्धगु स्वांनं यकोदु ।

थुगु पुखुलि अष्टांग गुणंसयुक्तगु लखं पूर्ण जुया चोन । अष्टांग गुण धयागु सीकि (१) तोने बले चाकु सवा (२) अनलः निर्मल यचु तुयुगु बर्ण (३) याउँस्येचों (४) रोग दसा लतोने बले रोगसमन जुया वनीगु (५) शीतल ख्वाउँस्ये चोगुलि कीटाणु (की) धयाषिमदु (६) यकोतोसातं प्वाळ्यातुमजु (७) नयागु याकमं पाक याना वल (तागत) दयावइगु (८) थुगु लया प्रभावं तोनेधुंका लिपा वंलाना शरीर पुष्टजुया वइगु ।

थुजागु गुण पूर्णगु थुगु पुखुलि- पुन्ही पत्तिकं स्वर्गयां द्रुम राजा प्रमर्थ किन्नरी राजाया प्रथम पुत्री (न्हापाह्य) म्हाय् मनोहरा धयाह्य किन्नरी कन्या- निसह्यतक किन्नरी कन्या पाशापि मुंका विमाने च्वना सुनानं मखंक वया स्नान यावइगु ।

थ्व मनोहरा कन्यानं स्नान याइबले अतिनं मधुर स्वरं म्येहाला ताल विया चोनीगु । थ्व स्वर न्यनेवले चित्त आनन्द जुया वइगु- गुवलें नागकन्या थाहां वया सोवइगु नागकन्या दर्शन याना लिहाँ वनि ।

थ्व पुखुया महिमा लक्षण कनां साध्य मजु । थनिं न्हेन्हु दत थुपि वया वंगु आः पुन्ही खुन्हु वइ- थथ्ये कंगु ऋषीश्वर या वचन न्यना थ्व व्याधा यानं जिनं छक सोये अमोघ पाशनं वयंका थ्व किन्नरी कन्या छह्य छेंयंकेगु मतीतया ऋषीश्वर यात प्रणाम याना लिहाँ वन ।

पुन्ही खुन्हु सुथ न्हापां फलक व्याधा दना अमोघपाश ज्वना थुगु पुखुलि (दहने) वया स्नानयाना छथाय् सुला च्वन । पुन्हीया दिने न्हापाय् विमाने च्वना मनोहरा



किन्नरी कन्या पाशापि नापं थुगु पुखुलि थ्यंकवल । सकसियां स्नानयांना वस्त्रं पुनेधुंका  
छलालं चोना मधुरं म्येहाला प्रार्थना याना चोंवले फलक व्याधा सुला च्वंहा तीजक  
वया अमोघपाशं वयंकेत वांछोया हल मनोहरायात पाशं तःक्यन थ्व छु धका सोत पाशं  
तःक्यना थःत सने ज्यामछिना गरख्येस्ये चोंका हाल ।

म्येपि किन्नरी कन्या पिसं छाप् हागु धका सोवले पाशं तःक्यना चोंगु खना  
ग्याना थःथः पित्तनं थथ्ये जुइ धका मयत्राशं सकलं अन मचोंस्ये विमाने च्वना थपिगु  
थासे लिहां वन । थुपि वइगु वनीगु सुनानं खनीगु मखुः । उजांगु ह्यति ह्यति वास  
शरीरे तथा वइपि जुया अदृश्य रूपं आकाश मार्गं वन ।

मनोहरा छहा बने मफुत पाशं तःक्यना चोंगुलि उगुथासे चोना जित सुनां थथ्ये  
यात, अहो हेदेव जि गथ्ये वनेगु छुजुइगु धका हाला चोन । थ्व फलक व्याधा न्ह्योने वना  
सोत मनोहराया सुन्दरी रूप खना व्याधा धत्तूर नया चोहाथ्ये ताउति फुले जुया चोन ।  
बने तपयाना चोनिपि ऋषिमुनिपि समेत थ्व मनोहरा कन्या खनिबले मनधीरयाये मफया  
चोनिगु-थुजाहा सुन्दरी खना व्याघालिपा तिजक वना धैः पुइत थिक यात ।

मनोहरा कन्या ग्याना शोकं धाल- जि गथ्ये अभागिनीहा जुल । जित गुजागु  
अवस्था जुल जिगु शरीर व्यर्थ जुइन थुलि धया दनेत सन दने ज्यामछिना व्याधायात  
सोया थथ्ये धाल ।

अरे मानव छसु सुनां छोंया हःहा थन छुया वयागु छु कारणे जिगु न्ह्योने वयागु  
थ्व पाशं वयंका जित छयाय्गु जित थिये मते, जि देव कन्या छः छ मनुष्य, छं सीकि  
इन्द्रं मानेयाय् माहा किन्नर राजाया पुत्री मनोहरा धयाहा जि खः । चक्रवर्ति राज्य  
भोग याइहा नाप भोगयाये योग्यहा जुया चोनाहा जिगु शरीरे छं स्पर्शयाय् योग्य मजु ।

थ्व पाशं तःक्यना च्वंगु लिकाय् फुसा लिकयाव्युः । जि बिस्त्युं वनी धकानं मने  
तइ गनं वने मजिल लिहां वनेत विमाने चोना पाशापि वने धुंकल । जि याकचा जुल  
जित दयाति छ साधु इमांदारि खःसा जिगु खं न्यना चिना तगु पाश पयना व्यु ।  
मडुसा जिनं स्राप वियेत्यना । छं दुःख जुइ । छ पत्यार मजुसा जिगु चूडामणि छन्त  
विषा तये । थ्व चूडामणिया प्रभावं आकाशं बोया वनेगु समर्थ दया च्वंगु खः । थुलि  
खं न्यंका थःगु शिरे च्वंगु चूडामणि रत्न लिकया थ्व फलक व्याधायात विल ।



श्व व्याधां चूडामणि कया पाश पयना विल व्याधां विन्ति यात थन चोने मज्जु जिगु छे बोनायंके । थुजागु बने दहने छाप् चोनेगु । जि नापं वा घयाचवंगु इले नाग कन्या दहनं थाहां वया शरीर बाह्य वयना नागकन्या नं मनुष्य बोलि धाल । हे व्याधा फलक घयाह्य छ खः मभिगु मने तया छे यंकेमते, छ भस्म जुइ जिनं सहायाये फइमखुः । स्वर्गयानं च्वे द्रुम भुवन या राजा द्रुम किन्नर या पुत्री मनोहरा कन्या थन थ्यंक वया पुन्ही पत्तिकं स्नानयाना तीर्थ सेवा यावया स्नानयाना चवंह्य खः ।

थथ्ये भक्तियानां चवंगु दछिदत थुकीया फलं मनोहरा कन्यायात बरदान प्राय्त जुइगु बेला जुल । नागकन्या सोया विन्ति याना चवंह् मनोहरा यात सोवा नागकन्या नं धया विज्यात । भो किन्नरी कन्या छुं मने दुःख तायेमते, थुगु दहंया नागराज जि स्वामी वैन तेज गरूडं यंका स्याना भोजन साक नल ।

जिनं चिन्तना याना चोना जि स्वामी नागराजां जिनं छु पाप याना वल मस्यु नाग नागिनी (तीर्थंक) योनि जन्म जुया लया दुने पाताले बास याना चोनेमाल । थुगु पापं मुक्त जुया मनुष्य कुले जन्म कया वहे स्वामी नापं होने दयमा धका त्रिरत्न नाम कया करुणामय लोकेश्वर याके फोना चोना । थःगु भोग थमं हे याग्मा मनोहरा कन्या सीकि । श्व व्याधा लमि चूलात धन्दाकाय् म्वाल- छन्त योग्यह्य महापुरुष थन बने वया चवंगु दु । अनहुं अनं यंकि व्याधा- मखुसा छन्त जिनं स्नाप ब्रिये त्यना- थुलि धया नागकन्या दहंने क्वहां वन ।

व्याधाया मने अन्दोल जुइका चोन, भतिचा लिपा किन्नरी कन्या नापं बोनायंका बने थाहां वना सिमा क्वसं यिश्राम यात । उगु थासे वनदेवी वया प्रणामयाय् धुंका मनोहरा यात स्वया थथ्ये घया विज्यात ।

भो किन्नर राज पुत्री ! धन्य २ खः छपि, जि बने च्वना वनदेवी धाय्का च्वना, जिनं मिसा छपिनं मिसा जि पुरुष (स्वामी) मदुः । स्वर्गया देवतापिसं मनुष्य पिसंनं जित विवाह मया जि वनेगु इच्छा दु । कामव धानं मव जि गुलि दुःख मिसा जाती बने थथ्ये चाहुला जुइमा । श्व दुःख मखुला, राक्षस तेसं यंकी धका गोप्ययाना च्वनेमा, थुमिसं जित यंकेगु धका गोसा याइगु । राक्षस पुरुष यातकि जिनं राक्षसी जुइ । दैत्य तेसं खनकि यंकेफुः जि दैत्यनी जुइ छुयाय् श्व पाप भोग खः मिसा जाती खनकि दैत्य

तेगु स्वभाव पाछाया यंकीगु । देवकन्या मनुष्य कन्या बणदेवी धका बाकि मत वैत्यं  
 क्किनि कि बिस्पुं वनेमा । थन बने बिस्तार याये मज्जुः छपिगु भावीकर्म लाइकहा पुरुष  
 चलाइ थन बने छहा महापुरुष नापलाइगु वेला (समय) जुल छुं धन्दा काय्मते  
 थुगुलं बिज्याहुं ।

छ व्याधा जिनं ह्यस्यु जि क्यनागु लें बोना यंकि छं मने मखुथ्ये तथा थ्व  
 किन्नरी कन्यायात अन्याय यातकि छ भस्म जुइ थुलिधया बनदेवी थःगु थासे वन ।

थनंलि बनदेवीं क्यंगु थासं वना उख्ये थुख्ये सोया भतीचा वंवले उगु थासे  
 बनक्रीया यावहा किसिगया याकचा वने छचालं सोया सिमाक्वसं किसिम्हं ववहां वया  
 मानन्दं चवना चोह्य सुधन कुमार राज पुत्र खन ।

व्याधां विचारयात थ्व राजाया काय्थ्ये चों अनहे वनेमालि थथ्ये मनं चिन्तना  
 याना चवले मनोहरा कन्यानं खन ।

व्याधायात घाल- व्याधाजु हुँकन सिमा क्वसं चवना च्वंहा सौन्दर्य (महासुन्दर)  
 तेजवान्हा महापुरुष छं खंला- थथ्ये घास्येलि जिनं खना अनहे वनेनुः घया  
 बिस्तारं वन ।

सुधन कुमारं खन आश्रयं जुल- छहा मनुया लिउने महासुन्दरी स्त्री छहा तथा  
 बल सुजुइ धका सोया च्वन । व्याधा न्ह्योने थ्यंका सुधन कुमार ह्यसीका पालि भोःपुया  
 बिन्तियात । भो राज कुमार ! जिनं छहा किन्नरी कन्या पाशं क्यंका लाना हया छें  
 यंकेत जिगु साहस मदु जिगु मने त्राहि जुल ।

एलपोलया भाग्य थ्व कन्याया भावी खः थ्व स्त्री रत्न छपिन्त चढे याये कया  
 बिज्याहुं । थुलिजक घाय्वं वं वैगु वं वैगु ख्वाः स्वया कुमारं मनोहरायात ताउति  
 स्वया न्हिल । मनोहरा कन्यानं कुमारयात मिखा क्यलेहनं स्वया न्हिल ।

एव कुमारं मनोहरा कन्याया स्त्री लक्षण बिचार याना स्वत स्वस्वकि स्वये मगागु  
 परम सुन्दरी रूप शरीर तःधिक नं मखुः चीधिकनं मखुः थिक पुष्ट शरीर सुगन्ध  
 बासना वया च्वन ।

हानं (३२) स्त्री लक्षणं संयुक्तम्ह छुछु धासाः- १) तुयुगुनं मखु हाकुगुनं मखु  
म्हासु तुयु मिले जुया च्वंगु वर्ण । २) शिर गुलि च्यागु तःगोगुनं मखुः चीगोगु नं यखु  
थिकगु सहाकुस्ये कुलि २ चिगु ३) कपा उज्वल तःवला ४) पलेस्वांया हःथ्ये जागु  
मिखा धनुषथ्ये वछि चातुगु मिखा फुसि ५) न्हाय् छाइस्ये चों ६) न्यता पुष्ट न्हकुनं  
पुष्टगु ७) म्हुतुसि चीवला ह्याउस्ये च्वं ८) म्ये सालु चीवला ह्याउस्ये वांला ९) दन्त  
पक्ति बाया को धालेथ्ये वरावर शंखथ्ये तुयुगु १०) म्हुतु चिकिधं स्वर गंभीर ११) मन  
चानं गुलि च्यागु १२) न्हेपं चीवला ताहाकगु १३) गपः ताहाक चीहाक तपु चीपु मखु  
शरीरयात लोगु १४) बोह निख्ये उच्च वरावर १५) ल्हाःनिपा उति बराबर पुष्ट जुया  
च्वंगु १६) पतिचा कलम लसीवगु १७) पाल्हाः चःकंगु ह्याउस्येचों १८) लुसि माणिक  
रत्न थ्ये द्वंथ्यागु १९) पुलि थ्यंगु हाक २०) नुगपा चकं २१) विल्व (व्या) फलथ्ये  
जागु क्वाचुगु निपास्तन मण्डन (दुरुपो) २२) प्वा तःगोमजु चीगोगुनं मखु माफीकगु  
२३) केराफल समानं बांलागु खंम्पा २४) पुलि चिगो २५) त्वाना पुष्ट तःप्यंगु २६)  
पालि चीवला ताहक द्वंथ्यागु छपां चूगु २७) ग्वालि गुलि च्यागु चिकीचा गोगु २८)  
ह्याउस्ये च्वना थिना च्वंगु २९) पतिचा बांला उथ्ये च्वंगु ३०) लुसि ह्याउस्ये  
द्वंथ्याना च्वंगु ३१) जनफा माथवं ३२) गमन जुइबले हेंथ्ये सोभा दु । थुजाम्ह स्त्री  
मनोहरा कन्या, खना कुमारयात काम रागया बाणं कल । गथ्येजा आकाशे सुपाचं  
तोपुइ बले विजुलि [पर्वसा] तोगुथ्ये थिथि निम्हसियां काम रसया शरीर जुया चित्तस  
रांगवलं कल । उगु वेलास स्वयंवर याय्थ्ये निम्हसिया ल्हाः ज्वना खवाः त्वाका न्हिला  
प्रीतियात । सुधन कुमारं मनोहरा कन्या यात जिगु छेंनुः धया थःगु नगरस [देशे]  
राजगृहे द्रुतयंका कोथास तथा रक्षायात । फलक व्याधायात मान बिया छगु गांया  
मालिकयाना सिलपा वस द्रव्य बिया संतोष यात ।

व्याधां विन्तियात- भो कुमार श्व मनोहरा यागु चूडायणिनं जिके च्वंगु कया  
विज्याहुं धया लःल्हाना बिल- कुमारं कया गोण्य याना तल । व्याधा बिदाकया छेंवन ।

धनराजा अबुजु, मांता ब्रम्हणी महारानी निम्ह सिगु तुति भोः पुया कुमारं  
विन्तियात । भो माता पितापि ! वने वना बले स्त्रीरत्न छम्ह लाभ याना वया जिगु  
वोष छुं मवुः थःथःगु भावी छः ।

स्वर्गलोकया द्रुम भुवनया राजा किन्नर राजा द्रुम महाराज या पुत्री मनोहरा  
घाम्ह थन वहने पुन्ही पत्तिकं विमाने च्वना पाशापि नापं स्नान यावइम्ह किन्नरी कन्या  
मध्ये मालोक जुया च्वंहा घाल फलक व्याधां अमोघपाशं कयंका हया जित लःल्हाय् हल  
प्व तःधंगु भाग्य खः जिमि निहसिया चित्त मिले जुया बने हस्त मुद्रा [ल्हाःज्वना]  
स्वयंवर सिधेका छे हया । निहसिया प्रेम प्रीतिया रागवन्हि तोपुल विवाह कर्मया  
उत्सवनं सिधन प्व ज्याया लमि फलक व्याधा खः ।

थवयात जिनं गांया मालोक पद जिया सिलपानं बीधुन, मनोहरा कन्या छलपोल  
पिनि थनछे भोमचा जुल खाःस्वया विज्याहुं- व्याधा सःता खें न्यना विज्यासा  
असल जुइ ।

पुत्र सुघन कुमार या खें न्यना खुसि जुया न्हिला कोथास वना राजा रानी तथा  
म्येपिनं मुना सोवन- सन्तोष जुया धन्य जि पुत्रया भाग्य किन्नरी कन्या मनोहराया  
नां यात ल्वेक महा सुन्दरी लक्षणं संयुक्तहा खः । अहो कीपिनं तच्चतं भाग्यदुपि खःघया  
हर्षोत्सुकयाना उत्सव याना । मनोहरा कन्यायात कोथास गुलि छुयाय् मागु खः सकतां  
पुरे याना बिचार याना तल ।

सुघन कुमार किन्नरी कन्या नाप कोथास वासयाना रसक्रीना अनेक सुख भोगस  
बासयाना च्वन । प्यला पुला वस्येल्छि दक्षिण दिशाया जेतवनं वपि प्राह्मण निहस्ये  
राज गृहे बया राजायात खुसियात ।

छहा कपिल नाम ब्राह्मणयात घनराजा खुसिजुया पुरोहित पदविया माने यात ।  
म्हेहा छहा ब्राह्मणं विन्ति यात । भो कुमार ! जि पाशा छलपोल या पितानं  
पुरोहित पदविया गुरु यात । जित छुं मया, छलपोल या पिता स्वर्गवास ज्वीवले छपि  
राजा ज्वी- उगु बखते जित छपिसं छुविया सन्तोस याय्गु ।

थव खें न्यना कुमारं आज्ञा जुल- भो ब्राह्मण जु ! छपिसं छुं घन्दा काय्म्वाः  
उगु बखते छन्त जिनं पुरोहित याये पक्का जुल । आः यात छंगु ज्यां सोया बिया  
ओनागु दु तथाऽस्तु याना खुसि जुया ब्राह्मण सुंफ च्वन ।

ध्वं खँ सिया कपिल ब्राह्मणं चिन्तना यात, अहो जि सदानं पुरोहित जुइ बइ मखु । राजकुमार राजा ज्वीवले जित थन सेवा याय्गुनं लिकाइगु जुल- आः राज कुमार यात थन चवने दइ मखुगु ज्या याय्माल । राज कुमार थन महु स्येलि पुरोहित जिहे जुइ दै । जिनं जतन याय् माल घका मुंका चोन ।

छन्हु दक्षिण पांचाल कपिटिक देशया राजा महेन्द्रश्येनं तंपिकया चवंगुदु । छाप् घासा जन्मचित्रक नाग पोतक ( दहं ) या नागराजा सांधन याके छोयाह्य अहितुं दयात स्थाना विल नागराजा थःगु देशे हये मफुत । थहे तमं युद्धयाना त्याका उत्तर पांचाल राज्य काय्गु इच्छायांना तोहतयां त्वापु यात ।

सिपाहि मुंका महेन्द्रश्येन राजा गमन याना बल- थुगु खँ सीकां धनराजा मुंका मचवंस्ये युद्धया सामाग्री तयार याना सिपाहीं तेत भरोसा विया छोट । छुं खबर मव हानं छोट, तथापि थय्ये जुल अथ्ये जुल घयागु खबर छुं मवल । धन राजानं मने सन्ताप यात सैन्यपि निक तक छोयानं लिहाँ मवल खबर नं मथ्यंस्येलि जिहे वने माल घका सल्हायात ।

कपिल ब्राह्मण जाति पुरोहितं विचार यात, आः सुधन कुमार फुकेगु गोसा बखत बल थय्ये चिन्तना याना विन्ति यांत । भो महाराज छलपोल विज्याय्गु थिक मजु, राजकुमार ऋद्धिवान्ह छलपोलया पुत्र दु- छाप् धन्दा कयां विज्याय्गु याकनं पुत्रयात छोया आनन्दं विज्याहुँ ।

राजकुमार बना मामागु ज्या सिद्धयाना वइ । थय्ये धागु खँ न्यना खः घका पत्यार जुया पुत्र सःता आज्ञा जुल । हे सुधन कुमार पुत्र ! कीगु राज्य हरणयाना काय्त्त ग्वसायाना शत्रु पिहां बल । तोह कारण छुं महुसानं सैन्यपि मुंका महेन्द्रश्येन राजा बल । निकतक सिपाहीं छोय् धुन खबर हे मव । सितला स्वातला- जिहे वने घयावले पुत्र देकं अबु छाप् वनेगु घाल सकसिनं धागुखँ न्यनेमा ।

अतः छ वनेमाल छुछु मागु खः तयार याना तयागु सैन्य मुंकां तत्कारणं वनेगु विचार या । पिताया बचन न्यना तथास्तु याना कुमारं अबुयात छुं धन्दा महु जिवना वये राजायात मागु खँ ल्हाना ज्या सफलयाना वये मनोहरा यात खँ न्यंया थौं बा कन्है जि वनेगु तयार जुल । थय्ये घया कोयास बना मनोहरा नाप खँल्हाना आनन्दं चोना

बिज्यात । प्यन्हु पुला न्यान्हु वतनं राजकुमार मवस्येलि—हानं सःता राजां धया  
बिज्यात । छाप् मवनागु याकनं वनेमागु ज्या या ।

तथास्तु वनेगु ख पिता धया, कोथाप् वना मनोहरा नाप खँल्हाइ हानं प्यन्हु  
न्यान्हु दत राजकुमार वनेगु ज्या मयास्येलि—मंत्री सःता हानं सल्हा यात । कुमार  
मनोहरा नाप भुले जुया च्वन छुयाय्गु जिहे वने मालीला—

थुगु खँ न्यना मंत्रीजुं विन्ति यात— जि वना कुमार बोनाहये छपि विज्याय् मज्यु  
धया मंत्रीजु वना राज कुमार नाप बोनाहल । पिता यात प्रणामयाना विन्ति यात ।

भो जनक अबुजु ! छुजुल छाप् जित मंत्रीजुं सतके हया बिज्यानागु । थथ्ये धागु  
कारण राजां सीकल । राजकुमार या मनोहरा या खवा खनेवं युद्ध जुया च्वंगु थासे  
वनेमागु इत्यादि खँ फुकं लोमना वनीगु जुया च्वन ।

राज सभाय् च्वंपिसं सीका न्हिला राज कुमारयात बिन्तियाना च्वन । राजां  
आज्ञा जुल— धयागु खँ लोमनला— शत्रु देशे द्दहां वइन छुयाय्गु याकनं वनेमाल धासा  
तथास्तु धाइगु— छ वनेगु इच्छा मबुसा जिहे वने थन छं मामागु बिचारयाना जिगु  
ज्या यानाच्चं ।

एवं प्रकारं अबुजुं आज्ञा जुगु— श्व खँ न्यना न्हिला बिन्ति यात, महीन्द्रश्यन  
राजा थन देशे द्दहां वयेगु समर्थ दंमखु वने धयागु खः लोमन आ धार्थ्ये वने मनोहराया  
खवाजक सोया वये वनेगु धार्थ्ये खः मामागु थिकया धया कोथास वनेत थिकयात ।

राजा न्हिला आज्ञा जुल न्हिन्हि खवासोयानं सोये मगागु, मनोहराया नां यात  
लोगु सुन्दरी रूप खना छन्त रागया अग्नि तोपुया मोह जुल छन्त— आः हानं कोथास  
वने त्यन जिगु वचन लंघन याये मते याकनं वने माल कोथाप् वनेज्यु मोह जुइ मते ।

अबुजु या वचन शिरे तथा कुमारं बिन्ति यात जि तें मचा युद्ध कार्य्ये वनेत स्त्री  
या खवा मसोपि सुंदला— मां याकेनं बिदाकया वये बिलम्ब याय्मखु थुलि धया कोथाप्  
वना मनोहरा नाप खँल्हाना मखंक चूडामणि कया मां या ववथास वना तुति भोः पुया  
युद्ध कार्य्ये वनेगु खँ ल्हाना बिदा कया गोप्यगु खँ बिन्ति यात ।



मो जननी मां ! मां नं छुं घन्दा काय्मते जिनं त्वापुया ज्या सिद्धयाना वये ।  
न्यना बिज्याहुं— मनोहरा स्वर्गया राज पुत्री किन्नरी कन्या व्वया वनेफु । अण्ये वनी  
धका वयागु शिरे च्वंगु चूडामणि फलक व्याघां कयातगु जित विया वन । सोया  
बिज्याहुं घबा गोप्य याना पोचिना सुवर्णया थले तथा रक्षायाना तयागुव्वयना हानं  
विन्ति यात ।

थ्वखँ स्वैतनं कनेमते कने मज्यु थ्व चूमडाणि शिरे तथा मनोहरा या शरीर रक्षा  
जुया च्वंगु सुनानं मखंक मां यात विया थके बांलाक गोप्य यानाति । छुंजुया मनोहरा  
या शरीर आपत् बिपत् अथवा रोगीनं जुइफु । थथ्ये जुल घासा मनोहरा यात विया  
रक्षा या, हानं कया सोयनाति ।

जि लिहाँ मवतले थ्व चूडामणि मांया जिम्मा जुल थुलि विन्तियाना मां यता  
चूडामणि लःल्हाना सोथंकां प्रणामयाना पिहां वया राजसभाय् थ्यंकवल ।

राजा मन्त्री पिनि सल्हायाना युद्ध सामाग्री सैन्य पित्त ज्वंका नेगु तोनेगु समेत  
थिक याना तल । मंगल कार्ययाना शंख भेडी पुइका बाजा थाका किसिया म्हस  
राज कुमार तथा राजगृहं प्रस्थान याना सैन्यपि ल्यु ल्यु तथा देशं पिहां बिज्यात  
लसोवंपि सकलें लिहा वल ।

उगु वखतस उत्तर दिशाया मालिक वैश्रवर्ण महाराज आपालं यक्ष सैन्यपि मुंका  
गोप्ययाना सुपाचं किका आकाश मार्ग वल । सुधन कुमार गमनयाना ववं कार्पटिक  
दक्षिण पांचाल देशया पिने अपालं तःमागु अर्जुनवृक्ष ववकसिमाया ववसं च्वना सैन्यपिसं  
चाहुइका अनन्दं च्वना सल्हायाना च्वन । थ्व कुमार या फुसे वैश्रवर्ण वम्ह विमान यंके  
मफुत । छुया निम्ति थथ्ये जुल धका विचारयाना ववसोगु बखते थ्व कुमार खना  
विचार यात, सिमा ववसं च्वना च्वंम्ह भद्रकल्पिक नाम कल्याणकारी बोधिसत्व सुधन  
कुमार खः । संग्राम या थास वनेत थिकयाना वम्ह खः आनन्दं च्वना च्वन ।

थ्वयागु प्रभावं जिगु रथ (बिमान) स्तब्ध जुल (मवन) जि लिहां वने धंगु  
चिन्तना यानां यमंबोना हयाह्य पांचिक नाम यक्ष सैन्य नाय (सेनापति) यात माक्व खँ  
कना सुधन राजकुमार यात सहयोग विया बा धया ववत छोया थः मागु थासे लिहांवन ।

थुगु थासे विश्रामयाना च्वंह्य सुधन कुमार या थासे थ्यंका वैश्ववर्ण महाराजां  
आज्ञा जुगु खं फुकं कना जिपि छपिन्त साहितार्थ या निम्ति वयापि खः । जिमिसं मागु  
ज्या याना संग्राम बिजय याये । नेगु तोनेगु नं छुं धन्वा मदुः जिमिसं ज्वना वयागु दु ।  
दिव्योषधी (वास) छगः नये बले न्हिछियात अति बल वीर्य (तागत) दया च्वनिगु ।  
म्येगु छुंहे नये तोने मालिगु मखु नये पित्याइगुनं मखु इत्यादि भरोसा बिया बिज्याहुं  
ग्याय् म्वाल धया- पांचिक यक्ष सेनापति न्ह्योने चोना सुधन कुमार ल्युल्युतया अनेक  
देववाजा थाना नाना प्रकारया शस्त्रास्त्र ज्वना गमनयांना कार्पटिक दक्षिण पांचाल  
देशया पिने थ्यंकल ।

थनंलि कार्पटिक देशबासी लोकपिसं थ्व आपालं सैन्य जनपि अतिनं तःतधिक  
हृष्ट पुष्ट बाँलापिसं नाना प्रकारं बाजा थाना शंख भेरी पुया शस्त्र अस्त्र आपालं ज्वना  
वपि खना थुपि गनं वपि जुइ अहो आजक धुनका फीपि छह्यनं बाकिदइ मखुत गन  
वनेगु गन च्वनेगु स्वंगु शरणे वनेगु थथ्ये कोलाह शब्दं हाला त्राहिमानं ग्याका च्वन ।

थुगु छवर सिया राजा मंत्री सिपाही मुना च्वंपिसं खन आपालं बलबोर्य पराक्रम  
दुपि सैन्य गणपि यको मुना वगुलि लिउने सुधन कुमार राज पुत्र किसि गया वगुनं  
खना महीन्द्रश्येन राजा अतिनं त्राहिमानं ग्याका थ्व नाप संग्राम याना चोन धासा  
देशबासी लोक सैन्य दक्क जिनं मृत्यु जुइ राज्यनं मदेका सिना वने मालि । बिस्युं वने  
धासा कायर जुल अथ्येनं राज्य तोत्ये मालिगु जुल । देशे खापा चाय्का मंगलयाना  
क्षमा फोना थुगु छवार माकि धका कोमल जुल धासा सफल जुइ इत्यादि चिन्तना  
याना सकल नाप सल्हायः धुंका थथ्येहे यासाजक कल्याण जुइ धयागु निश्चय जुइका  
राजा महीन्द्रश्येन मंत्री सैन्यपि मिले जुया ध्वजा पताक बोय्का मंगल याना थाय् थासे  
पूर्णघट तथा लस्वया देशे दुने यंका खापा चाय्का राजगृहे दुतयंका न्ह्योने ल्यूने चोना  
वपि सकल नाप तेत आसन बिया बिन्ति यात ।

मो सुधन राज कुमार तथा म्येपि सकल जिगु बिन्ति दु । छलपोल पिंगु पुरुषार्थ  
खना जिपि त्राहिमानं ग्यात थुगु छवार क्षमा फोने माफयाना बिज्याहुं ल्वाना चोने  
मखुत जिमिगु देश फुकं राज्य समेतं छपिगु जुल । ल्वापु याये मखुत कारण निह्यसियां  
प्रजापि सिना वनी धन जन नाश जुइक छाय् ल्वाना चोने थथ्ये धया राज्यांग फुकं  
लः ल्हाना बिल ।

थुगु प्रकारं त्वाय् म्वाक कोमल जुया देश राज्य थुगु शरीर नापं समरपण याना-  
बिन्ति यास्येलि हर्षयाना उगु स्थाने चोपि सकलयात भरोसा बिया सुघन कुमारं यथ्ये  
घोषणा यात ।

थन या राजा प्रजापि सकल शान्ति जुया चों, आवंलि थथ्ये उपद्रव यात यावल  
धासा युद्धयानां न्हिछिया दुने थुगु देशे चोपि लोकपिन्त दुःख जुया देशनं प्रजापिनं नष्ट  
जुइ । थुगु छवार म्वाल स्वयां छुं धन्दा काये म्वाल । जिपि न्हापालाक त्वा वयापि  
मखु । त्वाये धका सूरबीर जुया न्हापा लाक थन देशे या राजा महीन्द्रश्येन अग्रसर  
जुया वल- जिपिनं सुंक चोने मजिल न्ह्यसः या लिसः बी धका वया- आ थन च्वंपि  
प्रजागणपिनि ग्याका चोने म्वाल मिले जुया वने थन सकलें मिले जुया च्वं । स्नेह प्रेम  
प्रीति तथा थिथि माया कृपा दया करुणा सहनशील तथा त्वापु मदेका चोने फुसा  
जक जय जय ज्वी । राजा घयाम्हनं प्रजा हितैषी जुया (प्रजागण पिन्त हितसुख  
याय्मा) अलेतिनि राजाया इहलोके नं परत्रेनं सुख जुइ । मयासा मसल धासा आनं  
लिपानं दुःख ज्वी अवश्य ।

थुलि खँ न्यने धुंका- राजा महीन्द्रश्येन यातनं बोधयाना धाल । छपि छु  
कारणे जिपिनाप विरोध यावयागु ।

यथ्ये कुमारं धागु न्यना- थःगु मने च्वंगु खँ कना बिन्ति यात । राज कुमारं खँ श्वीका  
आज्ञा जुल । जिमिगु देशे च्वंम्ह नागराजा खुया काय्त् यत्न याम्ह नं छपिखः त्वावम्ह  
नं छपिहे खः । अन्याय जिमिगु छुं मदु । आ आत्म समरपण याना क्षमा फोन क्षमा  
बोधुन । छपिगु राज्य छपिन्ततुं जुल धया मिले जुया प्यन्हु अन देशे बास याना चहाल  
यान्यं (थः समान याना) अन च्वंपिसं स्वागत याका आपालं मानेयाका लःस्वका  
सुघन कुमार राज पुत्र गुलिमुना वनागु खः उलिहे आनन्दं लिहाँ बिज्यात ।

न्हापा आनन्दं फेतुनागु सिमाक्वे थ्यस्येलि वैश्ववर्ण या सेनापति तथा सैन्यपि  
सकसिनं कुमार याके बिदा कया आकाश मार्गं लिहाँ बिज्यात ।

मूल

कदाचि दथ भूपालः स्वप्न दर्शन शंकितः ।

पुरोहितं समाहूय पप्रच्छ कपिल मिह ।

वृष्ट मद्य मया स्वप्ने निरुद्धं शत्रुभिःपुरं ।

पतितोवरः कण्ठेश्च समान्त्रैः परि वेष्टितम् ।

अर्थ

युगु समये धनरायाया स्वप्ने खंगुलि शंखा जुया कपिल थः पुरोहित सःता न्यन ।  
थो या रात्रिस स्वप्न जुल यथेख शत्रु गणपि वया देशे छलालं सैन्यपिसं पनातल ।  
हानं इमा छह घषा जिगु त्वाथे त्वाथं क्वाना मातापति पिकया थ्व नगरे हिना तल ।  
हानं सप्त रत्न धन संषत्ति थःगु छे वुत हल ।

यथ्ये हाना च्वंगु भिला मभिला जिगु मने अत्यन्त त्राश जुल । कपाले ल्हाःतया  
मनं चिन्तना यात, युद्ध कार्यं पुत्र छोया तथा थ्वैत छुं जुलला जिहे मृत्यु ज्वोगुला  
राज्य हरणयाना शत्रु काइगुला छु यायेगु गुगु याय्गु मने त्राश कया चीन महारानी  
नापं चीना हेकल ।

पुरोहितं न्यनासोत स्वप्न या खंकना सल्हायात भिगु मभिगु विचार याकल ।  
पुरोहितं स्वप्न परिक्षा विचार याना स्ववले सुधन कुमारं युद्धकार्ये त्वाय् स्वाय्क जिते  
याय् घुंकल थ्व स्वप्न भिगु खः ।

आ ऊट्टां खं ल्हाना राज कुमार छे मतेगुयत्न याये माल थुजागु कुमन कुचिन्तना  
याना विन्तियात । भो महाराज—स्वप्ने क्यंगुया फल तच्चकं मभि, छलपोल मृत्यु  
जुइगु संभव दु— थ्व स्वप्नयाके कुफल वोगु अवश्य राज्यनं फुइगु पूर्व निमित्त क्यंगु खः ।  
याकनं शान्ति स्वस्तियाना बिज्याहुं विस्तार याये मजिल राज कुमार मथ्यवं थ्व शान्ति  
सिधेके माल । जिनं शान्ति याय्गु विधि विधान कने, गथ्ये धासा न्यना बिज्याहुं ।

कीगु देशे छयाय् कयवे गाःम्हुया मोल्हुये ज्याछिक अर्थात् मनुष्य छहसिगु ह  
धुछि हाक याना पुखु छगु देकेगु लखं पुरेयाना बालक चला छह स्याना हि उगु थासे  
म्हुकेगु— छलपोलयात छह ब्राह्मणं ज्वना क्वछोया स्नान याका हानं म्येह ब्राह्मणं  
ज्वना छपिन्त थत हयेगु ।

वेवं पूर्णह्य ब्राह्मणं वेद बोकां छपिगु पालितले निपायसनं थ्व ब्राह्मणं म्ये फेकेगु ।  
अनंलि किन्नर कन्याया वा कया हया धूप यना पूजा याय्गु न्हिछि सिधेकेगु— थथ्ये

मयात धासा श्व स्वप्न शान्ति जुइमखु । छलपोल याकनं मृत्यु जुइगु देशे विघ्न-  
जुया हाहाकार ज्वी । थुगु खं न्यना धन राजा नं बिचार याता आज्ञा जुल ।

भो पुरोहित जु ! थुगु शान्ति याय्त थाकुगुजा मखुः तर छगु ज्या धागु जित  
गरख्येस्ये च्वं । किन्नरी कन्याया दा लाहे खः गन कावनेगु श्व छगुज्या गन छोया मुनां  
काय्के छोयेगु ।

पुरोहितं विन्तियात, भो महाराज ! थाकु मजु कीगु छेहेदु- मनोहरा कन्या  
अवश्यनं किन्नरी कन्या खः श्व यागु दा लिकया विज्याहुं । श्व खं न्यना राजां घया  
विज्यात- भो ब्राह्मणजु ! मनोहरा किन्नरी कन्या खः धका जिनंस्यु । श्व भौमचा  
काय्पा प्राण समान खः गथ्ये याता फुकेगु छुयत्न याता घाटक याय्गु ।

नरदेह नारीजाती हानं भौमचा जुया चोह्य उकिसनं देव कन्या । श्व खं न्यना  
ब्राह्मण पुरोहितं हानं विन्तियात, भो राजेन्द्र ! छलपोल तथा कीगु देशे रक्षा याय्त  
घयागु खः मयात धासा देश शत्रुया लहाते लाइ- छपि याकनं यमलोके वने मालि, लिपा  
काय् यातनं दुःख जुइ छपिसं न्यना तगुनं दइ ।

त्यजे देकं कुलस्यार्थं ग्रामस्यार्थं कुलं त्यजेत् ।

ग्रामं जनपदस्यार्थं आत्मार्थं पृथिवीं त्यजेत् ।

कुल रक्षा याय् निमित्ते छह्य प्राणि त्यागयाना छुं जुइ मखुः छह्यया निम्ति कुल  
फुके मज्युः । ग्राम नगर रक्षा याय्गु निमित्ते कुल तोतां छुं जुइ मखुः कुलया निम्ति  
ग्राम नगर फुके मज्युः । हानं जनलोक प्रजापिगु निमित्ते ग्राम देश (गां नगर) फुके  
मज्यु ग्राम नगर तथा देवालय इत्यादि रक्षा याय्गु निम्ति जनलोक प्रजापि फुके मज्यु ।  
प्रजागन लोकपि रक्षा याय्गु निमित्ते छगु निगु ग्राम नगर तोतां भिजुइ । तथा कुलरक्षा  
या निम्ति नारो अथवा पुरुष छह्य फुकां भि जुइ । थथ्ये पृथिवीस चोना थःगु आत्मा  
खः श्व शरीर रक्षा मजुस्येलि पृथिवी तोतां भिजुइ । भो महाराज ! छलपोल या  
शरीर कुल रक्षा याय्त श्व मनोहरा छह्य फुकानं छुं दोष जुइगु मखु । कीगु राज्य कुल  
देश छपि रक्षा जुस्येलि कुमार यात हानं म्येह्य अप्सरा समानह्य कन्या भौमचा  
बिवाह यायेफु ।

यथ्ये पुरोहितं धागु खं न्यना राजां चिन्तना यात खःगुहे खं घाल धयागु निश्चय  
याना राजाया वचन कया कयवस गाः म्हुका पुखु छगु चिकिचा धंगु बांलाक देकेविया  
सखे पूर्णयाना छचालं बांलाक शुद्ध याय् धुंका चला छह्य माय्के छोट ।

युगु प्रकारं विधि आरंभ यागु खं छह्य सखी नारीनं गोप्य याना कोथास वना  
मनोहरा यात कन । थनंलि मनोहरा या मने अतिनं भय त्रास जुइका छुपायेगु आंधासा  
जिगु प्राण रक्षा ज्वीगु मखुत जि स्वामी थन मदु हाहा हे देव धका खोया तीजक थः  
माजुया कोथास वना तुति भो पुया विन्ति यात ।

भो महारानी माजु छपिनि मतिना याककाय् थन मदुगु ताक स्वया जित स्याइन  
जि थन चोना भिजुइ मखुत इत्यादि पुरोहित ब्राह्मणं धया ज्या आरम्भ यागु खं फुकं  
कना हिक २ याना करुणा चाय्क खोयां विन्ति यात । जिगु चूडामणि विया बिज्याहुं  
बिस्तारयाय् म्वाल जित स्याय्त् कावइन । याकनंव्युः जि स्वर्गस लिहां वने त्यल ।

युगु प्रकारं विन्ति यागु खं न्यना माजुह्य महारानी करुणा तथा गोप्ययाना तयागु  
चूडामणि विया यथ्ये धया विज्यात । मनोहरा छ जि काय्या प्राण समानं प्रीतिह्य जि  
भौमचा खः । छन्त शरीरे घाटक याइगु जिनं सोये फइगु मडुः ।

जि पुत्र सुघन कुमारं धागुनं दु मनोहराया शरीर रक्षा याय्गु कारणे अथवा  
रोगी जुया शरीर रक्षा जुइगु याये माल घासा विया रक्षाया धया वन । मनोहरा छ  
स्वर्गस वना प्राण (शरीर) रक्षा याहुं । जि पुत्र लिहां वइ बले छ थन वा जिनं सतके  
हये फइगु मखुः । छ मवइ जित अपजस वइ मन बवाका वा ।

यथ्ये माजुं धागु खं न्यना न्हिला ख्वाः चकंका तथाऽस्तु याना चूडामणि कया  
शिरे तथा माजु याके बिदा कया कसि वना पूजा यागु स्वया चोन । ब्राम्हन पुरोहित  
जुया कुचित्तं पूजायाना राजाया पालिस ब्राम्हनं म्ये फेका अत्याचार क्रिया बांलक चला  
स्याना पुखुलि हि म्हुका वेद घोना युगु ज्या सिधेकालि घाटक याय्त् मनोहरा थन  
बोना हये माल धया राजायात विन्तियात ।

युगु वखतस मनोहरानं श्लोक छपु चोया आकाशे वोया वना थमं चोयागु  
श्लोक वोना भूमीस कुतका हया थः बेगनं पंछिथ्ये बोया मनोहरा स्वर्गस लिहां वन  
संकसिनं स्वया च्वन— मनोहरा देवीनं चोया कुतका वंगु श्लोक वोना सोगु यथ्ये खः ।





सधन कुमाय थःग्रपजाऊ मं स्वर्गसाकथं क बनाअनभोपिं दवपूज कि  
 न्नीअप्सवागनब्दसभ गंरुसियाना डूमयाकाया प्री मनाह्वाद्  
 वीविवाह्यानाऊंथंका सकलयाग धर्मापद भविष्यावाध याग्र विग्र —



स्पर्शं संगमनं मह्यं हसितं रमितं च मे ।

नागी व बन्धना न्मुक्ता एषा गच्छामि सांप्रतम् ।

अर्थ

जित बोधिसत्व जि पुरुषंस्पर्श संगम याय् धुं कल, न्हिला खंल्हाना ह्यितेनं धुं कल ।  
आ वने मिसाह्य मा किसि लाना हया चिना कुना तह्य तोता हगुय्ये बन्धनं मुक्त जुइका  
वये धुन- जि जन्म भूमी स्वर्गलोके लिहां वनेगु जुल सुनानं अवशोच याय् स्वाः ।

थय्ये धया मनोहरा बोया वंगु खना राजा ज्ञाना आज्ञा जुल, हे पुरोहित !  
गुह्यसिगु कारणं थ्व ज्या याना उगु कार्य्य सफल जुइ मखुत, मनोहरा कन्या विस्युं  
वन आ गय्ये याये । श्लोक चोया तोता वंगु थ्व खः । थुलि धया सकसिनं सोया  
बोना नुगः मछिका च्वन ।

पुरोहितजुं राजायात भरोसा विया घाल, भो महाराज ! छाप् घन्दा कयागु  
विस्युं वंगुलि जिल- झीसं घाटक याय् स्वाल थ्व ज्या पूर्ण जुल छलपोल या मनोरथ  
सिद्ध जुल देशे विघ्न जुइ मखुत छपिनं याकनं मृत्यु जुइ मखुत धया धनराजा यात ।  
चित्त बुछे यात ।

थुलि जुइ धुस्येलि मनोहरा वने क्वहांवयां एकान्ते चोना चिन्तना यात । थन  
वने चोह्य ऋषि छह्यस्ये व्याधायात खें स्यना अमोघपाश काय्के छोगु खः । थ्वहे पाशं  
याना जित व्याधां लाना यंका राजपुत्र यात लःल्हाना व्युगुलि जि देव कन्या जुसानं  
मनुष्य नाप स्पर्श जुइ धुं कल ।

थुह्य ऋषिनाप लाना गोप्य खें कना वने धका ऋषिया आश्रमे वना प्रणाम यात  
ऋषीश्वरं सुन्दरीह्य किल्लरी कन्या खना आज्ञा जुल । जित छु घाय्त थन वयागु छ सुः ।  
थय्ये न्यस्येलि मनोहरा धयाह्य किल्लरी कन्या जि खः धया विन्ति याना व्याधायात  
उपदेश विया छु ज्या यागु खः । उगु खें फुक कना जित थन स्याय्त थिक यागुलि जि  
विस्युं वया ।

भो महर्षि ! न्यना बिज्याहुं उपकार खः थन सुधन कुमार राज पुत्र जि प्राण  
पुरुष जुइ धुं कल- थ्वेक युद्ध कार्य्ये विज्याना च्वन लिहां बिज्यावले कोबाय् जि मदया

थन वया खें न्यंवइ अवश्य । थ्व जिगु अंगु छपा थन छपिन्त विया थके विया बिज्याहुँ ।

जित कावेगु इच्छा याइबले आकाश मार्गं कावये फइ मखु छपिसं स्युगु लं या खें कना बिज्याहुँ जिगु बिन्ति थुलिदुः थ्वया निर्मित जि थन वयागु थुलि धयां अंगु विया दे धाय्का प्राणाम याना मनोहरा कन्या उगु स्थानं प्रस्थान जुया थःगु थासे लिहाँ वना क्रमशः थ्यंक वन । किन्नर राजा, रानीपि (माँ अबु) निह्म सिगु पालि भोः पुया-गुलि जुगु खें खः फुकं कना आनन्दं मनोहरा छें चोना च्वन ।

थुलि जुइ धुंका छुं लिपा सुधन कुमार क्रमशः उत्तर पांचाल देश हस्तिनापुरस थ्यंक बल थुगु समाचार न्यना धनराजा मंत्रीपि मुना लसोया थः पुत्र यात राजगृहे हया मंगल कार्ययाना पुत्र यागु ख्वाः स्वया हर्षमान् जुइका लिहाँ वपि सकलयात धन्य २ धका प्रशंसायाना नके तोंके पुंकेगु धन इत्यादि सिलपा बिया संतोषयाना थः काय् यात राज सभाय् तथा गथ्ये गथ्ये छुछु जुल इत्यादि खें न्यन । अबुजु धन राजाया ख्वाः स्वया न्हिला मानं ह्योने नापं तथा पालि भोः पुया छैनं पिहाँ वनागु निस्ये यागु खें वृत्तान्त (फुकं) कना मनयात आनन्द जुइकल ।

कायनं कंगु खें न्यना राजा रानी मंत्री तथा म्येपि सकलें खुसिजुया धन्य २ राजकुमार वीरह्य महा पुरुष खः धका प्रशंसायाना दोसाल (कोखागां) कोखाय्का ताप् स्वां सिंहलं होला स्वागत याना आपालं खुसि जुल ।

राज कुमारं विन्तियात- जिगु पराक्रम मखु पिता यागु पराक्रमं खः माँ यागु धर्म ज्या सफल जुल । सकसिगुनं ख्वाः स्वया आनन्द च्वन । छुं लिपा राज कुमारं थय्ये घाल- युद्ध भूमोस वना लिहाँ वयानं मनोहरा वया जिगु ख्वाः सोमव छाप् जुइ- जि बल धयागु खें मस्युसा न्यंकाव्यु

थय्ये घास्येलि धन राजां थौं म्वाल छ म्येगु कोथास वास या । कन्हे जक न्हापा यागु कोथाप् हुँ धया विज्यात । अबुजु या वचन पालन यानां म्येगु कोथास वास यात, चछिया न्होवेके मफु मनोहरा जक लुमंका च्वन । कन्हे जुल सुथ न्हापां दना स्नानकर्म सिधेका माँ अबु यात तुति भोः पुया विन्ति यात जि कोथास बने जिलला ।

मां अबु निहसिनं उत्तर मय्युस्ये सुंक च्वन । काय्या मने छुं शंका मदु थःगु कोथास द्दहां वना सेत मनोहरा कोथाया लक्ष्मी मदु- उल्ले थुल्ले सोत गनं खने मदु- प्रिये मनोहरा धका सतल हइ मघा- सखि पिके न्यना स्वत सखिपिसं राजपुत्र यात प्रणाम याना मनोहरानथ मन्त ल्याहां विज्यात थुकीयागु कारण फुकं विस्तारं कना सखी पिसनं नुगः मछिका च्वन ।

ध्व खं न्यना नुगले ल्हाः तया सुधन कुमारं हाहा मनोहरा जि प्राण प्रिय स्त्री धया मूर्छा जुल । अन्तरपुरस च्वंपि सखिजन पिसं घेःपुना कुमार यात शीतल जुइका विन्तियात । भो कुमार ! अति सुन्दरपि सखी जनपि थन यकोदु थुलितक शोक याये म्वाः ।

लक्षणं संयुक्त जुया च्वंपि छलपोल यात सेवा याये धका इच्छा याना च्वंपि स्त्री यकोदु । थय्ये मूर्छा जुइक शोक यायेगु छलपोल यात मलो धया हेकल ।

कुमारं आज्ञा जुल आ छुयाये निर्गुनिह्य पुरोहित ब्राह्मण जातीया खं न्यना जि अबुं थुजागु अहित कर्मयात । मां याके न्यने माल धया कुमार मां या थास वना विन्ति यात ।

भो माता ! मां नं काय्यात हेका खल्लाइ मखु मनोहराया खवर गथ्ये खः छु जुया छपिसं चूडामणि बियागु- थय्ये काय्नं न्यस्येलि- पुरोहितं धागु खं न्यना गुलि तक यागु ज्या ख उगु खं फुकं कन मनोहरा या शरीर फुकेत जतन यात मनोहरां सिया छोया जिके विन्तियाना चूडामणि हिं धाल, जिनं विचार याना, दुलंभगु शरीर फुकीन धका करुणा तया चूडामणि विया, जि वने धाल याकनं हें धया छोया जि पुत्र लिहां वइ बले वा धया छोयागु खः । वइ मवइ मस्युः श्लोक चोया तोता वंगुनं दु सोया विचार या जिगु दोष मखुः ।

पुरोहित यागु खं न्यना अकर्तव्य जूसानं बिश्वास याम्ह छं अबुजु खः जिनं छुधाय् छुधाय् । शत्रूं देश कावइन छं अबु याकनं मृत्यु जुइगु कु स्वप्न जुल- थुकी याकनं शान्ति यायेत मनोहरा किल्लीरी कन्या यागु ला दा हि धूप थनेगु ज्या आरंभ यात ।

जिके विचार बल- मनोहरा देव पुत्री भौमचा खः प्राण रक्षा याकेगु जतन याना चूडामणि विया लिछोया- छं शोक याये मते वइ तिनि, लिहां मवंगु जूसा मनोहरा



अकालं सी धुंकल जुइ । आखिर जुल धासां मनोहरा यात चूडामणि व्युः धका छनं धया वंगुदु । छंगु वचन पालन याना भौमचा मनोहरा या शरीर रक्षा याना । जित पापलाइ मखु, माँ अबु या खाः सोय्त थःछे वन छाप् धन्वा कया छन्हु थन वइतिनि धीरयाना चों । लिहाँ मवल धासा सखीपि यकोदु सुन्दरीपिनं दु छं मने इच्छा दुम्ह छं यम्ह नाप विवाह याना बिये संतोष जुइका चवं ।

मयसा म्येपि राजपुत्रीपि बिचार याये विवाह सिधेकि । थुगु प्रकारं मानं धागु खें न्यना कुमारं चिन्तना यात, जिगु मन मनोहरा विना म्येपि स्त्री सुंहे इच्छा मदु— आ मनोहरा गुवले वइगु सुनां सत वनीगु वने फुपि सुं दइगुनं मखु । गुजागु अनर्थ अकर्तव्य अयोग्यगु अकृतघ्न पापकर्मया उपदेश बिया भौमचा स्याकेगु (मनुष्य स्त्री हिंसा) याना ला हि दा धुप थने मागु शान्ति याना चवन ।

याम्ह राज पुरोहित ब्राम्हण, याकुम्ह राजा क्षत्रि, पुरोहित यजमान थुपि निम्ह सिगु ज्ञान गुलिजक हाङुगु जुइ— शास्त्रनं गुजागु खें देवहे धाय् फइगु मखुः । याय् लागु जूसा छुगति जुइगु देशे नं गुजागु बिघ्नोपद्रव हाहाकार जुल जुइ । गुलि बरनामियो अत्याचार खें न्यने मालिगु ।

थुजागु पापकारी या ज्या याये म्वाक जतन याम्ह जि माँ खः मनोहरा बिस्युं वन थिकहे जुल खः थुमिगु बुद्धि देवं प्रशंसा याइ । थुलि धया मनोहरा यागु शरीर बचन स्वभाव गुण लक्षण शील जक लुमंका कुमारं न्हिन्हि आशालं शोकयाना जुल ।

माह्यसिनं काय् नं शोकयाना जुगु खना सोये मफया काय् यात धाल । हे पुत्र ! मनोहरा लिहाँ वनेत छगु खें धागुदु कुमार छपिनि काय् या जिके माया दुसा उत्तर दिशास छह्य ऋषि दु अनवना ऋषि याके न्यना सोत धासा लेंयागु खें थुइ अर्थात् जित कावयेगु इच्छा दुसा लें म्हसीका बिज्याहुँ धयां वंगुनं दु धका कन । माँ नं थय्ये कंगु खें न्यना कुमारं थय्ये चिन्तना यात । अहो धन्य मनोहरा सत्यधारीम्ह स्त्री खः । थय्ये शोकजक यानानं छु प्रयोजन मदु थुम्ह ऋषियागु आश्रमे वनेत प्रथम जित मनोहरा लःल्हाना व्यूम्ह फलक व्याधाया थामे वनेमालि थ्व यागु खें न्यना मागु याये । थय्ये बिचार याना सुधन कुमार फलक व्याधा यागु छे वन । व्याधां खना आदर तथा प्रणाम याना आसन बिया छाप् बिज्यानागु धका न्यना ।



कुमारं आज्ञा जुल- छं लःल्हाम्ह मनोहरा कन्या जि मद्दु बले लिहां वन थुगु शोक  
जिनं तोत्ये मफुत्त- थ्व कन्या सुयागु उपदेशं लाना हया थ्व खँ न्यनेत जि थन वयागु  
खः । कुमारं थथ्ये आज्ञा जुगु खँ न्यना व्याधां बिन्तियात । भो राजकुमार- छपिनि  
लोमनला थुगु थासं तापा मजु, छगु बने ऋषीश्वर छम्ह दु उगु थासे ब्रम्हसभा नाम  
मनोरमगु पुखु छगु दु ।

थुगु पुखुलि पुन्ही पत्तिकं मनोहरा पाशापि नापं बिमाने चोना स्नान यावइगु  
धका उह्य ऋषीश्वरं कंगु खँ न्यना सोवना बले जिनं खन अमोघपाशं कयंका हयाह्य  
मनोहरा खः । थ्व खँ छपिन्त जिनं न्हापा थ्व कन्या लःल्हाना वले कने धुन ।

हानं न्यना विज्यांत कने धुन- उह्य ऋषीश्वरं मनोहराया छेवनेगु लें फुकं  
सिया च्वंगुदु अन विज्यासा थिक जुइ । व्याधां धागु खँ न्यकुगु बिश्वास याना लेः  
ताया कुमार थुम्ह ऋषीश्वरया आश्रमे वनेगु इच्छायांना राजगृहे लिहां वना वयां कन्हे  
खुन्हु ऋषीश्वरयात नापा लाना खँ न्यना मनोहराया थासे वनेगु विचारयांना जुल ।

थुगु समाचार (खँ) सीका अबुम्ह धन राजा नं पुत्र सुधन कुमार यात अनेक  
तालं खँल्हाना सुन्दरीपि कन्या हया कयना छं गुम्हयः उम्ह कन्या तत्कारणं विवाह याना  
विये धया हेका बुळे यात । हेके मफुः आपालं स्त्री जनपि कयने धुंकल संतोष मजु ।

थथ्ये जुस्येलि राजगृहस लुखापति सकभनं बःलाका पाः च्वनीपि सिपाहीं अपो  
तया क्वातुका राज कुमार चान्हे सुनानं मखेक पिहां वनि विचारया पालंपाः छनाच्चं  
धया थाय् थासे क्वातुकल ।

राज कुमारं विचार यायां छन्हु रात्रीस दना कोथा पिहां वना छचालं सोवले सकलें  
स्याक न्ह्योवेका च्वंगु अवस्था खना पिवा चोना मचोंगु गन गन थाय् दु अन अनं वना  
राजगृहं पिहां वना छगु थासे पुखुलीस उफोस्वाँ होया च्वंगु खना थ्वया स्वांमाला देका  
थःगु शिरे हिना प्रजापिसं खँसानं म्हसीकेगु मफु याना देशं पिने थ्यनेवं थःके शिरे च्वंगु  
उफोस्वाँ लिक्का ताः हाकगु पंया कठिस ध्वजाथ्ये स्वाना सुधन कुमार देशं पिहां वन ।

चन्द्रमा खन भो नक्षत्रया मालिक चन्द्रग्रह ! छपिगु रूपथ्ये निर्मल शरीर शीतल  
आनन्दगु रूप-शील स्वभाव बांलाह्य मनोहरा लिहां वंगु छपिसं छाला धया खोकि  
वयेका न्यना सोत उत्तर मविया अनं वन ।

म्येगु थासे ध्यनेवं चला छह्ण खन, चला यागु मिखा समानह्ण मनोहरा लुमंका चलायागु खवा स्वया न्यना सोत । हे मूनेन्द्र ! छंगु मिखाप्ये च्वंम्ह मनोहरा कंन्या पिहां वंगु छं खेला घाल । चलां स्वया जक छुनं मघा ।

अनं म्येगु थासे ध्यन छगु वनखण्डे सुन्दरगु थासे स्वां होया चोंगुलि भम छह्ण जुना चोंगु खन । मनोहरा लुमंका न्यना सोत हे भूमर ! छथ्ये वचुस्ये हाकुस्ये च्वंगु सें कुलि कुलि चिगु अति नाइस्ये कोमलगु सेंदुह्ण मनोहरा पिहां वंगु छं खेला थुलि धया अनं म्येगु थासे वन ।

छगु थासे कालसर्प हाकुह्ण तःधिकह्ण खन, थ्वयातनं पथ्ये घाल— हे कालवर्ण सर्प ! छ नागराज खः छप्ये विष दुह्ण भयंकर चित्तह्ण ब्राह्मण छह्ण पुरोहित दु थ्वयागु कुठपदेशं ग्याना वह्ण अति सुन्दरोह्ण मनोहरा छं खेला ।

थुलि धया बवं कंग पंछित सिमास चोना मधुर स्वरं हाला चोंगु खना थुमिकेनं न्यना सोत । हे कोकिल पंछिपि ! छिपिप्ये मधुर स्वरं हालिह्ण किन्नरी कंन्या पिति मालिक छम्ह वगु खेला— थुलि धया उख्ये वन ।

म्येगु थासे आपालं स्वां होया च्वंगु अशोक सिमा खना घाल । हे अशोक वृक्ष ! छ सिमाया राजा समान जुया च्वंम्ह अशोक धागु शोक मदुम्ह धागु खः । अर्थात् शोक मदेका बोह्ण धागु नं अयं खः । गुह्णजा शोकयाना वह्ण मनोहरा छं खेला— जितनं शोक मदेका व्यूसां गुण जुइ थुलिधया प्रणामयाना अनं म्येगु स्थाने वन ।

नुगः सच्चिका बवं ऋषीश्वरया आश्रमे ध्यन । नमस्कार याना ऋषीश्वरया न्ह्योने चोना थुगु प्रकारं विन्ति यात । भो ऋषीश्वर ! बने घाँय् आसन याना आनन्दं योगा भ्यास तपचर्यं स्थोरासनं चोना फलाहार संतोष जुइका त्यागी जुया विज्याह्ण छलपोल सत्यधारी खः । जिनं सच्चिक प्रणाम यानां ।

जिगु दुःख छपिसं लिकाइगु आशा याना वया, जि प्राण समानह्ण स्त्री मनोहरा कंन्या पिहां वल छपिसं खेला— थय्ये न्यस्येलि ऋषीश्वरं आज्ञा जुल हे सुधन कुमार राज पुत्र ! मनोहरा कंन्या जिनं खना छपिसं छुं घन्दा कायेम्बाल जिनं विस्तारं खे कने वन बनया स्वभाव थय्ये सिमाहया आसने विज्याहुं धया सत्कार याना बने दया च्वंगु फल भोजन याका कुमार यात संतोष यात ।

ऋषीश्वरं आज्ञा जुल- मने छुं संदेह काय्मते आनन्दं थन वया छगु निगु खँ ल्हाना  
छगु रत्न (हेरा) थुना तगु अंगु छपानं विया वन थ्व खँ जिनं कने । धनुषाकार मिखा  
फुसि हाकुगु पलेस्वांया हःथ्ये शोभा वया च्वंगु अंजन उलातथ्ये हाकुगु तःगोगु मिखां  
स्वया धया वन ।

जि प्राण पुरुष सुधन कुमारं जि मखनी बले जित लुमंका माया कृपा तया बनं बनं  
चाहुला माला माला जुइफुः जिगु शरीर देव कन्या खः पुरुष मनुष्य जुल थ्व भाभीकर्म  
धका निश्चय याना जिगु शरीरं सुधन कुमार पुरुष यात सेवा याय्गु तोत्ये मखु ।

जि हानं म्येह्य पुरुष याके शरण वनि धका मने संख्या तय्मते, जि पिया च्वने सत  
बल धासा नापं वये अवश्य । छुयाय् जिगु शरीर छिन्न भिन्नयाना जित स्याय्गु गोसायात  
माजु याके विदा कया स्वर्गस वनेत थन छक वया जिगु खँ कने धका वया थुलि धाय्  
धुंका अंगु विया नुग मछिका लें यागु खँ कना विज्याहुँ धया वन ।

आकाशं जिथ्ये बोया वयेगु समर्थ दैमखु चूडामणि दुसानं अनुभोग मदुगुलि वयेत  
तं नं सीमखु । फुसा विज्याइ थ्ये खँ कना वंगु खः । हानं थ्येनं धागु दु वनेगु समर्थ  
मदु धाःसा लिहाँ वनि छुं खँ मदु इच्छा कुमारया खः ।

थुगु खँ न्यना सुधन कुमारं विन्तियात, जिवनेगु निश्चित जुल लें यागु खँ आज्ञा  
जुया विज्याहुँ । कुमारं वनेगु इच्छा यास्येलि ऋषीश्वरं मनोहरा किन्नरी कन्या नाप  
लायेत स्वर्ग भुवनस किन्नरी कन्यापि मुना च्वंगु थाय् किनर लोक द्रुम राजा यागु थासे  
वनेगु लें बिस्तारं कना विज्यात ।

(१) न्हापां थनं उत्तर दिशा स्वयाहुँ काल पर्वत स्वंगु दया च्वन ।

(२) थ्व पुलेवं हानं खुगु पर्वत दया चोन स्वंगु तःधंगु स्वंगु चिधंगु अन बने  
जन्तुपि यकोदु ।

(३) थ्व पुला बने धुस्येलि हानं म्येगु थ्वयासिनं तःधंगु स्वंगु पर्वत थ्यनि ।

(४) थ्वनं पुले धुस्येलि हिमराज हेमाल पर्वत थ्यनि, थुगु थासे सुद्धया नाम जुया  
च्वंगु महौषधी (बास) आपालं दु थ्व वांस कया फुसा ध्यः तया दाय्का मफुसा

छय नाप मिले याना नेगु । उगु थासे ग्रामवासी पिगु छें बना जतनया- थ्व वास नये घुनेवं लःया प्यास दैमखुः । नयेगुनं मालिमखु शरीर गंसी जुइगुनं मखुः । थुलि छाया घुंका मनोहरानं विद्या थकुगु अंगु सुधन कुमार यात बिल ।

ऋषीश्वरं हानं धया विज्यात, हे सुधन कुमार ! वने म्वाल छें हुं छाया दुःख सियेगु छह्य मिसाया लागि पाशा मदेकं याकचा गथ्ये वनेगु आपालं थाकु वने फइ मखु । सुन्दरीह्य स्त्री छह्य म्येह्य विवाह यासा याउस्ये चोनिगु खः ।

एवं प्रकारं ऋषीश्वरं धागु वचन न्यना कुमारं थथ्ये विन्ति यात । भो महर्षि न्यना विज्याहुं- जि थुगु जन्मस एक पत्नी व्रत यायेगु इच्छायाना- हानं म्येह्य स्त्री विवाह याये मखुत । जि अवश्यनं वनेगु जुल याकचा गथ्ये वनेगु धया विज्यात- जि प्रवासी जुया याकचा वने त्यना ।

गुह्यजा चन्द्र सूर्य निह्यसिया याकचा आकशे दिपा मदेक भ्रमण जुया थुमि पासा सुंमदु वथ्ये बल वीर्य पराक्रम दुह्य सिंह बने भ्रमण जुइबले पाशा मदेक चाहुला वनी । स्वया वीर्य पराक्रम दइ बइत पाशा खपले मदु । जत्न जुक्ति याना स्वये यानानं मजिल धासा छुयाये स्वइतनं दोष मदु ।

उद्योगिनं सतत मत्र समेति लक्ष्मी  
दैवं हि दैव मिति कापुरुषा वदन्ति ।  
दैवं निहत्य कुरु पौरुष मात्म सक्ता  
यत्ने कृते यदि न सिद्धति कोऽत्र दोषः ।

अलासि मजुस्ये न्हिन्ह उद्योगयात धासा छें लक्ष्मी बढे जुया सकल बनोवस्थ थिक जुइ । छुं उद्योग मयास्ये दैवं याइ दैवं मदुला जक हाला ज्या सफल जुइगु मखु । उद्योग मयास्ये दैवया अधिने चोनीपि कुपुरुषपि जक बइ- सुपुरुष पिसं दैवया अधिने मचोंस्ये उद्योग याइ । यत्नयाना अर्थात् उद्योग यानानं ज्या सफल मजुल धासा स्वइतनं दोष मदु । उद्योग याना ज्या सफल जूसानं दैवं यागु सफल मजुसानं दैवं यागु फुकं दैव यात जक पायाना जुइपि, कुपुरुष अथवा कु स्त्री पिसं जक धाइ धका शास्त्रे धया तगुहु ।

अतः जिनं उद्योगयाये यत्नयाना वने त्यना लं यागु खँ हानं कना बिज्याहुँ ।  
श्रुलितक सुराजुया धास्येलि ऋषीश्वरं लं यागु खँकन ।

हे कुमार ! यथ्ये सुरा जुस्येलि जिनं कने बाँलाक न्य । गथ्ये धासा यथ्ये स्वंगु  
पर्वत पुला वने धुस्येलि अनं उत्तर पत्ति उत्कीलय धैगु पर्वत थ्यनि । ५।

अनं पुला वने धुंका ववे जलमार्ग लखँ वनेगु उत्कुलक नदी खुसि छिना वनेगु  
द्वंगानं दइ उकी चोना पुला वनेगु । ६। थुगु थासँ पुला वने धुंका एक धारक १  
बज्रकति २ कामरूपी ३ ऐरावत ४ अधोवाण ५ श्व न्यागु पर्वत लंघन यायेमाल ।  
। ७। अनंलि खदिर पर्वत थ्यनी, अन गुहानाम जुया च्वंगु गुफादु थुगु गुफां द्वाहां वनेगु ।  
। ८। अनं पिचाय्का एफ धारक सकीलक वज्रकसक नाम श्व स्वंगु पर्वत थ्यनी, अन  
यंछिया राजा गरुड वैनतेज धयापि दु थुपि वरा पराक्रमी खः थुमिसं सोया चोनि  
बिन्ति याना वनेगु । ९ । थुगु थासं पुलावने धुंका चोलेया खा जुया च्वंवि अजवकत्र  
नाम जुया पशुया आकार तुति निपां जक चुया मनुष्यथ्ये वइपि दु, थुमिगु थासं पुला  
हानं मिरातक धैह्य पुरुषयां थासे थ्यनि । १०। अनंवना पिगल नाम गुफा थ्यनि अन  
लालाश्रोत धैह्य बीर भयंकरह्य राक्षस द्यना चोनि, मनुष्य खनेव स्याना ला नइह्य खः  
श्व यात अजंगरनं धाइ- श्वेत त्याका वनेगु न्होवेका च्वंसा छुं मयास्ये वनेगु (११)

थुगु थासं पुलावना वराह पर्वत थ्यनि अन तःतः धिकपि बन्देल (फा) यकोदु  
थुमिसं न्याना स्याय्त वइ बले वाणं प्रहार याय्गु छंके मदु दुसा केका स्याय्गु । स्याय्गु  
मखुसा- अन हाकुगु लोहँ यकोदु । लोहँ निग कया त्वाकेगु मि प्वाला प्वाला प्याहाँ  
वइ । थुपि बिस्थुं वनी चितुवा धुं वसानं चिला वनि । १२।

अनं पुला वनेव तःधिकपि श्याः निह्य वया च्वेत वइ लंपना तइ लिक्थं तुति  
ज्वना निह्य निछ्ये वांछोया बीगु यथ्ये मयातकि चोया सने मफेका बी । १३। थुगु थासं  
पुला वना छथाय् थ्यनी बले आयस धापि भयंकर पुरुष निह्य वया शस्त्र ज्वना त्वावइ  
थुमित कपाले दाया बिबं निम्हं लिहाँ वनी । थुपि राक्षस जातिपि खः १४।

अनं वना छगु भयंकरगु वन थ्यनि खुडकु हाकगु तुं छगदु उगु तुं चाहुला वनेमा  
सँ सियुह्य भयानक राक्षस छह्य वया लं पना छ गन वनेगु धाइ- खगु खँ कनेगु वयाके

धनुष दइ लाका वंत केक्ये धका तयार जुइ फेंकेमा । थ्वं हे लेंक्यना बी धनुष विषा मिजास यांना वनेगु । १५।

अनं वना नदीया समीपस थ्यनि छुछु नदी धासा— १) गंगा नदी २) तपनी नदी ३) चित्रा नदी ४) रुदनी नदी ५) हसनी नदी ६) आशीविष नदी ७) नेत्र नदी ८) नगाध नदी ९) थ्व गुंगु नदी दु लखे बुने ग्राहक धैपि गोंजु सोंजु इत्यादि जल जन्तु दु— थुजागु नदीया सिथं सिथं ग्यानापुपि लाखे लसीपि चाहुला मोल्हुया लःतोना गुलि अनसं च्वनीपि गुलि लिहाँ वनीपिनं दु । थुमिसं खनीबले ज्वना सास्ति याइ थुमित त्याका वनेमाल (१६)

अनं वना पतंगा घयागु नदी थ्यनि अन अमनुष्य धैपि मनु मखुपि दयां चोन तपनी धंगु नदी दु ग्रह धापि जलजन्तु यको दया च्वनी, हानं कामरूपी धैपि लसीत वया दाया पंकीगु थुमितनं त्याका वनेगु । १७।

अनं वना हानं रुदनी नदी थ्यनि अन किल्लरी कन्या पिनि च्यलात दु— थुमित चित्त बुजेयाना वनेमा, अनं वना आशीविष धयापि सर्प दया च्वंगु नदी तरे याना वनेगु नेत्र नदीया तीरे थ्यनि शाल्मली घयागु सिवोसि सिमा यको दया चोनी अनं वना गंगा नदीया तीरे थ्यनी स्नानयाना धैर्य यायेगु । १८।

अनं वना हानं पतंगा नदी तीरे थ्यनी पराक्रम वयना वनेगु आपालं जलजन्तुपि दु— तपनी नदीया तीरे थ्यनी थमं नों मवास्ये वनेगु चित्रा नदी तीरे थ्यनि हानं म्पे हालेगु रुदनी नदीया तीरे थ्यनि खोया हगु शब्द वइ— म्निगु मने लुइका वनेगु थुजागु नदीया स्वभावं ज्या याना वनेगु सीके माल । १९।

अनं वना हानं आशीविष नदीया तीरे थ्यनि आपालं विष दु विष शोधन यायेगु मंत्र बोने माल । हानं नेत्र नदीया तीरे थ्यनि शस्त्र संपातयोग धंगु थमं सेका तयागु शिल्प विद्या शास्त्र विद्या वयनेगु । २०।

अनंलि न्यास यक्षपि मुनाचोंगु यासे थ्यनि अन धैर्य पूर्वकं बांलागु शास्त्रया खैल्हाना विन्ति भाव कोमल जुइगु । थुमिसं साधुकार याना लें वयनी उगुलें वनेगु । २१।



अनंलि बांलागु सुन्दरमय घागु वन छगु थ्यनि अनं पुला वना तिनि द्रुम किन्नर राजाया भुवन थ्यनि । थुलि लेंपा खं ऋषीश्वरं आज्ञा जुया विज्यात । ॥२२॥

थुलि खं कंगु न्यना सुरा जुया ऋषीश्वरया चरणस वन्दन याना सुधन कुमार मनोहरा देवी नाप लाये धका निश्चय याना बिदा कया वन ।

ववं पर्वत नदी गुफा जोल आदि पुला अनेक वास लुइका प्रयोग यायां मंत्र तन्त्र अनेक ऋद्धिबल क्यना लें मामागु थासे मामाण्ये याना एकचित्तं धैर्य जुया पशुपंछि वन जन्तु अनेक यक्ष यक्षणी राक्षस राक्षसी भूत प्रेत पिशाच नागराज गरूड इत्यादि पिगु भय दक्व जिते याना वने धुस्येंलि न्यास यक्षगणपि नाप कुशल या खें ल्हाना थुमित खुसि ज्वीका थुमिसं धन्य प्रशंसा याका थुमिसं क्यंगु लें वस्येंलि द्रुम किन्नर राजाया भुवन पिने थ्यन ।

तःमागु सिमाक्वसं च्वना सकभनं सोत गुजागु नगर थ्यन धासा बांलागुया खंल्हाना साध्य मजु मदु घयागु छुं मदु फल पुष्प वृक्ष इत्यादि नं पूर्ण जुया चोंगु क्यव (वन खण्ड) थाय् थासे पुख्दु लः हें म्हिता चोन, पलेस्वां उफोस्वां होयां च्वंगु निर्मल लखें संयुक्तगु हानं तूं हिति अनेक सिमा सिमा पत्ति ऊंग पंछि जुना थःथःगु मधुर स्वरं हालां चोंपि आपालं दया च्वन ।

थासे थासे म्हेखा जुना प्याखं हुया च्वंपि, हानं चला आदि पशु गणपिसं वास याना इन्द्रया नन्दन उफान (क्यव) समानं शोभा दया च्वंगु थासे किन्नरी कन्यापि वास याय्त फेतुइगु छनेगु थाय् गनं तःखागु मनं चीखागु छें नं दया च्वन । गनं म्ये हालेगु प्याखें हुलेगु अनेक प्रकार या बाजा, हानं नेगु तोनेगु योग्यगु बस्तुनं पूर्ण जुया च्वन ।

अनेक धातु लुं व यांगु थल इत्यादिनं संयुक्त जुया च्वन । थुजोगु मनोरम स्थाने किन्नरी कन्यापि छगु पुच मुना थः पिगु नित्यथ्ये घः ज्वना हितिस लः कावपि खन । थः सिमाक्वे चोना चोंह्य तीजक वना सुधन कुमारं न्यन ।

हे तता क्यहेंपि ! थुलिमछि छिपि वया लःका वल, सुनां काय्क्ये हगु गन यंकेगु छुयाय्त, छिपि गनं वयापि थन थासे मालिक सुः छिमिगु नां छु ।

युगु प्रकारं न्यस्येति सकसिनं स्वया मुख्यह्य सिनं धाल । थन मनुष्य वयत् थाकु  
पाशा मदेक याकचा वल छ मनुष्य खः गथ्ये वयागु गन वनेगु छंगु नाम छु । थन छाप्  
वयागु छ तस्सकं बांला वस पुना वगु धासा बांलासनं खिति दया च्वन ।

हे मनुष्य ! जिपि किन्नरी कंन्यापि खः थन किन्नर राजा द्रुम महाराज धयाह्य  
मालीक दु श्वसपोल या पुत्री मनोहरा कंन्या दया च्वन । श्व कंन्या जिमि मालिक खः ।

युह्य मनोहरा देवी मनुष्यया ल्हाःतिस लाना लिहां वल । श्वया शरीर मनुष्यया  
गन्ध नवया चोन । मनुष्य या गन्ध तंकेत आपालं लखं स्नान याकेगु लखं स्नान  
याकेगु निम्ति जिपि आपालं वया लःका वयागु खः ।

थय्ये घास्येति न्हिला श्व कुमारं हानं न्यन, न्हापा लाक स्नान याकेकु घट  
(घप) गुगु खः । थय्ये न्यस्येति मूलगु घट श्व खः थुकि न्हापालाक लः लुना मोल्हुये  
केगु घका कन ।

कुमारं हानं खं न्यंकल जिनं सिल घया मनोहरा यागु अंगु घटस थय्ये अथ्ये यागु  
मसोक कुतका वल । थय्ये घटस थिया छगु निगु खं धागु न्यना छगु कारण बै  
घका सीका सकसियां मनं खेल्हाना लः फये धुंका सकसियां लः घट व्यकुं  
च्याना वन ।

मनोहरायां स्नानालये थ्यंकां मूलगु घटं लुना न्हापा लाक स्नान याकल । अंगु  
कुतुं वया मनोहराया मुले लात । मनोहरां कया सोत- सुधन कुमार थन थ्यन घयागु  
निश्रय याना मन चः कंका न्हिला स्नानयाय् धुंका अंगु न्ह्याना सोत ।

हे पासापि छिमिसं थौं जित स्नान याकुगु युगु मूल घटं श्व अंगु कुतुं वल गथ्ये  
खः । लः कावनागु थासे मनुष्य वया च्वंगु दुला । थय्ये मालिकं न्यस्येति विन्ति यात ।

भो मालिक ! बांलाह्य मनुष्य छह्य वया थुलिमछि छिपि वया लः कावल-  
छाय् सुनां काय्के हगु घका न्यन जिमिसं खं कना श्वयागु नां न्यनागुजा खः नां मकंस्ये  
युगु घटस छक थिलथ्ये च्वं श्वहे घटं न्हापालाक स्नान याकि घया हल श्वं घाथ्ये  
जिनं स्नान याकागु खः ।

श्व खँ न्यना खुसि जुया मनोहरा देवी न्हिला धाल- छिमिसं श्व खँ गोप्यया व मनुष्य सःता हति नापं बोना थनवा ।

तथाऽस्तु धया मूलह्य कंथा वया, श्व सुधन कुमार यात नापं बोना हल- मनोहरा खन कुमार न्हिल । कुमारं खना मनोहरा न्हिल न्हिल सिया पिति स्नेह प्रेम स्वया चवन ।

द्रुम राजाया भयं मनोहरानं थःगु कोथास महस्ये म्येगु कोथास विज्याकल । चन्द्रमा समानं आनन्द स्वरूप जुया चोह्य सुधन कुमार दर्शनयाय् दया अति खुसिजुया आनन्द रूप निर्मल शरीरह्य मनोहरा थःगु थासे वना स्वामीया ख्वा सोया इति इति न्हिला न्हिल सियां ख्वा ल्वाका चित्त चंचल ज्वीका न्हिल वियोग ज्वीमागु कारणया खँ फुकं कना न्हिल स्त्री पुरुष हर्षमान ज्वीका आनन्दं चोन ।

थुगु प्रकारं गुप्त याना तयाह्य पुरुषयात न्हिन्हि नाप लाना इले नका तोंका बांलागु वस्त्रं पुंका गुप्तयाना तल । थथ्ये सुख भोग याना जूगु निला विते जुस्येलि श्व मनोहरा याके मनुष्यया गन्ध न्हिन्हिछिया बढे जुया वगु सीका द्रुम राजानं पुत्री यात थथ्ये धाल ।

हे मनोहरा ! छंगु शरीर मनुष्यया गन्ध बढे जुया बल । न्हिन्हि स्नान याका तयाह्य खः गथ्ये जुल । गुप्तयाना सुधन कुमार धाह्य मनुष्य नापलाना लाकि छु खः सत्ययाना धा ।

पितानं थथ्ये धागु खँ न्यना लज्जा चाया छुं मधास्ये लिहाँ वना कुमार यात फन । पिता यागु भय त्रासं हानं कीपि न्हिल वियोग ज्वीका चोने मालि गथ्ये यायेगु धका धन्दा कया मनोहरा नं विन्ति यागु न्यना सुधन कुमारं धया विज्यात ।

प्रिय छंगु मने त्रास चाय् मने जिगु खँ न्यं, जि गुलि कष्ट सिया छंगु कारणे थन बल ज्वी छं सीकि । छँ मां अबु याके मन्यंस्ये रात्रिस पिहाँ वया, जि मां अबुया गुजागु शोक यात जुइ । जि थन जक थथ्ये सदानं चोनेगु छन्तनं जितनं योग्य मजु । छँ पिता (द्रुम राजा) यात खबर विया राजगृहे कीपि न्हिल नापं वने । छुधाइ मागु उपाय जि याये, सकसिनं खँक स्वयंवर सहित विवाह कमं सिधेके ।

अनंलि मर्त्यलोके नापं लिहां वने, छं मां अबुयात विन्ति या छ ग्याय् मते थुलि  
कुमारया वचन न्यना मग्यास्ये पिता यागु थासे बना प्रणाम याये धुंका मनोहरानं  
थ्ये विन्ति यात ।

भो पिताजु ! छलपोलं जित मनुष्यया गन्ध बढे जुल गथ्य खः घया न्यनीगु  
जिनं छुं उत्तर मविया खः पुत्रीया उपरे कृपा तथा विज्याहुं गुह्यस्ये जा जित प्रेम याना  
रक्षा याना तह्य सुधन कुमार राज पुत्र मनुष्य थन बल घासा छपिसं वयात छुयाय्गु ।

म्ह्याय् नं थ्येजक घाय्वं तं मोय्का वा कटटटं न्ह्याया द्रुम राजां आज्ञा जुल ।  
हे पुत्री मनोहरा ! थ्व कुमार मनुष्य जक थन बल घासा वयागु ल्हाः तुति सच्चिकु  
थला प्यदिगेसं वांछोया बी व मनुष्यं छुयाय् फइ ।

पितानं थ्ये क्रोधं घागु खं न्यना पुत्रीं विन्ति यात । भो पिताजु व मनुष्य खः सा  
थन थ्यंक गथ्येयाना वय् फइ । थुलिजक पुत्रीं घागु खं न्यना तार्जिति ख्वाः स्वया  
मनं चिन्तना याना द्रुम राजां आज्ञा जुल ।

छंगु खंया ताल विचार याये धुन, अवस्यनं थ्व कुमार मनुष्य थन वय्त विना  
ऋद्धि (पराक्रम) मदेकं वये फइगु मखु खः । थन थ्यंकवय् धुंकल थ्ये च्वं । गन सुचुका  
तया थुलि तन छिपि निह्य सिया प्रेम प्रीति जुस्येलि देवकन्या छ खः मनुष्य कुमार नाप  
विवाह जुल घयागु खं छुं संभव मदु । थन द्रुम भुवन यात त्वेक छंगु विवाह सिधेके  
थन वय् फुम्ह कुमार ऋद्धिवान् खः सा ज्युः । थुलि घया दना बना कोथास चोना  
आश्रयंगु खं ल्हात म्ह्याय् नं घबा स्त्री नाप परस्पर खं ल्हाना चोन ।

मनोहरा अबुं घागु खं फुकं फुमारयात कनां निम्हं न्हिला हर्षयानां चोन ।  
अनंलि कन्हे सुये जुस्येलि कुमार यात लोगु वस्त्रं पुंका ल्हाज्वना नापं बना अबुया  
थासे थ्यंका न्होने थ्येनेवं निम्ह सिनं योग्यानुसारं प्रणाम याना छल्ये च्वन ।

थ्व कुमार या शरीर लक्षण खना उगु थासे च्वंपि सकसिनं तार्जिति सोया  
जुले जुया चोन । द्रुम राजा रानी निम्हसिनं विचार यात । थुलि बालाक तेज दुम्ह  
लक्षणं पूर्णम्ह कुमार थन द्रुम भुवने मदु । याकचा थन थ्यंक परिश्रम याना बल  
सामान्य मनुष्य वये फेगु मखुः ।

श्व कुमार मनुष्य जुसानं ऋद्धि दुम्ह खः आ श्व सुधन राज कुमार यात वस तिसां तीका मङ्गल याना राजसभास हया आज्ञा जुल । भो कुमार ! रूपजक बांलाना योग्य मजु ऋद्धि क्यने फेकेमा । मनोहरा जि पुत्री, मुनां जि धयागु ऋद्धि (पराक्रम) क्यनि वयात कन्या दान याये धयागु इच्छा याना चोना ।

थन थ्यंक, वया मनोहरा नापाला वल । जिगु मन जक मखु, थन सकल यागु मन संतोष ज्वीक पराक्रम क्यना लेः ताय्कि जिनं छन्त थनसँ स्वयम्बर याना विवाह कर्म याय्गु ज्या सिधेके जुल । छंगु रूपं थन सकल यात जिते यात गुण नं जितेयाना क्ये- छुछु धासा- न्हापां थन सुवर्णस्तम्भ (लूया थां) न्हेगुदु छगु बाणं पिचाय्केगु । हानं छगु बाणं न्हेमा तालवृक्ष (ताइगो सिमा कोथलेगु । हानं छगु बाणं न्हेगु गुफा फोचाय्केगु ।

हानं थन च्वना हामो फछि भूतीस पोंका छग छग सिना याकनँ सिधेके माल । थुलियाना क्यने फुसा थौं हे छन्त श्व मनोहरा पुत्रीया विवाह कर्म सिधेकेगु अवश्य जुल । धनुष बिद्या या प्रभाव ऋद्धि गुलि तक दुम्ह खः सीकेया कारणे धयागु खः । थुलियाना क्यनेव मनोहरा छँ कीर्तिया पताका थ्ये छँ यथ्ये जुल धका सीकि ।

थुगु प्रकारं द्रुमराजां धागु खँ न्यना- गुम्हजा वोधिसत्व सुधन कुमारं गुगु धाल उगु वीर्यवल पराक्रम खः ऋद्धि धाइ- क्यना सन्तोष यायेगु समर्थ दु जिनं याये धया मनं विचार यात जिगु इजत थन स्वर्गलोके प्रचार यायेगु छगु महान् कार्य खः ।

स्वर्गलोके च्वंपि वोधिसत्वपि मुना श्व सुधन कुमार वोधिसत्व छम्ह कीहे पाशा खः थ्वेगु ज्याय् कीसनं प्रोत्साह वीमा धका तयार जुया चोन ।

थुगु समये सुधन कुमारं प्रथम स्वर्गया देव बाजा अनेक थाना म्ये हाला नृत्य समेत याना खुसियात । हानं मनुष्य बाजा मृदंगादि सुधोष अनेक प्रकारं थाना सकलें खुसियात । आपालं किन्नर गणापि तथा द्रुमराजा रानी मंत्री पिंगु बांलागु राजकार्यया नीति क्यना खुसि ज्वीकल । यथ्ये यागु स्वर्गया इन्द्र खना विचार यात ।

श्व सुधन कुमार सामान्य मनुष्य मखुः भद्रक वोधिसत्व खः । थुजाम्ह यात यथ्ये दुःख बीमज्यु धका गथ्ये श्व द्रुमराजां मसिल- पुत्री छम्ह वीत स्वागु दुःख बिल ।

अतः सुधन कुमारयात युगु समये साहिता बीमाल धका यक्षगणपि सःता धया विज्यात । छिमिसं गुफास दुने सुला कुमार यागु वलवीर्य सोया सफल याहुँ । थुलि धया इन्द्रं सपानि आपालं सृष्टियाता हामो छग छग ज्वना कुमार या न्होने इन्द्रं व द्रुम राजां खेक तेहल । थथ्ये यागु खना सकल हाये २ सुधन कुमार धन्य खः । धका प्रशंसा यात । द्रुम राजा रानी मंत्रिपि अति विष्मय आश्चर्य जुया चोन ।

हानं थ्व सुधन कुमार दनावना द्रुम राजाया न्होने च्वंगु लुयां थां न्हेग केरामां न्हेमा खड्गं त्वाथलेथ्ये छथु बाणं प्रहारयाना कोथलाबिल- अनंलि हामो फछि मुना बिधुंका न्हेमा तालवृक्ष (ताइगो सिमानं) छथु बाणं केका फोः चाय्का न्हेगु गुफां पिचाय्का बिल । तालवृक्ष गोतुल थः पर्वतथ्ये स्थीरासनं च्वना वयन ।

हानं द्वछिह्य किन्नरी कन्यापि मनोहरा तुत्यपि उथ्ये चोपि, मुंका दथ्वी मनोहरा तया द्रुमराजां आज्ञा जुल । हे कुमार ! मनोहरा थ्व पुचले गुम्हखः ल्यया सीकि । थथ्ये धागु खे न्यना सुधन कुमार लेःताया श्लोक छपु थमं रचना याना वोने धुंका घया विज्यात ।

यथा दुमस्य दुहिता ममेह त्वं मनोहरा ।

शोघ् मननेन सत्येन पदं ब्रज मनोहरे ।

गुह्यजा द्रुमराजाया पुत्री खः मनोहरा, छव जिव थन चोनागु दु छं अबुं छुधाल व खे न्यना याकनं युगु सत्य धारण याय्गु ज्या सिद्ध याय्त हे मनोहरे ! विस्तारं पलाछिना पिहांवा । कुमारं युगु प्रकारं घया विज्यागु खे न्यना मुसु मुसु न्हिला मनोहरा, किन्नरी कन्या पिगु पुचलं पिहां वया सुधन कुमार या न्होने दना न्हिला खवा स्वया चोन ।

सुधन कुमारं, द्रुम राजाया खवा, स्वया, छपिनि पुत्री मनोहरा थ्वहे खः घया बोहले थःगु ल्हातया घया विज्यात ।

अन चोपि सकसिनं न्हिला घया हल धन्य २ सुधन कुमार खः प्रतापि- धन्य २ मनोहरा । किन्नरी कन्या धापि सकसिनं तस्सकं सत्कार याना विन्तियात, थुलि तक ऋद्धि वयना सन्तोष याये फुह्य महा पुरुष थ्व सुधन कुमार यात, छलपोलयां पुत्री मनोहया, जिमि सकलया मालिक खः आ आ थथ्येहे स्वयंवर सिधेका विवाह कर्मयाये योग्य जुल विस्तार याना विज्याय् मते ।



हानं इन्द्र तथा म्येभ्येपि सकल वया युगु प्रकारं हे जय शब्द न्यंका विन्तियात ।  
भो किन्नर राजा द्रुम महाराज विस्तार छाप् अविलंब पुत्रीया विवाह कर्म आ यथ्ये  
सिधेका बिज्यासा बांलाइ । सकसिनं यथ्ये धागु न्यना द्रुमराजा या मने दुःख ताया  
घाल अहो जिनं थ्व कुमार यात दुःख वियागु जुल खः माफि काये घका आज्ञा जुल ।

भो बोधिसत्त्व कुमार ! छपिन्त जिनं तच्चतं दुःख विये धुन क्षमा याना  
विज्याहुं— जिनं कन्या दान याये जुल । थुलि धाये धुंका आपालं मान सत्कार याना  
दक्क किन्नर तथा किन्नर कन्यापि मुंका विधान अनुसारं स्वयंवर सिधेका मनोहरा  
पुत्रीयात दिव्य वस्त्र तिसा अलंकारं शोभायमान याना किन्नर भवनस (राजगृहे)  
पुत्रीया विवाहोत्सव क्रिया सिधेका धया विज्यात ।

देवोय मिति निश्चित्य ततस्तं किन्नरा धिपः ।

तुष्ट स्तस्मै ददौ दिव्य रत्नैः सह मनोहराम् ।

थ्व सुधन कुमार बलवीर्यं दुह्य देवता हे खः धका जिनं निश्चय याना अनंलि  
द्रुम किन्नर राजा आपालं खुसि जुया जगु ल्हाति थः पुत्री मनोहरा ज्वना खगु ल्हाति  
सुधन कुमार ज्वना, अनेक दिव्यरत्न सहितह्य मनोहरा कन्या सुधन कुमार या ल्हाते  
लःल्हाना कन्या दान याना विज्यात । थनंलि द्रुम राजानं नुगः मछिका सुधन कुमार  
या खासोया आज्ञा देका विज्यात ।

॥ थन द्रुम राजानं विचा खं ल्हागु यथ्ये खः ॥

भो बोधिसत्त्व सुधन कुमार छपि जि जिलाजं (जिचा भाजु) जुल— जिनं दुःख  
वियागु माफि धाप् धुन जिगु छेया लक्ष्मी समान ह्य पुत्री छपिन्त दान विये धुन ।  
आमकन छेया कुलाचार मनुष्यया विधान जिनं बांलक मस्यु । थ्व मनोहरानं मस्यु  
भिन्नकं प्रतिपाल याना तयेमाल । जि म्हाय् नं थःत जन्मयाह्य मां विधाता अबुजु  
लुमंका चोनिवले मां अबुया खास्वया तवह विया वां धका वरावर छोया हयेमा— तर  
वयेत कष्टखः विमाने चोना छपि नापं विज्याहुं ।

छोया महल धाप्वं मां अबु पिसं चित्ते दुःख जुया अनेक धाप्फुः— दोष लाई ।  
जि पुत्रीयात दाय्गु वोवीगु दुःख बीगु इत्यादि तोता थ्वयात इले नका तोंका पुंका  
तये माल । छुं ज्या द्वनी बले स्यना कना प्रेम प्रीतिरूपं खेल्हाना स्नेह याये  
माल । तोता हयेगु ज्या याये महु— थुलि खं विन्तियाना न्यंका विज्यात । ॥

## ॥ सुधन कुमारं लिस विया बिज्यात ॥

भो द्रुमराज ! जित दया तथा स्नेह याना पुत्री मनोहरा कन्या दान याना बिज्यात— श्व कुलया व्यवहार गृहस्थिया प्रभाव खः । न्हापानं आनं लिपानं श्व प्रभाव संसारे सकलया गृह विनय धाइ छैया शोभा जुइगु कुलया मत च्याइगु ज्या खः स्त्री पुरुष ज्वीगुनं पूर्व जन्मया भावी खः । स्त्री पुरुष धका दंपति जुइगु गन गनं निस्ये चूला वइगु स्वभाव दु । जिनं भिनकं छलपोल या पुत्री यात मागु तक विचार याना तये— छुं धन्दा कया बिज्याये स्वाः । म्हुतुं धायाथ्ये ज्यानं याये अवश्य जुल ।

थुगु प्रकारं स्नेह पूर्वकं खँल्हाना परस्पर प्रणाम याये धुंका विवाहोत्सव या ज्या सिधेकल । अनंलि सुन्दरगु छे छयाय् आनन्दं सुधन कुमार मनोहरा देवी नापं च्वना आनन्दं वास याना च्वन ।

छन्हु मां अबु लुमंका स्त्रीयात धाल— प्रिये थन जक आपालं च्वने मज्युः । मां अबुपि खोंया चोनी छे वनेनु धका सल्हा याना द्रुम राजाया सभास वना बिदा कावन जिपि लिहाँ वने बिदा विया बिज्याहुँ ।

थय्ये बिदा कावगु खना द्रुम राजां आज्ञा जुल— हे पुत्री मनोहरा ! जिनं दान विये धुन सदानं थनचों धयागु योग्य मजुः छनं स्वामी भक्ती जुषाचों थःथःगु न्हापाया भोग खः देव पुत्री मनुष्यया स्त्री जुया श्व छंगु भोग खः । छुं दुःख ताय् मते थुलिधाय् धुंका सुधन कुमार जिचाभाजु यात आज्ञा जुल ।

भो जामाता (जिलाजं) थन बिज्यागु तांदत खः थःगु छे वने धाह्यात वने मते धका गनेगु योग्य मखुः । बिज्याहुँ धका बिदा विया पुत्रीयात आपालं रत्न धन संपत्ति विया विमाने च्वनाहुँ धया बिज्यात । तथाऽस्तु याना किन्नर भवन (राजगृहं) पिहां वया सकसिनं लस्वका मंगल कार्य याना सुधन कुमार मनोहरा कन्या निह्य विमाने चोना आकाश मार्ग लिहाँ वया मर्त्यलोक हस्तिनापुर उत्तर पांचाल देशे थ्यंकल ।

थुगु समाचार न्यतां धनराजा रानी मंत्री सकलें खुसि जुया देशे सकसनं मङ्गल कार्याया ज्या प्रजागणपिसं याका वाजा थाका थःपिनं किसिगया रथ सहित सैन्यपि मुंका पुत्र सुधन कुमार भीमचा मनोहरा निह्य लस्वयाका बिज्यात ।

देशे सकसिनं खंक बिमानं वक्कया किसिया म्हेतया ताय् स्वां सिंह या मङ्गलोत्सव याना पाय् पासे लुखास पूर्णघट तथा जात्रा याना राजगृहे लुखास स्वस्ति मंगल याना दुतयंका विवाहया उत्सव यात ।

मां अबु पिगु पालि भोः पुया थः पिगु कुलाचार नियम पूर्वक मागु ज्या सिधेका निहा त्यपुया छपाभुस भोजन सहजयान या तन्त्र बिधानं नेसिधेका सुधन कुमार या मनोहरा किन्नरी कन्या स्त्री विवाह क्रिया सिधेकल ।

थुगु ज्याय् धन राजाया इष्टमित्रादि सकल निमन्त्रणा याना पुत्र यागु विवाह कार्य (सहजयान) या, भोजन समाप्तयाना उत्सव यात । अनंलि मां अबु तथा सकल यात छन्हु ऋषीश्वर यागु वचनानुसारं ले दुःख सिया वनागु- किन्नर भुवनया परिचय द्रुह्य महाराजाया आज्ञानुसारं ऋद्धि वचनागु बोर्य पार मिताया खें फुकं कना संतोष यात ।

श्व खें न्यना सकल संतोष ज्वीका अहो धन्य २ सुधन कुमार महा वीर्यवान्ह्य खः धका प्रशंसायात, सामन्य मनुष्य मखु श्व कुमार धका सीकल । धन राजानं पुत्रयागु वलवीर्य या खेंन्यना खुसि जुया तस्सकं च्वेलागु मान विया सत्कार यात ।

सुधन कुमार मनोहरा देवो आनन्दं राजगृहे चोना गृव विनयया ज्या खें भोगयाना चोन । सोव पुला वस्येलि छन्हु सल्हायाना सकल यात चित्तबुद्धे याना धनराजानं पुत्र सुधन कुमार यात खें न्यंका सिंहासने तथा, राज मकुटं पुडका राजा भिष्येक विया मंगलोत्सव यात ।

अनंलि सकल याके विदा कया धनराजा थःस्त्री महारानी सहितं परमार्थज्ञान सकल अनित्य धका सीका तपोवन विज्यात । बनान्तरे खुदतक तपयाना छन्हु अनित्यगु शरीर तोता कर्मभूमी यमलोक बिज्यात । महारानी स्वामी नापं सत्य वन ।

राजा रानी निहा स्वर्गलोके देव कन्या पिसं सेवा याका आनन्दं वासया विज्यात । राजगृहे चोह्य सुधन राजा मनोहरा महारानी निम्ह नापं च्वना संसारे सकल बस्तु अनित्य खः धका सीका सद्धर्मज्ञान विचार याना १२ वर्ष तक निरगंद यज्ञ अग्निदेव या गण संतोष ज्वीगु क्रिया याना दानशालास चोना अर्थजन पित्त दान याना चोन ।

थुगु प्रकारं हस्तिनापुर उत्तर पांचाल देशे सकभनं शोभायमान ज्वीमा प्रजागण  
पिन्त पालन पोषण याना थःगु आयुर्वा दतले म्वना छन्हु अनित्य शरीर तोता  
स्वर्गवास जुल ।

थुगु प्रकारं शाक्यमुनि भववान् वृद्धं कपिलपुर नगरे बिज्याना भिक्षुगण तथा  
सकल यागु खवा स्वया आज्ञा दयका बिज्यात । उगु बखतया धनराजा म्येम्ह मखुः  
थुगु समये शुद्धोदन राजा जुया चोन । उगु बखतया सुधन कुमार म्येम्ह मखु थुगु समये  
जिहे खः धका सीकि । गुम्हजा मनोहरा थुगु समये यशोधरा खः उगु समयस स्वामी  
नापं सत्यवम्ह ब्रम्हणी थुगु काले मायादेवी जि मां खः ।

उगु समयस निरगंद यज्ञ सहित दान याना १२ वर्ष तक शीले चोवा वयागु  
पुण्यानु भावं, थुगु समये संम्यक संबुद्ध पद लाना चोना ।

उगु समये मनोहरा देवीनं सुधन कुमार स्वामीयात आपालं प्रीति वागु प्रभावं,  
आ यशोधरा देवीनं जिके स्नेह तोते मफया जी खनेवं चित्त धीरयाये मफया ऊयालं कुतुं  
बया अचेत जुइका चोन, थ्व खना जिनं चेतन देका वीगु निर्मि ज्वना थना चेतन  
बय्का विया ।

आ छुं लिपा यशोधरा त्यागचित्त याना भिक्षुणी जुइ तिनि । उगु बगतस  
सद्धमंचर्यया ज्ञान लाना, संसार यागु माया तृष्णा या जाले तः क्यनेगु तोतेगु समर्थ दइ ।

थुगु प्रकारं आज्ञा दय्का विज्यागु खें न्यना उगु थासे चोँपि आनन्द भिक्षु तथा  
शुद्धोदन राजा इत्यादि सकल सभालोक पिनि मन आनन्द जुइका धन्य २ सुधन कुमार  
मनोहरा देवी धन्य २ भगवान् बुद्ध- यशोधरा देवी धन्य २ खः धका साधुकार विया  
प्रशंसायाना सकलें दना वना भगवान् बुद्धयात स्वचा चाहला पालि भोः पुया विदा कया  
सकलें थःथःगु स्थाने लिही वन । ०। १९६।

-:○:-:○:- ॥ थुलि सुधन कुमार या जातक लुल ॥ -:○:-:○:-

थुगु खें विज्याववान १९ मद्रकल्याववान २० अ०दु ।

# सर्वनिन्दनृपावदान

(लया १७)

नमः सर्व बुद्ध बोधिसत्वेभ्यः

सकल बुद्ध बोधिसत्त्व पित्त नमस्कार

न्हापा छगु समये शाक्यमुनि बुद्ध भगवान् मुनीश्वर सकल विद्याया आचरणस अधिपति जुया विज्याह्य, सर्वज्ञ, महा अभिज्ञ, तथागत, जिनेश्वर, शास्ता, स्वंगु भुवनया नायक जुया विज्याह्य, संभ्यक संबुद्ध भगवान् खः ।

श्वसपोल वरावर चाहुला लोकपित्त हितमुख याय्या कारणे, आपालं थःसंग भिक्षु तथा म्येपिनं शिष्यपि आपालं सहित याना अति मनोहर जुया च्वंगु श्रावस्ती नगरस जेववन विहारे विज्याना सकभनं कल्याणया कारणे सभास यथाक्रमं सद्धर्मज्ञः न न्यंकेत धर्मोपदेश विद्या शोभायमान ज्वीक विराजमान जुया चोन ।

थुगुस्थान गथिगु धासा विहारया छचाख्यरं अनेक जात जातया फलसया स्वां होया बाँलाना चोन । हानं सुगन्ध वासवया च्वंगु पलेस्वां उफोस्वां नं शंयुक्त जुया च्वंगु पुखुलि राज हंसपि ह्यिता च्वंगु शुद्ध निर्मलगु लखं पूर्णं जुया च्वंगु पुखु दया चोन । थाय् थासे कोकिल ङंगपंछि जुना थःथःगु स्वरं हाला चोन । पशुगणपि नं थःथःगु तालं बल पिकया बःलाह्यसिनं बःमलाह्य यात स्याना नेगु दुःख वीगु ज्या मयास्ये परस्पर स्नेहयाना करुणा तथा चाहुला वासयाना चोन ।

थुजागु मनोहर वनान्तर मध्ये (दश्वी) न्हापा जेतऋषि दय्का वंगुलिसनं हानं अनाथपिण्डद महाजनं छुलिपा प्राणि पित्त हित याय्गुलि आपालं श्रद्धा भाव दुह्य जुया निम्ति सकल लोक पित्त त्रिरत्न ह्यसोगु संसार रूपि समुद्रं तरे जुया मोक्ष प्राप्त ज्वीगु

सद्धर्मं ज्ञान उपदेश वीगु न्यनेगु या कारणे तःतः धंपि मुनीश्वरपिसं बास याय्त योग्य-  
ज्वीक आपालं घन छर्च याना, मुनीश्वर पिसं उत्तमगु सद्धर्मज्ञान उपदेश वीगु न्यना  
भक्तितया सेवा याना चोनेत शोभाज्वीक थुगु स्थाने विहार देका तगु खः ।

थुगु स्थाने छन्हु शाक्यमुनि भगवान् बुद्ध सद्धर्मज्ञानोपदेश वीत आपालं भिक्षुपि  
मुंका विज्जात । थुगु समाचार न्यना देव दैत्य मनुष्यादि गन्धर्व किन्नर महोरग  
विद्याधर अप्सरादि देव कन्यापि वया भगवान् शाक्यमुनि बुद्धयात स्वच्चा चाहुला  
अष्टांग प्रणाम याना क्रमानुसारं पूजादि भावयाना कलवलं महास्ये नम्र जुया शील  
स्वभाव धारणयाना थगांन्यया पुलिचुया फेतुना विन्तियाना एकचित्तं खं न्यनेत भगवान्  
या खा स्वया छ्चालं चंचन ।

थुगु बखतस हानं उगु देशया राजा रानी मंत्री महाजन सार्थवाह मेमेपि सकल  
सज्जन वर्गपि पुरुष स्त्री गणपि अनेक प्रकारया शुद्धगु बस्तु ज्वना थुगु स्थाने वया  
स्वच्चा चाहुला थःथः पिसं ज्वना वयागु सकतां दहलप्ये धुंकालि— हानं पुष्प धूप दीप  
गन्ध रस नैवद्यादि फलभूल दक्षिणा सहित चीवर दानयाना पूजादि सिधेकल ।

थुगु समये अनापपिण्डद महाजन या सपरिवार सहित वया पंचोपचार पूजा  
सामाग्रि पूजायाना प्रदक्षिणा याय् धुंका थःगु स्थाने आदर पूर्वकं च्वना भगवान् बुद्धया  
खासोया हर्षचित्तयाना विन्तियाना च्वन ।

हानं, सद्धर्म ज्ञान न्यनेत थःगां न्यया शीलस्वभाव धारणयाना एकचित्त याना  
चोन । थुगु समये सकसिनं थःथःगु मने चोनकि थ्वसपोल भगवान् गुरुं छुं धर्मोपदेश  
वीर्ष्ये धका इच्छायाना चोपि यको दया चोन । भगवान् शास्ता गुरुया धर्मोपदेश वीत  
सभा ज्वीगु समये क्रमानुसारं चोनीगु थय्ये खः ।

भगवान् या जवे आयुष्मान् शालिपुत्र माहाभिक्षु खवे महामौगल्याण, न्ह्योने  
आनन्द भिक्षु काश्यपभिक्षु तथा पंचभद्र वर्गीय भिक्षुपि अनंलि मेमेपि यथाक्रमं चोना  
चाहुला चोनी । हानं उपाशक उपाशिकापि बासयाना शोभायमानं बांलाका चोनि ।

उगु बखतस भगवानया जवे च्वंहु शालिपुत्र दना वना भगवानया पालिस  
भोः पुया न्ह्योने पुलिचुया विन्ति यात ।



भो भगवान् ! लोकनाथ सर्वज्ञ श्री मताम्बर छलपोलसंपूर्ण ऐश्वर्य पूर्ण जुया लोक पित्त अनुकम्पा तथा उद्धार याना विज्याइह्य गुरू खः ।

थुगु अवस्थास थन च्वंषि सकलया एकचित्तं मन प्रशन्न जुया चोंगुदु । छलपोलं आज्ञा ज्वीगु सद्धर्म ज्ञान न्यने धका तत्पर जुया चोन कृपातया आज्ञा देका विज्याहुं ।

भो भदन्त गुरू सर्वज्ञ ! जिगु मती लुया वगु खं छगुनं विन्ति याये । छुधासा पिण्डपात्र दान यानागु या फल गुलिदु । पंचदान धयागु छु । सम्यक धर्म ज्वीगु गथ्ये ! आर्यवर्त पुण्य भूमी धाइ नेपाल मण्डले सकभनं श्रावण कृष्णया त्रयोदशी दिनस पिण्डपात्रादि पंचदान वीगु आपा प्रचलित जुया चोन । ललित पट्टन (यल देशे) छगुलि जक श्रावन शुक्लया अष्टमी जुया चोन थुकी यागु खं गथ्ये । थय्ये जूगु कारण सुनां याना जुल- थुगु खं न्यनेदत धासा जिगु मन जक मखुः थन च्वंषि सकलया मन प्रशन्न ज्वी । अनुकंपा तथा आज्ञा दय्का विज्याहुं । थुगु प्रकारं शालिपुत्र भिक्षुं प्रश्नयागु न्यना, साधुकार विद्या आज्ञादेका विज्यात ।

हे शालिपुत्र ! छ धन्य खः वांलागु खं प्रश्नयात, थ्व खं व्यक्त याना कने सकसिनं एकचित्त याना न्य ।

न्हापा जुया वंगु खं खः । जि लुमन, गुह्यस्यै गुगु कर्म याइ उह्यस्यै उगुहे कर्म हे कर्म भोग याइ । कर्म विपाक पाप पुण्यया विवेक शुभ अशुभ भिगु मभिगु भोगयानागु जन्मचरित्र (पंचदान) पिण्डपात्र न्हापालाक नेपाल देश (ललित पट्टन) यल देशे थुगु धर्म विशेष याना वंगु अर्थात् याना वह्य याना वयंगु सद्धर्मचर्य सम्यक धर्मया प्रभाव पुण्यानुभावं सुगति प्राप्त जुया वंगु इत्यादि खं विस्तारं कने- थन सकलया थुगुखं न्यना मात्रं सद्धर्म ज्ञान प्राप्त जुया मोक्ष गति प्राप्त ज्वीमा ।

॥ थुलिखें कपिदा वदाने निदान परिवर्त जुल ॥

थनंलि किशुक बने माक जन्मया खं सीकेगु

न्हापा त्रेतायुगे नेपाल मण्डले किशुक नाम बने दुर्भिक्ष जुया लखें दुःख जुल जलवृष्टि मजुया । उगु बने न्यास ५०० माक तेसं वास याना च्वन । अनावृष्टि जूगुलि घांय लता लहरा सिमा स्वांमा गना वन- गनंहे लः तोनेगु मन्त थुपि माकते

नय्गु तोनेगुलि तच्चतं शंकष्ट जूगुलि हाहाकार जुया गनवने गनचोने जुया खोया जुल ।  
पित्यागु सहायाय् मफुत उख्ये थुख्ये आहार माजुल गनं नेगु चूमलाना चांचा हुला जुल ।

तद्यथा— श्व खं गथ्ये धासा न्हापा सत्ययुगे (श्व भद्रकल्पे) थुगु नेपाल मण्डल  
कालिदहं धाइ । कालि नागराजापि वासयाना च्वंगु छगु तःधंगु पुखु खः लखं  
तोपुया च्वंगु । सत्ययुग पुलावंका त्रेतायुग जुस्येलि महाचीन देशं विज्याह्य बोधिसत्त्व  
खः महा मंजुश्री गुरु महा पुरुष विज्याना थुगु पुखुया लः प्यंगु दिशा पिछोया  
देश निर्माण याना बालक शुद्ध जुस्येलि नेम पाल धाइ नेपाल खः । न्हापां मंजुपदन धका  
नाम करण थागु । अनं लिपा नेपाल मण्डल धाल ।

थुलि ज्वी धुंका प्यह्यह्य तथागत क्रकूछन्द बुद्धया पर्यायस श्वसपोलया मुख्यह्य  
शिष्य ज्योतिपाल धयाह्य बोधिसत्त्व उगु वखते जि खः शाक्यमुनि बुध्दं आज्ञा देका  
विज्यात । वसपोल या अनुयाइ जुया सेवायाना चोना ।

उगु वखते मनुष्यपिनि परम आयु पीढल ४०००० या प्रणाम दु । थुगु समये  
किशुक वने बास याना चोपि माकत पूर्व जन्म यागु पाप भोगं माक जुया जन्मजूसानं  
दुःख भोग याना चोन धका सीकि । उगु वने तच्चतं सुखा जुस्येलि नेगु आहार छुंहे  
चूमलाना म्येपि पशु पंछि गणपि मेगु वने वना बासया वन ।

माकत जक मेगु स्थाने वंसानं हाहा याना हैगुलि दुःख जूसानं अनहे वने वया  
च्वंगु जुया च्वन ।

तदा— उगु समये नेपाले ज्योतिरूप स्वयंभू पंच तथागत (आदि बुद्ध) पि  
सुखावति भुवनं क्वहां विज्यानां प्रादुर्भाव जुया विज्यागु दर्शनार्थं भूमन याना विज्याह्य  
प्यह्यह्य तथागत क्रकूछन्द बुद्ध कशशः थुगु किशुक वने थ्यंक विज्यात । माकत मुना  
खोया च्वंगु खना श्वसपोल सिमाववे विश्राम यात ।

क्रकूछन्द बुद्धया मुख्यह्य शिष्य अनुयाइ जुया वह्य ज्योतिपाल बोधिसत्त्वं थुपि  
माक तेगु रूप गंसिगु शरीर नेगुलि दुःख जूगु थुपि खोया हाला च्वंगु खना विचार  
यात । अहो थुपि माक जुया जन्म कावल थन बने तच्चतं दुर्भिक्ष जुया छुंहे बुया  
सवगु पासे चोना दुःख पीड ज्वीका खोया चोन । थुपि नये मखना अकालं सिना  
बनीन धयागु चिन्तना याना करुणादृष्टि स्वया सहायाये मफेका खोवि वेका चोन ।

थुगु अवस्थास करुणाधारि ज्योतिपाल बोधिसत्वया ख्वा स्वया ऋकूछन्द बुध्दं  
आज्ञा देका बिज्यात । हे महाज्ञानि ज्योतिपाल ! छछाय् खोयागु खोय् मते धैर्यया जिनं  
खँ कने न्य । श्व संसार छगु पंज खः तधंगु चोनेगु थाय् । न्हापा यागु कर्मभोग याय्त  
थाय् चोनेगु छँ खः ।

सकल प्राणितय् न्हापाया जन्मस थःथः पिसं भिगु कुशलया ज्या मभिगु अकुशल  
या ज्या याना वगु कर्म विपाक जुया सुख दुःख यागु भोगयाना फुकेत वारंबार जन्म  
कया हानं सिना वनेगु हानं जन्म कावेगुलि हिते मागु जुया चोन ।

श्व माकत न्हापा मनुष्य जुया आपाल धर्मस विचार मयोस्ये अकुशल पाप कर्म  
याना बल । उकि आः थन वने माक जुया जन्म जुयानं नेगु तोनेगु छुं मदुगु थासे  
बासयाना दुःख भोग याना चोन । आः जिनं थुमित उपकार ज्वोगु छगु खँ छन्त धाय्  
छं स्वीकार याना का ।

थुमिसं न्हापा मनुष्य जन्मे पाप याना वगु दश अकुशल कर्म िगु प्रकारया दु ।

छुछु घासा शरीरं याइगु स्वता (३) पाप दु । कने बांलाक न्यं ।

- १) प्राणातिपातः— करुणा मतस्ये प्राणिपिन्त स्याय्गु हिसाकर्म ।
- २) अदत्तादानः— परया सम्पत्ति लोभ तथा हरण याय्गु ।
- ३) काममिथ्याचारः— पुरुषया थः स्त्री देकं परस्त्री स्त्री या थः पुरुष देकं परपुरुष  
नाप संभोग याय्गु । श्व स्वता शरीरं याइगु पाप खः ।

हानं बाक् म्हुतुं याइगु पाप प्यता (४) दु छुछु घासा

- १) मिथ्यावादः— ऊढ्हाखँ जक ल्हाय्गु असत्य वचन खः ।
- २) पेशून्यः— परयात नुगले स्याक खँ ल्हाय्गु कटु वचन धाइ ।
- ३) पारुष्यः— परयात बोबोगु आप बोगु नुगले घाज्वीक खँ ल्हाय्गु ।
- ४) संभिन्न प्रलापः— मिले जूपिन्त मखुथ्ये खँल्हाना फाय्गु । ज्या याका अपजस बिया  
छिन्द्र वचनं खँ ल्हाय्गु ।

हानं मनं (चित्तं) स्वता पाप याइगु दु गण्ये धासा ।

- १) अविद्याः— अज्ञान मूर्ख वाल बुद्धि आत्माज्ञान अहंकार अभिमान क्रोध द्वेष थुजागुलि जक भुले जुया परया मंगल जूगु खना मनं सहयाय् मफेका चोनेगु ।
- २) व्यापादः— परया दुःख खना हर्ष जुइगु, परपीड खना न्हिलेगु ।
- ३) मिथ्यादृष्टः— नास्तिक बाद धाइ— खःगु यात मखुः मखुगु यात खः धका अन्ध विश्वास याना विद्वांन् पित्त द्रोह चिन्तना याना परयागु दोष माला थःगु दोष गोप्य याना, खःगु खँ ल्हाहा खःगु ज्यायाहा यात गिलायाना थः छुं मससानं जान्या जुया ऊट्टा ज्ञान उपदेश विया थःनं परनं मभिगु कुगति लाका ज्वीगु । सः पिंगु न्होने मसहा जान्या जुया च्वे च्व माज्वीगु हानं कुविद्यां परयांत दुःख बीगु ।

श्व समेत (१०) फ़िता प्रकारया अकुशल कर्म पाप धका धया तल सीकि । थुजागु तालं पाप याना जूपि मनुष्यपि सिना वनि । आपालं नरके जम जुया प्रेत जुया पशु पंछि तीर्यक जुया जन्म ज्वी । थुजागु पाप याना नरके भोग याना प्रेत जुइ धुंका हानं माक जुया जन्म कया चोपि थुपि सकलें खः । थुजागु दुःख भोगयाना चोने माल ।

हे ज्योतिपाल ! छ महा कारुणिक खः आ छ खोया चोन खोयां थुमिगु दुःख फुइ मखुः । थुमित उद्धार याय्त छ थुगु किशुक बने माकया अवतार कया माक बोलि खँ ल्हाना थुमित धर्मोपदेश बीत तत्पर जुया थुगु बने छ बासया— लिपा छन्त अवश्य मेव संम्यक संबुद्ध पद प्राप्त ज्वीगु सद्धर्म ज्ञान लाभ ज्वी ।

थुगु प्रकारं ऋकूछन्द तथागतं उपदेश व्यूगु शुभ वचन न्यना तथास्तु याना पालिस भोः पुया ज्योतिपाल बोधिसत्त्व छथाय् शून्यगु वनस च्वना समाधि द्वारा देहान्त जुया उगु किशुक बने माकया अवतार कया बासयात । थनंलि ऋकूछन्द बुद्ध म्येपि शिष्यपि मुंका उगु वन तोता थासे थासे भ्रमण याना धर्मोपदेश विया लोकपित्त आपालं हित याना विज्यात ।

शाक्यमुनि बुद्धं धयां विज्यात, हे शालिपुत्र भिक्षु मध्ये छ च्वेलाहा खः सीकि श्वहे माकयात जानाकर धका नाम करण जुगु खः । श्व जानाकर माकनं छुं लिपा उगु किशुक बने च्वपि फुक माक तेत धर्मया खँकना बोधयामा चोन बुलुहुं माकते थःथः मन बोध जुया धैर्य चोने फत ।

हे महाज्ञानि जुया चोह्य शालिपुत्र ! माकनं माकतेत बोधयाना यंकूगुलि छन्हु सकल माकत मिले जुया थ्व ज्ञानाकर माकयात दथ्वी तया सकसिनं विन्तियात । भो महावया दुम्ह पाशा ! अज्ञानि जिपि फुकयात रक्षायाना विज्यात धन्य २ छपिखः । थननिस्थे थन जिपि सकल माकते छपि जुनु जुल । छाया घासा छपि यको ज्ञान बुद्धि दुम्ह धीर वन्तम्ह, बल बीर्य पराक्रम दुम्ह आपालं चतुरम्ह सकलयात करुणा तया रक्षा याये फुम्ह जुया छपिगु वचन जिमिसं माने याना चोने । छुछु याय् मागु खः उपकार जुइगु खँ कना जिमित रक्षायाना विज्याहुँ । थननिस्थे जिपि सकलयां छपि मालिक घासां खः जुजुथ्ये जुल गुरुनं जुल । यथ्ये विन्तियाना उख्ये थुख्ये वना अनेक बनया स्वां फल हया नका मानेयाना तल ।

ज्ञानाकर माक खुसि जुया फुकया स्नेह माया तया ल्यूल्यू बोनायंका फलाहार याना दुःख सहयाना च्वन । छन्हु बने भ्रमणयाना नेगु माजुल गनंहे फल सया च्वंगु मखना नये पित्याना, गुलिसियां लःतोनेगु इच्छायाना सोनुल गनं चूमलागुलि थःथःगु तालं हालां गुलि खीया चोन । गुलि सने मफेका गोतुला च्वन । गुलि धिकार छुयाना वयागु पापं थथ्ये माक जन्म कयानं नेगु आहार चूमलाना दुःख भोगयाय् माल । थथ्ये ज्वीका जन्म ज्वीगुनं स्वामा चीनेगु धिकार खः छुं प्रयोजन मदु । याकनं सिना वनेगु हे जक भीं जुइ धका अनेक प्रकारं हाला चोन ।

थुगु वखतस ज्ञानाकर माकनं दथ्वी च्वना फुकयात बोधयात । हे पाशापि ! जिगु ख्वासो, नीतिशास्त्र न्यना तयागु खँ कने, कीपि माक जूसानं ज्ञान बुद्धि देके माल मन शान्तिया ।

विपत्ति काले धैर्यं च संपत्ति चोदये क्षमा ।

सभायां पटु सद्वाक्यं संग्रामे युद्ध विक्रमम् ।

उद्योगं यससि कार्यं व्यसनेऽमि रुचिः श्रुतम् ।

सिध्दं प्रकृति भावेन षड्दिवं हि महात्मनाम् ।

छिमिसं सीकि विपत्ति ज्वीवले धैर्ययाय् फय्केमा १ धन संपत्ति देवले क्षमा दया तया दान धर्म ह्यसीका परयात उपकार याय् फेकेमा २. सभाय् चोने वले चतुर थुपा भिगु खँल्हाय् फेकेमा ३. संग्रामे वने बले सुरा जुया धर्म युद्धं त्याके फेकेमा ४

नां कमाय् याय्त निःस्वार्थी जुया उद्योग याता क्यनेमा ५ दुःख ज्वीवले भिगु ज्ञान  
न्यना सत् संगत याय्मा ६ । थ्व छुता तःतः धंपि सानु महात्मा ज्ञान पिसं सीका  
च्वनिगु अवश्यनं छः आः कीसनं सीकेमाल- खोया चोना जीगु मखु छन्हुजा सुख ज्वी  
तिनि खोय् मते छुंहे धन्दा काय्म्वा ।

जलवृष्टि मज्जुलि संम नेगु सुखा जुल जलवृष्टि ज्वीवले आहार चूलाइ हताय्  
चाय्मते, वरावर त्रिरत्न नाम काय् सेकि जलवृष्टि अवश्यनं ज्वी सकभनं सुखहे जुइ ।

जि धाय् थ्ये सकसिनं पालाक नामका धया थमं न्हापालाक धया क्यन ।

त्रिरत्न शरण, थुगु दुःख हरण । सकलया सुख ज्वीमा, याकनं जलवृष्टि ज्वीमा  
प्राणिपिनि आहार चूलाय्मा, सकलया सुख ज्वीमा ।

थुगु प्रकारं धया क्यंथ्ये सकसिनं पालाक धया च्वन बारंबार थथ्ये नाम उच्चारण  
योना सहे चीस जुया वन । थुगु -समये पंचाभिज्ञ या प्रभावं यावत् संसारे सकलसत्त्व  
प्राणिपिगु वाचाया शब्द न्हेपनं ताह्य आदि बुद्ध दीपंकर तथागत (बुद्ध) भगवानं ताया  
ध्यानदृष्टिं विचार याता थुमिगु दुःख सीका थुमित उद्धार याय्गु तथा म्येपिन्तनं हित  
सुख याय्गु तथा म्येपिन्तनं हित याय्गु कारणे अकनिष्ठा भुवन क्वहाँ विज्याना  
नेपाल भुवन किंशुक बने थ्यंक विज्यात ।

अनंलि छुं लिपा शीलवान् गुणवान् धैर्यवान् पिन्हेह्य भिक्षु पुंगव धापि (आपालं  
ज्ञान दुपि) सहित जुइका विस्तारं विज्यात थ्वसपोल यागु रस्मि (तेज) सकभनं  
छगुलि शीतबायु (ख्वांगुफे) वया जलवृष्टिनं जुल । तुरन्त स्वांमा सिमा वाउया फल  
सया स्वां होया घांय् लटा लहरा इत्यादि वन छगुलि वाउया शोभायमान् जुल । थाय्  
थासे अष्टांगगुणं संयुक्तगु लखं पूर्ण जुया पुखु खने दत बनं जल धारा क्वहाँ वल ।  
वनजन्तु- पंछि गणपिनं वास यावल वने चाहला थःथःगु तालं हाला जुल ।

उगु समये न्हेह्य भिक्षुपि ल्युल्युतया विज्याह्य दीपंकर भगवान् बुद्ध विज्यागु  
माकया राजा ज्ञानाकरं न्हापालाक खन खनेमात्रं हर्षजुया आनन्द मनयाना थगुखे पालन  
याता च्वंपि सकल माक तेत क्यना लिउने तथा थः न्ह्योने च्वना व्वांबना स्वचा चाहला  
दीपंकर भगवान् बुद्धया पालिस ताउति भोःपुया सकसिनं खोवि वेका माक बोलि हाला  
थःपिगु दुःख प्रकट यांना विन्ति यात ।



ज्ञानाकर मुख्यह्य माक न्होने चवना विन्ति यागु थय्ये खः । भो भगवान् !  
हे नाथ ! छलपोल गथिह्य घासा सकल सत्व प्राणिपिन्त उपकार याय्गुलि मालीक  
जुया विज्याह्य खः । अज्ञानया अन्धकारं तोपुया छुं मसिया मखना च्वंपिं अन्धातेत ज्ञान  
या तःप्वागु मत जुया सकसनं तेजं खय्का सद्धर्म ज्ञानोपदेश विया विज्याइह्य ।

दुःख दारिद्र पिन्त करुणा दृष्टि सोया घनाद्ययाना सुखी जुइका आनन्द याना  
विज्याइह्य । संसारया समुद्रं तरेयाना मोक्ष वनेगु लं मखना च्वंपिन्त खंका विज्याइह्य ।  
ततसकं भयत्रास ज्वीका वने चवना दुःख कष्ट भोगयाना च्वंपिं पशु पंछि पिन्तनं मुक्त  
याना विज्याइह्य ।

रोगी तय्त निरोगी याना नेगु तोनेगु मदया लःतोने मखे पिन्तनं सकतां पुरेयाना  
विज्याइह्य । लाता लाति पाक ज्यो स्वांथ तय्तनं खेल्हाय् सेका फय्का पागल मज्वीका  
ज्ञान बुद्धि देका उद्धार याना विज्याइह्य ।

भो भगवान् ! छमपोल सर्वज्ञ जुया प्राणिपिगु दुःख स्वय् मफेका करुणावन्त  
जुया स्वयं विज्याना दुःखिपिन्त उद्धार याना विज्याम्ह । छलपीलं आः थय जिपि माक  
तय्तनं उद्धार याइ अवश्य । नेगु लः तोनेगुनं मदया कथु गना सीत थिक जुया च्वन ।  
ताकालं शंकष्ट पीडा जुया चोनापि पापि माक तेगु दुःख सीका उद्धार याय्गु कारणे  
थन विज्यात । भो भगवान् ! याकनं जिमित उद्धार याला विज्याहुं ।

नमामि ते जगन्नाथ सर्वदा शरणं ह्यहम् ।

अनाथ मेऽपराधं च यन्मया प्रकृतं पुरा ।

भो नाथ ! छलपोल यात जिनं नमस्कार निश्चय याना छलपोलया शरणे  
सदानं जि च्वनेगु जुल । न्हापा जिनं छु पापयाना अथना अपराध याना बलज्वी-  
थुजागु फुकं क्षमायाना विज्याहुं । थुगु प्रकारं ज्ञानाकरं विन्ति याय्ये सकसिनं  
विन्तियात ।

इत्युक्ता तत्क्षणं तच्च वनंगत्वा स बानरः ।

गृहीत्वा पतंसं पक्वं तस्मै प्रदोक्षित मिति ।

सकसिनं थुलि विन्तिपाय् धुस्येलि मालोकम्ह ज्ञानाकर बने द्वाहां वना उख्ये थुख्ये स्वया च्वन । ल्युल्यु सकलें वया च्वन, ज्ञानाकरं पाके जुगु फंसि सया च्वंगु खन-  
खाना हया घेःपुना वया दीपंकर बुद्धयात फंसि छग फल दान यात ।

म्येपि सकल माक तेसनं थमं थमं खाना हयागु फल अंव हल विहल केरा धाले  
अं कटह म्येवा पासि बसि तुसि बय्सि सकि लें बने अकस्मात् दयावगु ज्वना वया  
भगवान् दीपंकरयात चढेयात ।

दान यागु फंसि तथा म्येगु फल इत्यादि कया वाक्ययानां दीपंकर बुद्धं  
आशीर्वाद विया विज्यागु थय्ये खः ।

घात्री हरतकी रंभा चूतंच पनसादिकं ।

स्कन्द मूला दिकं दानं यथेष्टितं फलंलभेत् ।

घाले हल विहल अम्ब अं फंसि कटह सकि लें पासि बसि तुसि इत्यादि फल  
दान यागु पुण्यं मनोरथ (इच्छा) पूर्ण जुइ । माक जुया च्वंपि छिपि सकलें थुगु जन्मस  
मनुष्य जुया उद्धार जुइमा । थय्ये आशीर्वाद विया विज्यागु तथाऽस्तु याना माकतेसं  
विन्ति याना च्वम । थुगु इले दीपंकर बुद्धं थः शिष्यपि भिक्षु न्हेम्ह न्ह्योने तया  
आज्ञा जुल ।

हे भिक्षुपि ! सोकि, थन थुपि माकत न्यास व छम्ह (५०१) दु । थुलि मध्ये  
ज्ञानाकर धयाम्ह छम्ह मालिकं फंसि दान यात । थ्व क्रकूछन्व बुद्धया छम्ह शिष्य  
ज्योतिपाल नाम बोधिसत्त्व खः । जन्मपत्ति दानपार मितादि या ज्या याना वया च्वम्ह  
घका छिमिसं सोका विचारया क्रकूछन्द बुद्धया उपदेश न्यना थुपि माक तेत उद्धार  
याय्त थः नं माक जुया थन वया च्वन ।

थ्व लिपा कलियुगया प्रथम चरणे शाक्यमुनि बुद्ध जुया जगत हित जुइगु सद्धर्म  
ज्ञानोपदेश विया कल्याणकारी ज्वीम्ह खः । छिमिसनं बन्दनयाय् योग्यजुः । थुलिखं  
आज्ञा जुया सिमाववसं विश्रामयाना विज्यात ।

थुलि खं कपिदाववाने किशुक बने दीपंकर बुद्धयात ज्ञानाकर माकनं पाशापि  
लिउने तया फंसिफल दान यागु निगु अध्याया खं पुन १२।

॥ यनंमि ज्ञानाकर आदि माकत मनुष्य या शरीर प्राप्त जूगु खँ सीके ॥

उगु समये अन बने माकत सकलें, दीपंकर बुद्ध तथा भिक्षु पित्त चाहुला लिहाँ बँबले सकसियां थःथगु मनं थय्ये चार यात ।

यथिन्यम्ह भगवान् दीपंकर बुद्धयात कीसं न्हिपं क्यना गथ्ये वनेगु यग्यो मजु धका प्रणामयाना सकलें लिकथं वन । भगवान् दीपंकरयो प्रभावं अन वनया मध्ये पुलांगु जिर्ण जुया च्वंगु तःचागु व तुं छगः दु । लिकथं वंषिं ज्ञानाकरं निस्स्ये फुक माकत वहे वं तुं थो कुतुं वन ।

थुगु अवस्थाय् माक तेसं मृत्यु ज्वीगु संभव सीका त्रिरत्न नामकया ई, ई पना थःथःगु तालं तित्तिं न्हुया विशब्दं हाला, जिपिं सकलें सीन, भो भगवान् जिमित रक्षायाना विज्याहुँ धका खोया च्वन ।

उगु समये थुमिगु शंकष्ट सीका खोया हःगु शब्द न्यना, करुणायमान दीपंकर बुद्ध हातासनं भिक्षु सहित विज्याना तुं थो क्वस्वया भरोसा विया आज्ञा जुल । छिमित छुं ज्वीमखु त्रिरत्न नाम कयाच्चं धका न्यंका तुं थो ल्हाः क्वछोया ज्ञानाकर माकयात ज्वना तुं थो यकया विज्यात । अनंलि नापं वपिं न्हेह्य भिक्षु पिसनं ल्हाः क्वछोया खोया च्वंषिं माकत सकलें ज्वना च्वे तथा विल ।

दीपंकर बुद्धं रस्मिछेका तगु प्रभावं माकत फुकं च्वे थकालिस्स्ये माकया शरीरं मुक्त जुया मनुष्य यागु शरीर प्राप्त जुल । माकतेगु रूप मखया सकलें अद्भूत आश्चर्य ज्वीका वँ वँगु वँ वँगु खवा स्वया च्वन ।

थनंलि ज्ञानाकरं विष्मय जुइका पाशापि सकलयात थय्ये घाल । हे पाशापि ! एव अत्यन्त आश्चर्य खः धन्य कीगु भाग्य न्होने बल— आ. की न्हापा याना वयागु पापं मुक्त जुया माकया शरीर मखुत क्षणमात्रं कीपिं सकलें मनुष्य यागु शरीर प्राप्त जुल ।

एव कारण सीकिं— कीसं दीपंकर तथागत तथा भिक्षु पित्त फलया राजा फंसि एवं म्येम्येगु अनेक फल दान यानागु पुण्य व दीपंकर बुद्धया आशोर्वादे मनुष्य देह थुगुहे जन्मे जुल थुलिछें न्यंका पाशापि लिउने तथा थः न्होने च्वना दीपंकर बुद्धयात स्वचा चाहुला पुलि निगलं चुया स्त्रोत्र बोना विन्ति यात ।

त्वं कर्ता त्वंचवन्धु जगति शुभददं प्रेम दाता त्वमेव ।  
 नाथ त्वं सौम्यदाता परम गुरु निधि त्वं महं वं नमामि । ११।  
 रात्रौ केचि त्प्रदीपोऽनल तपन निधौ शीतवाणी प्रवचं ।  
 रोगे शैषज्य दाता कलुष प्रहरणं त्वं भवाध्वे प्लवश्च । १२।

ओ भगवान् गुरु ! जिमित रक्षायाय् गुलि कर्ता जुया विज्याह्य छलपोल खः ।  
 जिपि सकलया वन्धुनं छपिहे खः । जगते शुभ कल्याण जुइगु बुद्धिविया सकलयात प्रेम  
 याना करुणा तथा रक्षायाना विज्याइ हानं छपि खः । अनाथया नाथ जुया सुखं  
 श्रयानन्द बीगुलि दाता जुया विज्याह्य परम गुरु छपिखः । नाना प्रकार या निधि  
 (नवरत्न आदि) संयुक्त जुया च्वंगु पर्वतथ्ये संम्यक सम्बोधिज्ञानं संयुक्त जुया विज्याह्य  
 छलपोल यात जिनं अथवा (जिपि सकसिनं) नमस्कार । ११।

हानं अमाइया रात्रौस अन्धकार खिउस्ये च्वंगु समये तप्वागु मत समान जुया  
 विज्याह्य छपि खः । छोया च्वंगु मिस कुतुं वना च्वने मफेक दाह जुइका तःगागु गाले,  
 अथवा पर्वते ज्वले लाना च्वंषि प्राणिपिन्त शीतलगु रस्मि खेका पुण्य ह्यसीगु  
 घर्मोपदे अमृतवाणी दानयाना (कना) रक्षायाना विज्याह्य छपिखः । हानं राग द्वेष  
 मोह माया काम क्रोध लोभ तृष्णा, इत्यादि थ्व च्यागुलि याना षट्गतिया भवचक्र जाले  
 तःषयना संसार समुद्रे कुतुं वना पापकर्म याकें जन्म जरा व्याधि मृत्यु ज्वीमागु दुःख  
 जालं याकनं मुक्त जुइगु सद्धर्म तथागत (बुद्ध) ज्ञान घर्मोपदेश विया संसार समुन्द्रं पार  
 च्वीगु (निर्वाणपव लाइगु) अमृत वाणी या वास गथ्येजा वैद्यराजं रोगीपिन्त वास दान  
 याइथ्ये दानयाना विज्याह्य छलपोल यात कोटिधाः प्रणाम याना ।

थुगु प्रकारं घया शिर कोछुना प्रणाम याना च्वन । थथ्ये भक्तितया प्रणाम यागु  
 छना छुसि जुया मुसुहें न्हिला दीपंकर बुद्धं आज्ञा दय्का विज्यात ।

हे ज्ञानाकर ! सकल भक्ति जनपि— छिमिसं पुण्य ह्यसीया कमाय् याय्गु उपाय  
 ज्ञान जगतो हिताय करुणा घका सीकि । दान शील क्षान्ति वीर्य ध्यान ह्यसीका मैत्री  
 भावं दान धर्म बाय् गुलि उत्साह याना— जिगु अकुशल पाप कर्म काय वाक चित्तं  
 याइगु तोता, जिगु सुकुशल कर्म याय्गु प्रज्ञा शील समाधि ज्ञान समान प्राणि उद्धार  
 ज्वीगु माला सोसा छुं मवुः ।

छिमिसं जित थन वने च्वंगु फंसि आदि अनेक फल श्रदा तथा दान यागु पुण्यं छिपि सकलें याकनं थुगुहे जन्मस माक (पशु) या देहं मुक्त जुया मनुष्य शरीर जुल । दानपारमिता तथा शील क्षान्ति वीर्य ध्यान प्रज्ञा थुजागु षट् पारमिता या प्रभावं थय्ये क्रमशः ज्वीगु धका सीकि एवं बाँकाक थ्वीकि ।

हानं भूमो दान याये फय्मा- भूमि दान यानागु पुण्यं सुखैश्वर्यं जुया आपालं शास्त्र सःह्य जुया महाज्ञानि सकल या मालिक ज्वी । थय्येहे म्येगुनं दान याय् फत धासा षट् पारमितास बुध्याना महा भाग्यमानि जुया ज्ञानं संयुक्त ज्वीका महापराक्रमी सिद्धिवान् सदानं ज्वीका च्वने दइ । छिपि सदानं दान पुण्य याय्गुलि उत्साह जुइमा थुलि घया हानं थय्ये आशीर्वाद विद्या विज्यात ।

### मूल

ज्ञानाकर कामार्थी नाम नगरे सार्थवाह पुत्रो भविष्यसि त्वमिति  
इत्युत्का सो भगवान् गतवान् ।

### अर्थ

हे ज्ञानाकर ! छ महाज्ञानि परोपकारि खः । थुगु जन्मं लिपा कामार्थी नाम नगरे सार्थवाह या काय् जुया जन्म जुइमा । थुलि आज्ञा जुया ष्वसपोल दीपंकर भगवान् न्हापा च्वनागु थांसे लिहाँ विज्यात ।

थुलि कपिदा वदाने ज्ञानाकर आदि माक जन्मं मुक्त जुया मनुष्य शरीर प्राप्त जूगु खँ रवंगु अध्याय जुल ।३।

॥ थनंलि ज्ञानाकर मनुनं छें दय्केगुलि मन उत्साह यागु खँ सीकेगु ॥

छन्हु ज्ञानाकरं सकल पाशापि न्ह्योने तथा थय्ये उपदेश बिल । हे पाशापि ! आः कीपि सकलें माक मखुत मनुष्य जुल- माकथ्यें सिमागया लालागु थासे चाहला बास च्वने मजिल । वा वइ फय् वइ च्वनेगु गन वनेगु गुवलें पोंनं वइ थय्ये जक च्वना नं कीगु शरीर रक्षा जुइ मखुः । बास याय्गु थाय् सकल पशु पंछि तय्नं माला च्वन । कीपि पशु मखुत च्वनेगु थाय् मदुनि ।

अतः चवनेत छे दय्केमाल आः फिसं हे उद्योग याना छे दय्केगु ग्वसां मयास्थे मजिल । जि धयागु खे खः मखु विचार याना सो । जानाकर मालिकं थय्ये धागु खे न्यना सकलया चित्त संतोष जुया विन्तिपात । भो मालीक जु ! छपि धन्य २ खः आः जिमिसं छे दय्केत छु पाय् माल आज्ञा दय्का विज्याहुं ।

थय्ये विन्ति यागु खे न्यना, सकल मिले जुया सिमा ध्यना लटा लहरा हया छे दय्केत मामागु ज्वरेयाना न्हापालाक जानाकरं निस्थे थःथःपि सकलें बास चवनेत छे तयार याना चवन । थुगु तालं उगु वने वासयाना नया तोना चवचवं खुला दस्येलि छन्हु हान जानाकरं विन्तिपात । अहो थय्येजक चवना जि थ्व वने गुलि चवनेगु थुगु बखतस बुद्धिमान्ह्य सत्पुरुष छह्य पाशायाय् फुसा थुगु दुःखें मुक्त जुइ धका विचारयाना चवन ।

थुगु इले दीपंकर भगवान् बुध्दं थः शिष्य उपाशक छह्य सःता आज्ञा जुल । हे उपाशक ! किशुक वने वासयाना चव्ह्य जानाकर यात नापालाना निगु प्यंगु ज्ञान विया वा धका मागु तक खें स्थना छोया हया विज्यात ।

थ्व उपाशकं तथाऽस्तु याना उगु वने थ्यंक वल । जानाकरं खंका सिमाक्वे वास याना चवन । थुगु समये जानाकरजु हतासनं व्वांवया नापलाना आदर तथा प्रणामयाना थः चवनागु थासे (छे) यंका फलाहार भोजन याका विन्ति पात । भो महापुरुष ! छपि सुखः गन विज्याय् थन वने विज्यानागु कारण छुं दुला थय्ये न्यस्येलि उपाशकं घाल । हे मानव ! जि व्यापाद या निमित्तेनं भ्रमणयाय् धका दयागु खःथन वने शीतलगु वामना कावया- जिगु नाम आर्यपुत्र खः बुद्धोपाशक जुया चवना । जानि गुणिक पिगु संगत याकें छुं भति भति सेका सीकां तयागु नं दु- छुयाय् प्वाया समस्यां याना थय्ये चाहला जुइ माल ।

छपि सुःखः नां छु थन वने छाय् विज्याना चवनागु गुकथं व्यवहार याना चवना थय्ये न्यस्येलि जानाकरं उत्तर विल । भो अःर्य पुत्र जि छह्य बनबासी दुःखि मनुष्य खः जि थन वने आपालं पाशापि दु । जिपि माक मनुष्य जूपि खः दीपंकर बुद्धया प्रभावं जिपि मनुष्य शरीर जुल प्राप्त जुल । थुगु प्रकारं थन वने भ्रमणयाना दुःख भोग याना जुया । सत्संगत मवया छुं पुण्य (धर्म) या खें मसिया चवन ।



जि थौं भाग्यमानि जुल छपिथ्ये जाह्य कल्याण मित्र पाशा चूलात । आः छपिसं जित थ्व बन यागु दुःखं मुक्त जुइगु उपाय कना बिज्याहुँ । भो मित्र (पाशा) आ यनि निस्थे स्नेहया पाशा जुल जि त्वाय् छपियाय् धुन । मनुष्य यागु सदाचार शुद्धगु चरित्र भिगु कर्म गथ्ये खः छु सीके माल छु यासा भि जुइ ।

ज्ञानाकरं थय्ये न्यस्येलि, आर्ययुत्रं उपदेश बिल । भो मित्रजु एक चित्तं श्रद्धा तथा न्य । थ्व संसारे स्वर्ग मर्त्य पाताल आदि लोक धातुस जन्म जुया सुख दुःख भोग याना चोपि प्राणि धापिं चय् प्यंभु लाख योनि नाना प्रकारया जीव जन्तुपि दु । थुलि मध्ये छु पुण्य यागु प्रभावं मनुष्य योनी जन्म जुया मानव धाय्का चवन मानव धापि मनुष्य पिनि सारगु तिसा ज्ञान खः । ज्ञान निगुदु सुज्ञान व कुज्ञान, कुज्ञानं क्वेलाइ, सुज्ञानं चव्य लाइ । क्वे लाइ धागु संसार चक्रे चाहुला नरकस कुतुं वना सदानं दुःख जुइगु । च्वे लाइ धागु संसार चक्रे मलास्ये संसार समुद्रं पार जुया सुख जुइगु ।

गथ्येजा ख्वाले च्वंगु मिखां न्ह्योने च्वंगु जक छनि ज्ञानया मिखाँ न्हापा जुया वंगु लिपा जुया वइगु आः जुया च्वंगु सकभनं खनी । कुज्ञान तोता, सुज्ञानं खँका पुण्ययाय् फय्के मा । पुण्य समान रक्षा जुइगु म्येगु छुं मदु पुण्ययाकें ज्ञान बुह्य मनुष्य जुइगु खः ।

मनुष्य जुया मुख्यसीके मागु थय्ये खः संसारे दुःखं व्याप्त जुया च्वंगु खुगु प्रकारया गति दु । छुछु धाःसा— १) देवगति २) दैत्यगति ३) मनुष्यगति ४) तीर्थ्यक गति (पशु पंखी कीतानु) ५) प्रेत गति ६) नरक गति थ्व खुगुयात षट्गति धाइ ।

थ्व खुगुगतिस भोगयाना दुःखसी म्वालीगु उपाय काय, शरीर वाक म्हुतु चित्त मनहे जुल । थ्व स्वंगुलि पाइगु दश सुकुशल ह्यसीका, दश अकुशल तोतेगु स्वभाव शुद्ध जुया शील धारण याना सद्धर्मज्ञान बुद्धं कना बिज्यागु अमृत वचन प्राणि मस्याय्गु अहिंसा, जगतो हिताय सुखाय लोकानुकंसाय थुक्कियात प्रज्ञा ज्ञान धाइ । संसारं पार जुया वनेगु खः मोक्ष (निर्माण) हानं जन्म जुइ म्वालीगु ।

जन्म जुइ म्वास्येलि षट्गतिया अनेक परिपंचनादि भोगयाय् म्वाल । हानं सीके माल— धर्म निगु दु । १) लोकायण धर्म २) लोकतर धर्म । लोकायण धर्म व्यवहारे भुले जुया स्वार्थीया अभिमान पाइगु प्रमाण तल धासा होगंगु थले तः तय्ये जोया

वनी थमं परिश्रम याना धन खचं यानागु व्यर्थ जुइ । लोकोत्तर धर्म, बुद्ध ज्ञान, तामासी अहंकार अभिमान स्वार्थीया व्यवहारं मथीक अलग जुइगु होःमंगु थले लः तय्थ्ये जोया वनी मखुः । परिश्रम याना धन खचं यानागु सार जुइ ।

हानं सीके माल, लोक पित्त अनुकम्पा तय्गु करुणा (कृपा) धाइ- प्राणि उपर अहिंसा धर्म ज्वना शान्तिबादी जुइगु सत्य धर्म धका न्हापा जुया वंपि बुद्ध बोधिसत्त्व पिसं प्रमाण विद्या वंगु दु । थुजागु सीका धर्म याय्त याकेत विना शिक्षा (ज्ञान) मदेकं याय् फइ मखुः । अतः न्हापां शिक्षा (ज्ञान) ह्यसीका सङ्गुरु पाख्ये उपदेश न्यना बुद्धि प्राप्तयाना चर्याचारी जुया श्रद्धावान् जुइ फय्के माल ।

भो मित्रजु ! हानं न्यं । षट्गति मध्ये देव जातिया स्वभावं संसारे जन्म कावया च्वंपिनि स्वभाव गथ्ये जुइ । शुद्धाचार शुद्धशरीर सुन्दर रूप सुलक्षणं युक्त जुइ । विशेष सत्त्वगुण या आहार स्वां फल स्कन्द सकि भुमि बुया वगु हि खरबुज तरबुज पंचामृत (दुरु) धौ घ्यः कस्ति साख) माघि चाकुगु बस्तु भोजन याय्गु प्रेम जुइ । १।

दैत्य राक्षसया स्वभावं जन्म कावया च्वंपिनि स्वभाविक गथ्ये जुइ धासा असत्य व अग्रमो जुया, मोह तृष्णा अहंकारी लोभचित्तं अतिकामी जुइ । हानं आपालं भयंकरगु तमोगुणया आहार प्राणि या ला हि मदिरा अमल जक भोजन याय्गु अति प्रेम जुइ । २।

मनुष्य जातिया स्वभाविकं जन्म कावया च्वंपिनि स्वभाव गथ्ये जुइ धासा, सदानं वान पुण्य व्रत याय्गुलि जक चित्त जुया च्वनी । देव गुरु माता पिता प्राचीन शास्त्र भिक्षु त्यागी विद्वानं पिगु उपर अति भक्त जुइ । सुन्दर शरीर लक्षणं संयुक्त जुइ । सत्य धर्मस सूर जीर जुइ । नम्र रूपं खैल्हाना लोक प्रिय जुइ । शील स्वभाव वाँलाना क्षान्ति धर्मे च्वना आनन्द रूपं परोपकारी शिक्षित जुया मदिरा मांस आहार अप्रिय जुइ । ३।

तीर्थ्यक जातिया स्वभावं जन्म कावया च्वंपिनि स्वभाविक गथ्ये जुइ धासा शिक्षित जुइ मखुः शिक्षित पिगु खनं न्यनी मखु । अहंकारी अशिक्षित जुइ । स्वास दुर्गन्ध जुइ । दुर्गन्ध बस्तु (नवगुलि) जक आहार प्रेम जुइ । थुजापित्त रजोगुण धाइ । देव गुरु धर्मशास्त्रस एकचित्तं भक्ति याय्त थाकुया च्वनी । ४।

प्रेतगति (भूत प्रेत पिशाच पिगु स्वभावं जन्म कांवया च्वंपिनि स्वाभाविक गथ्ये जुइ धासा, सदानं क्रोध मुख खिगुह्वाः जुइ । परयानं थः नं दुख जुइगु जक ज्यायाना जुइ । भिगु शुभकार्यं धर्मस बिमुख जुइ बहु आहार जुया न्ह्यागु नय्गुलि जक लोभ चित्त जुइ । पुलांगु नवगु धोःगीगु तों दासानं आहार याय्गुलि प्रेम जुया नय् जक बुसा न्ह्यागुनं इच्छा याइ । ५।

नरक गतिया स्वाभाविकं जन्मका वया च्वंपिनि स्वभाव गथ्ये जुइ धासा, अलक्षण विरूप जुइ । आपालं आहार तःचो जुया सदानं असंतोषी जुई । भिगु शुभकर्म तथा धर्मकार्यं नय्गु तोनेगु मंगल कार्ये त्वापु कचिंग याना भिगु ज्या स्यंका विइ । कुसंगत कुजाने जक भुले जुइ । भिगु खं न्यनी मखु मभिगु खं न्यनेगु मखुथ्ये खं ल्हाय्गुलि जक इच्छा याना ज्ञान बुद्धि भ्रष्ट जुइका स्वयानं स्वये मय्का जुइ । ६।

मूल

आदौ विवर्जये त्पापं दुष्टमित्रानु रागतः ।

सान्मित्रेभ्योऽनु रागेन संचरष्व शुभेवृषे ।

मनुष्य पिसं याय् मागु सीके— असत्यगु ज्या याना चतुरजुया चोपिगु संगत न्हापा लाक तोता, पाप मयाय्गु । भिगु ज्या खं याइपि पाशापि जक संगत याना भिगु लें पलातया पुण्य याना जुइ फेकेमा ।

(१) मैत्री, प्राणिपिन्त थः समान भापा याय्गु (२) करुणा परयात दाया कुना छांलाका पाला स्याना दुःख बीगु ज्या मयास्ये कृपा तेगु (३) मुदिता, परया सुःख जूगु धर्म यागु खनां मन हर्ष जुइगु (४) उपेक्षा परयागु दुःख फुका बीगु भरोसा बीगुलि उत्साह ज्वीगु दुःख लिक्का बीगु । थुकी यात चतुर्वह विहार शुद्धाचार धाइ ।

थ्व प्रकाशयाना सद्धर्मज्ञान सीका चर्ये चोता परयात कल्याण ज्वीगु जक ज्यायाना याका जुइमा । थुगु ज्ञानयात तथागत (बुद्ध) चर्यया मुख्यगु ध्यान धाइ ।

थुगु ज्ञान सीका चर्ये च्वना षट्गति चक्रे लाइगु लोकायन धर्म मच्चंस्ये लोकोत्तर धर्म (बुद्ध धर्म) या आचारण याना जुइगु मनुष्यया छगु तःधंगु शिक्षित कर्म खः धका भगवान् बुद्ध पिसं आज्ञा देका वंगु शास्त्रे च्वया तगु दु । थ्व खं बांलाक थ्वीका नित्य अनित्य विचार याना सद्धर्म पला तथा जुइमा ।

युगु प्रकारं तथागत ज्ञान अमृतोपवेश व्यूगु न्यना अन बने चोपि ज्ञानाकर तथा म्येपि सकलं मन बोध याया थथ्ये विन्ति यात । धन्य २ छपिसं युगु अमृतोपदेश व्यूगु खं न्यना जिमिसं सोके धुन जिपि सकलया मन बोध जुल ।

हे आर्यपुत्र ! जिपि न्हापा थ्व बने माक जुया दुःख भोग यानागु खं न्यना विज्याहुं घया फुक्क खं कना दोपंकर बुद्धयात फंसि फल चढे यानागु पुण्यं मनुष्य शरीर धारण याये दत्त । छपिगु आशीर्वाद हानं युजोगु खं न्यने दया जिमि अहो भाग्य खः । युगु प्रकारं ज्ञानाकर आदि सकसिनं विन्ति यागु न्यना मन हर्ष जुइका दानपारमितादि षट् पार मिता यागु खं नं संक्षिप्त रूपं कना विज्यात ।

हे मित्रजु ! संसारे दान धर्म ब्रत यानागु पुण्यं सर्वदा कल्याण जुइ गथ्ये घासा सिमास संगु फलथ्ये सिमा दत्तले बराबर फल सया हे च्वनो वथ्ये धका सीकि ।

फल दान यागु प्रभावं तत्कारणं मनुष्य जुल आः हानं अन्न क्षीर (जा) पूर्णयाना पिण्डपात्र तथा म्येगु नं घन द्रव्य इत्यादि दान याय् फुसा दानपारमिता नं पूर्ण जुया महा सुख प्राप्त जुइ । थथ्ये दोपंकर बुद्धं आज्ञा जुया विज्यागु वरावर जिनं न्यना तयागु हु । जि छह्यनं दोपंकर बुद्ध भगवान् या शिष्य आर्यपुत्र खः । हानं कने न्यना विज्याहुं ।

### मूल

दानेन पापं प्रशमन्ति नित्यं  
शीलेन स्वर्गं मुपयन्ति शीघ्रम् ।  
क्षमान्नराणां तपसी भवन्ति  
घनाजंनं वीर्यं बलं वदन्ति ।१।

निर्माण ध्यानेन पदं प्रयान्ति  
प्रज्ञा वसेन विजयन्ति चाशु ।  
एतेन पुण्येन फलेन सर्वं  
पारं प्रयान्ति मनसा प्रसिद्धम् ।२।

अर्थ

१) त्याग चित्तं नित्य दान यांनागुलि पाप फुना बनि २) शील धारण यांनागुलि स्वर्ग लोके वासया वने दइ ३) क्षमा धर्मस च्वनागुलि तप यांनागु तुल्य पुण्य दइ । ४) धनयात त्वेक परयात कल्याण जुइगु उपाय खः रक्षा याय्गुलि तःतः धंगु वीर्य पराक्रम वयनागुलि सुनानं याय् मफुगु ऋद्धि वीर्यबलं संयुक्त जुइ । ५) मन स्थीर यांना ध्यान यांनागुलि निर्माण (मोक्ष) पद प्राप्त जुइ । ६) दश अकुशल कर्म काय वाक् वित्तं याइगु तोता समाधिज्ञान मनस्थीर याय्गु बुद्धचर्य चतुर्वह्य विहारे च्वना श्रद्धा भावं खंकेगु प्रज्ञा (ज्ञानं) याकनं मारगण पित्त त्याका परम गुरु बोधिज्ञान दुह्य बोधिसत्व जुया लिपा बुद्धत्व लाभ जुइ ।

युजागु षट् पारमिताया विशुद्धि प्रभाव सीका पारमितां पूर्ण ज्वीगु बुद्धज्ञान यांत प्रज्ञा ज्ञान धाइ । म्हतुं जक प्रज्ञा ह्यसीकेमा धयां छुं प्रयोजन मदु । गथ्येजां लःया ज्ञाने आखः च्वेयेथ्ये जक जुइ । चर्ययांना यंके फुसा जक प्रयोजन दइ । चर्य यांनागुलि संसार समुद्रं पार जुया अर्हतपद लाना तथागत नं जुइफुः । चर्यहीन जुइका खंजक ल्हाय् सेकानं पारमितां पूर्ण जुइ मखु । प्रमाण तल धाःसा खं सह्य फंगथ्ये जक खः । गथ्ये जा रोगी जुया च्वंह्य वास नये माल जक धयां रोग शमन जुइ मखु । सत् वैद्य सःता रोगानुसारं वास नये फुसा जक याकनं रोग लाइ ।

क्रमशः दान बःलाका यथा क्रमं पार मितां पूर्ण जुइकेगु ज्या स्वाहांने थाहां वना च्वेः थ्यंकेथ्ये खः । जगत् हित जुइगु अहिंसा धर्मया कुशां कुया जुइ फेकि धर्म धयागु थ्व हे खः । थुलि खं कना विदां कया हर्षमन यांना आर्यपुत्र लिहां विज्यात । अनंलि थुगु ज्ञान लुमंका ज्ञानाकरजुं फुक पाशापित कना ज्यानं याका छगु मनथ्ये जुया वनन्तरे भोगयांना छन्हु या दिने ज्ञानाकर मृत्यु जुया वन ।

थुगु प्रकारं जेतवन विहारे विज्याह्य शाक्यमुनि भगवान् बुद्धं शालिपुत्र भिक्षु प्रभृति उपस्थित जुया च्वं पि सकल सभालोक पित्त थुगु खं न्यंका आज्ञा जुया विज्यात । न्यना च्वं पि सकल या चित्त संतोष जुया, धन्य दीपंकर तथागत, धन्य आर्यपुत्र, धन्य २ ज्ञानाकर धका प्रशंसा यात ।

थुलि खँ कपिदा वदाने जानाकर मनुष्य देह तोता हानं कामार्थी नगरे सार्थवाह  
कुले जन्मका वंगु प्यंगु अध्याय जुल १४।

॥ थनंलि धर्मश्रो वालक यागुखँ सीके ॥

पुनर्वार (हानं) भगवान् शाक्यमुनि बुद्ध याके शालिपुत्र महास्थविर भिक्षुं थथ्ये  
विन्ति यात । भो भगवान् ! थुहा जानाकर सार्थवाह या कुले जन्म जुस्येलि उगु  
अवस्थाय् वं छुछु यात । छलपोलं थ्व खँ नं थन जिमित आज्ञा दय्का विज्यासा  
उत्तम जुइ ।

थथ्ये विन्ति यागु न्यना भगवान् बुद्धं सकलया ख्वाः स्वया आज्ञा दय्का  
विज्यात । हे भिक्षु पुंगल शालिपुत्र तथा सभालोकपि ! कामार्थी नगरे सार्थवाहया  
कुले जन्म जुस्येलि वयागु वइगु संक्षिप्त जन्म चरित्र कने- छिमिसं एकचित्तं न्य ।

गथ्ये घाःसा, कामार्थी नां जुया च्वंगु छगु नगरे आपालं धन द्रव्य सुवर्ण रत्नादि  
वृही नं पूर्ण जुया महा घनाद्य जुया च्वंह्य सकल लोकपिन्त करुणा दुह्य लोके नां प्रचार  
जुया च्वंह्य महाज्ञानी शीलवन्त धर्मात्मा सदां दान धर्म याय्गुलि तत्पर जुया च्वंह्य  
भुवनानन्द घयाह्य महाजन छह्य दु । वया स्त्री सत्यवती अत्यन्त सुन्दरीह्य देव गुरु  
माता पिता थः स्वामी भक्तिह्य शास्त्रनं सःह्य सदानं धर्म व्रत दान याय्गुलि रस जुया  
च्वंह्य, लोक वासिनी नां जुया च्वंह्य महाजननी सहित आनन्द पूर्वकं च्वना काल  
दिन हना च्वन ।

छन्हु रात्रिया प्रहरे महाजननीया भिगु स्वप्न खन न्ह्यलं चास्येलि दना थःस्वामी  
यात थः स्वप्नस खँगु खँ फुकं कन । भो स्वामी ! थौंया रात्रीस स्वप्ने खँगु छगु  
विन्तियाय् न्यना विज्याहुं ।

मूल


भुवन सकल शोभाः श्रीयुताः शुद्धरूपी ।

दिवि भुवि सुरवन्द्या अद्भुता दानवाता ।

मम उदरि प्रविष्ट सत्यधर्म प्रयुक्तः ।

प्रभवति ममचित्ते तत्प्रभावा त्प्रसन्न ।





किंभ्रकवनदीपंकव हगवान रिक्क गल पिंमंका विक्कावल व्रनचल हानाकवमा  
 कनंरुंसिरुलळग दळागू पृथं लिपादी पावतीनगय सर्वानन्यरुक्क कया  
 ऊ न्मकावलनं दीपंकवद्वयात पिशुपाय दानयाम् चिय ॥



## अर्थ

सकल भुवनस शोभा याना तेज प्रकाश जूहा श्री ऐश्वर्यं संयुक्तह्य शुद्ध सुन्दर रूपह्य पृथ्वी आकाश या सकल देव मनुष्य पिसं वन्दन याय् योग्यह्य अद्भुतं दान याय्गुलि दीताह्य महा पुरुष बालक छह्य जिगु गर्भे प्रवेश जुल थुलि स्वप्ने खनेवं थुकी यागु प्रभावं जिगु शरीर महा सुख आनन्द जुल । न्हापा यागु खं दक्कं लुमना वल । हानं अनेक या ज्ञान गुण सत्य धर्मया खनं लुमना वल आः जि थनि निस्ये परमेश्वर त्रिरत्न लुमंका एकान्तस आनन्दं च्वनेगु इच्छा जुल धका थथ्ये स्वप्ने खंगु खं सकतां थः स्वामीयात कन ।

थथ्ये थः स्त्रीनं वित्तियागु खं न्यना भुवनाकर महाजनया मती उत्सव बढे जुया स्त्री यात धाल । हे प्रिये स्त्रि ! छ धन्य खः छं थ्व स्वप्ने खंगु भिगु खः । छं सीकि आः कीगु मनोरथ पूर्ण जुइन कीगु कुले रत्न समानह्य सुन्दर पुत्र जुइगु लक्षणया शुभ स्वप्न खः ।

थनिनिस्ये छंगुगर्भे गर्भ धारण जुल- छंगु मने छु इच्छा जुल उगु पुण्य कर्म दान धर्म याना च्वं । जिगु मन तस्सकं प्रशन्न जुल आः तिनि कीगु कुल उज्ज्वल जुइ छाप् धाःसा धन संपत्ति यकोदु सन्तान मदुगुलि मन खिउया च्वंगु ताः कालं दत्त- थौं शुभ मंगल यागु खं न्यंकल । आः तिनि छंगु गर्भे पुत्ररत्न वासयात थथ्ये खं ल्हाना निह्य त्यपु हर्षमान जुइका सुथे जुस्येलि नित्यथ्ये कुल धर्म नित्याचार या ज्या याना वरावर दान पुण्य सिधेका भोजनादि कर्म धुंका वासयाना च्वन ।

थनंलि क्रमशः ङिला दस्येलि लोक वाशिनी महाजनती या गर्भं आनन्द पूर्वक भिगु सुवेलास सुन्दरह्य पुत्र जन्म जुल । गथिन्यह्य धाःसा कोमल शरीर लक्षणं पूर्ण शरीर पुष्ट सास सुगन्धह्य थुजाह्य बालक (पुत्र) जन्म जुगु खना मां अबु निह्य खुशि जुया धन्य २ भाग्य थ्व बालक या कुशल जुइमा धका आशीर्वाद विद्या छे दीपावली सकभनं मत च्याका प्यन्हुतक भिक्षु साधु महात्मा जोगी ब्राह्मण बुढा बुढी बालक पाचक पित्त सःता अन्न द्रव्य वस्त्र भोजन दानयाना उत्सव यात ।

खुन्हु दिनस जातकर्म विधान रूपं पुरोहित पाख्ये पूजादिकर्म सिधेका जोतीष निमंत्रणा याना थ्व बालकयात नाम करण समेतं थौंहे सिधेका छोये, नाम छुयांगु धका न्यन । अबुह्य सिनं थय्ये न्यस्येलि गुरु पुरोहित जोतीष थः बन्धु बर्गपि मुना सल्लापाय् धुंका धर्म याना दुह्य थ्व बालक यात धर्मश्री वासक धका नाम करण भिगु बेलास यात । थ्व खुन्हुया दिने नं निमन्त्रगाय् वपिन्त दानयाना भोजन बिया संतोष याना छोट ।

एवं प्रकारं दिन विते यायां शुक्लपक्षया चन्द्रमाथ्ये थ्व धर्मश्री बालक न्हिन्हि सिया बढे जुया बालक यात मामागु तालं परिचारकपि तथा प्रतिपाल याना तल ।

कथंथ्ये च्यादें दस्येलि गुरुयात लःल्हाना विद्यारम्भ याकालि च्यादें फुना गुदें बयनेव छन्हु थःगु छेया पिने छगु थासे धुःमुना द्वंचिना तगु थासे पाशा छम्ह लिस्ये च्वेच्चना म्हिता च्वन ।

युगु समये दीपंकर तथागत शिष्यपि न्हेम्ह भिक्षु लिउने तथा थः च्वनागु थासं पिहाँ विज्याना कामार्थी नगरे द्वहाँ विज्यात ।

गुगु प्रकारं विज्यात धाःसा- स्वीनिता लक्षण चेता व्वंजन अंग लक्षणं पूर्णगु शरीर यागु तेज प्रकाश याना सकभनं शीतलगु रस्मि सुगन्ध वासना दुगु बायु वहन याना, गय्येजा पुन्हो खुन्हुया रात्रीस चन्द्रमा या तेजं सकभनं निर्मलगु शीतल तेज प्रकाशमान् जुइका सकल लोक पिन्त मन आनन्द जुइक याना न्हिला बुलुहुँ किसियागु गमनं विज्यात ।

युगु समये कामार्थी नगरवासी लोकपिसं दीपंकर तथागत विज्यागु खना पुष्प धूप दीप ताय् आख्य सिन्ह स्वानं पूजादि याना धूप थना मार्ग शोधन विधि (लें शुद्ध याय् धुंका बसाकाप लाया पंच सुगन्ध लखें हाहा याना प्रणाम यायां वया च्वन ।

गुलि भगवान् या न्ह्योने लिउने बाजं याना जय शब्द उच्चारण जुइका वया च्वन । गुलि स्त्रीस्त्र बोना मिजं मिसापि वुढा वुढी ल्याय्हा ल्यासी मचा समेतं श्रद्धा भक्ति तथा दीपंकर बुद्धयात प्रणाम धका हालाले वया च्वंपि ।

गुलि थःथःगु छें ऊचाले लुखाववे फले मत तथा ताय् स्वां होला प्रणाम याना च्वंपि । गुलि जोस्वां चमेलिस्वां पलेस्वां उफोस्वां द्वाफोस्वां इत्यादि चढेयाना प्रणाम



यावपि । गुलि विद्वान् बर्गपिसं उत्तम शुद्ध बस्तु पंचामृत मधि क्षीर फल पंचोपहार पूजा  
ज्वलं ताः लाका पूजाया वपि । गुलि क्षीर (जा) पूर्णगु पिण्ड पात्र नैवद्य चीवर वस्त्र  
सुगन्ध बस्तु ज्वना ले सिथे च्वना च्वपि, गुलि न्ह्योने वया पूजायावपि । गुलि एक  
चित्तं अष्टांग प्रणाम याना च्वपि ।

थुगु प्रकारं महोत्साह याका कामार्थी नगरे भ्रमणयाना ववं धर्मश्री बालक धूया  
द्वय च्वना म्हिता च्वंगु थासे थ्यन ।

थथ्ये म्हिता च्वंम्ह बालक यात स्वया आज्ञा जुल । हे वालक ! छ म्हिता  
च्वनाला थौया दिने छंगु ल्हाति छुं बस्तु व्यूसा भिक्षुपि मुंका दानकाय् धका वन वया ।  
सितियाय् मते दान व्यूगु कया सन्तोष जुया वने विस्तार याय् मते । याकनं सन्तोष  
याना छो ।

थथ्ये आज्ञा जुगु न्यना थ्व बुद्धिमान्हा धर्मश्री बालकं आदर पूर्वकं प्रणाग याना  
दीपंकर बुद्ध यागु ख्वाःस्वया ल्हाः विन्तिया धाल ।

मो भगवान् बुद्ध ! जि मचाखः थन ह्मिता च्वना छलपोल यात योग्यगु वस्तु  
वान याय् त जिके छुं मदु छु दान याय् । दीपंकर बुद्धं हानं आज्ञा जुल, न्ह्यागु जूसानं  
किंचित मात्र जितजक मखु जि ल्यल्यु वपि भिक्षुपि सकल यातनं श्रद्धा तया दान या ।

बालकं हानं विन्तियात, जि थन ह्मिता च्वनाहा जुया जिके छुं मदु थ्व धू मात्र  
जक दुः छलपोल यात थ्वहे धूः जूसानं दान याय्गु इच्छानाना छलपोलं क्षमायांना  
कया विज्याहुं ।

मूल

इत्युक्ता च सधर्मश्रोः हर्ष प्रमनसा ततः ।

गृहीत्वा साञ्जलि स्तस्मै प्रदत्तं पांशु श्रद्धया ।

अर्थ

थुलि विन्ति यानालि धर्मश्री बालकं थः ह्मिता च्वनागु धूः निपा ल्हालि  
पासलं कया अत्यन्त हर्षगु मनयाना शुद्धं चित्तं धूः स्वपास दीपंकर बुद्ध ज्वना विज्यागु  
पिण्ड पात्रे तया बिल । अनंलि भिक्षु पित्तनं छक छक तया बिल ।

## मूल

क्षण मात्र मिदं पांशु स्वर्गप्रादु बभूव च ।  
 पुन रन्येभ्यः संद्येभ्यः प्रदद्या त्यांशु मुष्टि च ।  
 तच्च पांशु तदा स्तत्र विविधान्न मभूत् क्षणे ।  
 नमो बुद्धाय धर्माय संघाय चा ब्रवी तदा ।

थुगु वखतस धर्मश्री बालकं दीपंकरया-पिण्डपात्रे तथा व्यूगु (दान यागु) धू दक्कं  
 तुरन्त लुंचूं जुल । भिक्षु पिंगु पिण्डपात्रे तथा व्यूगु धू नाना प्रकारया अन्न मधि जुल ।  
 थथ्ये जूगु खना अन चोपि लोकपि सकलें अद्भूत जुया स्वया च्वन ।

थ्व वेलस दीपंकर बुद्ध यागु ख्वाः स्वाया धर्मश्री बालकं बुद्धयात नमस्कार,  
 धर्मयात नमस्कार तथा संघयात नं नमस्कार घया शिर ववछुना विन्तियाना च्वन ।  
 दीपंकर बुद्ध अत्यन्त खुसि जुया आशीर्वाद विया विज्यात ।

साधु साधु महाभाग भद्रं भवतु ते सदा ।  
 सर्वानन्दाऽरि विजित दोषा वत्यां नराधियः ।  
 नृप कुलेऽत्र पृथिव्यां भविष्यतु सदा सुख मिति ।

## अर्थ

साधु साधु छ धन्य छः हे महा भाग्यमानी धर्मश्री बालक ! छं सदानं कल्याण  
 जुइमा । लिपा शत्रुयात विजय याय् फुह्य दोषावती नगरे राज कुले जन्म कया सर्वदा  
 आनन्दं पृथ्वीया मालीक सर्वानन्द राजा जुया सुख जुइमा । थथ्ये आशीर्वाद विया  
 थः च्वनेगु स्थाने लिहां विज्यात । थनंलि धर्मश्री बालक पाशा नाप थःगु छें वना थुगु  
 खें फुकं मां अबु पित्त कना आनन्दं वास यात ।

एवं प्रकारं शाक्यमुनि बुद्धं श्रावस्ति नगरे जेतवन विहारे विज्याना शालिपुत्र  
 आनन्द भिक्षु प्रभृति सकल सभास च्वंपित्त थुगु खें उपदेश विया विज्यात ।

थुगु खें न्यना शालिपुत्र महाभिक्षुं हानं प्रश्न यात । भो सर्वज्ञ गुरू ! थनंलि  
 दीपंकर बुद्ध गन विज्यात, धर्मश्री बालकं छु ज्या यात थ्व लिपा गन जन्म कया  
 छु दान यात ।



थथ्ये प्रश्न यास्येलि सभालोक पित्त चित्त बोध यागु निर्मित शक्यमुति बुध्दं  
थथ्ये आज्ञा दय्का विज्यात ।

हे महाज्ञानी शालिपुत्र ! विस्तारं कने एकचित्तं न्य । दीपंकर बुद्ध प्रशन्नशील  
विहारे सभायण्डल दय्का आनन्दं विज्यात । थुगु समये सुनन्द भिक्षुं विन्तियात । मो  
भगवान् ! थन सकलया मने धर्मश्री बालक धू मात्र दान यागु खः लुंचू इत्यादि अन्न  
क्षणमात्रं गथ्ये जुल- थुकी यागु कारण आज्ञा जुया विज्याहुं ।

थथ्ये विन्ति यास्येलि मुसुहुं न्हिला दीपंकर बुद्ध आज्ञा जुया विज्यात, हे भिक्षु  
संघ सभा लोकपि ! थुगु विषये छिमिसं छुं आश्चर्य जुइम्वाः । बांलाक खं थुइकि केवल  
चित्तयागु खं खः । छिमिसं सिया च्वंगु नं खः । न्यने धाःसा मन तथा न्य कने । थ्व  
संसारे प्राणिपिनि सकलया पाप पुण्य, कुशल अकुशल (भिगु मभिगु) जुइगु थःथःगु  
प्रभावं खः । पाप धंगु असत्य, कुशंगतं कुकर्म यागु चित्तं उत्पत्ति जुइ ।

पुण्य धंगु सत्य, सत्संगत सुकर्म यागु चित्तं उत्पत्ति जुइ । व सुकर्म कुकर्म सुनां  
यागु धाःसा थःथःमं हे याइगु खः । संसारे प्राणिपि कुसंगतस लाना दुःख भोग याइगु  
छुकिं सीकि । राग, द्वेष, मोह, माया, काम, क्रोध लोभ, तृष्णादि च्यागु दु । थ्व फुकं  
कुसंगत व अभिमान तथा अहं मम (जि जिगु) अहंकार खगु यात मखु मखुगु यात खः  
धाय्गु, ममता स्पेखि घमण्डी थः छुं मसः मस्यू सानं सः स्यू पित्त निन्दायाना अपहास  
यागु कुचित्तं पिहाँ वइगु ।

थुंकियाना थःथःगु चित्तं मखु मखुगु कर्म याइ । थुजा पिसं दुने चित्त रक्षा मजुगु  
श्रद्धा भक्ति भाव मजुगु मस्यूगुलि अनेक दान व्यूसानं सफल जुइ मखु । थथ्ये अज्ञानं  
सुवर्ण (लुं) दानयाना नं धू दान यागु तुल्य जुइफु ।

हानं गुलि प्राणिपि सुगति वना सुःख भोग याइ छुकि । थ्वहे रागादि च्यागु  
कुसंगत व अभिमान अहं मम (जि जिगु) स्पेखि घमण्डी जुइगु चित्तं तोता मभिगु  
मखुगु ज्या मयास्ये सत्संगत सःस्यू पिगु पाख्ये शिक्षित जुया श्रद्धा भाव भक्ति संयुक्तगु  
काय वाक चित्त शुद्ध जुइका गुगुजा न्ह्यागुहे दान यासानं अर्थात् धू मात्र दान यासानं  
लुं रत्नादि अनेक प्रकारया वस्तु जुइ फुः ।

ધર્મશ્રી બાલકં છું કામના મયાસ્યે (નિષ્કામના) યાના કાય વાક ચિત્તં શુદ્ધ  
જુદ્ધકા શ્રદ્ધા માવ ભક્તિ ક્રોત ધૂ દાન યાસાનં ક્ષત્ર માત્રં લૂં ચૂં અનેક અન્ન ઇત્યાદિ  
જુલ । ચિત્ત યાગુ લં સીકિ થાકુ કના સાધ્ય મજુ મુલ્યગુ જ્ઞાન આઃયાત થુલિમાત્ર કના ।

શ્વ ચ્વે કનાગુ લં થુદ્ધકા દાન ધર્મ યાસા ઉપમા વોગુ મદુગુ અનુત્તર મંમ્યક સંબુદ્ધ  
નિર્માણ પદ પ્રાપ્ત જુદ્ધ । સંસારે પ્રાણિ પિનિ અર્થાત્ મનુષ્યાદિ પિનિ શરીરે જ્ઞાનેન્દ્રિય  
ન્યાગુ વ કર્મેન્દ્રિય ન્યાગુ યાના ક્ષિગુ ઇન્દ્રિય સંયોગ જુયા ચ્વંગુ લઃ ।

જ્ઞાન ઇન્દ્રિય ન્યાગુ છુ છુ ધાઃસાઃ- (૧) ચક્ષુ ઇન્દ્રિય મિલ્હાં અનેક રૂપ લના  
વિચાર યાદ । (૨) શ્રોત ઇન્દ્રિય, ન્હેપનં અનેક શબ્દ તાયાકા વિચાર યાદ । (૩) ઘ્રાણ  
ઇન્દ્રિય, ન્હાસં સુગન્ધ દુર્ગન્ધ ન તાયાકા વિચાર યાદ । (૪) જિહ્વા ઇન્દ્રિય મ્યે, ચાકુ  
ફાકુ પાઝે પાલુ લાયૂ ચિસલા સમેત્ યાના ષટ્ રસ ધાદ લુતા પ્રકારં સલા સીકા  
વિચાર યાદ । (૫) ત્વક્ ઇન્દ્રિય છચંગુતિ નાયૂ લવાચૂ લ્લાઝે લ્લાગુ નિચાર યાદ ।  
થુલિ જ્ઞાન ઇન્દ્રિય જુલ ।

હાનં કર્મેન્દ્રિય ન્યાગુ છુછુ ધાસાઃ-

- (૧) વાક્ ઇન્દ્રિયઃ- મ્હુતુ વચનં લેલ્હાના વિચાર યાદ ।
- (૨) પાણિ ઇન્દ્રિયઃ- લ્હાતિ થિયા મિગુ મભિગુ જ્યા વિચાર યાદ ।
- (૩) પાદ ઇન્દ્રિય- તુતિ મિગુ મભિગુ થાસે લના વિચાર યાદ ।
- (૪) પાયુ ઇન્દ્રિયઃ- ગુદ્ધ દ્વારં મલ લાયુ ત્યાગ યાદગુ વિચાર યાદ ।
- (૫) ગુહ્ય ઇન્દ્રિયઃ- લિગ અથલા મગ મંથુનાદિ કર્મ અથલા મલ મૂત્ર ત્યાગ યાનાગુ  
વિચાર યાદ ।

જ્ઞાનેન્દ્રિય ન્યાગુઃ- કર્મેન્દ્રિય ન્યાગુ મિલે જુયા દશેન્દ્રિય ધાદ ક્ષિગુ (૧૦) ઇન્દ્રિય છગુ  
પુલ જુયા (છઘી) જુયા ચ્વંગુ શ્વ શરીર લઃ ।

શ્વ ક્રોગુ ઇન્દ્રિય શરીર યાત, મન ઇન્દ્રિયં અનેક તર્ક વિતર્ક લ્યાલે યા ધકા યાકા  
તદગુ મનયાત ચિત્તનં ધાદ । મિગુ અથલા મભિગુ કર્મ યા ધકા યાકોલ્હા ફુકં તાય  
સ્વરૂપ જુયા ચ્વંલ્હા મન લઃ ।

## मूल

चतुर्दानं प्रदास्यामि षट् कर्मन्तु दिन दिने ।  
वानं चतुर्विधं प्रोक्तं दरिद्रस्य शिशोरपि ।  
सुपात्रं च कुपात्रं च विशेषं दान सद्वरम् ।

## अर्थ

दान प्यता प्रकार या भेद दु छुछु धाःसाः—

- (१) अर्थदानः— धन संपत्ति छे बुं शरीर समेत् ।
- (२) विद्यादानः— आख स्यनेगु ज्ञान बुद्धि बिगु ।
- (३) क्रिया दानः— ज्यान स्यना पर उपकार याय्गु ।
- (४) मंत्र दानः— सुमंत्र दान विया उपकार याय्गु ।

हानं षट्कर्म धयागु खुतादु छुछु धाःसा—

- १) दान पारमिता २) शील ३) क्षान्ति ४) वीर्यं ५) ध्यान ६) प्रज्ञा ज्ञान समाधि योग ध्यान फुसा न्हिन्हि याय् फुके माल । श्व फुक ज्या याकीह्य नं सत्संगत द्वारा चित्तं याइगु खः ।

विशेष उत्तम पुण्य प्राप्त जुइगु वान प्यता प्रकारया दु गथ्ये धाःसाः—

- १) दुःखि दारिद्र याचकादि (फोर्गी) रोगी पित्त बीगु ।
- २) बालक बुढा बुढी ग्वाज्यो स्वांथ (पाक लाती) पित्त बीगु ।
- ३) त्यागी भिक्षु संन्यासी योगी महात्मा साधु ब्रह्मचारी वैरागी महर्षि तथा स्थविर (आजु) गृहस्थ सिद्धाचार्य विद्वान् विज्ञपि बज्राचार्यं शाक्य चैलक बुद्धाचार्यं ब्राह्मणादि ब्रह्मचर्यं भिक्षु भिक्षुणी पित्त बीगु ।
- ४) देव देवी गुरु पाशा त्वाय् जहान् पुत्र पुत्री फुकी दाजु किजा वन्धु वर्ग भिचा पित्त बीगु ।

हानं सुपात्रे दान याय्गु धागु श्व खः । देवालय विहार देवस्थान मन्दिर धर्म धातु चैत्य दय्केगु अथवा जीर्णोद्धार याय्गु पूजादि यज्ञ होमादि पाठ धारणी स्त्रोत्र स्तुति व्रतकर्म पुस्तक चोकेगु परोपकार गुठि दिव्य भोजन याकेगु हानं हितित् तीर्थ घाट सत मय देकेगु ।

दीपंकर बुद्ध, बोधिसत्व लोकेश्वर आर्यतारा बसुन्धरा देव देवी पिण्ड मूर्ति पूजादि सम्यक् धर्म, पञ्चदान संघवन्त दान तथा भोजन पिण्डपात्र क्षीर (जा) दान विद्यालय स्थापना याय्गु श्रद्धानुसारं धर्म क्रियास मदत बीगु ग्वाहालि श्रमदान चन्दा तथा बीगु ।

श्व फुकं चित्तं त्यागयाना सत् संगत पाख्ये याय्गु खः । चित्तयात भिगु कर्म याकीह्य प्रजा घाइ । ज्ञान खः । ज्ञान धयागु हे सुविद्या शास्त्र सय्केगु सुमित्र भिह्य पाशा संगत प्राप्त याय्गु सुमित्र नाप जुइगु चवनेगु खः । क्रमश श्रद्धां धूजक दान यासनं लु जुया अन्त्ये महा सुख प्राप्त जुइ ।

श्व धर्मश्री बालक पूर्व जन्मनिस्थे विद्वांन् सुमित्र सत्संगत पाख्ये ज्ञान धारण याना बह्य खः । उकीं श्व बालकं श्रद्धा भक्ति तथा दान यागु धू, लु चू जुया वगु प्रभाव छः । युकी छुं संखा मदु धका दीपंकर बुद्धं सुनन्दानि भिक्षु सभालोक पित्त आज्ञा दय्का विज्यात । श्वहे खँ धावस्ती नगरे जेतवन विहारे शाक्यमुनि बुद्धं सकल सभालोक पित्त स्वया शालिपुत्र महाभिक्षु यात न्ह्योने तथा धर्मोपदेश विद्या विज्यात ।

युलि कपिदा वदाने धर्मश्री बालक (बोधिसत्व) जन्मस दीपंकर तथागत यात पांशु प्रदान (धू दान) यागु खँ न्यागु ५ अध्याय जुल ।

॥ अनंलि धर्मश्री बालक तथा सर्वानन्द राजा यागु खँ सीके ॥

मूल

भगवान् त्रि जग च्छुद्धः शिशुजन्मश्रिता पुनः ।

एन जन्मान्तरा दानं किंकि दातव्य विस्तराज् ।

तत्सर्वं भगवन् ब्रूहि सर्वसत्त्वार्थ हेतुना ।

कृपया स्तान्समालोक्य समुद्धत्तुं भवाध्वना ।

अर्थ

ओ भगवान् ! स्वंगु लोके उज्ज्वलह्य धर्मश्री बालक यागु खँ वृत्तान्त न्यनेगु अति इच्छा जुल । हानं व बालक गुलि म्वात । अनं लिपा गन जन्म कावन लिपा यागु जन्मे बान पार मिता यागु महायान बुद्धचर्य्य छुछु ज्या यात ? छु बस्तु दान यात ?

भो भगवान् ! थन जि जक मखु सकल सभालोक पिगु मन बोध याय्या कारणे कृपा पूर्वक आज्ञावय्का विज्याहुँ । थथ्ये विन्ति यास्येलि भगवान् बुध्दं आज्ञा दय्का विज्यात । हे महाज्ञानि शालिपुत्र ! तथा सभालोकपि ! व्यक्त याना कने समाधान चित्तयाना न्य । गथ्ये धाःसा व धर्मश्री वालक दीर्घायु मजु ञिनिद (१२) दुवले मृत्यु जुया वन ।

अनंलि लिपायागु जन्म थथ्ये खः । पूर्व जन्मया प्रभावं दीपावती नगर नेपाल थल देशे जाति सुशीलानन्द राजाया स्त्री सत्यवती जुया चवंम्ह शीलावती महारानी या गर्भं जन्म जुया लिपा इन्द्र तुत्य पराक्रमं संयुक्त जुया चवंह्य सर्वानन्द राजा धाय्का त्रिरत्न भक्ति महा करुणा चित्त पुण्य या शरीर शान्त स्वभाव जुया सदानं दान याय्गु धर्मस उद्योग याना प्रजावत्सल जुया प्रजागणपिन्त सुख याना चवन । सदानं राजा रानी निह्य नापं स्नेहरूपं आनन्दं कालविन हना राज्यभोग ऐश्वर्य्यं वास याना चवन ।

उगु समये दीपंकर तथागत दीपावती नगरया समीपस प्रशन्नशील विहारे विज्याना थः अनेक शिष्यगण श्रावकसंघ भिक्षु भिक्षुणी राजा प्रजा तथा मंत्री सार्थवाह इत्यादिपि मुंका सद्धर्मोपदेश विया विज्यात ।

थुगु समये सद्धर्मज्ञान न्यना दानपारमिता या ज्या दान याय्गु चिन्तना याना लिहां वया राजगृहे ववथास च्वना अनित्य लुमंका चवन ।

थुगु अवस्थास अन्त्ये ज्वना वनेगु छुं मदु म्वाना च्वतले जक थ्व व फुकं जिगु धका माया तथा च्वनिगु खः । जिगु धयागुनं छुं मदु थ्ये च्वं । तथापि थःगु देश चोपि दुःखि दरिद्र पिनिगु दुःख स्वय् म्वालेमा धका मनं विचार याना राजां रानी यात न्होने तथा भगवान् दीपंकरं आज्ञा जूगु अनित्य विषये खँ कना चित्त बुळे यात ।

मूल

अनित्य संसार सुखंस कोषं

अनित्य पुत्रं च सुहृत्स दारा ।

अनित्य राज्यं सह भृत्य राज्यं

नानाद्य लंकार विचित्र वस्त्रं ।१।

सर्व मनर्थ मपि शाश्वतं तत्  
क्षणेन प्राणं पतितं स्वयंच ।

वृक्षं यथा यक्व फलं पतन्ति  
तथा हि संसार शरीर मेव ।२।

अर्थ

श्व संसार अनित्य खः सुख ऐश्वर्यादि घयागु नं अनित्य । हानं अनेक वस्तु धन इत्यादि नं अनित्य । स्त्री पुत्र पुत्री इष्ट मित्र पाशा त्वाय् मां अबु तता क्यहे दाजु किजा छे घापि फुकं अनित्य । सैन्य प्रजालोक घापिनं अनित्य । तिसा वस छे बुं सकतां अनित्य । अनित्य घागु लिपा मदया वनीगु अर्थ खः । दया च्वकं फुकं क्षणमात्रं (घाय्वं) शरीरे च्वंह्य प्राण वायु लिहाँ वनीथ्ये मदया वनीगु खः ।

प्रमाण तल घाःसा गथ्येजा सिमास सया च्वंगु फल पाके जुया थः थमं कुतुं वनी, वथ्ये छन्हु घ्राण वायुनं शरीर तोतां पिहाँ वनि । अले शरीरनं छुं छ्यले मदया धोगिना नवइगु धका श्मशाने यंका उना छोइ । वाकि दुगु क्वे, इत्यादि नौ भस्म जुगु फुकं लखे चुइका छोइ जिगु घयागु उगु वखते गन दु । श्व संसार नं छु वखते लखे तोपुया मदया वनी तिनि घास्येलि नित्य सार घयागु पुण्य विना म्येगु छुंहे मखना । अथ्यया कारणे दीपंकर भगवान् यात निश्चयनं जिनं दानपारमिता या महायान बुद्धचर्य या क्रमं अहिंसा धर्म च्वना पिण्डपात्र दिव्य भोजन दान याय्गुलि मन उत्साह जुल । थुगु जगतो हिताय निमित्ते प्रजा गणपि सकलयात सीके बीगु व क्यनेगु सर्वानन्द राजां थः स्त्री धर्मावती महारानी नाप सल्हा यात ।

हे प्रिय स्त्री ! मनुष्य घयागुनं वरावर वइकि मवइ । थुगु जन्मे तृष्णाय् आपालं भुले जुया च्वनेगु मखुः । संसार चक्रं पार जुइ फइगु अनात्मा जान थ्वीका आर्याष्टांग मार्गे पलातया जुइगु खः ।

आः थुलि चेतना दुवले कीस भिगु ज्या याता वनेगु चितना याय् माल । थुलि थः स्वामीनं नित्यगु खे घागु न्यना धर्मावती रानी खुसि जुया स्वामीया खाः स्वया मुमुं मुमुं न्हिला थथ्ये विन्तियात ।



भो स्वामी महाराज ! छपिसं आज्ञा जुगु खँ सत्य वचन खः । जि निश्चयनं पालना याय्गु जुल । छपिगु इच्छार्थ्ये दीपंकर तथागत यात पिण्डपात्र दानयाय् गुलि विस्तार याना विज्याय् म्वाल । तत्कारणं थुगु ज्या सिद्धयाना विज्याहुं । थय्ये निह्य स्त्री पुरुष पिनि हर्षयाना खँ ल्हाय् धुंका सुबुद्धि मंत्रीयात सःता आज्ञा दय्का विज्यात ।

हे महा मंत्रीजु ! जिमि निह्यसिया प्यलायंकं पंचशील अथवा अष्टशील कया उपोषध व्रत याना दीपंकर तथागत यात पिण्डपात्र दान याय्गु इच्छा जुल । थुगु ज्या यात मागु साम्राग्री फुकं थिकया । श्व व्रतयाना दान याय्गु छुया निम्ति धाःसा अन्धकारस मत च्याकेथ्ये, दिनस सूर्यथ्ये, दुःखियात धन चूलावइथ्ये परलोकस मोक्ष गति मिले जुइगु थुजागु उत्तमगु संपत्ति लाय् दइगु ।

हानं अज्ञानयात ज्ञान प्राप्त जुइगु, धर्म अर्थ काम मोक्ष श्व प्यंगु (चतुर्वर्ग) फल लाय् दइगु संबोधिज्ञान लाना प्राणि पित्त हित् याय् फइगु ज्ञान लाभ यायेगु कामनां दीपंकर तथागतयात श्रद्धा भक्ति तथा जिनं पिण्डपात्र दानयाय् त्यना । थुगु कार्य ध्यान तथा याकनं थिक यानाव्यु धका सर्वानन्द राजां सुबुद्धि मंत्रीयात आज्ञा दय्का विज्यात ।

राजां थय्ये आज्ञा जुस्येलि सुबुद्धि मंत्री अति हर्षमान जुइका तथाऽस्तु धया मांमापि सकलें सःता सकतां वस्तु थिक याका मंत्री राजाया थाय् वना विन्तियात । भो महाराज ! छपिसं आज्ञा जुगु अनुसारं पूजा ज्वलं दान याय् मागु साम्राग्री थिक याय् धुन- मंत्री थय्ये धास्येलि महाराज खुसि जुया घया विज्यात । हे सुबुद्धि मंत्री ! छ घन्य खः विस्तार याय् म्वाल, निविधन थुगु ज्या सिद्धयाय् माल । आः दीपंकर भगवान् तथा वसपोल या संघ सकलें आर्य्य गणपि विज्याना च्वंगु प्रशन्नशील विहारे वना निमन्त्रणा व्यूवनेत प्रजागण पित्तनं थुगु खबर विया मंगल बाजा थाका देशे सकभनं शुद्ध याकी । राजां थय्ये आज्ञा जुगु न्यना तथाऽस्तु याना दीपावती नगरे सकभनं घण्ठा घोष याकां प्रजागण पित्त खबर विल ।

हे प्रजा लोकपि ! की राजाया आषाढ पून्हो खुन्हुं निस्ये कार्तिक पून्हो तक प्यलाया प्रशन्नशील विहारे वना दीपंकर भगवान् तथा वसपोल या शिष्य आर्य्यगण

पिन्त वशन शील सहित बुद्ध पूजावि भाव भक्ति पूर्वक उपोषधव्रत धारणयाना पिण्डपात्र दान याय्गु इच्छा याना विज्यात । उकिं राजा यागु मनोरथ पूर्ण याय्गु कारणे थन दीपावती नगरे च्वंपि सकल मिलेजुया जगत् कल्याण जुइमा धका आज्ञा याना प्यला तक कीसनं राजां याय्गे याय्गुलि ग्वाहालि याय् माल ।

थय्ये भिगु ज्या छुया निम्ति याय् त्यंगु धाःसा देश व देशवाशी प्रजागण पिनि सुख जुइमा, अन्त्ये प्राणि पिनि नरक भोगयाय् म्वालेमा नरवासी पापितय् नं नरकगति मुक्त जुया वनेमा सकलया सुख चिन्तना जुइका सद्धर्मज्ञान ह्यसीका धर्मयाय् फय्मा सकल मोक्षगति मिले जुइमा धैगु कारणे थ्वज्यायाय् त्यंगु खः छिमिसं हानं सीकि । उत्तम कार्य्य याइगु थय्येखः । प्यंगु मास वस्येलि महाराजा या छे भगवान् दीपंकर विज्याका चीवर वस्त्र, पिण्डपात्र दिव्य पायस (क्षीर) भोजन दान याना संबोधिज्ञान लाय्गु इच्छायाणा विज्यात । अथ्येया निम्ति आः कीसनं शुद्धगु बस्त्रं पुना श्रद्धा भक्ति तथा गच्छे अनुसारं पूजादि दान याय्गु साम्राग्री ज्वना राजकुलस वनेमाल ।

थय्ये भिगु खवर व्यूगु न्यना सकल प्रजा लोक पिनि मन हर्ष जुइका खवर व्यूगु अनुसारं सुथे राजगृहस मुना च्वंवन । थुगु वेलास राजा रानी मंत्री तथा म्येम्येपि सकल मुना प्रशन्न शील बिहारे वना प्रथम दीपंकर बुद्ध दर्शन प्रणाम याय् धुंका वसपोल या आज्ञा अष्टशील कया पूजादि दान याय् धुंका लिहाँ वना राजगृहे उपोषध व्रत याना सकल प्रतीजन पिन्त निरामीस शुद्ध भोजन विया मामागु ज्या फुकं सिधेका विज्यात । हानं म्येगु श्रावणमास थ्यस्येलि पिण्डपात्र दान याय्गु निमित्ते मंत्री प्रभृति सकल यात खवर विया दानशाला दय्के विल । विद्वान् गुरु पिगु वचनानुसारं पूर्व दिशास मंगल कार्य्य ज्या यना पूर्वया लुखां निस्ये ध्वजा पताकादि किकिनी जाल स्वांमाला इला त्रिरत्न पिगु प्रतिमा पौमा याय् थासे वोय्का केरामां केतकी स्वांमा स्वाना उख्ये लिका चामल अष्टमंगल सहित याना आपालं शोभायमान जुइक छायाया याना दानशाला थिक यात ।

स्वयम्भू दीपंकर बुद्ध त्रिरत्न पूजाया सामाग्री (ज्वलं) अर्घ्यं पाद्यं पुष्पं धूपं दीपं गन्ध रसं नैवद्यादि फल मधि बक्षिणा दान याय्गु ज्वलं फुकं सुवर्णं द्रव्यं खिखिलिका पिण्डपात्र चीवर वस्त्र क्षीर भोजन पंचामृत रसवा अन्न वृही सा सल किसि रथ अनेक

कुटुम्ब ज्वलं इत्यादि संकतां तयार याका प्रजागणपि मुंका नाना प्रकारं मंगल बाजा याका मंगलोत्सव याना भगवान् दीपंकर बुद्ध निमन्त्रणा याय्त प्रशन्नशील विहारे थ्यंका दीपंकर बुद्ध दर्शन याना त्रिप्रदक्षिणा धुंका अष्टांग प्रणाम याय् धुंका पृथ्वीस पुलि च्या जःगु ल्हा थकया गां न्यया विन्तियाना सर्वानन्द राजां प्रार्थना यात ।

भो भगवान् ! छलपोल यात बारंवार प्रणाम, जिनं निमन्त्रणा यावघा । दान-शालास विज्याना पवित्र या विज्याहुं भिक्षुगण तथा आर्यसंघपि सकलें विज्याय् माल ।

दान पार मिताया ज्या (चर्य) पिण्डपात्र दान याय्गु इच्छा याना, थनि प्यन्हु श्रावण कृष्ण त्रयोदशी दिन खुन्हु सुथे सिगु प्रहरे दोपवती नगरे पादार्पण (पलातया) भूमी शुद्ध जुइक जिगु उपरे कृपातया विज्याहुं थुलि घया ताय् आख्यो दाफोस्वां स्वपास होला विन्ति यात ।

थनंलि दीपंकर भगवान् मुमुहुं न्हिला राजाया खाः स्वया आंशीर्वाद विद्या विज्यात । हे महाराज ! छ धन्य २ खः श्रद्धाभक्ति तया दान याय्त निमन्त्रणा यावल छंगु मनोरथ पूर्ण जुइमा । श्रावक संघ आर्यगण भिक्षुपि मुंका जि थनि प्यन्हु छं धागु दिने निश्चयनं वय्गु जुल ।

एवं प्रकारं दीपंकर बुद्ध आज्ञा जुगु न्यना राजा रानी मंत्री प्रजागण सकलें खुसि जुया अष्टांग प्रणाम याना निमन्त्रणा यावपि सकलें लिहां वन ।

थुगु खें लिपा कलियुग यां समये शाक्यमुनि बुद्ध श्रावस्ती नगरे जेतवन विवारे विज्याना शालीपुत्र महाभिक्षु प्रमूखें अन च्वंपि सकल सभालोक पित्त आज्ञा वय्का विज्यात ।

थुलि खें कपिदाबदाने दीपावती नगरस सर्वानन्द राजा जन्म जुया बुद्ध पूजा पिण्डपात्र दान पूजावि याय्त दीपंकर भगवान् निमन्त्रणा यागु खुगु अध्याय जुल । ६।



भगवान् दीपंकर बुद्धयात, सर्वानन्द राजां  
दीपावती नगरे पिण्डपात्र दान यागु खें सीकेगु ।

मूल

तदनु महाराजा पौरजना न्समाहूय संम्यक  
बिक्षुमार्गं सिचयतिस्म, पिण्डपात्र सत्काराय ।

अर्थ

थनंलि सर्वानन्द राजां प्रजागण पित्त सःता दीपावती नगर सकभनं लें शुद्धयाका सुगन्ध धूप थना निर्मलगु लखें हाहा याका थाय् थासे पूर्ण घट तय्का छत्र ध्वंज पताका चामरादि अष्टमंगल चिन्ह पुष्पमाला किंकिनीजाल प्यना चित्र बिचित्र या प्रतिमा बोयका थाय् थासे पत्ति आख्य, स्वां, सिंह, अभिरं सहित छायापा बांलाका तल । हानं दानशालास मदु घयागु छुंहे मदेक दान याय्गु ज्वलं थिक याना तल । गुलि सिनं देव वाजा, मनुष्य बाजा अनेक नवबाजा पंचताल शंख भेरी काहाँ म्वाहाली पुइका बीणा इत्यादि थाना प्याखें हुला च्वन ।

गुलि सिनं धारणी पाठ स्तोत्र स्तुति वोना मंगलोत्सव याना च्वन । हानं पूर्वद्वार या मंगलद्वारं निस्ये दानशाला थ्यंक वसा काप लाया शोभायमान याना तल ।

थनलि निमन्त्रणा व्यूगु दिनया सुथे जुस्येंलि दीपंकर भगवान् आर्य्य भिक्षु संघ, गणपि मुंका प्रशन्नशीलं प्रस्थान याना सकभनं पंचरस्मि खय्का दीपावती नगरे भ्रमण याना विज्यात । थुगु समये आकाशमर्गं दुंदुभि बाजा थाना भेरीपुजा देवता पिसं पुष्पवृष्टि याना हल । दीपंकर भगवान् प्रभृति सकलें क्रमशः दानशालास थ्यंक विज्यात ।

सर्वानन्न राजां न्हापालाक पादार्ध्य (लिचाय् केगु) याना यथा क्रमं दानशालास द्वाहाँ विज्याका सकलयात योग्यगु आश्रमे विज्याकल ।

मूल

सुवर्णं रत्नांकित पिण्डपात्रं  
चिन्तामणि रसान्वित पायसं च ।

संपुज्य संछाद्य सुवर्णं पत्रैः  
शत सहस्राणि प्रयोजयन्ति । इत्यादि ।

### अर्थ

नवरत्नादि सहितगु सुवर्ण या पिण्डपात्रे शास्त्रानुसारं यला, सुकुमेल, दालचिनि, दाख, नैक्या, छोरा, बडां, प्यस्ता थुलि सुगन्धगु मसला च्यातां सहित याना चिनि अथवा साख मिश्रितया तगु दुरुस पाक यागु क्षीर अमृत(जा)यात पायस दिव्य भोजन धाइ । थुजागु उत्तमोत्तम नस्वागुलि पूर्णयाना दीपंकर भगवान् बुद्धयात पिण्डपात्र दान यात ।

आर्य्य श्रावक संघ भिक्षुगण पित्तनं थथ्येहे दानयाय् सिधय् कल । निरामीष क्षीर पंचामृत रस पान याके धुंका नुचाय्का मुख शुद्धि (ग्वा ग्वय्) नं विया, छु लिपा दीपंकर भगवान् या न्ह्योनेसं च्वना सर्वानन्द राजां ल्हाः विन्तियाना क्षमा फोना पाप देशना पुण्यानुमोदना यांना संतोष यात ।

थुगु दान पारमिता या प्रभावं सकभनं सकल या सुख जुइमा धैगु चिन्तना याना मंगलोत्सव श्रावण कृष्ण या त्रयोदशी कलि जुगोदय कबियुग उदय जुइगु दिन खः धका सीका थ्व खुन्हु दान यागु जुल ।

यथ्ये यथाक्रमं दान बस्तु छगु छगु या वाक्य, बोना दान कया विज्यापि सकसिनं शुद्ध रूपं मधुर स्वरं दान गाथा बोना विज्यागु शब्द न्यना देवतादिपि अति हर्षजुया दीपावती नगरसं सकभनं अमृत लखें सिचन याना हल । थनंलि दीपंकर तथागतं अनित्य विषये छुं धर्मोपदेश विइ धुंका आशीर्वाद विया विज्जात ।

### मूल

सिद्धि भंवतु ते राजन् तवेच्छा परिपूर्णतः ।

अर्हत् बुद्ध पदं प्राप्य शीघ्रं गच्छतु निर्वृतिम् ।

### अर्थ

हे राजा ! छं मनोरथ कार्य्य पूर्ण जुया दान यागु या फलं सिद्धि मिले जुइमा । अर्हत् बुद्धपद प्राप्त जुया याकनं निवृत्ति ज्ञान लाना मेपित्तनं कना परम गुरु जुइमा थुगुरं प्रका शुभाशीर्वाद विया थः चोनेगु प्रशन्नशील विहारे लिहां विज्यात ।

### मूल

तत्र समये दीपावत्यां महानगर्या मेकास्त्री लक्ष्मी थकुं नामास्ति । सा स्त्री महा दरिद्री धन जन किमपि नास्ति । एकस्मिन्दिवसे तया मनसि चिन्तयामास । इदानी

महं महा दरिद्री धन जन किञ्चित् बस्तु नम गृहे । श्री दीपंकराय बुद्धाय पूजा पिण्ड पात्र दानं च करोम्यहम् कथम् ।

थुगु अवस्थास दीपावती नगरे छह्य कंग्या दान मयानिह्य ब्रह्मचरो लक्ष्मी थकुं नां जुया च्वंहा तस्सकं दुःखी ह्य दरिद्री बाजावह्य आर्य्यपुत्री उपाशिका शाक्य किसानो मिसा छह्य दया च्वन । श्वया जहानपि सुंमदु याकचाह्य जुया च्वन । श्वया छन्हु थःगु मनं चिन्तनायात । जि धनजन हीनह्य दुःखी दरिद्रयी छे नेगु तोनेगु बस्तु छुंहे मदु जहान् धयापिनं सुं मदुह्य याकचा जुया मेपिगु बुं ज्या याना जीवन हना च्वना ।

सर्वानन्द राजांथ्ये दीपंकर बुद्धयात पिण्डपात्र दान याय्गु इच्छां जुल- आः गथ्ये याय् भति भति जूसानं अन्न मुंका दानयाय् । थौं ला कन्हेला सिना वने मानिगुं श्व शरीर । संसारे नित्यगु बस्तु छुं मखना दान धर्म याय् फको जक नित्यगु खः ।

यथ्ये चिन्तना याना, हे प्रभू दीपंकर तथागत ! जिगु मनोरथ याकनं पूर्ण जुइमा धका न्हिन्हि लुमंका बुं वना छोमा सिना हया गुवल्ले वामानं तोफीका तगु मुना हया अति बुख सिया कपाया चःति पालिस हाय्का कष्टं जीव हना च्वन ।

थुगु प्रकारं अलासी मचास्ये मुंका तगु अन्न बा छो इत्यादि दानयाय् धका भालपा अष्टमी पत्ति पर्वकाले उपवास च्वना भक्ति पूर्वक शील धारण याना स्वैतनं मकंस्ये गोप्य याना सुथे न्हिन्हि प्रशन्नशील विहारे वना दीपंकर भगवान् दर्शन याय् धुंया शील कया पूजा यायत छन्हु ङुले जुया च्वन ।

श्वेगु चित्तया विचार सीका दीपंकर बुद्धं श्वयागु ख्वाः स्वया न्हिला बिज्यात । श्व लक्ष्मीयकुं मिसाया लाजथ्ये जुया सकसितं प्रणाम याना हतासनं थःगु छे वना विचार यात ।

जिगु मनया कल्पना सीका भगवान् न्हिला बिज्यात, श्व ज्या जिनं यानाहे तोत्ये धका इच्छा याना श्रावण शुक्लया अष्टमी खन्हु उपवास च्वना पिण्डपात्र दान याय्त थिकयाना भगवान् दीपंकर निमन्त्रणा याय्त सुयाके सल्हायाय् धका चिन्तना याना छे मागु ज्या याना च्वन ।



थ्व खँ सर्वानन्द राजां सीका थुजाह्य दारिद्री मिसा छह्यस्ये दीपंकर भगवान् निमन्त्रणा याना पिण्डपात्र दान याय् गोसायात घास्येलि जिनं याय् धका इच्छा याना दीपंकर भगवान् यात राजां न्हापालाक निमन्त्रणा याना विज्यात ।

राजा यागु निमन्त्रणानु सारं दीपंकर तथागत आर्यसंघ भिक्षुपि सहित प्रस्थान याना दीपावती नगरे द्वाहां विज्याना थुह्य लक्ष्मीथकुं स्त्रीयानं दानयाय् धका थिक जुया च्वंगुदु धंगु ध्यान दृष्टि सीका न्हापालाक थुह्य ब्रह्मचारी लक्ष्मीथकुं स्त्री यागु थासे दीपंकर भगवान् विज्यात ।

थ्व भक्तिजन मिसां थःगु छँ क्वसं भगवान् विज्यागु खना खुसि जुया हतासनं क्वहां वया पालिस भोःपुया पादाध्यं विया पूजा याना थःके दुगु वस्तु किञ्चित् मात्र जूसानं दीपंकर बुद्धयात तथा लिउने विज्यापि आर्य भिक्षुगण पित्तनं श्रावण शुक्लया अष्टमी तिथि खन्हु सुथे शुद्ध चित्त नियम शील धारण याना न्हापालाक अन्न वा छो वृही इत्यादि दानयाय् धुंका, छो गोगु जक मुंका तथागु दुरुस पाक याना पञ्चामृत सहित क्षीर (जा) पिण्डपात्रे पूर्णयाना दिव्य पायस उत्तम भोजन दान यात ।

एवं प्रकारं दुःखिनी छह्य मिसां श्रद्धामक्ति तथा शुद्धगु क्षीर पूर्ण पिण्डपात्र भोजन दान यागुलि दीपंकर भगवान् खुसि जुया दान काय् धुंका छ जन्मपति सद्धमंजान लाना मोक्षगति प्राप्त जुइमा धका शुभाशीर्वाद विया विज्यात ।

तथाऽस्तु धया शिरे फया स्वचा चाहुला प्रणामयाना जिगु मनोरथ थौं पूर्ण जुल धया हर्ष याना च्वन । थय्ये भक्तितया दान यागु खना स्वया च्वंपि सकसिनं थ्व मिसा धन्य धन्य थ्व लक्ष्मीथकुं धका प्रशंसा यात । तदन्तर अनंलि लिपा दीपंकर भगवान् सर्वानन्द राजाया थास विज्यात । महाराज आश्चर्य जुइका दीपंकर तथागत या चरनस भोः पुया ल्हाः हाजलपा विन्ति यात ।

मौ भगवान् सर्वज्ञ नाथ ! जिगु विन्ति दु छलपोल न्हापालाक निमन्त्रणा यानाह्य जि खः । जिगु थास न्हापालाक विज्याना दान मकास्ये छह्य दुखिनी मिसाया थास निमन्त्रणा मव्यूह्य सिगु थास न्हापालाक विज्याना दानकया विज्यात जि खना छुं विक जुया विज्याना ला ? जिजा छुं अपराध मयाना प्ये च्वं थुकी यागु हेतु गथ्ये खः आज्ञा चुसा जिगु मन शान्त जुइ ।

युगु प्रकारं महाराजां प्रश्न यागु न्यना दीपंकर तथागतं उत्तर विद्या विज्यात ।  
हे महाराज ! युकी छं छुं दुःख ताय्म्वाः संखानं छुं काय् मागु मदु । छ खना जि दिक्ज्वी  
मागु नं मदुः जि दिक् जुवागु नं मखुः छं छुं अपराध यागु नं मदु ।

जि यनहे वय् धका वयागु नं खः । कारण छगु छु घासा थुह्य मिसाया थःहे नय्गु  
तोनेगु आहार चूमलाह्य सुं जहान परिवार धकानं मदुह्य अनाथ खः । उकीसनं बाजावन  
आः तकनं विवांह मज्जनि ब्रह्मचारो जुया दुःखसिया च्वंह्य खः । हानं थःगुहे शरीरं दुःख  
सिया कष्ट नया कपाया चःति पालिस हाय्का उमेर घने धुंकूह्य मिसाया जीवन परया  
बुं ज्यायाना वां छोया तगु छोमा वामा सिना हया आपालं परिश्रम याना कष्टं कमाय्  
याना तःगु वस्तु त्यागचित्तं दानयाय् धका चिन्तना याना च्वंगु नं छुं समय पुलावन ।

घन मदुसानं श्रद्धा आपा दुह्य खः शुद्ध चित्तं अष्टमी पर्वकाले उपोषधव्रत मनं  
धारणयाना शील कया भक्तिया स्वां ज्वना नम्ररूपं आदर तथा पुन्ही अमाइ अष्टमी  
भिगु दिने दुर्गन्ध वस्तु आमोष आहार मयास्ये शरीर वचन मन शुद्ध जुइका थौंया  
दिनस दानयाय् धका जित चित्तं निमंत्रणा न्हापालाक विद्या दान याय् धका थिक  
जुया च्वन । दुःखिह्य छुं हिकमत याय् मफु सुं सहितानं मदुः अनाथ दुःखि पिनि दैव  
साहिता ज्वी । अत एव - जि थ्वयागु छे क्वसें वयागु खः । थ्व हथाय् चाया क्वहाँ वया  
आदर पूर्वक अर्घ्य विद्या श्रद्धा व भक्तिया स्वां तथा पूदादि याय् धुंका थःगु गछे जित  
जक मखु आर्य्य संघ भिक्षुगण पित्त समेतं विव्य शुद्ध भोजन क्षीर पूर्णगु पिण्डपात्र  
दान यात । उकि न्हापालाक थ्वयागु ल्हाःति श्रद्धा दान ग्रहण यानागु खः । छगु खे हनं  
मुख्यगु घाय्- थ्व मिसांय्ये थःगु हे शरीरं परिश्रम याना कष्टं कमाय् याना तगु धन  
द्रव्य अन्न इत्यादि यन राजा याके दय् थाकुइ । थण्ये दइ मखुगुलि थन लिपा लासां  
संदेह मदु धका लिषा वयागु खः ।

युकी आश्रय्यं जुइ मागु कारण छुं मदु । एवं प्रकारं आज्ञा जूगु खं थ्वीको काय  
कष्टं कमाय् यानागु घन जिके मदु खः धयागु ज्ञान सिका राजा या मन बोध जुल ।

अनेलि दीपंकर तथागत भिक्षु संघ पित्त यथाक्रमं बसा छासा दानशालास दुत  
यंका श्रावण शुक्ल अष्टमी तिथिया दिन खुन्हु न्हापा यानाथ्ये न्हापालाक पालिस  
अर्घ्य विद्या पूजादि क्रमं क्षीर पूर्णगु पिण्डपात्र, विविध प्रकारं निकगु पञ्चदान सर्वानन्द  
राजां याना विज्यात ।

श्रद्धानुसारं दान व्यूगु काय् धुंका राजा तथा अन च्वंपि सकलयात धर्मोपदेश कना शुभाशीर्वादि विया उगु स्थानं प्रस्थान जुया थः च्वनागु प्रशन्नशील विहारे लिर्हा विज्यात ।

थनंलि सर्वानन्द राजा विचार यात शरीरं परिश्रम याना कमाय् यानागु धन दान याय्गु यात काय कष्ट तप धाइ । थुगु तप, दानपारमितां पूर्ण जुइगु पुण्य समान म्येगु मदुः । केवल दानपारमितां पूर्ण जुइगु ज्या शरीरं कष्ट सिया धन कमाय् याना जिनं दान याय् माल धका चिन्तना याना महारानी धर्मावती नाप सल्हायाना साधारण मनुष्ये च्वंक भेशयाना थःगु राज गृहं पिर्हा वनां ग्राम ग्रामान्तरस चाहुला जुल ।

छन्हु ज्येष्ठ महीनाय् लोहकार (कौ) छह्यसिया मिया रापस च्वना नग्वरा ह्याउक छ्या तःगोगु नें मुगलं दाया ह्यछम्हं चःति सोसो वय्का ज्या याना च्वंगु खन ।

उगु बखतस सर्वानन्द राजां थुगु ज्याथ्ये काय कष्टगु तप म्येगु जिनं मखना धका मती तथा थ्व कौया ज्या याना च्वंगु थासे वना आज्ञा जुल ।

हे दाजु ! छं याना च्वंगु ज्या खना जिनं याय्गु इच्छा जुल । छं जित छगु निगु याय्गु ज्या व्युः । थथ्ये धाःगु न्यना कौनं घाल । हे किजा छपिसु गनं वयाम्ह नां छुः छे गन जात छुः छपिसं थ्व ज्या याय् फेला तस्सकं थाकु ।

कौन थथ्ये धास्येलि राजां घाल, हे लोहकार दाजु ! जि थ्व देशया राजा खः छं ज्या याना च्वंगु खना जि अत्यन्त खुशि जुया जिनं छक याना सोय् त्यना । सोइतनं कने मत्ये गोप्यया लिपा छन्त सुख याना विये— शरीरं दुःख सिया कमाय् यानागु धन दान याय्गु इच्छा जुल— उकीं थन छंगु थासे गोप्य याना ववागु खः ।

थथ्ये राजां आज्ञा जूगु खें न्यना, कौनं प्रणाम याना विन्ति यात । भो महाराज ! छलपोलं थ्व ज्या याय्त थाकुइ छाय् थुजागु कष्ट नया विज्याय् त्यना थ्व ज्या छपिसं याय् फेःमखु ।

हानं न्हिला राजां आज्ञा जुल ज्या धयागु यायां फया वइ ज्या याय्गु फेःमखु धैगु छुं नें देमखु छं सीकि । काय कष्टं धन कमाय् यानागु दान तपस्या याय्गु खः धाय् पुन । म्येगु खें ल्हाय् म्वाल इत्यादि खें कना कौयात चित्त बुछे याना राजा व कौ न्हि मिले जुया गोप्य याना कौ ज्या याना विज्यात ।

सर्वानन्द राजा लोहकार या छे वना ज्यापायवं न्हापाया प्यदुगं कौ ज्या चूलाना  
धन संपत्ति ल्याचाः मदेक यको कमाय् याय्गु बधे जुया वल । थुगु तालं खुला तक ज्या  
याना विज्यावले धन लाभ जुस्येलि राजाया मति आजा गात । जी न्हापाय्थे  
दीपंकर बुद्ध यात पिण्डपात्र दान याय्त्त ध्यवा गात भांपा- कौ यात आज्ञा जुल ।

हे लोहकार ! छंगु दयां जिनं थ्व काय कष्ट तपस्या याय् गात । जिगु इच्छा  
पूर्ण जुइगु नं जुल । जि थगु छे वने दान याय् बले छनं वया छुं दान या वा । छन्त  
निमन्त्रणा विया ह्येगु जुल । दान यानागु या पुण्य फल संख्याहे मदु धया तगुदुः ।  
न्हाको कमाय् यासानं ज्वना वनेगु छुं मदु तोता वने मानि, धन संपत्ति परलोके  
कल्याण ज्वीगु मखुः दाम धर्मं जक लिपा कल्याण ज्वीगु खः सीकि ।

उकीं हे जिनं थ्व काय कष्ट याना छुं भतीचा धन साधन याय्त्त थन वया थ्व  
कौ ज्या यानागु खः । आः थ्व ज्या गोप्य मयास्ये प्रकाश यासानं सफल ज्वी । थुजागु  
उपदेश बुद्ध वचन म्येपिन्त नं कना ज्या याकि थमनं याय्गु सो । थय्ये कौ यात उपदेश  
विया- कमाय् यानागु ध्यवा कौनं व्यूगु कया राजगृहे लिहां विज्याना यःस्त्री महारानी  
यात फुक छे कना विज्यात ।

हे स्त्री धर्मावती ! आः हानं थ्व काय कष्टं कमाय् याना हयागु ध्यवा छुं  
तपस्माया रूपे दानपारमिता या ज्या याय् त्यना थुइकी छनं फको ज्या या । थुगु  
उत्तमगु ज्या छे राजां आज्ञा जूगु न्यना महारानी खुसि जुया विन्ति यात । भो प्रभू  
स्वामी ! छलपोल धन्य खः मनोरथ पूर्णयाना विज्याहुं थुगु ज्या निर्विघ्नं सफल  
जुइमा । जिनं शुद्ध मन याना थुगु ज्याय् ग्वहालियाय् । भिगु ज्या गना, मभिगु ज्या  
याकीह्य असत्यह्य मिसा जि मखुः । थुजागु ज्या याइह्य जूसा मिजंनं असत्यह्य हे खः ।

स्त्री नं थय्ये धागु न्यना महाराज खुसि जुया हानं धया विज्यात । प्रिय स्त्री  
धन्य २ धाय छ खः आ थुगु कार्यं तत्कारणं याय्गु जुल थुलि धया मंत्री प्रभृति मेमेपिनं  
सःता आज्ञा जुया विज्यात ।

हे मंत्री गणपि, तथा मेमेपि प्रजा लोकपि, जि हानं न्हापा यानागु थ्ये पिण्डपात्र  
दान याय् त्यना ग्वहालि यानाव्युः थुगु पुण्यं सकलया जय मंगल जुइ माल । थुगु  
राजा या भिगु कार्यं याइगु छे न्यना सकलया मनहर्ष जुइका विन्ति यात ।

भो महाराज ! जिमिसं फुगु तक थुगु ज्याय् धर्मशाला तयार याना माक्क दान याय्गु ज्वलं थिक याना विये धया, न्हापाया दुगंछि वांलक छायाया याना विल । यण्ये याना तगु खना राजा रानी खुसि जुया सज्ज बिज्जपि गुरु पुरोहित पिगु वचन कया दीपंकर भगवान तथा आर्य्यगण भिक्षुपि निमन्त्रणा याना लक्ष्मीथकुं लोहकार (कौ) मेमेपिनं आपालं सःता दान वीगु सामागी थिकयाना तगु दानशालास राजा रानीपि च्वना तयार जुल ।

थनंलि दीपावती नगर या पूर्वद्वारं निस्ये वसा लाया हया क्रमशः दानशाला थ्यंक विज्याका अर्घ्ययाय् सिधेका पूजादि याना क्रमानुसारं अन्न वृही पूर्णगु पिण्डपात्र पायस क्षीर (जा) दान पञ्चवान विविध प्रकार या वस्तु इत्यादि दान बिवा विज्यात ।

थनंलि फुकज्या सिधेय्का शुद्धगु आसने भगवान् विज्याका न्होने सकलें च्वना थुगु प्रकारं विन्ति यात । भो भगवान् छलपोल यागु अमृत वचन न्यना जिनं काय कष्ट तप याना कमाय् यानागु ध्यवा याव्ये छु भति थौं छलपोल प्रभृति आर्य्य भिक्षुगण तथा संघ पित पिण्डपात्र दहलपा हानं छक यानागु खः क्षमा फोना ।

भगवान् दीपंकरं राजाया खाः स्वया आज्ञा जुल । हे महाराज ! छ धन्य २ खः सुनानं याइ मखुगु तालं काय कष्ट तप याना हयागु घन खर्च याना दान पुण्य यागु विषये हर्ष मज्जपि सुंहे दैमखु । सकल आश्चर्य्य जुया खुसि जुया च्वंगु । जिनं अति खुसि जुया । सम्यक संबुद्ध यागु ज्ञान लाना लोक रक्षा थाय् फय्मा थुगु पुण्यं सकभनं यज्ञ प्रचार जुया प्यंगु युगेसं स्थीर जुइमा ।

मेमेपिसं नं थुगु धर्म ह्यसीका सकसिनं याय् फय्मा । जगत् हित जुइगु थुगु क्षान्ति जुइगु शीतलगु बोधिज्ञान मैत्री करुणा अनात्म ज्ञान निर्वाण (मोक्ष) ह्यसीगु बोधिसत्त्व चर्य्य, श्रावक प्रत्येक महायान थ्व त्रियान दानपारमिता या ज्या बुद्धयान धका सीकि । एवं प्रकारं सद्धर्मोपदेश विद्या अन च्वंपि सकल यात चित्तबोध याना दान यागु छगु छगु या फल कना विज्यात ।

विशेष पिण्डपात्रदान याय्गु उत्तम

मूल

सुवर्ण रूप्य विविध धातुज मृन्मयंवा

साल्यो दनैः सुपरि पूर्ण सुपिण्ड पात्रम् ।



भवत्या ददन्ति सततं जिन सांकेभ्यः

स्यात्तस्य पुण्य मसमं फल मप्रयेयम् ।

अर्थ

सुतां भक्तितया तुं वह विविध धातु बस्तु अथवा चायागु मात्र जूसानं भूगोल प्रमाण या पिण्डपात्र घाट गुलुपास क्षीर (जा)पूर्णयाना (जाय्क तथा) तथागन आदि आर्यसंघ भिक्षु पित्त याकि फत धाःसा न्हिन्हि मफुसा पर्वकाले जक जूसानं भोजन थुगु दान या फल थुलिदु धका प्रमाण वीगु थाकु । गण्येजा सागरे च्वंगु फीःगोल थुलिदु धका प्रमाण बीत थाकुथ्ये धका सीकि ।

थुजागु सीका न्हापां सत्ययुगे विपश्चि बुद्ध पिगु पय्यि सर्वसत्त्व प्रिय दर्शन बोधिसत्त्व पिसं सम्यक धर्म (पंचदान) दानपार मितायां चर्य महायान धर्म याना वन । अनंलि स्वर्णवती देशया राजा स्वर्णकेतु राजां याना वन । हानं त्रेतायुगे क्रकूछन्द बुद्धया पय्यि सर्वज्ञमित्र पांदाचार्यया उपदेशं रत्नकोषवती देशे रत्नकेतु राजां याना वन तथा बन्धुमती देशे बन्धुमान् आचार्यया उपदेशं इन्द्रपृष्ठ राजां द्वापर युगे काश्यप तथागत या पय्यि याना वन ।

थुजागु सम्यक संबुद्धपिगु चर्य खः सीका, प्राणि घाटक याय्गु पाप या मूल (हाः) जुया च्वंगु धका सीका तोता शील धारण याना याय् फय्के माल । अलेतिनि जगतो हिताय सुखाय लोकानु कंपाय ज्वी ।

थुगु धर्म थः नं परनं कल्याण जुया सत्कारणं कल्याण जुया वनि । थुगु प्रकारं आज्ञा जुया राजा प्रजा सकलयात शुभाशीर्वाद बियां, दीपंकर भगवान् विदा कया प्रशन्नशील विहारे लिहाँ विज्यात ।

थनंलि राजा रानी मंत्री प्रजागण सकल खुसि जुया थुगु धर्म याय्गु वाञ्छा जुइका प्रजा पिगु सहयोगं, सर्वानन्द राजां सत्यउदय जूगु प्रमाण कार्तिक शुक्लया जुगादि नवमी तिथि खुन्हु । १। त्रेतायुग उदय जुगु प्रमाण माघ पुन्ही खुन्हु जुल । २। हानं द्वापर युग उदय जुइगु प्रमाण वैशाख शुक्ल अक्षय तृतीया खुन्हु । ३। हानं कलियुग उदय जुइगु प्रमाण श्रावण कृष्ण त्रयोदशी तिथि खुन्हु । ४। हानं श्रावण



शुक्लया अष्टमी तिथि खुन्हुनं याता न्याक तक दीपंकर भगवान् प्रभृति आर्य्य भिक्षु संघपि सकलै निमन्त्रणा यानां वारंवार पिण्डपात्र प्रदान याता आशीर्वाद व्यूगु फया कल्याण जुइका चवन ।०।

पुनर्वार हानं इच्छा यात- माघ सन्हू (ध्यो चाकु हामो सन्हू) खुन्हू स्वयम्भू दीपंकर आदि प्रमूखं वसपोल या शिष्य भिक्षु संघ आर्य्यगणपि निमन्त्रणा याना सम्यक संबुद्ध चर्य्य आर्य्य धर्म दान पार मितं पूर्ण जुइ फंगु महायान तथा बुद्धयान (बोधिसत्त्व यान) अहिंसा धर्म प्रकाश याता सकल लोक पित्त वयना विज्यात ।

अन्न वृहो दक्षिणा वास फल मधि पंचामृत सहितगु क्षीर (जा) भोजन दान याता संतुष्ट यात । भगवान् दीपंकर बुद्ध संतोष जुया अमृत शिद्धि फल प्राप्त जुइमा इत्यादि आशीर्वाद विया सर्वानन्द राजा यात, पूर्व जन्मया खँ फुकं कना सकलयात बोधिज्ञान ह्यसीकि धया दीपंकर भगवान् न्हापा दीपावती नगरे (नेपाल मण्डल, ललित पट्टन, यल देश) उपस्थित जुया विज्यागु खः उगुहे प्रकारं न्हापा विज्याना चवनागु बुद्ध भुवन सुखावतिस प्रस्थान जुया विज्यात । जगतो हिताय निम्ति छुं बेला वखतस विज्याय्गु याता निरन्तर समाधि योग ध्याने चवना विज्यात ।

थनंलि सर्वानन्द राजां प्रजागण पित्त सुख आनन्द याय्गु या कारणे दीपावती नगरे अष्ट सिद्धि दुपि विद्वान् आचार्य्य (गुरु) द्वारा नागराजा साधनयाना तःधंगु पुख्छगु हिति गुधाः तू गुंग दय्का विज्याय् धुस्येलि वासुविधि सहित विहार निगु देका विज्यात । निगु विहार मध्ये छगु विहार प्रथमशील महा विहार धका नामकरण याना पूर्वाभिमुख न्हापा जुया विज्याह्य अक्षोभ्य तथागत या मूर्ति स्थापन याता विज्यात ।१।

हानं म्येगु छगु विहार पद्मशील विहार धका नामकरण सिद्धयाना उत्तराभिमुख समयानु कुल विज्याइह्य दीपंकर भगवान् या मूर्ति स्थापना याता विज्यात ।२।

हानं दीपंकर भगवान् विज्याना सर्वानन्द राजा लक्ष्मीयकुं ब्रह्मचारी शाक्यनी तथा म्येपित्तनं शील विया चवना विज्याना वंगु दीपावती नगरया समीपस च्वंगु पुलांगु प्रशन्नशील विहार न्हापा स्वयानं बांलाक सर्वानन्द राजा जीर्णोद्धार याता अत्यन्त

मनोरम जुडक गुंग चैत्य सहित लक्षणं संयुक्तयाना गुंगू तल्ला गुत पौ जागु थुगु देवालये उत्तराभिमुख याना भविष्यकाल (लिपा) कलिया समये च्याह्य ह्य भगवान् तथागत जू विज्याइह्य मैत्री बोधिसत्त्व या मूर्ति स्थापना याना विज्यात । श्व समेत दीपावती नगरे स्वंगु (३) विहार दय् मागु खः धका उल्लेख जुया च्वंगु दु ।

थुगु प्रकारं विहार स्थापना याय् धुस्येलि नित्य पूजादि कर्म याय्त विधि पूर्वकं सकतां पूर्ण जुडका जीर्णोद्धार यानागु प्रशन्नशील विहारे छुं लिपा मैत्री बोधिसत्त्व या न्होने धर्मधातु व चैत्य दु गनं स्थापना याना थुगु स्थाने अहोरात्र चैत्य व्रत वना आश्विन मास कति पुन्ही खुन्हु विहारं निस्ये वंला पूजा धयागु ललित पट्टन देशे दक्क चैत्य धर्मधातु विहारे दुपि भगवान् बोधिसत्त्व लोकेश्वर दर्शन पूजादि याना विहार प्रदक्षिणा याय् धुस्येलि, सकल प्राणिपि उद्धार जुडमा धंगु कामना याना ज्या सफलयाय् सिधय् कल । थुगु प्रकारं उत्तम कार्य्य दीपावती नगरस सर्वानन्द राजां सम्पक संबुद्ध चय्ययाना प्रजा पित्त सुख विद्या आपालं म्वाना छन्हु स्वर्गवास जुल । धर्मावती महारानी स्वामी नापं सहगामी धर्म (सत्य) वन ।

अथ स नीयते राजा सदारा सहमंत्रिभिः ।

आकासे बायुना पुष्प ययुः स्वर्गं श्रमं यथा ।

उगु समये आकाशं देवता पिसं पुष्प वृष्टियाना हल राजा रानी निम्हं पुष्प बिमाने च्वना स्वर्गं भुवनंच्चे तुषिता भुवने बास या विज्यात ।

मंत्रो गनपि नं छन्हु स्वर्गवास जुया वन । लक्ष्मीथकुं स्त्री नं वायुनं पुडक यनीष्ये काल बायुनं स्वर्गलोके यंकल । युह्य लक्ष्मीथकुं ब्रह्मचारी स्त्रीयागु प्रतिमा (मूर्ति) देका अन छगु विहारे स्थापना याना तल । अद्यापि दनि धका सीका स्वया च्वंगुनं दनी ।

थुगु प्रकारं जेतवन विहारे विज्याह्य शाक्यमुनि बुद्धं शालीपुत्र महा भिक्षु प्रभृति सकल समा लोक पित्त थुगु खं कना बोधयाना विज्यात ।

हे शालीपुत्र ! दीपंकर बुद्ध अकनिष्ठा भुवनं निस्ये दीप स्वरूप जुया आकासं च्वहां विज्याना थुगु चासे जू विज्यागु जुया दीपावती नगर धया तगु खः धका सकमनं प्रख्यात जुया च्वन । ॥

दीपंकर भगवान् विज्याकेत सर्वानन्द राजाया पिता सुशीलानन्द राजां देकुगु प्रशन्न  
शौल विहारे दीपंकर भगवान् बास याना वन । थो तफ स्थीर जुया च्वन तिनि ।

दीपंकर बुद्धयात लक्ष्मीथकुं ब्रह्मचारी मिसां न्हापालाक श्रावण शुक्ल अष्टमी  
तिथि खुन्हु पिण्डपात्र दान यागु जुया अद्यापितकं यल देशे श्रावण शुक्ल अष्टमी खुन्हु  
पिण्डपात्र (पञ्चदान) बीगुनं चलन जुयाहे च्वन ।

थुलि खँ कपिदावदाने दीपंकर बुद्धयात सर्वानन्द राजा तथा लक्ष्मीथकुं ब्रह्मचारी  
पिसं दीपावती नगरे जन्म जुया पिण्डपात्र दान संम्यक धर्म याना क्यना वंगु न्यागु  
अध्याय जुल १५।

थनंलि हानं शालीपुत्र महाभिक्षुं थय्ये विन्ति यात । भो भगवान् दीपंकर बुद्ध  
तथा आर्य्य भिक्षु प्रमूखे सकसितं सर्वानन्द राजां दान यावले एकमति स्वरं दान  
गाथा बोना विज्योगु या फल प्रत्येक यानां न्यनेगु थन सकलया उत्सुक जुया च्वन ।  
आज्ञा जूसा जिमिसनं म्येपिसनं सीका बोनी ।

शालीपुत्र भिक्षुं थय्ये प्रश्न यास्येलि शाक्यमुनि बुद्धं सकलयात बोधयाय् निम्ति  
शालीपुत्र भिक्षुयात धया आज्ञा दय्का विज्यात ।

१०। वान गाथा या फल सीके १०।

॥ ॐ नमः श्री दीपंकर संम्यक संबुद्धाय ॥

गुरु श्रीमान् दीपंकर संम्यक संबुद्धयात नमस्कार

॥ न्हापां वसा काप लाय्गु ॥

मूल

भूमौ दुकुल सुकुमार विचित्र पत्रैः

सन्तार ये त्सुगतसंघ परिक्रमाय ।

येनाप्यते विपुल भोग्य महानिधानं

तेना बली पति र भूत्स भवेयु तस्य ॥१॥

अर्थ

सु ज्ञानि भक्तिजनं श्रद्धा तथा बुद्ध बोधिसत्त्व आर्यं भिक्षु तथा बौद्ध संघं पित्त  
अति कोमल नाड्ये च्वंगु चित्र विचित्र यागु पात वस्त्र भूमीस वसा लाया क्रमश  
विज्यांकि- थुजापिनि जन्म जन्म पति नाना प्रकार या सुवर्ण रत्नादि आपालं पूर्ण जुया  
सकलया मामिक राजा जुया जन्म जुइ ।

॥ लिचाय् केगु ॥

मूल

न किंचिदुष्णोदक पाद्य मेवच

सुशीतलं स्वच्छ सुगन्धिकं तथा ।

करोति पादौ सुगतस्य श्रद्धया

ततः कुमेरत्वं मुपेत्य सौ नरः ॥२॥

अर्थ

सुज्ञानि जन पिसं श्रद्धा भक्तितया नाकं क्वागुनं मखु ख्वागु नं मखुगु निर्मल  
सुगन्ध वास वगु लखं आर्यं भिक्षु तथा बौद्ध संघं पिगु (पालि) सिला आदर सहित  
लिचाय्कि, थ्व मनुष्यया लिपा कुवेर तुल्य धन दया ऐश्वर्य जुइ ।

॥ पादार्घ्यं यायगु ॥

मूल

पञ्चामृतैः पञ्च सुगन्ध रत्नै

लज्जाक्षतं कुण्डसं दुग्ध तोयैः ।

ये चार्घ्यं पादौ प्रकुर्वन्ति संघे

ते प्राप्तुवन्ति सुखसंनिधानम् ॥३॥

अर्थ

सु ज्ञानी जन पिसं श्रद्धा भक्ति तथा शंखस १ पञ्चामृत २ पञ्च सुगन्ध ३ पञ्चरत्न  
ताय् आख्य द्वाफोस्वां सादुरु लखं सहित याना दक्षिणा तथा बुद्ध बोधिसत्त्व आर्यं संघ  
पित्त (पालि) स अर्घ्यं विद्या पूजादि याइ । थुपि लिपा उच्चगु कुले जन्म जुया  
आपालं सुख भोग याना चवने दइ ।

१) सादुरु सा घो साध्य कस्ति साध । २) कपू शील कुंकम श्रीलण्ड रक्त चन्दन । ३) हेरा मोति भिपु पत्रा इपू ।

॥ इला प्यनेगु ॥

मूल

वितान मुच्चै वितनोति संघैः  
त्रिलोक देवासुर सिद्धवन्द्यः ।  
यो दीप्तदेहः सु विशार वंशः  
सद्धर्म देहा हृदिज प्रजेता ।४।

अर्थ

सुज्ञानिजनं सुगत आर्य्यसंघपि विज्याकेषु फुसे इलां प्यना सत्सार याइ । उह्य  
मनुष्य लिपा उच्चकुले जन्म कया सद्धर्मज्ञानं सहितयाना आपालं धन जन बया देव दैत्य  
मनुष्य विसं धन्य प्रशंसा याका चवने दइ ।

॥ आसन लासा तयगु ॥

मूल

पर्य्यक विस्तरभलंकृत तूलिका पू  
दिव्याशनं समित दोष गणोत्तमेभ्यः ।  
कन्दर्प दर्प विजयी वरबोधिज्ञानं  
सं प्राप्यतेऽमृतपदे मृदु पीठ दत्तम् ।५।

अर्थ

गुह्य ज्ञानिजनं भक्तितया, सज्जनपिगु गण मध्ये उत्तमह्य छुं दोष मदुह्य शान्तह्य  
स्वभाव शुद्धह्य आर्य्यसंघ पित्त फेतुके या निमित्त बांलागु यचुगु पीठ लासा म्येच आसन  
विया विज्याकि । थुपि लिपा मार शत्रु पित्त त्याके फुह्य जुया बोधिज्ञान लाना अमृत  
पद (मोक्ष) लाभ जुइ ।

॥ घाः मण्डल थिलेगु ॥

मूल

किलाल धारात्क्षत मण्डलं ये  
कुर्वन्ति सत्संघ परिक्रयाय ।  
ते श्री समृद्धाः सुगुणाभि रामाः  
प्राप्यन्ति नेता दिवि भूतले च ।६।

अर्थ

सु सज्जन पिसं बुद्ध संघ पित्त परिक्रमण्ये विज्याका थुमिगु न्होने लखे धाः  
मण्डल थिला पूजा याइ । व सज्जन आपालं ऐश्वर्य बांलागु गुण प्रकाश जुया च्वर्ग व  
पृथ्वीया मालिक जुया च्वने दइ ।

॥ पोतासं चवय्गु ॥

मूल

सुपित वासापित भूमि मण्डले  
परिक्रमाय प्रकरोति लीलया ।  
तथागतस्यार्य्य गणोत्तमाग्रत  
वासोपमं सद्य मही भुजेश्वरः ॥७॥

अर्थ

सुज्ञानि जर्न गणे उत्तम जुया विज्यापि आर्य्य (बुद्ध) पिगु न्होने नवरत्न  
पंचरत्न सुवर्ण अथवा युजागु मिलेयाना तयागु लोहंचूं जाकिचूं आदि ह्यासुगु पोताय्  
चूं नं मण्डल च्वया श्रद्धाभक्ति पूजा याइ थुगु पुण्यं थुमित तत्कारण शुद्धगु भूमीस वास  
लाना सकल लोक पिनि जगु ल्हाः थ्ये च्वने दइ ।

॥ धूप धुं च्याका गोजांस तीगु ॥

मूल

धूपोऽयं प्राणसंतर्पं दिव्यगन्ध सुसंयुतं ।  
जिन संघागतो दद्यात् भवति भद्र सर्वदा ॥८॥

अर्थ

गुह्यजा ज्ञानि सज्जनं बुद्ध तथा संघ पिगु न्होने नस्वागु धूप थना पूजादि याइ  
न्होने धुं तिया भक्ति याइ थुपि सदानं कल्याण जुइका च्वने दइ ।

॥ ताय् स्वां आख्य जाकि पूजा याय्गु ॥

मूल

विकीर्यते येन सुपुष्प चाक्षतः  
मुनीन्द्र संघार्य्य गणोत्तमाग्रतः ।



भवत्यसौ कान्ति वपुर्धनाधिपं

प्रबुद्ध बुद्धत्व पदं ययौ सुधीः ।९।

सुज्ञानि भक्तिजनं बुद्ध व बौद्ध संघ आर्य्यगण पिगु न्होने च्वना ताय् नस्वागु स्वां  
आख्य (जाकि) ज्वना यिन्ति बाइ अथवा छचने होला पूजादि याइ थुजापि थुगु  
जन्मे यश कीर्ति वढे जुया लिपा तःधंगु कुले जन्म कया तेज वीर्य्य वन्त महाधनाद्य  
जुया आपालं विद्वांन् जानिह्य गुरु जुया बुद्धत्व पद पाप्त जुइ ।

॥ सिंह तिकेगु ॥

मूल

श्रीखण्ड कुंकुम सुशो भित चन्दनानि

कुर्वन्तुते सतिलका न्ह बुद्ध संघे

ये प्राप्तुवन्ति जगति तिलको पमत्वं

सौन्दर्य्य रूप पृथुदिव्य विशाल वंशः ।१०।

अर्थ

गुह्य ज्ञानि जन्म पिसं भक्तितया बौद्ध तथा आर्य्यसंघ पित्त श्रीखण्ड कुंकुम रक्त  
चन्दन गोलोचन इत्यादि सुगन्ध सहितगु सिंहतिका पूजा याइ थुजापि ज्ञानि जनपि  
लिपा उच्चगु वंशे जन्म कया जगते सकलया लुं सिंहर्थ्ये दिव्य सुलक्षणगु रूपया शरीर  
जुया आपालं धन संपत्ति ऐश्वर्य्यं यस कीर्ति (नां) दुह्य जुइ ।

॥ केशर कपू कस्तुरि शील सहित सिंहलं लेपम ॥

मूल

काश्मीर शीलं मृगनाभि सुगन्धि द्रव्यं

ये सौगतस्य वपुसि प्रति लेपयन्ति ।

ते शुद्धवंश विपुलं च सुगन्ध वेहं

वासो भवन्ति परम भोग महा निधानम् ।११।

अर्थ

सुज्ञानि जन पिसं बुद्ध तथा आर्य्य संघ पित्त केशर शील कस्तुरि कपू इत्यादि  
त्वाक द्यानागु सिंहलं शरीरे लेपन याना पूजा याइ, थुजापि लिपा उच्चगु कुले जन्म  
जुया सुगन्ध वासना वगु शरीर जुया धनाद्यह्य आपालं सुख भोगयाना च्वने दइ ।

॥ लुचि लुंसिन्ह ॥

मूल

स्वर्गस्य तिलकं संघे श्रद्धया यच्च दास्यति ।  
उग्र तेजोऽभि वर्णस्य त्रिभवे स प्रजायते ॥१२॥

अर्थ

सुज्ञानि जनं आर्य्यं संघ गण पित्त सुवर्णं तिलक (लुं सिन्ह) लुचि तिका भक्ति  
पूर्वकं पूजा याइ थुजाम्ह लिपाया जन्मे स्वर्ग मर्त्य पाताले अतिनं तेजवान् म्ह बांलागु  
शरीर जुया जन्म जुइ ।

॥ जजंका अथवा कोखागा ॥

मूल

यज्ञो पवीतं सुकुमार वासं  
संपा दयन्तीह गणोत्तमे भ्यः ।  
भूयिष्ठ कोष समवाप्य भूयः ।  
ते प्राप्नु वन्तोन्द्र पदं विशालम् ॥१३॥

अर्थ

गुम्ह ज्ञानि जन पिसं बुद्ध आर्य्यगण पित्त जजंका अथवा कोमलगु खोखागा  
कोखाय्का पूजा याइ, थुजाम्ह ज्ञानि जन लिपा उच्चकुले जन्म जुया धन द्रव्य  
आपालं दुम्ह जुया वारंवार दान धर्म याय् फुम्ह स्वर्गया इन्द्र तुल्य पराक्रमं संयुक्तम्ह  
जुइ जुल ।

॥ जात जातया स्वां स्वांमाला ॥

मूल

यो वारिजं विविध पुष्प सुगन्धि युक्तं  
श्रद्धान्वितं सुमनसा प्रतिपादयन्ति ।  
ये सौगतस्य सहसासन सांघिके भ्यः  
ते प्राप्नुवन्ति अवनीश्वर राज लक्ष्मी ॥१४॥

अर्थ

शुद्धगु लखें बुया वगु अथवा भूमी बुया वगु पलेस्वां उफोस्वां जीस्वां चमेलि  
स्वां यलकोस्नां सुकुन्दरास्वां इत्यादि अनेक नस्वागु स्वां छुका माहना कोखाय्का बुद्ध  
आर्य्य संघ पित्त सुवां भक्ति याइ थुजापि लिपाया सन्मस लक्ष्मीवास यागु छे च्वने  
दया पृथ्वी मण्डलया मालीक राजा तुल्य जुया साधु महाज्ञानि जुइ ।

॥ नैमद्य ॥

मूल

नैवद्यं यत्सुगन्धितः त्रिभुवन महिते श्रीघनस्पर्धं संघे ।  
संयच्छन्ति शितीशं मणिकनक भरे वन्दयत्पर्यं नित्यम् । १५।

अर्थ

सुज्ञानि जनं भक्तितया त्रिभुवनं पूजा याना तम्ह बुद्ध तथा आर्य्य संग गण पित्त  
नवद्य छाया पूजा याइ, थुजाम्ह ज्ञानिपि लिपाया जन्मस तुं वह रत्नं पूर्णह्य पृथ्वीस  
मालीक जुया सकसिनं मान्यता याका च्वने दइ ।

॥ पंचामृत ॥

मूल

गो दुग्ध सपिर्म लधु सर्करादिः  
पंचामृतं येच समर्पयन्ति ।  
ते प्राप्तु वन्तीह सुखोप भोग्यं  
सौन्दर्य्य रूपो गुणवान् भवन्ति । १६।

अर्थ

सुज्ञानि जन पिसं सादुरु धौ घ्यः कस्ति साख थ्व न्याता (पंचामृत) बुद्ध  
बोधिसत्व त्रिरत्नादि आर्य्यतारा वसुन्धरा आर्य्य भिक्षु संघ गण सकलयात अर्पण याइ—  
थुजापि महाज्ञानि लिपा लक्षणगु सुन्दर रूप तेजवान् विद्वांन् जुया आपालं सुख ऐश्वर्य्य  
भोग याइपि जुइ ।

॥ मधि ॥

मूल

पक्वान्न पिष्टिकादिच ददाति येन श्रद्धया । १७७।  
लभ्यते तेन सौभाग्यं सर्वदुःख निवारणम् ।

अर्थ

गुह्य ज्ञानि मनुष्यं श्रद्धातया बुद्ध बोधिसत्त्व आर्य्य संघ भिक्षुः पित्त मधि दान  
याइ, थुह्य मनुष्य सदानं दुःख छुं हे दैमखुगु कुले जन्म जुया सौभाग्य सुख भोग,  
याना च्वने दइ ।

॥ फल मूल ॥

मूल

फल मूलानि सर्वाणि स्वादु सुरस संयुतः ।  
अर्पयन्ति यथा संघे तथा फलं प्रलभ्यते । १८१।

अर्थ

सुज्ञानि भक्तिजन आर्य्य संघ पित्त नाना रसं सहित जुया च्वंगु सागु फल मूल  
आर्य्यसंघ पित्त दान याइ थ्व ज्ञान जन पित्त च्वय्थ्ये, नातु सुखभोग याय्गु सदानं दइ ।

॥ अष्ट सुगन्ध धूप थनेगु ॥

मूल

सांयोजिकं सहज सौरभ धूप वासं  
भक्त्या ददन्ति सुगताय संसाधिके भ्यः ।  
ते प्राप्तुवन्ति विपुल धन धान्य भोग्यं  
संबुद्ध मव्यय पदं खलुते लभन्ते । १९१।

अर्थ

सुज्ञानि जन पिसं भक्तितया सुगन्ध वासना वगु, अष्ट सुगन्ध धूप यना बुद्ध तथा  
आर्य्य संघ पित्त पूजादि याना श्रद्धा भाव याइ । थुजापि लिपयां जन्मे आपालं धन

द्रव्य भोगयाय् दुर्षि भाग्यमानि जुया करुणा दुह्य दाता घाय्का लोक हितयाना गुवलेनं  
नाश मजुइगु बोधिज्ञान प्राप्त जुया क्रमशः अर्हत बुद्धत्व पदनं प्राप्त जुइ ।

॥ छयः चिकं या दीप वयनेगु ॥

मूल

तैलाज्य युवतं खलु दीप यष्टीं  
ये सांघिके भ्यः प्रति पाद यति ।  
संदर्श नीयो नयनाभि रामो  
भवन्ति ते दिव्य सुखोप भोग्याः ॥२०॥

अर्थ

सुज्ञानि जन पिसं छयः वा चिकं या मत देवा च्याका दीपावली योना अथवा  
महादीप बुद्ध बोधिसत्व लोकेश्वर तारा एवं आर्य्य भिक्षु संघ पित्त दीपदान याना  
पूजादि याइ । थुजापि लिपाया जन्मस तेज दुगु बांलागु मिखा जुया शरीर नं दिव्यरूप  
जुइका आनन्दं सुख भोग याइपि जुइ ।

॥ ताय् स्वां आख्य शिरे होलेगु ॥

मूल

लाजाक्षत स सिन्धुर श्रद्धाभक्ति समन्वितः ।  
विकीर्यते सुसंघे भ्यः प्राप्नोति भिदशालये ॥२१॥

अर्थ

सुज्ञानि जनं श्रद्धाभक्ति तया बुद्ध □ आर्य्यगण पित्त ताय् आख्य स्वां अभीर  
सिन्ह सहित शिरे पासलं होला पूजा याइ । थुपि लिपाया जन्मे स्वर्गभुवने वास  
यावनीह्य जुइ ।

श्रिया संग्रहः—

□आरात् पातके भ्यो दूरंगमा इति आर्य्यः । • । तापाकं निस्ये असत्य कर्म छः हिसादि पाप याय्गु पाकेगु  
ज्या मखेह्य, अर्थात् दूरयाना तापाका छोय् फुह्य तापाका च्वेह्य यात आर्य्यः याइ ।

## ॥ दक्षिणा ॥

मूल

सौवर्णं रूप्य ताम्रं वा मुद्रा निमित्त दक्षिणाः ।

संघेभ्य यत्प्रयच्छन्ति तस्याधिक फलं लभेत् । १२२ ।

अर्थ

सुज्ञानि जन पिसं श्रद्धा भक्ति तथा बुद्ध आर्य्य संघगण पित्तं लुं वह सिजया ध्यवा  
(दक्षिणा) अर्पण याइ । थुकीया पुण्यं आपालं धन लाभ जुया महाजन जुइ ।

॥ विन्तियाना स्वां जाकि पूजा याये ॥

मूल

कृताञ्जलिं पुटं कृत्वा पुण्या पुष्पाक्षतं युताः ।

अर्चये ज्जिनसंघेभ्यः प्राप्नोति प्रार्थितं फलम् । १२३ ।

अर्थ

सुज्ञानि भक्तिजनं स्वां आख्य (जाकि) ताय् ज्वना विन्तियाना भाव यानागु  
इच्छा फोना बुद्ध बोधिसत्त्वादि आर्य्य संघगण पित्तं पूजा याइ थुमि इच्छा यागु फल  
याकनं मिले जुइ ।

थुलि पूजाया प्रशंसा जुल

॥ थनंलि पिण्डपात्र दान फल ॥

मूल

सौवर्णं रूप्य विविध धातुज मृन्मयं वा

साल्यो दनैः सुपरि पूर्णं सुपिण्ड पात्रं ।

भक्त्या ददन्ति सततं जिन सांधिके भ्यः ;

स्यात्तस्य पुण्यं मसमं फलं मप्रमेयम् । १२४ ।

अर्थ

लुं वह अनेक म्येगु धातु यागु अथवा चायागु जूसानं पिण्डपात्रे भिगु अन्न या  
क्षीर (जा) पूर्णगु थल बुद्ध बोधिसत्त्व बौद्धसांधिक पित्तं श्रद्धाभक्ति तथा सुज्ञानिपिसं  
दान याइ । थुकीया फल थुलि उलि दुः धका संख्या याय् मफुगु फल प्राप्त जुइ ।



॥ वृही वा छो इत्यादि ॥

मूल

वृहिच धान्यं भुविसर्वं जातं ।  
श्रद्धा न्वितं यः प्र ददाति संघे ।  
इष्टं फलं तस्य भवेत्सु नित्यं  
सर्वार्थं कामं समु पैत्यसौ नरः ।२५।

अर्थ

वा छो क्युगु माय् स्वा इत्यादि पृथ्वीनं बुया वगु जात जात या वृही (ब्रूवह)  
श्रद्धाभक्ति तथा सुज्ञानि जनं आर्य्य संघगण पित्त दान याइ । थुह्य भक्तजन यात लिपा  
मनं तुनागु ज्या सकतां सफल जुया भाग्यमानि जुइ ।

नैवद्य निसला

मूल

जातो भवे उच्च कुले शुशीले  
धिमान्नराणा मति वीक्षणीया ।  
प्रासादिको धीर सुखी सुवर्ण  
नैवद्य पूषार्दक वै प्रदानात् ।२६।

अर्थ

सुगत गण पित्त सुनां नैवद्य निसला ★ चिमतस्ये फल मधि पालु तथा दान  
याइ । व सदानं बांलागु शील स्वभाव दुगु उच्च कुले जन्म जुया विद्वान् पिसं प्रेम  
याना धनाद्य जुइका भाग्यमानि जुइ ।

॥ पक्वान्न मधि इत्यादि ॥

मूल

लदूक पूषकर मण्डक पूतिका श्र  
संम्यक् ददाति मनसाच विधान युवतं ।

★ नियम पाराजिका । मोचा फलं च लावणं पितृकार्यं प्रदापयेत् ।  
केरा फल चि तथा पितृ कार्ये जक दान यायुगु ।

मोगेश्वरो भवति ये भुविशान्तं मान  
सत्काय वाक्य मनसा जिन सांघिके भ्यः । १२७।

अर्थ

सुगत तथा संघगण पित्त सुतां श्रद्धा तथा शुद्ध मन याना लडु मारपुवा पुरि  
स्वारी मनभोग इत्यादि ऐश्या गोगु मधि दान याइ । थुजापि लिपा पृथ्वी मण्डले  
आपालं ऐश्वर्य सुख भोग याय्गुलि मालिक जुया शान्त स्वभावगु चित्तह्य  
भाग्यमानि जुइ ।

॥ ग्वल मधि बास ॥

मूल

न व्याधि दुःखं नच वृद्धभावं  
आरोग्यता नित्य मनन्त भाग्यं ।

भवेत्सु घोरः सुविशाल वंशः  
मैषज्य दाना त्लभते मनुष्यः । १२८।

अर्थ

सुतां सुगत संघ गण पित्त श्रद्धा भाव तथा, त्रिफला धाइ हल विहल अम्ब ।  
त्रिकटु धाइ मले पिपो शुं । इमू अजमू जी थ्व गुता त्वाक ज्यागुलि चाकु तथा  
गोति देकेगुयात गोल वास धाइ । थ्व वास अथवा म्येगु नं वास दान याइ । थुगु पुण्यं  
वयात लिपाया जन्मे सदानं निरोगी जुया आपालं स्वाना, दया दुह्य दुःख मदुह्य सदानं  
ल्याय्ह ल्यासिष्ये जुया सुख भोग याइह्य बांलाह्य जुइ ।

॥ फल स्कन्द मूल ॥

घात्री हरतकी रम्भा चूतंच स्फनसादिकं ।  
स्कन्द मूला दिकं दानं पथेप्सितं फलं लभेत् । १२९।

अर्थ

सुजानि जनं सुगत भिक्षु आर्य्य संघ गण पित्त श्रद्धाभाव तथा धाले हल केरा  
अँ फँसि कटह तसि हि सकि खरबुज; लँ तुसि पासि बसि इत्यादि फल दान याइ ।  
थुपि लिपाया जन्मे मनं इच्छा यागु फुकं पूर्ण जुइ ।

॥ सत्तु चू दान ॥

मूल

भृष्टं यवादिकं चूर्णं सत्तुच्च सुप्रसादितं ।

संघेभ्य यो ददातीह पुष्टेन्द्रियो भविष्यति ।३०।

अर्थ

सुज्ञानि जनं सुगत संघ गणपिन्त भद्धा तथा छोचू सत्तु दान याइ । थुजापि लिपा पुष्टगु वांलागु निरोगीगु शरीर जुया बःलाह्य जुइ ।

॥ सर्करा साखति पान दान ॥

मूल

य त्पानं बर्ण गन्धं प्रभृति गुण युतं कल्पित तृ द्विनासि ।

श्लेष्मा शीतोष्ण वातः प्रसमर चतुरं पिप्पली खण्ड चूर्णम् ।

ग्रीष्मे प्रालेय भिन्नं शशिकर सदृशे भाजने संस्थितं तत् ।

दत्त्वा संघे प्रभवयामर भुवन गतो दिव्य प्राप्नोति पानम् ।३१।

अर्थ

सुज्ञानि भक्तजनं तथागत आर्य्य संघगण पिन्त निर्मल ख्वांगु लखे मले पिपी शुं एला सुकमेल दालचिनि साख अथवा चिनि नवा (मिश्रि) मिले याना अत्यन्त स्वादं ज्वीका लखे संयोग यानागु पानरस तोनेगु प्यास मदेकेगु वात पित्त कफ रोग मदेका वीगु वैशाख ज्येष्ठेनं (तानोइ बलेनं) ठिक याना हानं चिकुइ वलेनं पाय्छि ज्वीका यचुसे निर्मलगु लखे मिलेयाना दान याइ । थुजापि लिपा या जन्मे सबानं निरोगी जुया हृष्ट पुष्ट सुन्दर बःलागु शरीर जुया लोके सकल या प्रेम जुइका, देव भुवन स्वर्गे च्वना दिव्य अमृत तोनेगु भोग याना च्वने दइ ।

॥ मण्डव क्षीर क्वाति ॥

मूल

माहिष्य गो रसवरं कनिका चित्तये

वै कृत्य तण्डूल महौषध चोदनं वै ।

तस्मै ददाति सततं जिन साधिकेभ्य

स्ते प्राप्नु वन्त्य तुल भोग सराज लक्ष्मी ।३२।

अर्थ

सुना सुगत तथा आर्य्यं संघ भिक्षुगण पित्त श्रद्धा भक्ति तथा म्येयागु अथवा सा  
यागु दुरूया रसे नैवया छोरा प्यस्ता दाख वदां एला सुकमेल दालचिनि तेजपा साख  
वा चिनि आदि घ्यः मसला तथा पंचामृत सहित भिगु जाकि तथा गोसी मदेक पाक  
यानागु मण्डव ववाति क्षीर भोजन याकि । थुकीया पुण्यं लिपा आपालं संपत्ति दुगु  
उच्च कुले जन्म जुया राज लक्ष्मी सहित ज्वोका चवने दइ ।

॥ जल दान ॥

मूल

सुशीतलं स्वच्छं सुगन्धि तोयं  
स्वादान्वितं ये लघुवारि पानम् ।  
ददन्ति संधार्य्यं गणोत्तमे श्य  
स्तृष्णानवं ह्यार्य्यं पदं लभन्ते । ।३३।

अर्थ

सुज्ञानि भक्तिजनं सुगत तथा आर्य्यं संघ पित्त शुद्धगु बांलागु थले निर्मल ववागु  
लखें पूर्णयाना तोनेवले स्वादं युक्त ज्वोका दान याइ । थुजापि लिपा लोभ तृष्णा छुं  
मदुह्य, सुनानं निन्दा दोष वीगु थाय् मदुह्य जुया आर्य्य पद प्राप्त जुइ ।

॥ संम्यक भोजन या फल ॥

मूल

बलवान् स्थान संपन्न राजा भवति धार्मिकः ।  
संघेभ्यो भोजनं दत्वा सर्वत्र सुख मेधने । ।३४।

अर्थ

सुज्ञानि जनं सुगत तथा आर्य्यं भिक्षु संघ पित्त श्रद्धा भक्ति तथा, संम्यक भोजन  
(क्षीर दुरू धौ मधि फल) दान याइ । थुजाह्य धार्मिक लिपा या जन्मस राजा जुइ ।  
न्ह्याथाय् वंसानं मान सुख बढे जुइ । शरीरनं बलवान् सदानं निरोगी जुया भिगु  
स्थाने चवने दइ ।

॥ चुचायके नुसिकेगु ॥

मूल

कर्पूर मोदाभि सुगन्ध तोयः

प्रक्षालनाय मुख पान विशुद्धिताय ।

ददन्ति येच सुगते भ्य भक्त्या

संशुद्ध वंश विपुलं च सुगन्ध देहम् ।३५।

अर्थ

सुज्ञानि भक्तिजनं श्रद्धाभाव तथा सुगत तथा संघगण पित्त भोजन याके धुंका  
कपू श्रीखण्ड बास वय्का निर्मलगु लखं ल्हाः म्हुतु सिका बांलाक चोखा याना बी ।  
थुजापि लिपा उच्चगु शुद्धवंशे जन्म जुया यश कीर्ति सकभनं प्रचार जुया शरीर  
तस्वावह्य वांलाह्य जुया भान्यमानि जुइ ।

॥ मुख सुद्धि ग्वा ग्वे मसला ॥

मूल

भोगाधिको नयन पथो सुगन्ध वाक्य

श्लेष्मादि रोग परिमुक्ति मनोग्य वाणी

चित्त प्रशन्न विरहो दिविजन्म भोगी

ताम्बूल पूग गण संयुत वै प्रदानात् ।३६।

अर्थ

सुज्ञानी भक्ति जनं श्रद्धा तथा आर्य्य संघ पित्त भोजनान्ते ग्वा ग्वे मसला दान  
याइ । थुजापि लिपया जन्मे निरोगी विद्वांन जुया सकलया प्रेम ज्वीका सिद्धि दुह्य  
आनन्द शरीर जुया अन्त्ये स्वर्गवास मिले जुइ ।

॥ ध्वज छत्र चामल पताक पंखा घण्ट दान ॥

मूल

विविध ध्वज पताका लंकृत दिव्य देहं

विधुदति सहमार्गे बुद्ध संघेषु भक्त्या ।

प्रचरति दिविनन्द्या सौख्ययुक्तां विमाने

नरपति महिपत्या भोग्यमाना वतस्थे ।३७।

अर्थ

सुज्ञानिजनं सुगत आर्य्यसंघ पित्त ध्वजा पताक च्वामो पंखा बज्र श्रद्धा तथा दान याइ । थुजार्पि लिपा देव भुवने (स्वर्गे) जन्म जुया विमाने च्वना थः इच्छार्थ्ये नन्दन बने (इन्द्रया क्यवे) चाहुला आनन्दं च्वने दइ ।

॥ क्षत्र बं ॥

मूल

क्षत्रं नाना विख्यात फलमपि सहितं सर्वशस्याभि पूर्णं ।  
मौनीन्द्रस्यार्थं संघे सहगण सहिते येन श्रद्धा प्रशन्नात् ।  
संघेभ्यो दान पुण्यात् महि सकलदुवं राज्यवाधीन धृत्य ।  
कौवेर्य्याधिक द्रव्यमसम विभवसु संभये द्वै सुवृत्या ।३८।

अर्थ

गुह्य ज्ञानी श्रद्धावान् भक्ति दुह्य सिनं मुनीन्द्र (बुद्ध) आर्य्य संघ गण पित्त योग्यगु शश्यादि (सिमा लता घांय् वा छो सकि हि फलमूल बुया वइगु बं विश्राम यांय्गु क्यव, पुखु इत्यादि दान याइ । थुगु पुण्यं लिपाया जन्मस राज्य भोग याइह्य जुया कुवेर समानं ऐश्वर्य्यं संपन्न जुइका सकसिनं मानेयांका आनन्दं च्वने दइ ।

॥ तुफि खिप (लाय्खि) ॥

मूल

मार्जं न्युत् घाटनं दानं सांधिकेभ्यो ददातिथः

लक्ष्मैश्वर्य्यंदि संयुक्तः शीलवान् सो भवेत्दृशम् ।३९।

अर्थ

सुज्ञानि भक्तिजनं आर्य्य संघ पित्त भूमी शुद्ध याय्गु तुफि लः सालेत खिप श्रद्धा तथा दान याइ । थुपि लिपाया जन्मे लक्ष्मीं वास यानां च्वंगु कुले जन्म जुया शील वन्तह्य साधु जुइ ।



॥ दन्त काष्ठ दतिवं ॥

मूल

अश्वत्थ मन्यादपि दन्तकाष्ठ

येच प्रदातीह ससांधिकेभ्यः ।

हेमस्य वर्षान्वित दन्तपक्ति

शुभ्रं विशुद्धं विमलं भवन्ति ॥४०॥

अर्थ

सुभक्ति दुह्य ज्ञानि जनं श्रद्धातया सुगत तथा संघ पिन्त वंगल सिमाया दं  
अथवा मेमेगु शुद्ध जुया च्वंगु सिमाया दं वा बुलेत दतिवं याय्गु दन्तकाष्ठ दान याइ ।  
थुपिनं लिपाया जन्मे च्वापु समानं तुयूगु बल्लागु बांलागु तेज प्रकाशगु दन्तपक्ति  
(वा) को मिले जूह्य सुन्दरगु खाः जुइ ।

॥ कमण्डलु जलभाण्ड दान ॥

॥ मूल ॥

कुण्डिका पात्र दानेन धर्म ज्ञान समन्वितः ।

घनदेन समानोऽसौ जायते जिन सासने ॥४१॥

सुज्ञानीह्य भक्तिजनं त्यागी पिंगु लःथल स्वरूपगु कमण्डलुस लखे पूर्णयाना आर्य्य  
सुगत तथा संघ पिन्त दान याइ । थुजापि लिपाया जन्मे तथागत यागु शासने च्वना  
कुवेर समानं सकता पुरे जुया आनन्दं च्वने दइ ।

॥ अलंकार तिसा दान ॥

मूल

हाराद्धं हारैः कटकं रूपेता

ये आर्य्य बुद्धेषु प्रतिपादयन्ति ।

ते प्राप्तुवन्ति त्रिदशाधिपं च

बुध्देष्व लंकार विधि प्रदानात् ॥४२॥

अर्थ

सुज्ञानि भक्तिजन पिसं देवता पित्त देव तिसा, मनुष्य पित्त लोगु तिसा, सुगत आर्य्यगण पित्त चोवर पिण्डपात्र खिखिरिका दान याइ श्रद्धाभाव तथा थुपि लिपा या जन्मे स्वर्ग लोकस मालोक जुया च्वने दइ ।

॥ भिपु मोति रत्न माला ॥

मूल

प्रवाल शुक्लान्यपि रत्नमाला :  
संघैश्वर्यः श्रद्धान्वित ये ददन्ति ।  
पुष्पादि रत्नै विभवादि पूर्णैः  
सौभाग्य कोष्ठैः पुरुषा भवन्ति ॥४३॥

अर्थ

गुह्यजा ज्ञापिसं भिपु मोति रत्न (हेरा) इत्यादि या माला, देव मनुष्य आर्य्य भिक्षु पित्त चोवर पिण्डपात्र खिखिलिका श्रद्धा तथा दान याइ थुपि लिपा या जन्मे आपालं संपत्ति पूर्ण जुइका दीर्घायु जुया भाग्यमानि जुइ ।

॥ मकुट मुख (तपलि) ॥

मूल

सर्वे तथागतांक विचित्र मकटं सर्वरत्नानि युक्तं ।  
श्रद्धा भक्ति प्रसन्ना प्रमुदिन मनसा दास्यति आर्य्य संघे  
तस्मै संपुज्यमानः सुरवर सहितैः स्वर्गं नर्ते त्रिलोके ।  
एवं धर्मस्य स्वामी प्रभवति नियमे सर्वलोकस्य नाथः ॥४४॥

अर्थ

सकल तथागत पिण्ड विचित्र रूपगु पंच बुद्धया चिन्हं सहितगु मकुट (तपलि) नवरत्नावि युक्तयाना सुज्ञानि जनं श्रद्धा तथा शुद्ध चित्तं सुगत आर्य्यसंघ पित्त दान याइ । थुपि लिपा या जन्मे देव मनुष्य दंत्य पिसं माने याका स्वर्गलोके धर्म कनीह्य गुरु धाय्का मालिक जुया च्वने दइ ।

॥ वज्र घण्ट जापमाला ॥

मूल

वामोलि घण्टा प्रददन्ति संघे  
सुरूपता नित्य प्रसष्ट चेता ।  
मनोद्र बाणीच सुरा नराणां  
गन्धर्व विद्या सदृशो भवन्ति ।४५।

अर्थ

सुज्ञानि धर्मानुयायी जन पिसं आर्य्यगण पित्त पूजाया निमित्त योग्यगु वज्र घण्ट जापमाला दान याइ । थुजापि लिपाया जन्मे सिद्धिवान् अति सुन्दर रूप आनन्द चित्त सकल या प्रेम उवीका देव भुवने नृत्य गीत याइपि किन्नरगण समान गुरु जुया च्वने दइ ।

॥ थाय्गु ताः विचित्र वसा धातु ॥

मूल

राजाय चक्रवर्ति धनुशर कुलिशैः शस्त्रकृन्नादि वेषै ।  
नाभिन्ना दिव्यदेहो भवति रिपुगणं श्वापु भृष्य घनाद्यः ।  
प्रायः श्रेयो जिनाया सुरवर गुरवे तस्मिन् भाण्डाडि दानं ।  
दद्यात्संघेभ्यरित्थं प्रवर सुर वरात् याति बुद्धत्व मेष ।४६।

अर्थ

सुज्ञानिजनं श्रद्धा तथा थःगु इच्छानुसारं विचित्र धातु या वसा थाय्गु ताः आदि योग्यपि गुरु पित्त दान याइ । थुपि लिपाया जन्मे सदानं वःलाना शत्रु जिते याय् फुह्य दिव्य शरीर जुया सुख भोग याना अन्तकाले बुद्धज्ञान दया उत्तम पद लाइ ।

॥ भिगु रसादि वास ॥

मूल

रोगादिभिः प्रवर दुःखकरै विमुक्ताः  
स्निग्धा नना कनकतुल्य मनोज्ञ वर्णाः ।

राज्यं हिये विगुत कण्टक मान्नुवन्ति  
मैषज्य दान विधिना तदुसन्ति संघे ।४७।

अर्थ

ज्ञानिजन पिसं श्रद्धा तथा आर्य्यं संघ पित्त रसादि भिगु वास दान याइ ।  
युजपि ज्ञानिजन लिपाया जन्मे निरोगी जुया दुःख छुं मदेका सुन्दर लुंथ्ये जागु वर्ण  
लक्षणं संयुक्त जुइका उच्चगु कुले आपालं धन संपत्ति दया शत्रु भय मदेका राजाया  
पदवि दया सुख भोग याय् दइ ।

॥ जाकि वा छो बिबह बजि ॥

मूल

विमवाः सर्वसंपूर्णः सर्वशस्य समुद्भवं ।  
जिनसंघाय योदद्यात्तण्डुलस्य फलंलभेत् ।४८।

अर्थ

सुज्ञानि जनं सुगत आर्य्यं पित्त श्रद्धा तथा जाकि माय् मू बजि कय्गु वा छो  
इत्यादि दान याइ । यूपि लिपया जन्मस आपालं संपत्ति दुह्य साहु जुया सकलया  
प्रेम प्रीति माया दुह्य जुइ ।

॥ चि मसला ॥

मूल

शुद्ध स्फटिकसंकाशं रस सर्वममंन्वितं ।  
तवणं यो ददातीह जायेते योग विन्महान् ।४९।

अर्थ

सुं ज्ञानिजनं सुगत संघ गण पित्त श्रद्धा तथा शुद्धगु स्फटिक ण्ये जागु चि हानं  
मसला दान याइ । यूपि लिपाया जन्मे योग ध्यान ज्ञान दुह्य गुरु जुइ ।

॥ चिकिं ध्यः दान ॥

मूल

प्रसन्न वर्णा मुबुपाणि पादा  
महाबला शत्रुभिर प्रधृष्याः ।

तैलाज्य दानेनं भवन्ति मर्त्या  
सुरूप रूपाः सुखमाप्नुवन्ति ५०

अर्थ

सुगत संघ गण पित्त चिकं ध्यः दान यागु पुण्य फलं दान यापि लिपया जन्मे  
दर लक्षण या शरीर कोमलगु ल्हाः तुति धारण याना आपालं बलवान्हा जुया  
पिसं छुं याय् मफेका आनन्दं सुःख भोग याइ ।

॥ पात पीताम्बर चीवर बस्त्र ॥

मूल

सुपीत रक्ता मृदु चित्र पट्टः  
कौशेय वस्त्रावृत् चीवरादिः ।  
नरोत्तमा सर्वं जनै रूपेता  
भवन्ति आर्य्ये सुगते पदानात् ।५१।

अर्थ

सु भक्ति श्रद्धा दुह्यस्ये आर्य्य सुगत संघगण पित्त भिगु बांलागु नायूगु बल्लागु  
बस्त्र रसमी ह्यासुगु ह्यांगु चित्र विचित्रगु चीवर (वस) दानवी । थुजापि भक्तिजन  
पया जन्मे मनुष्य मध्ये उत्तम ह्य धन संपत्ति यको दुह्य शरीर बांलाह्य सकसियां  
जुया आनन्दं सुख भोगयाना चवने दइ ।

॥ मुलु सुका दान ॥

मूल

धीरो विनीतो मतिमान् वीर्य्य संपन्न बुद्धिमान्  
सूत्र सूची प्रदानेन नाभि जानति दुर्गन्तिम् ।५२।

अर्थ

सु ज्ञानिजनं आर्य्य सुगत संघगण पित्त मुलु सुका श्रद्धा तया दान याइ ।  
पि लिपया जन्मे बुद्धिमान् जुया आपालं पराक्रमं संयुक्तह्य सुन्दर शरीर प्रकाश  
ना चवने दइ । हानं गुवल्ले मभिगु गतिस बने माली मळु ।

॥ सत्तां कलम मसि पुस्तक ॥

मूल

लेखनी कठिनी शुभ मज्जुयेन प्रयच्छति ।

विशाल बुद्धि पण्डित्यं जायेते भुविजन्मनि । ५३।

अर्थ

सुज्ञानि बुद्धिमानम्ह भक्तजनं सुगत संघगण पित्त आख चवग्गु सत्तां कलम मसि पुस्तक दान याइ । थुगु दानयात कठिन दान घाइ । थय्ये दानयापि लिपाया जन्मे सिद्धि दुम्ह प्रख्यात महा पण्डित जुया सकसिनं माने याका चवने दइ ।

अर्थ

। ववपु लकां ववापा लाकां तुतां ।

मूल

पादासनं पादुक य ष्टिदानं

ये संघ सर्वेषु वदन्ति भाषया ।

दानोत्तमैस्ते सुचिरं प्रयान्ति

देवेषु सत्येषु पदोपपन्ना । ५४।

अर्थ

सुज्ञानि जनं श्रद्धातया आर्य्य संघ पित्त ववपु लकां ववापा लकां तुतां दान गाइ । थुपि लिपाया जन्मे तुतियात दुःख कष्ट मज्जुगु रथे चवना भ्रमण यानालि राजा जुया अन्तकाले स्वर्गवास मिले जुया ताः कालं सुख भोग याना चवने दइ अवश्य ।

॥ छत्र कुशा दान ॥

मूल

छत्रो भूतो भवति जगतां आतपत्र प्रदामात् ।

छायारंघ्ये वसति सुचिरं लिलया राज्य लक्ष्मी ।

विश्वस्वामी भवति नियतं रूपवान् दिव्य दृष्टी ।

नासौ गच्छे कुगति गहनं छत्रदानात् प्रसूतम् । ५५।



अर्थ

सुज्ञानि भक्तजनं सुगत तथा आर्यसंघं पिन्त छत्र (कुशा) लकां क्वाप लकां  
तुतां श्रद्धा रूपं दानं याइ । लिपाया जन्मे थुपि संसार या मालीक राजा जुया सुन्दर  
रूप शरीर प्रनाशमान् जुया मन यात सदानं आनन्द जुइगु थाय् (छे) कयव सिमाक्वे  
विश्राम याय्गु नं दया राज्य ऐश्वर्य धन संपत्ति आपालं दया सुख भोग याइ । अन्त्ये  
भिगु गति जन्म जन्म पत्ति भोगयाना च्वने दइ ।

॥ किसि सल रथ दान ॥

मूल

गज तुरग रथादि श्रद्धया यो ददाति  
ब्रजति शत सहस्रैर्व्येम्निव चक्रवर्तिः ।  
सकल भुवन वेगं याति शत्रु विनाशं  
भवति भुवन सर्वं राज्य राज्य राजेन्द्र सिद्धिः । ५६ ।

अर्थ

आर्य सुगत संघ पिन्त श्रद्धा तथा दूर गमनया निन्ति किसि सल रथ दान  
याइ । थुपि लिपया जन्मस आकाश मार्गं वनेगु विमाने च्वना चक्रवर्ति पद लाना  
सकभनं चाहला शत्रु पिन्त त्याके फुह्य बलवान् जुया श्रेष्ठ शिद्धि दुह्य जुया सकसिनं  
मानेयाका आनन्द भोग याना च्वने दइ ।

॥ अग्नि कुण्ड मक-दीप भाण्ड ॥

मूल

गन्धर्वा सुर किन्नरैः सह चरं देदिव्य माना ननैः  
विद्युज्जाल शरच्छशांक सदृशैः कान्ताभि रालिगना ।  
स्वर्गे यद्विचरन्ति दीप वपुषो लीलायमानाः सुराः ।  
दद्या दार्यगणाय शील समये प्रज्वालिका श्रद्धया । ५७ ।

अर्थ

सुज्ञानिजनं आर्य सुगत संघ पिन्त श्रद्धा तथा चिकुगु तंकेत मि दुगु मक छिउ  
मज्जीकेत दीप (मतः) दान याइ । थुपि लिपया जन्मे स्वर्गभुवने च्वनेदया अप्सरापि

नाप सुखभोग याना कोमलगु लासास द्यना गुवले चिकु तानो मज्जीका छिउगु थासे  
चवने स्वाका ताकालं सुख भोग याना आनन्दं चवने दइ ।

॥ सय्या छासा फांगा फुग इत्यादि ॥

मूल

विव्यं भोगातु रक्तं प्रमुदित हृदयं चित्र वस्त्रं मनोज्ञं ।

सय्यायां विव्य मय्यां सुरभिपरि मालां मोद वक्यां महत्त्वम् ।

शाकं विव्यांग नाभि चिरम मरपुरे शर्मना तत्र शेते ।

यत्त च्छर्योप बहं फलमिद मुदितं आर्य्य संघे प्रदद्यात् । ५८ ।

अर्थ

सुज्ञानि जनं श्रद्धाभाव तथा आर्य्यसंघ पित्त सय्या लासा फांगा फुग इत्यादि  
दान याइ । थुगु पुण्यं लिपा स्वर्गलोके चवना अन चवंपि भोग विलास याय्गु गुलि रस  
ताया चवंपि अप्सरापि नाप चवना बांलागु कोमलगु लासास द्यना सुरत क्रीडा विलास  
ताकालं सुख भोग याय् दइ ।

॥ स्त्री पुत्र पुत्री इत्यादि दान ॥

मूल

नाना रत्नादि भूपाः परिकृत वदनो दारक दारकन्याः ।

स्मृत्वाऽनित्य भवांण परि प्लव विभवं प्रेम रागश्च त्यक्त्वा ।

दद्यात् संघेषु भक्त्या जगद्धित हृदया श्रद्धया वै प्रसन्ना ।

एतत् पुण्यानु भावं स्त्रय मल रहितं प्राप्यते बोधिज्ञानं । ५९ ।

अर्थ

सुज्ञानि जनं संसार यागु विषय सम्बन्धिस जि जिगु जित्थ कला काय् म्हाय्  
घन संपत्ति दक्क सदानं होने दइगु मखु अनित्य नाशवान् तोता वने मानिगु छः धका  
लुमंका स्त्री पुत्र पुत्री पित्त बोधयाना प्रेम प्रीति राग मोह माया दक्कं त्याग याना  
सुगत संघ पित्त सेवा याय्गु अथवा प्रवजित जुइगु, निम्ति, केवल जगत् हित सुखया  
कारणे श्रद्धातया घन वस्त्र तिसा सहितं शुद्ध चित्तं दान याइ । थुगु पुण्यं लिपाया

जन्मे काय वाक् चित्तं शुद्ध चित्तं याङ्गु फिङ्गु पाप (वशाकुशल) वक्व मदया वान  
पारमितादि पुण्य संभार ज्ञान संभार क्रमशः पूर्ण जुया अन्तिम यागु जन्मस बोधिज्ञान  
ज्ञाना निर्वाण षट् (मोक्ष) लाभ जुइ ।

॥ दक्षिणा द्रव्य दान ॥

मूल

यथानु लभ्यते द्रव्यं दक्षिणाय प्रयच्छति ।

धर्मार्थं काम मोक्षं च प्राप्नोति भक्तिमानसः । ६० ।

अर्थ

सुज्ञानि जनं भक्तितया सुगत तथा आर्य्य संघ पित्त द्रव्य दक्षिणा दान याइ ।  
लिपाया जन्मे दक्षिणा दान यागु पुण्यं धर्म अर्थ कार्य्य मोक्ष श्व प्यंगु (चतुर्वर्ग) फल  
लाभ जुइ ।

॥ अश्व दान या फल ॥

मूल

अश्व कुंज सह साणि गवा कोटि शतैरपि ।

कोटि कन्या महावानं अन्न दानं फलं लभेत् । ६१ ।

अर्थ

सल किसि द्वछि द्वछि, सा छगु कोटि सछिगु कोटि हानं कोटि कन्या थण्ढे  
महादान यानागु पुण्यफल सिनं अधिकगु अन्न क्षीर पूर्णगु पिण्डपात्र दान यानागु या  
फल दइ । थुकी यागु पुण्य फल असंख्य दु । संख्या याय् थाकु; थुलि उलि धका  
गनना याय्गु महु । आपालं फल लाभ जुइ ।

॥ प्यंगु युग युगोदय पर्वकाल प्रमाण ॥

मूल

कार्तिक शुक्ल नवम्यांच अर्ध रात्रौ सत्ययुगः ।

माघे पूर्णेपि मध्यान्हे त्रेता नाम युगोदयः । १ ।

वैशाख शुक्ल सन्ध्यायां द्वापरश्च तृतीयकः ।

श्रावण कृश्नश्च पूर्वान्हे त्रयोदश्यां कलियुगः । २ ।

एते युगो वये दानं दद्याद् द्वं द्विपदोत्तमे ।

सर्वेषां पुण्यसंख्याऽस्ति तेषांसंख्या नविद्यते ।३। १३२।

अर्थ

कार्तिक शुक्ल नवमी तिथि खुन्हु वाचा या इले सत्ययुग उदय जुल । (१)

माघ शुक्लया पुन्ही खुन्हु दिनया बान्हि जांवले त्रेतायुग उदय जुल । (२)

वैशाख शुक्लया अक्षय तृतीया खुन्हु सन्ध्याइले द्वापर युग उदय जुल (३)

श्रावण कृष्णया त्रयोदशी तिथि खुन्हु सुथसिया प्रहरे कलियुग उदय जुल ।४।

थ्व प्यंगु उदय जूगु दिने निपा तुति दुपि मध्ये सर्व श्रेष्ठ सुगत बुद्ध, बोधिसत्त्व तथा आर्य्यसंघ पित्त अन्न धन द्रव्य पुनः क्षीर पूर्ण पिण्डपात्रादि भोजन दान यानागुया पुण्यफल थुलि उलिदु धका संख्या मदु । अर्थात् म्येम्येगु दानया पुण्यफल संख्या याय्गु दु घया तल ।

॥ पुनः दान फल ॥

मूल

सुक्लपक्षे नभा षट्म्या मुषाया मुदयो रविः ।

पिण्ड पात्रादिकं दानं स्नानं चापि प्रकल्पयेत् ।६३।

अर्थ

हानं श्रावण शुक्लया अष्टमी तिथि खुन्हु नं सुथे स्नानयाना सुगत तथा आर्य्य संघ पित्त अन्न धन द्रव्य क्षीर (जा) पूर्णगु पिण्डपात्र भोजन दान यानागुया फलनं असंख्य दु, संख्यायाय् मफुः ।

॥ पुनः दान फल ॥

मूल

दानं विभूषणं लोके दानं दुर्गति निवारणं ।

दानं स्वर्गस्य सोपानं दानं शान्ति करं शुभम् ।६४।

अर्थ

दानया पुण्य लीके नित्यगु तिसा समान जुइ । दानया प्रभावं नरकादि दुर्गति मभिगु गति दक्क निवारण जुइ । दान यानागु पुण्यफल याकें स्वर्ग वनेगु स्वाहने समान जुइ । दान यानागु फलं सकभनं शुभ शान्ति महा मंगल जुइ ।

॥ पुनः दानया प्रभाव ॥

मूल

दारिद्र नाशनं दानं शीलं दुर्गति निवारणं ।

अज्ञान नाशनं प्रज्ञा भावना भव नाशन ।

शुद्धेन मनसा द्रव्यं यो ददाति यदा पुमान् ।

तत्क्षणं कुशलं स्कन्ध दान मित्याभि धीयते ।६५।

अर्थ

सुज्ञानि जनं, दारिद्र नाश जुडगु दानया पुण्य खः । दुर्गति नाश जुडगु शीलया पुण्य खः । अज्ञान नाश जुडगु सद्धर्म बुद्ध ज्ञान खः । संसार या भय मदगु भावना खः । थुलि सीका शुद्धमन याना अन्न धन द्रव्य पिण्डपात्र दान याइ । व ज्ञानि जन यात याकनं उत्तमगु पुण्य लाभ जुइ ।

॥ दान पुण्य फल हानं सिकेगु ॥

मूल

दानेन भोगा न्न परो पतापात्

शीलेन स्वर्गं न गिरि प्रोरोहात् ।

सत्येन सौख्यं न जले प्रवेशात्

ज्ञानेन मोक्षं न शरीर शोचात् ।६६।

अर्थ

परहितया निम्ति दान यानागुलि सुख भोग याय्दै । परयात दुख विषागु याकें दुःख भोगयाय् मालि । शील पालन यानागुलि स्वर्गवास मिले जुइ । ताजागु पर्वत गया जुयां स्वर्ग थ्यनीगु मखु । सत्य धारण यानागुलि, शरीर वचन चित्त शुद्ध जुया संसारं मुक्त जुइ । लखे जक सनो ह्यदुना मोल्हुया जुया शरीर वचन चित्त शुद्ध जुडगु मखु । सद्धर्म बुद्ध ज्ञान याकें याकनं मोक्ष फल (निर्वाण) प्राय्त जुइ । शरीरयात कष्ट विषा गंसी ज्वीक द्यालाना जक धर्म याय्वं मोक्षफल दैगु मखु ।

## ॥ अबसत्ता दान या फल ॥

मूल

अदत्त दानेन दरिद्र भावं

वारिद्र भावेन करोति पापम् ।

पापञ्च कृत्वा नरके प्रयान्ति

नरकादि मुक्तं पुनरेव पापम् । ६७।

अर्थ

मबीकं काय्शु (मखंक काय्गु) याकें सदानं दरिद्र जुइ- दरिद्र भाव जुलकि पाप याय्गु चित्त जुया ऊंऊं पाप याइ पापं याना नरक भोग याय् मालि । नरक भोगं मुक्त जुया वसानं हानं पाप यात धाःसा न्हापाथ्ये नरक भोगयाय् मालि अवश्य ।

## बज्जयान

॥ नाना प्रकार या वाजा थाना पूजादि याय्गु या फल ।

मूल

मृदंग वीणा पटहादि भिर्ये

कुर्वन्ति पूजां सुगतोत्तमा द्रष्टे

सौन्दर्य रूपो विवधोप भोग्याः ।

शृण्वन्ति वाद्याः सुमनोज्ञ घोषाः । ६८।

अर्थ

सुज्ञानि भक्तिजनं बुद्धालये सुगत त्रिरत्न मूर्तिया न्होने अथवा आर्य्यसंघ धर्म व्याख्या याइगु स्थानया न्होने चवना पूजादि भाव याना वीणा मृदंग आदि पंचताल डमरू विविध प्रकारं ताः स्वया नव वाजा थाना, वासुरी म्वाहालि पोंगा काहा शंख पुया बांलाक शब्द न्यंकि । थुगु पुण्यं थुपि लिपा अत्यन्त दिव्य सुन्दर शरीर जुया लोकं माने याका आपालं सुखंश्चर्या जुइगु भोगयाना चवने बइ ।



॥ बज्रयान तंत्रयान नृत्य गीत या फल ॥

मूल

सु नादितं ये सुमनोज्ञ बाक्यं  
शृण्वन्ति गीतं रुचि रंज नट्यं  
मनुष्य मूता सुमुखा सुवाक्यो  
दिव्यां गनाह्वय विहार स्वर्गे ॥६९॥

अर्थ

सुज्ञानि जनं देवता पिण्डु न्होने चवनी मनयात आनन्द जुइक स्वभाव शुद्ध  
जुइका विहारादिस मधुर स्वरं गीत नृत्य (म्ये हाला प्याखें हुला) पुनः चर्या गीति  
शुद्ध रूपं चचा हाला श्रद्धा भक्ति तथा न्यनि न्यंकि ।

एवं प्रकारं बज्रयान तथा तंत्रयान विधानं ताल थिक जुइक हस्त मुद्रा मिले  
जुइका गें डमरू ताः थाना शंख पुया पूजादि याइ । थुगु पुण्यं लिपा सिद्धि दुह्य  
सकलया प्रीति जुइका सुन्दरगु रूप जुया मनोहरगु स्वरं खें लहाइह्य मनुष्य जुया  
चवनि । अनं लिपानं अप्सरारपि नाप चवने दुगु स्वर्गलोके वासयाना सुखभोग याय् वइ ।

॥ पुण्य फलया प्रशंसा ॥

मूल

पुण्यं नराणां तपसी प्रदीपं  
भवेषु रत्ना व्यसनेषु बन्धुः ।  
रोगेषु भेषज्य मनुत्तरश्च  
प्रभूत संसार महा समुद्रे ॥७०॥

अर्थ

पुण्यया फल हानं थय्ये सीके संसार समुद्रे दुना अनेक भयकया दुःख भोगयाना  
च्वंप्पि मनुष्य पित्त रक्षा याइगु । खिउंस्ये च्वंगु थासे मत जुया, विपत्ति जूसा बाजु किजा  
इष्टमित्र पाशा त्वाय् जुया, रोग जुया च्वंसा वास जुया, गन गन छु छु जुइ मागु खः  
अन अन रक्षाकारी जुया सकभनं सदानं रक्षा जुइ ।

## ॥ पुण्य फल या भावना ॥

मूल

ईदृक पुण्य फलं मत्वा करोति येन भावना ।

तेन संम्यक फलं प्राप्य ययौ निर्वाण सङ्गतिम् ।७१।

अर्थ

सुनां थुजागु पुण्यया भावना थुइका सद्धर्मस चोना दान याइ । थुह्य भक्तिजन  
संम्यक संबुद्ध यागु पद लाना निर्वाण (मोक्ष) प्राप्त जुइह्य जुइ ।

## ॥ प्रार्थना यायगु ॥

मूल

अथल्लु राजा संभा सयित्वा

भगवन्तं दमेतद वोचत् ।

अद्य मे सफलं जन्म सफलं जीवितं च मे ।

अद्य बुद्ध कुले जातो बुद्धपुत्रोऽस्मि सम्प्रतम् ।

यथाऽधुना मया कार्यं स्वकुलेचित्त कारिणा ।

निर्मल स्व कुल स्यान्न कलंको न भवे तथा ।७२।

अर्थ

थनंति निश्चयाना सर्वानन्दराजां दीपंकर भगवान् बुद्धयात प्रार्थना यात ।  
हे भगवान् छलपोल यागु दयां जि जन्म जुया म्वानागु सफल जुल । आःजि बुद्ध यागु  
कुले जन्म जुया बुद्ध पुत्र जुइ । थमंयाय् मःगु उचित्त कर्म सत्व पित्त हितार्थ जिनं  
याये । निर्मल स्व बुद्ध कुल यात गथ्येयाना कलंक (हाकुगु दागि) मदइ उगु ज्या याता  
सफल याय् ।

## ॥ आशीर्वाद ॥

मूल

इति राज्ञोदितं श्रुत्व प्रत्युवाच मुनीश्वरः ।

साधु राजन् त्वया मह्यं संम्यक दानं प्रभावतः ।

परा भोन्तु सदा सुखी आयुरारोग्य संपदं ।

पश्चा द्वोधि समासाद्य प्राप्तोतु सुगत पदम् । ७३।

अर्थ

अथ्ये सर्वानन्द राजां विन्ति यागु न्यना दीपंकर बुद्धं आज्ञा दय्का विज्यात ।  
साधु साधु- हे राजन् ! सर्वानन्द ! छं जित युगोदय पर्वकाले आर्य्यसंघ पित्त समेतं  
श्रद्धा तथा पिण्डपात्रदि संम्यक भोजय दान यात । थुगु पुण्यं सदानं आयु वृद्धि जुयां  
शरीर आरोग्य जुइका धन संपत्ति ऐश्वर्य्य वढे जुया आनन्दं सुख भोग याय् दय्मा ।  
लिपा क्रमशः बोधिज्ञान लाना बुद्धपद प्राप्त जुइमा ।

॥ प्रत्यागत लिहां विज्यात ॥

मूल

एयं मेतद्विधानेन देशहित्वा नाराधिपः ।

यथा तथागता यातो दीपंकरो मुनीश्वरः । ७४।

अर्थ

थुगु प्रकारं दीपंकर भगवान् आदि बुद्धं सर्वानन्द राजा यात संम्यक दान  
पूजादि याकुगु या पुण्य फल प्रशंसा उपदेश विया गथ्ये बिज्यागु खः अथ्येतुं थगु  
भुवने लिहां विज्याना, हानं बखत बखतस पिहां विज्याय्गु याना सकल सत्त्व प्राणि  
पित्त हित सुख जुइगु समाधि योगस च्वना विज्यात ।

॥ चिन्तना याय्गु ॥

॥ मूल ॥

अथ खलु राजा सर्वानन्द महासुधीः ।

निदिष्टं श्रीमुनीन्द्रेण स्मृत्वा एवं विचिन्तयेत् । ७५।

अर्थ

थनंलि सर्वानन्द राजा दीपंकर भगावन् बुद्धं उपदेश विया बिज्यागु सद्धमंज्ञान  
संम्यक दान यागु प्रशंसा तुमंका थुगु प्रकारं मती शुभ चिन्तना याना विज्यात ।  
वथ्ये सकसिनं याय्गु ।

॥ शुभ इच्छा ॥

मूल

किं जन्मनो सुगत शासन दान हीनात्  
 किं जीवितेन शरण त्रय पजितेन ।  
 तस्मा विशुद्ध मनसा बपुसा गिराश्च  
 संम्यक् वदाति सुगताय सुपिण्डपात्रम् ।७६।

अर्थ

भगवान् बुद्ध यागु शासने दान याय्गु हीन याना जि जन्म जुयागु सफल छु  
 दइ छुं सफलता दइ मखु । त्रिरत्न याके शरण वनेगु बजित याना जि जिविका याना  
 च्वनागु या सार छुं सार दइ मखु । अथ्येया करणे काय वाक चित्त शुद्धयाना  
 भगवान् सुगत बुद्धयात तथा आर्य्य संघ पित्त श्रद्धा पूर्वकं आदर भाव तथा जगतो  
 हिताय सुखाय निमित्त लिपा थ्यंक संम्यक् संबुद्ध चर्य्य पिण्डपात्र भोजन दान याय् ।  
 थ्ये आज्ञा जुया याना वंगु थिति रीति विधान अद्यापि नेपाले सकभनं प्रचार जुया  
 विद्यमान् जुया च्वन तिति ।

थ्ये दानयाय् बले आर्य्य संघ पिसं एक मति छगु स्वरं दान गाथा शुद्ध रूपं  
 बोनीगुनं प्रचलित जुमा च्वंगु दनि । उगु समये सर्वानन्द राजा घाय्का च्वंह्य म्येह  
 मखु जिहेखः घका शाक्यमुनि बुद्धं सकलयात न्यंका आज्ञा दय्का विज्यात ।

मूल

एवं हि जन्म जन्मषु चित्त शुद्धेन कर्मणा  
 पिण्डपात्रादिकं दान तेषां पुण्य प्रभावतः ।७७।

अर्थ

थ्ये जिनं न्हापा जन्म जन्म पत्तिकं जगतो हिताय निमित्ते चित्त शुद्ध याना  
 पिण्डपात्रादि दान धर्म याना वयागु पुण्यया प्रभावं थुगु समये बोधिज्ञान लाना संम्यक्  
 संबुद्ध जुया च्वने फत धका आशीर्वाद बिया विज्यात ।

## ॥ आशीर्वाद विद्या विज्यागु ॥

मूल

पुरा जिनेन निर्दिष्टं द्रव्य दानस्य यत्फलं । ।  
प्राप्नुवन्तीह युष्मभ्यं सप्त वृद्धादिकं फलम् । ७८।

अर्थ

न्हापा दीपंकर बुद्धं धया विज्याय्ये जिनं धया अनेक द्रव्य दान यागु या फल  
स्त्रिपि सकल यातनं सप्त वृद्धि प्राप्त जुइमा ।

## ॥ सप्त वृद्धि सीकेगु ॥

मूल

आयु वृद्धि यशो वृद्धि वृद्धि प्रज्ञा सुखस्तथा ।  
आरोग्य धन सन्तानं सन्तुते सप्तवृद्धयः । ७९।

अर्थ

(१) आयु बढे जुइगु (२) यश (३) ज्ञान (४) सुख (५) निरोगी (६) धन  
(७) सन्तान, थुलि न्हेता बढे जुइमा धका शाक्यमुनि बुद्धं आशीर्वाद विद्या विज्यात ।

मूल

इत्यादिष्टं मुनीन्द्रेण श्रुत्वासर्वे समाहिताः ।  
शाली पुत्रादयश्चापि प्रत्यानन्द प्रवोधिताः । ८०।

अर्थ

थुगु प्रकारं भगवान् बुद्धं आज्ञा जुया विज्यागु उपदेश न्यना शालीपुत्र महाभिक्षु  
प्रमूखे सकल सभालोक पिनि चित्तबोध जुया आपालं मन प्रशन्न जुइका धन्य २ सर्वानन्द  
राजा, धन्य २ शाक्यमुनि बुद्ध धका सकसिनं प्रशसा याका वसपोल यात सेवा भक्तियायां  
मानन्द मन जुइका वासयाना च्वन । ८०।

—:○:—:○:— थुलिखे सर्वानन्द राजाया जातक जुल —:○:—:○:—

थुगु खे कपिदावदान २ निस्ये ८ अध्याय तक दु ।

# सुप्रियसार्थवाहावदान

(ल्या १८)

नमः सर्व बुद्ध बोधिसत्त्वभ्यः

सकल बुद्ध बोधिसत्त्व पित्त नमस्कार

अथानन्तरं थनंलि न्हापा छन्हु हानं मुनीन्द्र भगवान् बुद्ध श्रावस्ती नगरे विज्याना अन वासयाना चर्वापि लोक पित्त ज्ञानोपदेश विद्या अज्ञानया अन्धकार फुका लोक पित्त हित सुख याना विज्यात । अनंलि लिपा छन्हु भगवान् भिक्षु संघर्षि सहित व्यापादया वपि बणिजर्षि नापं मघघ देशं भ्रमण याना वंवले शालखी बने थ्यंबले दाखुं तेसं घन ज्वना वपि सार्थवाहत ल्यु ल्यु तया विज्याह्य भगवान् खना थुगु प्रकारं चिन्तना यात ।

थ्व सत्त्व पित्त हित सुख याइह्य न्हापा विज्यात जिल । लिपा थुपि धन ज्वना वपि वणिज सार्थ पति तेत ऊासं ज्वने । थय्ये दाखुं तेसं मतो तगु सीका शुद्ध चित्तह्य भगवान् मुमुहुं न्हिला दाखुं तय्त स्वया छुयाय् त्यना धया विज्यात । दाखुंत मछला छाक वचन तोता विन्तियात । भो भगवान् ! जिमिगु स्वभाव निन्दा याय् बहगु खः । छुं इलम मदुपि जुया परया धन लोभ याना कया नया जीवीका याना चवनापि । जिमिगु आशा भंग याना विज्याय् मते ।

थय्ये दाखुं तय्सं विन्ति यागु न्यना करुणा दुह्य भगवानं लिउने वपि सार्थ वाह पिके गुलि घन ज्वना वगु दु फुक सिका उलिहे धनं मयाक क्षणमात्रं लुंया खानि लुइका दाखुं तेत वयना संतोष याना थुपि सार्थवाह पित्त छुंयाय् मते तोताछो धया विज्यात । दाखुंत सकल महा हर्षमान जुइका वन ।



भगवान् यागु रस्मि खगुलि अनच्चवंपि दाखुं तेगु चित्त शुद्ध जुया पाप मदया धानन्दगु स्वभाव जुल । छुलिपा हानं सेवक धापि ल्युल्यु तथा बहे वने भगवान् विज्या वले दाखुं तेसं भगवान् या पालि भोः पुया दानयाना भोजन याक्येत निमन्त्रणा यात । भगवान् भिक्षु सहित याना विज्याना दाखुं तेत न्हापां पंचशील विया प्रार्थना याकल । अनंलि दान व्यूगु कया थुमित धर्मोपदेश थय्ये विया विज्यात ।

हे लोकपि सकसिनं सीकि पञ्चशील प्रार्थना यानाथ्ये ज्यानं याय् फत धाःसा मनुष्यया जन्म सार जुइ ।

१) प्रथम प्राणि मस्याय्गु २) ऊट्टा खँ मल्हाय्गु ३) परस्त्री पुरुषं स्त्रीनं पर पुरुष नाप संभोग मयाय्गु ४) परया धन संपति मखेक खुया काय्गु लुते याय्गु ख्याना त्राइ विया हेकानं मकाय्गु ५) मदिरा तोना हारां जुया जुइगुनं संपदात त्याग याय्थ्ये तोतेगु ।

ध्व न्याता तोता ज्या याय् फुसा देशे सदानं मंगल जुया, मनुष्य पिनिनं त्वापु जुया कुंका अनेक बिघ्नोपद्रव गुवल्ले जुइ मखु; सदानं महा सुख जुया जन्म जुयागु सार जुइ । हानं क्रमसः बोधिज्ञान दया बोधिसत्व हे जुइ । हानं मनुष्य पिसं भिगु याय् मागु थ्व खः सीकि ।

१) प्रिय वचनं खँल्हाय्गु २) परयात कल्याण जुइगु ज्याखँ याय्गु ३) सकल समानता खनां हितार्थ याय्गु ४) पुनः दान पुण्य बःलाकेगु । हानं प्यंगु बंहा विहार सिकेगु १) मैत्री थः पर उथ्ये खने २) प्राणि उपर करुणा तथा उपकार याय्गु, सीत्यंहा बचे याय्गु ३) मुदिता धाइ परया सुख खना खुसि जुइगु ४) उपेक्षा धाइ परयात उपकार जुइगु ज्याय् अलासी मजुइगु ।

हानं स्वंगु कुशल मूल ह्यसीकि १) अलोभ, लोभ लब्धः च तृष्णा मयाय्गु २) अद्वेष, तँ पिकया परयात लालाथ्ये हाला सना मजुइगु । ३) अमोह-मोहे भुले जुया भगवान् या वचन पालन मयास्ये मजुइगु ।

॥ हानं कने, धर्म ह्यसीकि फ़िगु १० पारमिता लुमंकेगु । ॥

१) दान त्यांगी जुया बरावर दान याय्गु २) शील स्वभाव बाँलाकेगु ३) क्षान्ति सह याय्गु ४) भिगु त्याखँ पराक्रम वयनेगु ५) ध्यान त्रिरत्न लुमंका योग समाधिस

एकचित्तं चवनेगु ६) प्रज्ञा तथागत वचन वांलाक ह्यसीका, प्रमाद वस्तु सुरुति गजि चरेस आदि थुजागु दुर्गन्ध अशुचि मदकारि या सेवन मयास्ये चर्यं याय् फेःकेगु थुजागु यात प्रज्ञा ज्ञान धाड ७) उपाय परप्राणि पित्त उपकार याय्गु ८) प्रणिधि चित्त भिगु जक लुमंका जुइगु ९) ज्ञान, बुद्धि थाते लाका जुइगु १०) वल-प्राणिपि उद्धार याय् गुलि तस्सकं वः लाकेगु ।

॥ हानं पंचस्कन्ध धयागु सीकि ॥

- १) रूपस्कन्धः— मिखां खनीगु अनेक रचनास भुले मजुइगु ।
- २) वेदनास्कन्धः— वने धुंकूगु अनुभोग लुमंका चवनेगु तोत्येगु ।
- ३) संज्ञास्कन्धः— मखुगु मदुगु ज्ञान यात खः दु धका अन्ध विश्वासे तोतेगु ।
- ४) संस्कार स्कन्धः— अनित्य कर्म देका चवनेगु अज्ञान तोत्येगु ।
- ५) विज्ञान स्कन्धः— अनेक तर्कना याना तृष्णास मचवनेगु ।

॥ हानं षडायतन (खुगु) आयतन सीकि ॥

- १) चक्षु आयतनः— मिखां खनीगु अनेक रचना दु ।
- २) श्रोत आयतनः— न्हेपनं ताइगु अनेक शब्द— भिगु मभिगु दु ।
- ३) घ्राण आयतनः— न्हांसं नं ताइगु सुगन्ध दुर्गन्ध दु ।
- ४) काय आयतनः— शरीरं क्वागु ख्वांगु नायूगु क्वाचुगु सीकेगु दु ।
- ५) जिह्वा आयतनः— म्ये खुगु रस (षड्रस) स्वाद सीकेगु दु ।
- ६) मन आयतनः— चित्तं अनेक लुमंका हइगु दु ।

थुजागु थमं बिचार याना तोत्येगु अथवा ज्वनेगु सीका काय्गु ।

॥ चतुः आर्य्य सत्य, प्यंगु मुख्य ज्ञान ह्यसीके ॥

- (१) दुःख सत्यः— जन्म जुया बुढा बुढो जुइगु, रोग जुइगु, मरण जुइगु, हानं प्रिय वियोग दुःख, थः योगु योह्य नाब वियोग जुइका चवनेगु दुःख । अप्रिय संयोग दुःख, थः मयोगु मयोह्य नाप होना चवनेगु दुःख इत्यादि अनेक दु ।
- (२) दुःख समुदयः— दुःख जुया वइगु कारण थ्व खः तृष्णा काम राग याकें अनेक प्रकारया मोहे लाना मखुगु असत्ये भुले जुइगु पाख्ये नाना प्रकारं उत्पत्ति जुइगु दुःख ।

(३) दुःख निरोधः— गुणुजा तृष्णा कामराग याके उत्पन्न जुया वइगु मोहस मलाका वीगु ज्ञान ह्यसीकेगु आर्य्य अष्टांग मार्ग (च्यागु खंकेगु ।

(४) दुःख निरोध गामिनी प्रतिपात् मार्गः— च्वे कंगु दुःख मदेकेगु अर्थात् थुजागु दुःख विनाश जुइगु ज्ञान थ्व खः च्यागु लेंपु आर्य्यष्टांग ८ मार्ग दु । १) प्रज्ञा सदाचार शुद्धगुआचार २) शील शुद्ध स्वभाव जुइगु ३) समाधि योगाचार ध्यान एकाग्रह चित्त— थ्व स्वंगु भाग थय्ये सीकेगु ।

आर्य्य अष्टांग मार्गः— बुद्ध बोधिसत्त्व आर्य्यगण पिसं खंका सीका धारण यागु दुःख मदइगु दुःख मजुइगु च्यागु प्रकार या भिगु अंग पूर्णगु लेंपु थय्येखः ।

### । प्रज्ञा (ज्ञान)

- १) संम्यक दृष्टिः— प्राणि पिनि सुख जुइगु ज्या स्वेगु विचार ।
- २) संम्यक संकल्पः— प्राणि पिनि कल्याण ज्वीगु ज्या मनं कल्पना याय्गु ।

### शील

- ३) संम्यक वाक्— असत्य त्वता सत्यगु खें ल्हाय्गु ।
- ४) संम्यक कर्मान्तः— भिगु शुद्धगु सत्यता जक ज्या याय्गु ।
- ५) संम्यक आजीवः— विष मदिरा शस्त्रया व्यपार तोता भिगु जक ज्यायाना स्वाय्गु ।

### समाधि

- ६) संम्यक व्यायामः— प्राणि पित्त उपकार जुइगुलि उद्योग याय्गु ।
- ७) संम्यक स्मृतिः— मभिगु तोता भिगु जक लुमंका च्वनेगु ।
- ८) संम्यक समाधिः— एकाग्र चित्तं ध्यान योग समाधि याय्गु ।

सप्त बोध्यंग सीकेगु । न्हेगु बोधिज्ञानया अंग बुछे यायेगु ।

- १] स्मृति संबोध्यंगः— शास्त्र ज्ञान सेका लुमंका बुछे जुइगु ।
- २] धर्म प्रविचय संबोध्यंगः— सत्यगु उत्तम धर्म ह्यसीका च्वनेगु ।
- ३] वीर्य्य संबोध्यंगः— धर्म याय्गुलि उत्साह याना ऋद्धि क्यनेगु ।
- ४] प्रीति संबोध्यंगः— धर्मया ज्याखें सकलयात प्रेम याय्गु ।
- ५] प्रसन्धि संबोध्यंगः— धर्मया ज्याय् अत्यन्त आनन्द जुइगु ।

६] समाधि-संवोध्यंगः— चित्त स्थिर यांना ध्यान-योग याय्गु ।

७] उपेक्षा संवोध्यंगः— त्याग चित्त यांना सकल प्राणि पित्त समानता याय् फेकेगु  
अर्थात् दुःख मजुइका विगु ।

मनुष्य जुया थुजागु सोका धर्म याय् फेका जन्म जुयागु सारयांना चवने फुसा  
बोधिसत्त्व जुया बुद्ध हे जुइ दइ जि जक मखु सकलें । शालठवी बने च्वंपि दाखुं तय्गु  
पुचले भिक्षु सहित विज्याना थुजागु उत्तम ज्ञान अलासी मचास्ये उपदेश बोधुंका  
थुमिसं दान यागु शुद्ध भोजन भगवान् तथा भिक्षु पिसं यांना विज्यात ।

दाखुंत फुकं थुजागु ज्ञान न्यना अज्ञान यागु जालं तःक्यना च्वंगु मुक्त जुया ज्ञान  
प्राप्त जुल । थुपि सकल यात वैराग्य प्राप्त जूगुलि मन प्रशन्न यांना भगवान् बुद्ध याके  
प्रवज्या व्रत शिक्षा कया पूजा याय् योग्यमि भिक्षु जुया भगवान् बुद्ध ल्यू ल्यू वनीपि  
जुल । थय्ये तत्कारणं थुपि [न्हापा दाखुंत] पुज्यता जुगुलि भिक्षु पिसं याकनं हे  
थ्व चौर गणपि थय्ये पुज्यतां गथ्ये जुल धका भगवान् बुद्ध (गुरू) याके न्यन ।

भगवान् बुद्ध मुसुहुं न्हिला आज्ञा जुया विज्यात, जि न्हापा यागु जन्मेनं थुपि  
खुंत नाप छुं सम्बन्ध दु । उगु समये महाजन पित्त सुरक्षा याय्या कारणे थुपि खुं  
तय्त आपालं धन विद्यानं सन्तोष याय् मफया थुमिगुहे कारणे रत्नाकर जक मखु  
वरद द्वीप थ्यंक वना रत्न वृष्टि जुइका सकल यात सन्तोष यांना । थ्व खें गथ्ये धाःसा  
हे भिक्षु गणपि तथा म्येपि सकसिनं एकचित्तं न्य ।

थ्व खँया विषये थय्ये खः न्हापा वाराणसी (काशी) देश निर्मल सुगन्ध शीतलगु  
लखें पूर्णगु उत्तम तःधंगु तीथं आकाश गंगा समान भागीरथी दया च्वंगुलि प्राणिगण  
पिगु मन प्रशन्न जुइका सदानं आनन्द जुया च्वन ।

हानं व देशे सदानं विद्वान्पि यको दया च्वंगुलि आपालं सजन बर्ग पिसं मान्यता  
विया सेवायांना च्वंगु अहिंसा धर्म बांलागु थिति जुया च्वन । थ्व देशे पलेस्वां आसन  
याह्य देव समान धर्म न्याय नीति विवेक आपालं दुह्य प्रजावत्सल पियदत्त नाम राजा  
दु कुवेर समानं धन दुह्य थ्व राजाया समये, उगु देशे श्रेष्ठ जाति प्रियश्यन नाम  
सार्थपति (महाजन) आपालं घनाद्यह्य छह्यनं दु । थ्वया पत्नी [स्त्री] शशीदेवी या  
गर्भं जन्म जुह्य पुत्र श्रीमान सुप्रिय सार्थवाह छह्य दया च्वन ।

यच्च सुप्रिय- वीर्यं पराक्रम, दिव्य सुन्दर रूप स्वयं अतिनं सकल या प्रीतिः  
योग्यता ज्ञान गुणिक गुरु भक्ति शिल्प विद्या शास्त्रं पारंगतह्य । बालावस्था निर्य्यः  
स्वभाव शुद्धह्य, विचक्षण महासाधु दया दुह्य । व्यापार बणिकया ज्या याना पर-  
उपकारि जुया च्वंह्य युवावस्था जुस्येलि श्वया अबुजु प्रियश्यन महाजन वृद्ध जुया  
निर्मल गंसी जुल । छन्हु रोगं याना मृत्यु जुइगु अवस्था जुस्येलि कुलशेखर लुमंका  
स्वर्गवास जुया वन ।

यच्च महाजनया पर्याये आपालं गुण वीर्यं पराक्रम धनि सज्जन महाजन पण्डित  
गणपि न्हिन्हि छें वया तःतः धंगु ज्याखें याना आपालं वंजालपि तया प्रतिपाल याना  
लक्ष्मी बासयाना च्वंगु छें च्वना परोपकारी जुया च्वंह्य प्रियश्यन महाजन कालान्तरे  
स्वर्गवास जुया वस्येलि छेंया व्यवहार यागु सार फुकं काय् सुप्रिय सार्थ यागु  
कपले लात ।

उगु अवस्थाय् काय्ह्य सिनं विचार यात, आजु अबुजु पिसं धन संपत्ति आपालं  
सोथना तगु जित दुसानं वंजाल तथा अर्थिगणपि दुःखी दरिद्र पिगु मनोरथ पूर्ण याय्त  
मगानि । यथ्ये श्री संपत्ति दुसानं न्हापा सुनां सुनां भोगयाना सुख सिया व्यवहार  
बांलाका वन जुइ व खें जिनं मस्यु । आःलिपा वपि अर्थिजन पिनि भोगयाय् मदया  
च्वंगु संपत्ति दुसानं छुं प्रयोजन मदु । रत्नाकरस दया च्वंगु संपत्ति खः आतकं सुनानं  
कया हया दुःखिजन अर्थि पित्त विया उद्धार यागु जिनं मन्यनानि ।

दारिद्र पिगु दुःख मदय्के या कारणें उगु थासे च्वंगु रत्न कया हया छग मात्र  
सुयातनं विया अर्थात् दान याना उपकार यात धागु खें आतक जिनं न्यनागु मदुनि ।

अन दया च्वंगु रत्न या खानि अर्थ्ये तया तल धाःसा छन्हु चिकुलां नदीस  
च्वंगु लः सुके जुया वर्थ्ये व्यर्थं फुना वनेफु । अर्थि पिगु आशा दारिद्र पिगु दुःख  
छुयाना जक पूर्ण याय् फइ । यच्च तःधंगु संकल्प महायान धर्म बुद्धचर्य्य दान पार  
मिताया मूलगु लेंपु खः । अन सम्पत्तिया खानि दुः-- थन अर्थि पिनि तथा दारिद्र पिनि  
दुःख या व्यथा जुया च्वन । मि फेः तःच्वंगु तापं याना लखे च्वंपि न्या व्यौ आदिते  
वाथा वाथा मिना च्वंगु तुल्य अर्थि पिगु दुःख या व्यथा मदय्का बीगु जिनं उपाय याय्  
फत धाःसा जि जन्म जुयागु सार जुल । सकल अर्थि पित्त सुखं पुरे जुइगु रत्न

संपत्ति कमाय् याना हया दान विया उद्धार याय् मफुत धाःसा महाजन पुत्र धाय्का च्वनागु या प्रयोजन छु दु । खँ जक ऊंगथ्ये सेका परयात जक दुःख विया उख्ये थुख्ये परदेश छोंया थः छह्य छे च्वना परं कमाय् याना हःगु संपत्तिस सुखभोग याना थः छह्य जक जय जुइका च्वनेगु थ्व अदत्तादाने लागु पाप खः ।

॥ अदत्तादान प्यता प्रकारया दु— छु छु धाःसा ॥

१] मखँक खुया काय्गु २] हेका थके याना काय्गु ३] ख्याना दाया जफतं लाका काय्गु ४] लोभी जुया परया परिश्रम नेगु थुजाथु पाप यात खने मदुगु अदत्ता दान गोप्य हिंसा धका बिद्वान् पिसं घया तगु दु । थुजागु पाप जिनं जन्म जन्मे याये म्वालेमा । तःतः धंगु पर्वते रत्नया खानी यकोदु, बाघ बाग्नि [मिच्याना] छोया च्वनिथ्ये तेज ज्वाला माला उज्वल जुया च्वंगु दु ।

अथ्येया कारणे जिनं यत्न याना बने असंख्य रत्न प्राप्त जुइगु ज्या याये । छे वइपि अर्थिजन पित्त दारिद्र हानं खुं तेतनं ख्वाः खिउके म्वाक ज्या सफल याय् त्यना । खुं तेगु भय संकष्ट पुनः अर्थिजनपि ऊसुका तया लिहां वनीगु जिनं स्वय् मफु । थुमित थःथःगु मनोरथ पूर्णया थुमिगु दुःख फुका थुमिसं व्यूगु आंशोर्वादि न्यना शिरे फया उपकार याना तोत्ये ।

थुलि ताउति मनं चिन्तना याना वंजालपि मुँका रत्नाकर यना धन आपालं कमाय् याना लिहां वल । बने वास याबले बने चाहला जुइपि दाखुं तेसं खन । उगु बखते थुमित खुं तेसं धन हरण याना काय्त न्ह्योने वया छचालं च्वन । धन हरण याइन धका सीका खुंतेत मधुर वचनं खँल्हाना सुप्रिय सार्थजुं कमाय् याना हयागु धन सम्पत्ति खुंतेत दानया रूपे विया थमं बोना यंकापि वंजाल तेत रक्षा यात ।

छे थ्यंका सकल इष्ट मित्र सःता बने खुं तेगु भय मदेका धन दान याना सकलया जीव घाटक जुइ त्यंगु मजुका वयागु खँ कना ऊसुका तया च्वन । थ्व खँ न्यना सकसिनं तवह विया धन्य छपि महा त्यागी दता करुणायमान महा पुरुष खः धका प्रशंसा याना लिहां वन । थ्व सार्थ पुत्रं हानं विचार यात । आः हानं बने माल धका न्हापाथ्ये वंजालपि मुँका मंगल याना वन वहे थासे धन साधन याना लिहां वल । धने वास याय् माल भतिचा लिपा न्हापा यापिनं म्येपिनं खुंत मुना न्ह्योने वल ।



धुपि दाखुं तयगु आशय सीका सुप्रियसार्थवाहं बोध जुडक खं ल्हाना यःगु संपत्ति फुकं  
दाखुंतयत् दान बिया सन्तोष याना यहुं बोना ह्यपि बंजालपिन्त रक्षायाना छे  
थ्यंकल । श्वखं इष्टमित्रपिन्त कना ऊसुकातया च्वंबले गुलि सजनपिसं तवह बिया घाल ।  
छपि धन्य छ, बंजालपिगु जीव रक्षायायत्त यःगु सर्वस्व दान यात श्व तःधंगु उपकार  
धर्म छः छपिनि सदानं जय जुडमा ।

मुप्रियसार्थपत्तिजुं हानं चिन्तना यात, आः हानं वनेमाल घका न्हापाथे वंजात  
मुंका मंगलोत्सबयाना बिदेश गमनजुया कमाय्याना लिहांवया बने बास यात ।  
न्हापायापि जकमखुः मेपिनं दाखुंत मुना वया घन हरण याना कायत्त थिक जुल । मालिक  
मुप्रियसार्थवाहजुं नम्ररूपं खं ल्हाना जिमित छुं याय्मते जिमिके दुगु संपत्ति फुकं छिमित  
बोधया चित्तबुद्धेयाना दाखुंतयत्त घनफुकं दान बिया सन्तोषयाना छे थ्यंकवल बंजाल पिगु  
जीव रक्षा जुल । श्वखंनं सकसिनं सीका साहुया छे वया आशीर्वाद बिया धन्य प्रशंसा यात ।

छुं लिपा हानं न्हापाथे बंजालपि मुंका रत्नाकर व्यापाद यावंन धन लाभयाना  
लिहांवया बहनीजुल बनेसं बासयात । उगु बखतेनं न्हापायापिनं म्पेपिनं दाखुंतमुनावया  
कलबल यावल भयं त्राहि जुडका ज्वनावयागु संपत्ति फुकं दाखुंतेत दानया रूपे बिया  
सकलया जीव रक्षा जुडका छे थ्यंकवल । उगु समयेनं न्हापाथ्ये इष्टमित्रादिपि वया  
आशीर्वाद बिया बिचार यात ।

मूल

अत्रापि तस्करो यूयं निधनाः स धना किमु ।

युस्मभ्यः सप्तधा द्रव्यं सप्तांशं प्रवदौ मुदा ।

भाषा

हानं छुं दिन लिपा न्हापा थ्ये वंजा पाशापि मुंका बिदेशेवना व्यापादं लाभ  
याना सकलया खुसिजुडका लिहांवल अनहे बनेथ्यंबले न्हापायापि दाखुंत फुक मुनावया  
खलालं च्वना दुखः बीत तयार यात । उगु बखतेनं मुप्रियसार्थपतिजुं खं न्यंकल । भो दाजु  
किजापि जिगु खं न्य, श्वनापं थनहेथासे न्हेकजुल । जिमिसं कमाय् याना हयागु छिमित  
बीधुन तथापि सन्तोष मज्जनि ।

दारिद्र्या स्वभाव खः सा बराबर बिसें लि सन्तुष्ट जुइमागु खः । जिमित छुं याय्मते  
आःनं बियाथके घया ज्वनावयागु धन फुकं दाखुं तय्त दान याना छें थ्यंकवल । इष्ट  
मित्रपिन्तनं सन्तोष याना च्वन । ध्व सुप्रियसार्थपतिजुं छन्हु थय्ये बिचारयाना घाल । छुं  
घन्दा काय्मते सोकि छिपिसकलें साधुपि खः । गुलि शिल्प विद्या, गुलि बाणिज बृत्ति, गुलि  
कृषीया ज्या, गुलि पशु पालनया ज्या याना थःथःगु जीव रक्षा व जहान्पि प्रतिपालनं याना  
च्वन ।

हानं मागुजतनयाना कमाय्याये अपशोच याय्मते जि प्रतिपालयाय्गु जिके उत्साह  
हु । दुःख घयागु अनेक दु थुपि दाखुं तय्त दारिद्र्या रोगं पीड जुइका नय्गु त्वनेगु पुनेगु  
च्वनेगु या छुं बनोबस्था थिक मज्जया कोगुजकमखु म्येपिगुनं गुलिजक धन हरण याय्  
धुंकल जुइ ।

जहान् पि प्रतिपाल याय्त शंकष्ट मज्जइकं थय्ये बनेच्वना दाखुं या बृत्ति (ज्या)  
कदापि याइमखुः । थुपि गुबलेनं सन्तोष जुइमखु, थुमित थुजागु दाखुं या ज्या याय्म्वाकेत  
उपाय म्येगु छुं मदु । ज्ञान बुद्धि कना थुपि बोध याय्त कोसंफइमखुः ।

मूर्खयात उपदेश बीगु बेश्या मिसायात तिसा-वस बीगु या छुं गुणमदु, कोगुदेशे  
थुजापि लुच्चा दाखुं मदय्केत जज्जयाके उपाय हु विचार मया । जिनं विचार याय्त्पना  
केवल ज्याहे याये जित छिमिसं उत्साह न्युः ।

थुलिघया न्हापाय्ये पाशापि मुंका रत्नाकर व्यापाद यावन । म्येगु बनेछथाय् बासं  
च्वना थय्ये मतीतया बहनो छन । थुपि दाखुं तजक मखु सकल दारिद्र्यपि दुःखं पीडित जुया  
च्वंपि म्येपिनं दैः । थुपि सकल यातनं धन बिया उपकार याय्फुसा तस्सकं पुण्य दइगु खः ।  
थुपि दाखुं तय्त न्हेक संम जिनं आपालं धनबिये घुन मेपिकेनं गुलिजक काय्धुंकल जुइ ।  
तथापि यामिसं छुं ज्या याय्गु तोत्ये मफुः । परया परिश्रमगु धन हरण याना दुःख बीगु  
अघम पापया ज्या लिचिलेमफुः यानाहे च्वन ।

ध्व बेशे धनं पूर्ण यानाबिगुलि जिनं प्रतिज्ञायाना । ध्वदेशे धनं पूर्ण जुइका दाखुं  
दारिद्र्यपि मदय्का बीफुसा थन बेशे सकलया महा सुखजुइ । थय्ये चिन्तना याना चान्हे न्ह्यो  
मवेकुस्ये सापजुइका च्वन । गय्येजा मृतुनाले दुना च्वंह्य किसिथ्ये जुइका ऊसुका तथा च्वन  
लिपा न्ह्योवल ।

मूल

बनदेवी महेशाख्या समाश्वास्यवमादिशत् ।

मो बिषोव महासत्व सिध्यन्ते प्रणिधि ध्रुवम् । इत्यादि ।

भाषा

उगु समये बने बासयाना च्वंह्य महेशा धयाह्य बनदेवीनं थ्व सुप्रियसार्थपतिजुयात  
पुगु प्रकारं स्वप्ने धया बिज्यात । हे जानि भिगु चिन्तना याना च्वंह्य महासत्व परउपकारी  
सार्थपुत्र छ खः । ग्याय्मते छंगु प्रतिज्ञा अवश्यनं सिद्धजुइ ।

थ्व छं तःधंगु पराक्रम बयनेगु उत्साहयात थ्वहे धारणयाना सागर पुलाहुं । जाम्बु  
द्विपया तःतःधंगु पर्वत थाय्थासे दु बरदनाम छगु तःधंगु द्वीप खः देश दु । अन श्री महारत्न  
चिन्तामणि दयाच्वन उगु थासेवना बिचारया महारत्न छनि त्रिरत्न नाम उच्चारण याना  
महावीर्य दुपि बोधिसत्वपिसं ज्या सिद्ध याना काइ ।

अन च्वंगु महारत्न कयाहया जगत् हित जुइगु छंगु प्रतिज्ञा पूर्णया, थुलिधया बनदेवी  
अन्तरगत जुया वन । न्ह्यलं चाल सार्थबाह वनास्वत बनदेवी मदु । स्वप्ने धागु लुमंका  
चिन्तनायात, अहो दंब गुजागु स्वप्नजुल जित । बरदद्वीप हुं चिन्तामणि रत्न दु कयाहति  
लोक रक्षाजुइ घाल न्ह्यलंचाल थ्व धाह्य मदु । बरदद्वीप वनेत गुगुविशां वनेगुलें मस्युः  
सुयाकेन्यनेगु थ्वखें पूर्णरूपं छपिसं हानं बिज्याना कना बिज्यासा असलजुइ ।

जि उत्साहयाना वने त्यना थथ्ये धया त्रिरत्न लुमंका छन न्ह्योवल । हानं बनदेवी  
धया थथ्ये उपदेश बिया बिज्यात । हे बिर्योत्साह कुलपुत्र छं हानं जित लुमंकल उपदेश  
न्यूवया एक चित्तैन्यना लुमंकि ।

थन बरदद्वीप वनेगु खें कंगु सीके

बरद द्वीप यात्रा गमन याय्गु थथ्ये खः जिनं कने छं लें लुमंकि गथ्ये धाःसा थुगु थासं  
पश्चिम दिशा सोया वनेगु क्रमशः अन बरदद्वीप थ्यनीवले महारत्न आपालंदु । अन  
थासे थ्यंकेगु लें थुगु प्रकारं ख जिनं कने लोमंके मते ।

पश्चिम दिशा स्वया ववं तापाक वनेघुनेव न्यासगु (५००) द्वीप दु ॥१॥  
थ्व पुलेवं न्हेगु (७) तःतः धंगु पर्वत दुगु थासे थ्यनि थुगु थासं पुला वनेगु ॥२॥

अनंलि अनुलोम प्रतिलोम धंगु फेः वइ उगु थासे तिमिर नाम महापुरुष छह दु वं  
वास बी उगु वास या नाम महौषधि धाइ । अनुलोम प्रतिलोम फसं कया मिखा कने  
मजिया छुं खनी मखुः उगु महौषधी वासलं मिखास अजलं उलावीगु मिखां खनि ॥३॥

हान उगु थासं वनेगु महाप्रति लोम फेः वइ मिखां खनी मखुः अन अमोघनाम  
महापुरुष छह दुः वं अमोघ नाम वास बी, उगु वासलं अज उला बीगु मिखा  
खनि ॥४॥

अनंलि आवर्त नाम समुन्द्रे थ्यनि अन द्वंगा दुः थहे माळि स्वरूप जुया द्वंगास  
चवना वनेगु द्वंगा क्वसिया वनि हानं च्वे थाहां वइ वरंम्या धंगु वायुः वहन जुया  
चवनीगु लि अथे जइगु । महौषधी अमोघ नाम वास मिखास उलागुलि न्हेगु लःया  
छमरे लासानं त्रिरत्न नाम कणागु प्रभावं द्वंगा च्वे थाहां वया पार तरे याना  
बिइ ॥५॥

अनं प्यक्वे तक या लें थथ्वे जुइगु दु अनंलि ववं हानं आवर्त नाम पर्वते  
थ्यनि व थासे शखनाम भयंकर राक्षस छह वासयाना च्वनि । देवता पित्त समेतं त्राश  
वीफुह्म खः हानं मिखास अजउलागु प्रभावं उह्य राक्षसं खनि मखु ॥६॥

हानं उगु थासं ववं शंखनाभि विष दुगु प्यक्वे तकया लें दया च्वनि वासया  
प्रभावं विषे दाहा याय्फइ मखुः । उगु थासेनं छगु पर्वतं थाहां वनेगु अन थासे काल  
सर्प छहसे सिमास हिना च्वनि क्वहाँ वया न्या वइगु । अनसं विष मखुगु उपकारि  
शंखनाभि वास बुया च्वनिगु दु । उगु वास कया नेगु वासया ति मिखास अजलं उलेगु वहे  
वास सर्पया ह्ये तया वीगु उह्य सर्पं खनि मखु न्ह्योवेका च्वनि न्ह्यलंवाइ मखुः ॥७॥

उगु थासं वनेगु नीलोद नाम समुद्र थ्यनि मकर धापि जन्तु च्वना च्वनि अन हे  
राक्षस छह नं दु चना च्वनि वास अजया प्रभावं थुमिसंनं खनीमखुः । छुं जुया  
न्ह्यलंवासानं बौद्ध बिद्वांन् उपकारिह्य यात छुं याइ मखुः भिगु उपदेश छगु बामा  
लें कयनाबिइ छुं याइमखुः ॥८॥

अनं वनेगु छथाय् नीलोद नाम पर्वत छगु थ्यनि उगु थासे तंमभीह्य वचुह्य भयंकर  
रूप नीलग्रोव नाम राक्षस नाय छह दु । च्वया न्यास ५०० ह्य पासापि दया च्वन ।

अनहे विषय अमृतरस अमोघ नाम वास सिमा यको दु । व वास कया नय्गु, शरिरे धारण याय्गु । आशी बिष, दृष्टि बिष, श्वास बिष, स्पर्श बिष, धयागु बिषया प्रभाव कुदृष्टि स्वंगु बिष, वां ग्याना लुसि केः पुया बीगु बिष, श्वास यागु बिष, शत्रु भय, मिया भय, बायु भय इत्यादि बिष भयं थीफंमखुगु । कल्याण जुया सदानं रक्षा जुइगु हानं नय्पित्याइनं मखुगु त्यानुइ मखुगु शरीर पुष्ट जुइगु न्ह्यो वइनंमखु सुन्दर रूप जुया च्वनी । अन वासवाय् मज्जु अनसं काल् सर्प दुगु थासे थ्यनि त्रिरत्न सेवा महायान उपोषध ब्रत याना च्वंम्ह षडक्षरि मंत्र दुम्ह करुणा दुम्हस्ये व काल् सर्पयात लि चीका उगु थासेनं महा अमोघ नाम वास दु उगु वासखंका काय्फइ । उगुवास कया नेगु शरीरे धारण याय्गु मिखास अंजन याय्गु न्हेपनेनं तय्गु, बिषया भयदक्व मदया वान ॥९॥

उगु थासं वना कंयागु ङाल चुलुस्ये च्वंगु पर्वत त्वाथ लें खने मदुगु दक्व भय शंकष्टगु छुं मदया पुलुहुं त्वाथनं खनेदया वइ । अनं वनेगु थुजाम्ह धार्मिक महापुरुषं लंघनायाना वने फइ निर्भय याना वनेगु ॥१०॥

उगु थासं लें वनेबले पुखु नदी खनि तीर्थ भापा याना अन स्नान याना आदिबुद्ध स्वयंभू त्रिरत्न स्मरण एवं महौषधी (वास) सेवन यानागु प्रभाव अनेक पर्वत लंघना याय्त्त भय दइमखुः । वचं छथाय् थ्यनि तुयूम्ह नागराज च्वना च्वनि छुं याइमखुः वइत प्रणाम याना वनेगु ॥११॥

हानं अन वचं वरंस्ता धेगु यको वास दुगु पर्वते थ्यनि उगु वास कया मिखास उला बीगु । वरंभा नाम तच्चवतं गोःफय् वइ छथाय् कोछुना सूक च्वनेगु छुं जुइमखु । गोःफय् दितकि वनेगु चिकिधंगु छगु नदी थ्यनि मिखा पिपा तरेयाना वनेगु छथाम भूत प्रेत पिशाच कुंभाण्ड पूटन कत पूटन धापि छगु पुच दु थुमिस खनीमखुः यमं जक खनि ॥१२॥

अनं वना छुं भतीचा थ्यनीबले वरंभा पर्वतं उत्तर पाख्ये वनेगु मेथाय् लें महु सिथेलाक भयानकह्य अजिगर छह्य दु । थ्वयागु श्वासमा बिषं यियेवं मृत्यू जुइगु ।

एव सर्पं खुलातक द्यनाच्चनि लाः सोसो वया च्वनीगु दुः उकीं याना कीटाणुपि आपालं  
सिना वनिगु । न्ह्यलं चाइबले नयगु पित्त्याना वांखाया श्वास दुकाइ वयागु ह्युत्तुस फसं  
द्वहां वीनगु फुकं वया आहार धका सीकेगु । थुगु बखत सीकेत अजींगर द्यना च्वनीगु  
सीकेगु ॥१३॥

हानं उगु थास वने बले मेगु पर्वत थ्यनि अन पंयागु फार लहरा दु लोहेंनं तो  
पुया च्वंगु गुफा छगु दु अन दुने सदानं मतथ्ये उज्ज्वल जुइक च्याना च्वनिगु मोहिनी  
नाम वास दइ उगु थासे वना उगु वास कया मिखास अजलं उलेगु छं भतिचा स्वयंभू  
त्रीरत्न स्मरण याना जप यायंगु लिपा बिस्तारं वनेगु थुगु प्रभावं दक्क भय मदया  
वनि ॥१४॥

उगु थासं वनेबले कंयागु पर्वत आपालं दुसानं सिथं सिथं वनेगु तुतिस छं जुइमखुः  
एव पुलेवं शात्मली धंगु सिबोसि मां या बन थ्यनि थुगुवन पुलेवं हेगु (७) क्षार  
(चिपांगु) समुद्र थ्यनि सिथे लें खनि उगु थासं वनेगु एवनं पार याय्फइ ॥१५॥

अनं वना हानं त्रिशंकु धंगु पर्वत थ्यनि एव पुलेवं हानं त्रिशंकु नाम नदी थ्यनि  
एवनं पुला वने फइ । हानं अनं वना उपस्कील नाम नदी निगु प्रकारया दु । एवनं  
पुलावनेगु समर्थ वासया प्रभावं खः ॥१६॥

अनं वना अष्टादश चक्र धंगु पर्वत थ्यनि गनं बः कायगु मदुगु जुसानं याहां वने फइ एव  
पुला लि हानं म्येगु अष्टादश चक्र नदी थ्यनि सिथे लें खनी अनं वनेगु, पुलावना लक्ष्मणा  
धयागु पर्वत थ्यनी एवनं लंघना याना वनेगु अनंलि धूम्रपुत्र धंगु पर्वत थ्यनि अन कुं जक  
वया च्वनीगुलि पालुया मिखाकने जीमखु सकमनं खिउंस्से च्वना च्वनिगु । थाय् थासे आशी  
बिष वुपि सर्प बास याना च्वनी । थःके च्वंगु वासया प्रभावं सर्प चिला वनि । छयाय्  
लोहंफाः खनि एव पोलास्वयं संजवनि धंगु वास मतथ्ये च्याना च्वंगु कया शरीरे धारण  
याय्गु शरीरे छं जुइगु मखुः । स्वंगुनं भय त्राश मदया थुगु थासनं पुला वने फइ ॥१७॥

अनं वनेबले बिषया पर्वत न्हेगु (७) दु थुगु बिषया प्रभावं थोमफुगु शरीरे च्वंगु



उयोति रस संजीवनी वासया गुण खः । अनं पुला वनेगु न्हेगु (७) उत्तर मुख नाम नदी  
थ्यनि थासे थासे सर्प दुसानं चिलावनि ॥१८॥

अनं पुलावना हानं अनेक मयदुगु पबंत नदी दइ मखुत घका चिन्तना याय्गु ।

परप्राणि पित्त हित सुख याय्गुलि उद्योग दुम्ह पुण्यवान् बोधिसत्त्वं उजागु पबंत  
नदी बिष राक्षस भूत प्रेत पिशाच अजींगर आदि गुफा लेंधना याना वनेत थाकुइ मखुः ।

थुजागु पुला वने धुस्येलि आपालं उच्चा जुया च्वंगु सुधा नाम पबंत थ्यनि थ्व  
सोया वनेगु लिउने छगु थासे कल्पवृक्ष (पारिजात पाल्यास्वां) सिमा मनं तुनागु दया  
वइगु चिःतामणि सिमा यात घाइ । हानं देवतरु देव वृक्षनं घया तल थुजागु सिमादया  
च्वंगु स्वर्ग समान सुन्दरगु रोहित कण्ठ नाम नगर (देश) छगु खने दया वइ ।

थुगु नगर १२ योजन हाक न्हेगु (७) योजन ब्याः न्हेव पखालं चाहुला च्वंगु  
६२ द्वार (लुखा) दया च्वंगु अनेक फल स्वांनं संयुक्तगु सुबर्न रत्नं जागु अति शोभायमानगु  
थ्व देशे रोहित नाम राजां बास याना च्वनि ।

थ्व देशे सकल प्राणिपित्त हित सुख याय्गुलि अतिनं रसदुम्ह मघ धंम्ह सार्थवाह  
(महाजन) इन्द्र तुल्यम्ह छम्ह दु । थ्व महाजनं सकल देश स्थान स्यूम्ह खः । थ्व  
महाजनं बरद द्वीप यात्रा वनेगुलि उद्योग याना वंम्ह यात मागुतक लें यागु उपदेश बिया  
साहिता बिया खें ह्लाइ ।

थ्वयागु खें न्यना वनेगु मनोरथ पूर्ण जुइ थुलि लें वनेगु (लें यागु) खें  
सुप्रियसार्थवाह यात स्वप्ने धया महेशा बनदेबो अन्तर ध्यान जुयावन ।

थुगु बखतस सुप्रियसार्थ न्ह्यलंचाल फेःतुना मती चिन्तना यात अहो गुजोगु स्वप्न  
जुल धंन्य खः थ्व मभिगु मखुः मिगु स्वप्न ख । स्वप्नस निक संम बनदेबो कृपातया  
उपदेश बिया लें यागु परिचय कना बिज्यात छपित्त प्रणाम दु ।

स्वप्नानुसारं जिनं ज्या सिद्धयाय् धया अतिनं उत्साह जुइका थःगु पराक्रमनं

मयना परया दारिद्र रोगं शंकष्टगु शमन यायगु भिगु चिन्तनायाना बोना यंकापि  
बेजा पाशा सकलें छे लिछोया थः याकचा धैर्ययाना ववं स्वप्नास बनदेबीनं गथ्ये  
यागु खः अथ्येहे ले जुया च्वंगु सीका क्रमरूपं मग्यास्ये गमन यानावन । बीर्योत्साह जुइका  
षाय् थासे फलाहार याना थःगु पुण्यया प्रभावं शरीर यात छुंहे मजुइक ऋनिदे (१२)  
दस्येलि रोहित धेगु देसे थ्यन ।

उगु समये वदेशे च्वंह्य मघसार्थवाह यात कर्मभोगं वासलं मथिया च्वंगु रोगं  
शरीर यात थिक मजुया दुःख जुइका च्वन । थ्व मघसार्थवाहया राजगृह थ्ये जायु  
छे खन अन थ्यंका द्दहां वनेत सोबले मघसार्थवाह रोगी जूगुलि लुखास खापा मचा  
छेक्वे लुखाया पिने च्वना थःगु ज्या सिद्ध यायगु निमित्ते दना च्वन । अन पाः च्वह्यसिन  
छमुः घास्येलि सुप्रियसार्थं जि बैद्यराज खः धाल । बिज्याहुं घका उगु लुखां दुतयंकल ।

रोगीयाछे बैद्यराज द्दहां वइबले छः द्दहां वइगु तुल्य जुइ । थःत उपकार  
याइह्य बलधाःसा आदर सुनाजक मयाइ । आदर तया रोगीया थासे यंकल । मघ  
सार्थवाह यागु रोगया लक्षण बिचार याना सोबले अरिष्ट लक्षण (तच्चोगु बेदना)  
खना खुला जक आयुः दनि धेगु सीका तस्सकं घन्दा काल ।

तथापि उजागु इलेबैद्य जुया व रोग शमन जुइगु वासनका सेबा यायां  
याकनं रोग शमन जुइका बिल । मघसार्थवाह खुसिजुया थ्व सुप्रियसार्थपति यात  
आपालं प्रेम जुल । उगु समये छन्हु छपि गनं छाप् थनथ्यंक परिश्रम याना याकचा  
बिज्यानागु छपिगु नाम छुः छपि महापुरुष खः घका जिनं सिलः गन बिज्याय् घका  
जुइगु उपदेशं थनथ्यंक बिज्यानागु छगु कारण अवश्यनं दइ धैबिज्याहुं घका छे  
न्यन ।

थ्व सुप्रियसार्थवाहजुं कोमल बचन याना बाराणसी देशे च्वंह्य श्रेष्ठ जाती  
प्रियश्वेन महाजनया पुत्र सुप्रियसार्थवाह घैह्य जिखः । थः बरद द्वीप वनेगु ईत्यादि  
श्री मती सशी देवी या गभं जन्म जुम्ह, खे फुकं कना त्रिन्ति यात ।

थ्व छे न्यना मघसार्थवाहें सीकल, धन्य प्रशंसनीय महाकारुणीक परोपकारि



सुप्रिय सार्थवाह वज्रदंष्ट्री पथं कवनाश्रुनक्षत्रं चिकित्सामन्त्रिणं कयाहया थग  
 र्कं कसिधजाया च गया पूजायाना आपालं यत्र वृद्धिर्गुणैः काथः गृध्रं  
 रत्नं दद्यादपि ॥ ५ ॥ पिंमदकासकस धनियाना ज्ञानयागविश्र॥



बोधिसत्त्व छपि खः । परार्थे कष्ट मचास्ये दुःख सिया १२ बर्ष तक ले अमण याना  
थन रोगीह्य जिगु थासे थ्यंक बिज्यात । तर जिगु न' अहोभाग्य खः मृत्यु जुईगु समये  
मंषज्यराज समानह्य बैद्यजु प्राप्त जुया अरिष्टगु रोगं जि मुक्त जुल । जिगु शरीर  
न्यापाथ्ये स्वस्थ जुल छपिगु कृपां जि निरोगी जुया म्वाय्दत थुकीयागु गुण जिनं गुवले  
लोमनीमखुः जि आपालं खुसिजुल ।

जि घाय् फुगु जिके दुगु जि वीफुगु विया घागु तक ज्यायाय् त्यना घं बिज्याहुं ।  
परार्थे थमं थय्ये दुःख सिया जुइपि माला सोसा बैदुर्य मणि लुइकेत थाकुथ्ये दुल्लंम  
गुई ।

हे साधु ! थुलिमछि शंकष्टया भूमी लंघनायाना थन थ्यंकवल जिगु शरीर  
सिनावने मासानं मागुतक साहिता विया छपिगु ज्या पूर्णयाय् जि छुयाय् माल धया  
बिज्याहुं ।

हे महामित्र ! छपि परहितार्थे थःगु शरीरया माया मकास्ये अनित्यगु थ्व संसारे  
रनुष्य जुया जन्म कयागु सफल याना सारगु मूल धर्म म्हसीका बिज्याम्ह । परोपकारार्थे  
सिमासफल स्वां होया सयाच्चन । परोपकारार्थे चन्द्र सूर्य अमण जुयाच्चन ।  
परोपकारार्थे नदी न्ह्यानाच्चन । वथ्ये छपि नं परोपकारार्थे थन थ्यंक दुःख कष्ट  
मचास्ये अमणयाना बिज्याम्ह सहश्र वार जिनं छपिन्त प्रणाम दु ।

छपि वरद द्वीप वनेगु इच्छा ख जि माफिरुपं पाशा जुया बोनायंके । जि ह्यापा  
वरद द्वीप वनावय् धुन जिनं उगु द्वीप वनेगु ले दिशा म्हस्युः । महासागरे अनेक लःया  
वण गुजागु खनीगु खः उजागु चिह्न स्वभाव दक्क जिके विचार दु । गुवले वनेगु  
खः जि तयारि जुः कीपि निम्ह थुगु सम्बर मंगल द्वंगास चवना वनेगु धया द्वंगाहया  
ष्यन । परकल्याण यात्रा सफल जुइगु खः याकनं वनेनुः थुगु प्रकारं मघसार्थवाहं घागु  
खे न्यना सुप्रियसार्थवाह अति खुसि जुया चवन ।

उगु वखतस अनया राजा इष्टमित्र पित्त आदर तथा सूचना बिया विदाकया  
मघसार्थवाह सुप्रियसार्थवाह निम्ह नापं मंगल स्वास्त याना सम्बर मंगल द्वंगास



चवना वनेगुलि निश्चय यात ।

मूल

तत्पश्य न्समुपानीय धृत्वा स्वस्त्यनं मुदा ।

सज्जीकृत्य समुत्साही मघस्य समुपाचरत् । इत्यादि ।

भाषा

न्ह्याने च्वंगु सम्बर मंगल द्वंगा खना खुसि जुइका स्वया चवन । मन हर्ष व आनन्द जुइका स्वस्ति मंगल धारण याना मामागु ज्वलं थिक याना बरद द्वोप यात्रास वनेगु उत्साह जुइका वम्ह सुप्रियसार्थवाह मघसार्थवाहयागु साहिताकया निम्ह नापं द्वंगास चवना त्रिरत्न नाम कया मघसार्थ माफि जुया महासमुद्रस द्वंगा न्ह्याका वन ।

क्रमशः ववं समुद्रे छुं उख्ये थ्यं वले अनुलोम घयागु फसं कय्का क्रोश एवं योजन भ्रमण याना वन । थाय् थासे अनेक वर्णयागु लः न्ह्याना वगु खना आश्चर्य जुया सुप्रियसार्थं मघसार्थं याके न्यन, समुद्रे नाना प्रकारया वर्णगु लः खने दया वगु छुः कारणे । मघसार्थं कन, थ्व महासमुद्रे लखे दुना च्वंगु न्यागु पर्वत दु धाल । नः यागु, सिज यागु, वह यागु, लुं यागु, रत्न यागु, थुजागु पर्वतया प्रभावं हानं मत च्याइगु थ्ये अनेक धातु रत्न प्रकाश मान जुया च्वंगुया प्रभावं नाना वर्णया लः न्ह्याना वइगु खः ।

यथ्ये घया ववं छुं दिन लिपा भिगु यशकीर्ति दया च्वंम्ह वीरपुरुष मघसार्थवाह यात हानं रोग लिथुया कालया वखत थ्येक वगुलि द्वंगास मृत्यु जुया स्वर्गवास जुल । पगु समये आपालं वीर्य दुम्ह स्नेह मित्र मघसार्थया उपरे करुणातया च्वंम्ह सुप्रियसार्थं अधैर्य मजूस्ये गभीर स्प्रभावं धैर्य याना द्वंगा समुद्रया तीरे हया शुद्धगु थासे मृतक शरीर तया वनयागु भिगु सि ह्या थमं अग्नि संस्कार याना मघसार्थवाह (पासा) यागु भस्म नदीस प्रवाह यात ।



बोधिसत्त्व घयापिसं ज्ञान यागु वल वीर्यं चंतन्य वांलाकि, उगु इले सुप्रियसार्थं  
तच्चोगु उत्साह उत्पन्न याना द्वंगास च्वना थःहे माळि जुया याकचा वना उगु समुद्रं  
पार जुयालि रत्न पर्वतस प्यंका भयानकगु बने प्रवेश जुल । स्नेह प्रीतिपिं इष्ट मित्र  
त्वाय् पाशा इत्यादि नाप बाया च्वनेगु अनेक भय त्राश शत्रुपिगु मार कर्म भूतप्रेत  
पिगु दोषं रोग जुसानं बोधिसत्त्व पिगु मन यात सुनानं स्यंके फइ मखुः नाना प्रकारया  
विड बुःख जूसानं किंचित प्रमाण याना फसं धूः पुइकि थ्ये मनयात स्थोर जुइका थःगु  
कार्य सिद्ध याइ । स्नेह प्रीतिह्य पाशा मघसार्थ मृत्यु जुयावन म्येपि पाशा सुं मटु थःहे  
याकचा समुद्र पार याना घोर जंगले लासानं मग्यास्ये थःगु ज्या सफल याय्त सुप्रियसार्थं  
उत्साह याना हे च्वन ।

अन आकाश सकभनं दिशा व्याप्त जुया च्वंगु तः जागु गयावनेत याकुगु पर्वत  
न्होनेसं खन । थुगुथासे सिमाहः लासायाना छना क्षण मात्रं थय्ये चिन्तना यात ।  
महो श्व छु दुःख थन जि वयागु गुलि काल वनेधुं कल आःतकं बरद द्वीप धंगुया नाम  
जकहे न्यने मडुनि ।

जिगु भाग्य खः पुण्यया फलं माक्व भरोसा विया नापं द्वंगास च्वना लैक्यना  
ह्य पासानं द्वंगास मृत्यु जुया वन न काल न अकाल कर्मरुपि लःया भ्रमरे लाना द्वंगा  
लखे दुना वनीथ्ये पासा मन्त । थन सुं साहिता बीपिं जित मडुसानं जिनं थ्व ज्या  
तोत्येमखुः उद्योग हे याये श्व ज्या सिद्ध यानां तोत्ये सिना हे थहुं जिगु उपरे मखु  
पराथे खः ।

मनुष्य जन्म उपकार या ज्याखः शरीर त्यागयाय् मासानं बरद द्वीप यात्रा सफल  
याना स्वर्ग मर्त्य पाताल वासि पिसं मान्यता बी योग्यगु ज्या याये । थय्ये चिन्तना याना  
च्वंह्य वीर पुरुष सुप्रियसार्थ बोधिसत्त्व ह्यसोका मद्दत वीगु निमित्ते थगु पर्वते वास याना  
च्वंह्य नीलाद नाम यक्ष छह्यस्ये न्होने वया थय्ये धाल हे उत्साहक सुप्रियसार्थ ! छ  
ग्याय्मते थनं पूर्व दशिश स्वया हुं छगु योजन (प्यक्त्रे) या प्रमानं विस्तारगु च्वका लुया  
च्वंगु उच्च पर्वत दु अन स्यनीमखुगु पौयागु स्वाहाने गया थाहां वनेगु याकनं हुं । थुलि

यक्षं धागु खं न्यना वंस्येलि उगु पर्वत पुले मात्रं हानं अध्येहे ता जागु स्फटिक यागु पर्व  
खन ।

उगु पर्वत चुलुगुलि पंछिपिनं वनेमफया च्वंगु खना भतीचा ऊने जुया चवन, अतिनं  
ताजा गनं बःकाय्गुनं मदुलि विचार याना चवन । थुगु इले अन गुफाय् वास याना  
च्वंह्य चन्द्रप्रभ धयाह्य यक्ष छह्य वया वलवोर्यता सुप्रियसार्थ यात थथ्ये उपदेश बिल ।

हे पर हितकारि ! ग्याय् म्वाः थनं पूर्व स्वयाहुं छुं भतिचा मात्र वनेवं आपानं  
सुन्दरगु शीतल सुगन्ध वासना वगु तःमागु कचा आपागु सदानं फिरि फिरि संगु श्रीखण्ड  
सिमा दुगु वन दु । उगु वने प्रभास्वरा नाम वास दु तःगोगु लोहत किना च्वनि तिजक  
वना काहुं शरीर रक्षा जुइ थुगु वासया प्रभावं स्वहाने खनेदइ गयाहुं ।

थ्व पर्वत पुलेधुनेवं छंगु ज्या याकनं सिद्ध जुइ हताय् चाये मते । थ्व उपदेश  
न्यना धन्य साधु धया वन, थ्व स्फटिक पर्वत तथा श्रीखण्ड सिमा पुला वनेवं सुवर्णया  
छे दया च्वंगु नगर (देश) खन । उगु नगर गथ्ये च्वं घाःसा सुमेरु पदंतया चोका  
यागु तेजं खया च्वोंगुलि उज्वल प्रकाशमान् लुं यागुछे या तेजं सकभनं खया अति  
सुन्दरमय जुया च्वंगु खना थ्व सुप्रियसार्थ आश्चर्य जुया ताउति स्वया चवन ।

हानं उगु थासे लुखाय् लुंया तपागु खापा निपां तिना तगु अन सुंखने मदया  
सुप्रियसार्थ पिने अनसं फेतुना चवन । छुं भतिचा लिपा थ्व सुप्रिय न्ह्यो वल । उगु इले  
अन च्वंह्य महेशा नाम बनदेबी वया स्वप्ने थथ्ये छाल । हे सार्थपति ! थ्व सुवर्ण या  
नगर छे खः थनं उख्ये चित्र विचित्रगु रत्न यागु छे (नगर) स्वंगु दनि । उगु थासे  
लुखास च्वना तिनातगु खापाय् ह्लाति धिना शब्दव्युः खापा चाय्का सो वइपि दु । अनं  
निस्पे क्रमथ्ये ह्लापां प्यह्य च्याह्य ऋषुह्य स्वीनिह्य सुन्दरीपि किन्नरी कन्या पिहां वइ ।  
इमिसं धाइगु खं न्यना इमिगु कामया मत्ता सीका छं इन्द्रिय जिते याना चित्त चीगु सो ।  
धुमित धर्मया खं न्यंका चित्त वुळे याय् वले छंगु इच्छा पूर्ण जुइ ।

थुलि खं न्यंका बनदेबी अन्तरगत जुल, अनंलि शीतल सुथे थ्ये ई जुल सार्थबाह  
न्ह्यलंचाल । अहो धन्य गुजागु स्वप्न जुल धका खुसि जुया अन दया च्वंगु पुखुलि

स्नान याना लि सुवर्ण या छेक्वे चवना लुखाया खापास र्दक धि धि याना शब्द विल ।

थन सु वल छ्ये धका पुरुषया रस रुपि फसं आकुल जुया च्वपि फसं कगु सिमाया हः सनिथ्ये चचल चित्तया ह्य छ्यं संका मिखा वयलें च्वक कना तारुणीया तरंगे लापि दिव्य सुन्दरी प्यह्य किन्नरी कन्यापि खापा चाय्का लुखां पिहां वया सोवल ।

हानं थुपि गुजापि घाःसा मनयात अनेक तालं उत्सव याके फुपि मिखास मोहनीया अमृत दुपि खाः सदानं चन्द्रमाया रस्मि समान शीतलगु स्वभावपि । सोसोकि बां लाना च्वपि, सोसोकि स्वयं मगागुरुपि, प्रेम जुइगुया वास थ्ये सुन्दरी अवस्था काम रस वीगुलि दातापि । थुजापि किन्नरी गण प्यह्यस्ये थ्व सुप्रियसार्थ छनेवं कस्ति फेकेथ्ये चाकुगु खें ह्लाना वयाय् थ्वयाय् मदया म्हाति म्हाति भात यात प्रेम याथ्ये याना ह्लाः ज्वना बिज्याहुं हे महापुरुष ! थन जिथाय् बिज्याहुं जि तताम्ह थकालि खः जिगु थासे ह्लापालाक बिज्याय्मानु बिज्याहुं धया सालिगु, काम अभिलाषा याना माने यात ।

उगु समये थुपि मिसात थःयःगु थासे च्वना काम देवताया काय् नाप च्वनेथ्ये लेःताया शरीर यात आनन्द रस वीगु वास चूलार्थे खुसि जुया च्वन ।

थ्व सुप्रिय पुरुष यात थःपि च्वनेगु थासे वोनायंका चन्द्रकान्तामणि आश्रमे फेः तुका कामविलासं जागु मिखां स्वया मुसुहुं ह्लिलानकतिनि लिक्कयागु कपु चढे याय् थ्ये प्रेमया सौगात चढे याना थुगु तालं बिनित्यात । अहो धन्य धन्य जिमिगु भाग्य तथा छपिगुनं भाग्य खः । सद्गुणया तिसासमान जिपि छपिन्त योग्य जुः । छपिनं जिमित अति योग्य जुः ।

जिमिगु छें छपि स्वयं विज्यात थ्व तःधंगु भाग्य खः । अमृत यात सुनां जक प्रेम मयाइ । श्रीखण्ड यात सुनाजक रुचि मयाइ । चन्द्रमा खना आनन्द शीतल जुल धया मधाइपि सुजक दइ । साधु यात सुनाजक आदर मयाइ । महापुरुष यात अप्सरा

किन्नरी कन्या पिसं पुरुष अवश्यनं याइ । महापुरुषं अप्सरा किन्नरी कन्यापि जिमित थःहे  
स्त्री धका प्रेम छाप् मयाइ ।

एव जिमिगु सुवर्ण नगरया छे संपत्तिदक्क जिमिगु शरीर समेत छपिन्त दोहलपा  
(चढे) याप् धुन छपिनि इच्छा थ्ये जिपि चवनेगु जुल । छपिगु शरीर यात जिमिसं तोत्ये-  
फइमखु थन यथ्ये छपि वासयाना सदानं महा सुखं चवना बिज्याहुं । जिमिगु आशा  
सितिमवंक रस रंग क्रीडा जिपि नापं ह्मिता बिज्याहुं । छपिन्त जिमिगु शरीर अर्पण याप्  
धुन ग्रहण याना बिज्यासा छुलिपा स्वर्गभुवने वासयाना ऐश्वर्य भोगयाये दइ अवश्य ।  
थुगु तालं विन्तियाना कोथापत्ति बोनायंका अनेक रत्न सुवर्ण वस्त्र तिसा धन नेगु त्वनेगु  
बस्तु वपना शुद्धगु सुन्दर सिंहासने तथा दिव्य भोजन हया सन्मान तच्चतं यात ।

मूल

एवं तामिः समाख्यातं श्रुत्वा सः सुप्रियः सुधीः ।  
जननी इव ताः सर्वाः संपश्यन्नेव नम्रवोत् । इत्यादि ।

भाषा

थुजागु प्रकारं थुपि किन्नरी कन्यापिसं प्रेमरूपं माने याना बिन्ति यागु न्यना  
आपालं सन्तोष जुया च्वह्म एव सुप्रियसार्थवाह महा ज्ञानिनं थुमित सोया मां तता क्यहें  
तुल्य याना थुगु प्रकारं बांलागु खें न्यंका बोधयात । हे किन्नरी गणपि ! जिगुनं  
बिन्ति न्य जित मान्यता यागु छना आपालं जि खुसि जुया चवना, थन जि वयागु कारण  
वरद द्वीप यात्रा छः । परायें दया जिगु भाग्यं थन थ्यन जि थकार्लिपि फुकं थन च्वंपि  
किन्नरी गणपि मां तता समान छः जि वक्कालिपि थन च्वंपि किन्नरी गणपि सकलें क्यहें  
तुल्य याना । कामराग जित इच्छा महु जित दाजु किजा अथवा काय् समान याना  
आदर तथा माने यात घाःसा अपालं प्रशंसा दु । जि लिस्ये रस रंग क्रीडा सुख भोग  
यात घाःसा सर्प नापं चवनेगु समान जुइ । बिष नयगु थ्ये महा दुःख भोग याप् मालि ।

जिनं सद्धमं ज्ञानं छुं सीका तयागु दु, कने एक चित्तं न्य । दश अकुशल (क्रिता)  
छरापगु पाप दु । जीगु शरीरं स्वता (३) वाक म्हुतुं याइगु प्यता (४) मनं याइगु स्वता

(३) समेत ऋगु प्रकारया अकुशल पाप कर्म खः । थ्व पाप मयात घाःसा ऋता  
(१०) सुकुशले लाइ अन्त्ये सुखावति बुद्ध भुवने वास मिले जुया परम सुख प्राप्त जुइ ।

थुजागु ज्ञान ह्यस्यूह्य वोधिसत्व जुया बुद्ध पद लाभ जुइ । थ्व ज्ञान स्त्री पिसनं  
धारण याय्मा । थय्ये धया दशा कुशल या खे बांलाक कन । थुजागु ज्ञान ह्यमसिका  
को, गृद्ध, इमा, कुपंछि समानं दुर्गन्ध बस्तु लाको नया तोना हाला सना जुइगु ऋपि दैत्य  
राक्षस तुल्य मखुः । सत्य असत्य छुं बिचार मयास्ये प्राणि हिसा याना मांसाहार मादिरा  
हार कामि जुया अयोग्य तालं जुइगु ऋपि पशु पंछी मखुः । हानं दैत्य दैत्यनी राक्षस  
राक्षसनी नं ऋपि मखु ।

हान घाय्, मिसा जाती छह्य पुरुषया भरोसा अवश्यनं मागु खः । तथापि  
छलपोलपि ब्रह्मचारी कन्याया भावयाके पुलावने धुंकूपि अवश्यनं खैः । केवल जित हानं  
बिश्वास यागुलि छपि सकलें तता क्यहें समान जुल । हानं जित स्नेह माया तच्चतं यागुलि  
जि छपि सकलें मां तुल्य जुल । जिलिस्ये काम भोगया इच्छा याय्गु बेलकुल व्यर्थ खः ।  
बिषयात अमृत भाषा याना नय्थ्ये जुइ अनये नरक भोग कुपशु कुपंछि जुया जन्म कया  
संसारे दुःख भोग आपालं याय् मालि ।

हानं घाय् दश अकुशल पाप कने न्यना बिज्याहुं । परया धन विष समान भापा मयास्ये  
अदत्ता दान ह्यमसोका मबीकं अथवा मखंक खुया काय्गु (१) परया स्त्री तता क्यहें  
तुल्य परपुरुष दाजु किजा तुल्य भापा मयास्ये कामभोग याय्गु (२) परप्राणी स्याय्गु  
हिसा कर्म याय्गु (३) थ्व सोता शरीर याइगु पाप खः ॥०॥

ऊठ्ठा खे ह्याय्गु मिथ्यावाद (१) चुकरि याय्गु पिशुन धाइ पैशुन्य पाप (२)  
परया नुगले स्याक छक खे ह्याय्गु कटु भाषण (३) मिलेजुपि फाय्गु संभिन्न पाप  
(४) थ्व प्यता म्हुतुं याइगु पाप खः ॥०॥

अबिद्या धंगु अहंकार ममता स्येखि घमण्डी अभिमान क्रोध याय्गु (१) व्यापाव  
धंगु परया मभि खना हर्ष जुइगु (२) परया भिगु खना नुगमछिनीगु मिथ्या दृष्टि

(नास्तिक) धाडु श्व स्वता (३) मनं याडुगु पाप समेत क्रिता (१०) दश अकुशल पाप घका सिका मयायुगु । थुजागु पापं लिपा नरके भोग याना हानं संसारे मनुष्य जन्म जूवइबले दरिद्र लाता लातो (पाक स्वांथ) कां खू धुस असिद्धि ह्य जूवान । अनं लिपा यशु पंछी कीटाण जुया हान बेश्या वृत्ति मिसा दत्त दंष्यनी राक्षस राक्षसनी जुया दुःख भोग याय् मालि ।

थुजागु सिका क्रिता पापं अलग च्वनिह्य धार्मिक स्त्री वा पुरुषपि स्वर्ग वनेत स्वाहाने तापामजु स्वर्ग भुवनं च्वे सुखावात भुवने थ्यंक वनेत न थाकु मजू ।

प्राणिपिगु दुःख स्वय् मफुह्य इन्द्रिय जितय् याय् फुह्य महाजनि सुप्रियसार्थपति थुजागु उत्तम ज्ञान कंगु न्यना, चन्द्रमाया तेजथ्ये शीतल जडक रुप कयनीपि धाले समानं उति न्यंगु वाया तेज प्रकाशपि मुसंहं हिला खं ह्लाइपि पलेस्वां समानगु मिखा हेराथ्ये जागु ह्लातिकाया खवा जुया च्वपि किन्नरी कन्या पिसं भव सुप्रियसार्थयात थथ्ये बिन्ति यात ।

हे सत्पुरुष महा साधु ! न्यने मनंनिगु अमूल्य गुण उज्ज्वल जुया च्वंगु मणिक रत्न थ्ये सुन्दर न्यनेग् लाय्क जुया च्वंगु छपिगु मधुर वचनं पिजोगु ज्ञानया खं न्यने धुन ।

गुह्यजा सज्जानि छपिसं आमजागु दुर्लभ ज्ञान नुगले शिरे न्हेपने तिसाथ्ये सदानं धारणा याना च्वन । थुजागु ज्ञान कना बिज्यागु न्यना जिमिगु नुगले सोचात थुइके धुन सिमाया हाः ल्ये दनिथ्ये जिमिगु कामरागया हाः ल्येदना ब्रह्मचारीया स्वभाव शिक्षा प्राप्त जल ।

आः श्व आपलं पूजायाय् योग्यगु तच्चतं प्रख्यातया गुण लक्षणं युक्तगु जिमि थःगु नुगचु समानगु मणि रत्न कया बिज्याहुं । श्व मणि ध्वजया च्वकास तया बिधिथ्ये पूजा याना प्रार्थना याय् वले अथिजन दरिद्र पिनि मनं तुनागु इच्छा सकतां प्यंगु दिशास सकमनं रत्न वृष्टि याना विइ ।



थुलि धया किन्नरी कन्यापिसं लः ह्लाना ब्युगु महामणिरत्न कया आशीर्वाद  
बिया बिदा कया उगु स्थानं प्रस्थान जुया हानं पाश्चिम दिशा सोया वन छुं लिपा वह यागु  
नगरे (छे) थ्यंक वन ।

अन म्येपि च्याह्य किन्नरी कन्या पिसं हानं आदर तथा सम्मान यास्येलि थ्व महा  
पुरुष शुद्ध चित्त बुद्धिमान ह्य सुप्रियसार्थ बोधिसत्वं न्हापाया पित्तथ्ये उपदेश बिया चित्त  
बोध याना न्हापाया पिसं बिया हगु स्वयानं दुगछि प्रभाव दया च्वंगु महामणि रत्न  
प्राप्त जुल ।

थुमिसं ब्युगु रत्न कया अनं प्रस्थान याना वन । क्रमथ्ये स्वगुगु बिद्रोह मणियागु  
नगरे (छे) थ्यन । अननं छिखुह्य किन्नरी गणपिसं खना आदर पूर्वक सम्मान याना  
थःपिगु थासे यंकल । थुमिसं अनेक प्रकारं खे ह्लागु न्यना न्हापायापित्तथ्ये धर्मोपदेश  
बिया चित्त बोध जुडका न्हापा बियाहगुया दुगैछ प्रभाव दुगु महामणि प्राप्त जुल ।

उगु थासनं बिदा कया वन छन्हु प्पंगुगु रत्न यागु नगरे (छे) थ्यन । अन च्वपि  
स्वीनिह्य (३२) किन्नरी कन्या गणपिसं खना आदर तथा थःपिगु थासे यंका नाना प्रकारं  
खे ह्लाना मानेयात ।

थुमितनं बुलुहुं जानोपदेश बिया चित्त सन्तोष यात । थुपि न अति खसि जुया  
पलेस्वांयाहः थ्ये जागु मिखां स्वया उफोस्वांया दथ्ये जागु ह्लाः निपां बोय्का थुगु प्रकारं  
घाल ।

हे महासाधु ! गुलि दुख सिया वल बिना बोधिज्ञानं बोधिसत्त्व मत्थेकं थुजागु  
थासे थ्यक वेगु समथं दइमखुः । जिमिसं सल महा जानो परोपकारी खः धन्य धन्य  
छपि खः बिज्याहुं धया फेतुका बिन्तियात । हे साधु ! थ्व किन्नर राजाया देश खः ।  
रत्नकर नं घाड चन्द्रमा समान शीतलगु आनन्द स्वभावह्य बरद धयागु नाम जुया च्वह्य  
थन जिमि दाजु दु वयगु ऋद्धि (वल) न छपि समानम्ह खः । प्रख्यातगु अतिनं तःधंगु  
यको गुण या प्रभाव पूर्णगु बरद नाम द्वोप थ्व खः । छपिगु बरद यात्रान आः सिद्ध जुड ।

आपालं रत्न साधनं याय्गु थाय् नं थन हे खः । रत्नया खानि थन दु जिमिसं बिया छोय् । छपि याकचां गुलि लुं रत्न ज्वना वनेगु गनतया गथ्ये यँकेगु । लिहां वनेबले थाय् पासे बास चवनेमा खुंतेगु भयं थुलितक दुःख सियागु ब्यर्थ जुइ लुं रत्न धनफुकं खुंया ह्लाति लाइ । छपि नं अकालं मृत्यु जुइफु । थ्व खँ खः मखुः थमं हे बिचार याना सो ।

केवल छपि प्रशंसनीय महापुरुष बोधिसत्त्व खः । लोकपिन्त धनबिया हित सुखयाय् घयागु कारणे आपालं कष्टनया बिज्याह् खः । छपि थ्ये जाह् मालेत थाकुइ, हे साधु! जिमिगु खँ न्य, थुगु थासं केहि उख्ये वनेगु वानि, थःगु देशे लिहां वनेगु उपाय कने भिगु लें याकनं ध्यनीगु उपाय दु सुयागु नं भयम्वाक छुं हे उपद्रव नं मजुइगु तालं जतनयाना वनेगु थाय् दु । । आः हानं पश्चिम स्वयाहुं न्हेगु पर्वत थितुंथीक फोलकं दु थ्व न्हेगु पर्वतं रत्नया खानि खः । थ्व पुलेवं हानं म्येगु तःघंगु उच्चगु पर्वत छगु दु । अन भयंकर रुप ग्यानापुम्ये च्वह्य पराक्रमी दया कृपा दुसानं तें मभीह्य लोहित नाम राक्षस छह्य पाः च्वना च्वनि । थ्व नाप नम्र जुया खँ ह्याय्मा जिमिसं छोयाहह्य धका खँ कनेबले छुं याइ मखुः । तथापि बिश्वास मदु उकीं वास जिमिसं बिया छोय् थ्व वास मिखाय् अज उतेगु अन तःसकं खिउस्ये च्वक फेःवइगु संभाव दु ।

मिखा तीसिना ववछुना च्वनेगु फेःमवसा खँ हे मन्त । लाहित राक्षसयात छपिसं ले कष्ट जुइका वयागु खँ फुकं कना जिमिसं बियाहःगु रत्न थ्व वास नं वयें निःसा थ्वहे जुल थ्व चित्त बुजेजुइ । थ्व च्वनाच्चंगु थासं छुं भतीचा च्वे चिन्तामाणि महारत्न दु थ्व राक्षसं बोनायका वयनि यंकिनं घाइ । उगु रत्न रत्नदेव सिमाय सया च्वंगु फल खः । जित थ्व रत्न छग निघायाना बिज्याहुं धालकि थ्व राक्षसं छग रत्न खानाबिइ । थ्व हे रत्न ज्वना अनं भतीचा उख्ये वनेबले छगु वांलागु पर्वते अनेक वायु (फेः) यात जितय् थाय् फुह्य वालाह (वराह) नं घाइ । च्वापु थ्ये तुयूह्य सुकेश नाम अश्वराज अश्वरत्न समानह्य बोसल छह्य च्वना च्वनि । । थ्वइगु न्ह्योने वना थमं ज्वनावनागु रत्न वयना जित छेँ तयाव्युः धका बिन्ति याताकि न्हिला थ्व सल खुसि जुइ । थ्व सल थःगु एय् तया आकाश मार्गं बोयावया छेँ थ्यंके हइ ।

थुलि खँ वरद द्वीप नगरे च्वंपि स्वीनिह्य (३२) किन्नरी कन्या गण मध्ये मुख्यह्य  
सिनं कंगु उपदेश न्यना आपालं खुसि जुया विदाकया उगु थासं गमन याना पश्चिम दिशा  
क्षोया वन ।

गथ्येधागु खः अथ्य हे याना राक्षस नाप लात । थुह्य लोहित राक्षसं नापं बोनायंका  
रत्नदेव सिमास सया च्वंगु फल चिन्तामणि महारत्न छग राक्षसं खाना सुप्रियसार्थवाह  
यागु ह्लातय् लःह्लाना बिल । उगु इले आकाशं नोःवाना हल ।

थ्व महारत्न बिम्बे चन्द्र सूर्य थ्ये उज्ज्वल जुया च्वंगु खः पुण्यवान् महापुरुष बोधिस-  
त्वपिसं जक काय्फइ । थुजापिसं नियम आचरण बांलाका अष्टमी दिने उपोषध महायान  
व्रतयाना स्वयंभू त्रिरत्न शरणवता थःगु छेँ कसि अथवा पोलचे ध्वजा स्वाना च्वे थ्व  
महारत्न तथा पूजायाय् धुंका प्रार्थना यात धाःसा थ्व जम्बुद्वीपे अथवा म्येथाय् नं  
लोक पिगु दारिद्र दुःख मदय्केगु निमित्ते रत्न वृष्टियाना विइ । थथ्ये आकाश वाणि  
उपदेश ब्यूगु न्यना प्रणाम याय् धुंका उगु थासं वना उत्तम शरीर तुयूह्य सुकेश नाम  
अश्वराज बोसल नाप लाना बिन्ति याना खँ ह्लाय् धुस्येलि जित छेँ यंका ब्युः धया सुंक  
स्वन ।

मूल

ततः सो श्व महाराज स्तरसा शु विहायशात् ।  
चरं वाराणसीं नीत्वा तमुद्याने व्यमुंचत ।

भाषा

अनलि थ्व सुकेश अश्वराज (सल) खुसिजुया निहसिया मागु खँ ह्लाना जिगु  
म्ह्य च्व धया गय्का आकाश मार्ग च्वेथ्यंक बोया थ्व सलं थःगु म्ह्यतया हयाम्ह सुप्रिय  
सार्थवाह यात आनन्द रुपं काशादेशे थ्यंकेहया थ्व यागु सुन्दरमय वयवे जुना तोता उगु  
थासं गथ्ये वयागु खः उगु हे तालं बोयावना थःगु थासे सल थ्यंक वन । उकीसनं सलं  
तय् हःम्ह पुत्र सुप्रियसार्थ छेँ थ्यंक वबले मांम्ह इष्ट मित्र वन्धुवर्ग पासा वंजाल गणपि

तप् थाय्हे मदप्क खुसि जुइका लसोया छें यंका संगलोत्सव याना नके तोंके धुंका छ गन  
बना वया घका माह्वासिनं न्यवले सुप्रियसाथ पुत्रं छें नं पिहांवनागु निस्ये बनदेबी नं स्वप्ने  
उपवेश ब्यूगु खें या आधार लें थमं अनुभोग याना बना बरव द्वीप यात्रा यागु फुक छें  
सकल यात कना न्यकल ।

थुजागु खें न्यना बोधिसत्त्व थ्व सुप्रियसाथं खः धन्य महाबिर्य दुह्य महापुरुष धया  
प्रशंसा या ।

अनंति सुलप नाथ महाजनया पुत्रो साबन्धी देबी सुप्रियसाथं नाप विवाह याय् ।  
थिकयाना तह्य स्त्री थः स्वामी (मात) जुइह्य पुरुष परदेशं थ्यंक वल धागु खें न्यना  
हताय् चाया सोवनेत थःगु छें ऊचाले च्वंह्य ऊचालं बवहां वल मूर्छा जुल ।

थुगु समाचार न्यना सुप्रियसाथं थःहे बना उह्य स्त्रीयात लः तोंका मूर्छा जूह्ययात  
चेतना बय्का मागु खें ह्लाना थःगु छें बना छुं लिपा मिगु दिने उह्य स्त्री बिवाहयाय् सिधे  
कस ।

अनंति न्हापा परदेशं वयाबले स्वक तक नापलापि दाखुंत द्विछिम्ह (१०००)  
हु घका सोका खबर बिया सःता हया न्ह्योने तया छिमिगु कारणे जि बरव यात्रा  
सफल याना वया ।

आः छिमित जक मछु, मेपिन्ति नं वारिद्रया दुःख जुया इतःमतः कना च्वंगु  
रोगया शंकष्ट मदेय्केया निमित्ते रत्न वृष्ट जुइगु ज्या याय्त्यना । उगु रत्न कया  
यंका ग्यापाव याना जु सिना वंसा सदानं जय जुइ । आवलि अदत्तादान खुं ज्या  
शोषण नीति परयात दुःख बीगु ज्या प्राणोहिमा याय्गु कुकर्म याकें बज्जनरके  
हुलंदुः बर्ष तक चयना दु ख भोग याय्मालि थुजागु पापया हाः घका सोका गुबलें  
याय्मते । थुगु प्रकारं मिगु उपवेश न्यका उत्सवया ज्यायात ।

मूल

ततोऽ ण्ठम्या मुप स्नात्वा सुप्रियः स उपोषितः ।

ध्वजाग्रे तन्महारत्नं समारोप्य समर्चयन् । इत्यादि ।

### भाषा

अनंलि अष्टमो शुभ तिथिया दिने तोर्थे स्नान याना थःजहान्पि सकल मुना उपोषध  
व्रत त्रिरत्न शरण महायान धर्म बुद्धचर्ययाय् धुंका वान्ही जावले थःगु छेया (कसि)  
ध्वजा स्वान ध्वजाया च्वे थमंहयागु चिन्तामणि रत्न घाना पूजादियाय् धुंका स्वचा  
बाहुला ह्लाः बिन्तियाना प्रार्थना यात ।

ध्वज्या परोपकारार्थे यानागु खः जिगु मनोरथ कार्य सफल जुइका बिज्याहुं  
धया आकाशे थःस्वया त्रिरत्न नामोच्चारण याना प्रणाम यात ।

### मूल

इति संप्राथिते तेन सुप्रियेन समीहितं ।

तवा योजन बिस्तारं प्राबर्षय त्रिरन्तरम् ।

### भाषा

युलि सुप्रियसार्थजुं एक चित्तं थय्ये प्रार्थनायास्येलि बाराणसी (काशी देशे) उगु  
वखतस छगु योजन (प्यक्वे) तक प्यंगु दिशाय् चछि ह्लिछिया पों वागाइय्ये नवरत्नादि  
महारत्न वृष्टि जुल । उगु समये द्विछिवाखुं घापिसं जकमखु उगु थासे च्वपि सकासन  
रत्न वृष्टि जूगु कया थःथः पिंगु छे यंकल ।

हानं निकगु पुन्ही खुहु न्हापाय्ये व्रत याना ध्वजाया क्वसं कसि च्वना आकाशे  
थःस्वया प्रार्थना यात प्यंगु योजन तक रत्न घन द्रव्यादि वृष्टि जुल । हानं स्वकगु अमाइ  
खुहु न्हापाय्ये व्रत याना प्रार्थना यात च्यागु योजन तक रत्न वृष्टि जुल ।

ध्वहे प्रकारं प्यकगु शुक्ल पक्षया अष्टमो दिन खुहु नं ह्लापाय्ये व्रत याना  
प्रार्थना यात फिखुगू योजन तक रत्न वृष्टि जुल । उगु देशे सकभनं महामंगल जुया  
दारिद्र इत्यादि खुं घापिगु बुःखया सकष्टगु रोग मदया महाधनि जुल । दारिद्र खुं  
घयापि उगु देशे उगु समय छह्य हे मन्त । लिपा सच्छिगु योजन तकनं भति भति  
रत्न वृष्टि जुया देशवासो प्रजागणपि गृहस्थपिनि पित्यागु नय्मखेंगु दारिद्र खुया  
नइपि शुन्य जुया देशे प्रजागणपि उद्धार जुल ।

## मूल

तदा स नृपति राजा प्रियदत्त नरा धिपः ।  
 सुरा लयं गतो देवैः सदा तं नन्दितोरमत् ।  
 ततस्ते मन्त्रिणः सर्वे सुप्रियं तं यथा विधिः ।  
 अभि विच्य नृपंकृत्वा प्रभेजिरे ऽनुरागिताः । इत्यादि ।

## भाषा

उगु समय छुं काल बितय् जुसैलि छन्हु उगु देशया राजा प्रियदत्त महाराज यःगु कालं मृत्यु जुया स्वर्ग लोके बास यावन । अनया देवतापिसं एव राजायात सदानं हर्षमान याना माने याना तल । एव राजाया सन्तान मदया अनंलि वाराणसी देशवासी मन्त्रीगण तथा सकल प्रजापिसं सल्ला याना घाल । कोगु देशे महापुरुष परजन उप-  
 कारी सुप्रियसार्यवाह दु । एव राजायात घाःसा थन सकलया महा सुख जुइ । थण्ये सकलया संमत याना एव सुप्रियसार्ययात सता हया राज्याभिषेक विद्या महोत्सव यात । अनंलि काशी देशे प्रियदत्त राजाया लिपा सुप्रियसार्य राजा जुया राजदरबार या कसि रत्न छवजा स्वाना ब्रत याना प्रजापिन्त नं याका धारंवार रत्न बृष्टि जुइका प्रजापिन्त सुखंभयं जुइका महायान बुद्धचर्य थुगु प्रकारं प्रकाश मान् याना चवन ।

## मूल

ततः स सुप्रिय राजा बृद्धो ऽनु जीर्णितेन्द्रियः ।  
 अभिषि च्यात्मजो ज्येष्ठं राज्यस्थाप्य नृपं व्यवधात् ।

## भाषा

अनंलि ताः कालं राज्य भोग याना सुप्रियसार्यवाह राजा बृद्ध जुस्यैलि शरीरया इन्द्रिय बल हीन जुगुलि छन्हु यःगु कालं स्वर्गवास जुल । ब्रम्हलोके च्वैपि देवता पिसं मान्यता वोका पूजादि याका चवन । वाराणसी (काशी) देशे सुप्रियसार्यया पुत्रयात राजायाना देशवासी तय् सदानं कल्याण जुइका चवन ।



भगवान् बुद्धं थुगु प्रकारं उपदेश वीधुं का हानं यथ्ये आज्ञा जुल ॥०॥

मूल

यो ऽ सौ श्रीमान् महासत्त्व बोधिसत्त्वो हि सुप्रियः ।  
अहं मेव मुनीन्द्रो ऽ भू च्छाक्यसिंहो जगद्गुरुः । इत्यादि ।

भाषा

गुह्यजा उगु वखतयाह्य श्रीमान् महासत्त्व बोधिसत्त्व सुप्रियसार्थवाह निश्चयमेव  
आः थुगु समय मुनीन्द्र शाक्यसिंह जगत गुरु खः धका सकसिनं प्रशंसा यात ॥१॥

उगु वखतया द्वेष्टिह्य दाखुं (चौरगण) पि फुकं आ भिक्षु जुया जि शिष्य जू  
वपि खः ॥२॥

गुह्यजा ह्यापालाक स्वप्ने उपदेश ब्यूह्य महेशा बनदेवी आः पुरुष जुया काश्यप  
भिक्षु जू वल ॥३॥

गुह्यजा समुद्रे द्वंगास मृत्यु जूम्ह मघसार्थवाह आः शारवती ब्राम्हणीया पुत्र  
शालीपुत्र महाभिक्षु जू वल ॥४॥

गुह्यजा नीचीद नाम यक्ष आः आनन्द महाभिक्षु जू वल ॥५॥

गुह्यजा हानं चन्द्रप्रभ धाह्य यक्ष निश्चय रूपं अनिरुद्र भिक्षु जूवह्य खः ॥६॥

उगु समये गुम्हजा लोहित नाम यक्ष राक्षस जुया च्वंम्ह आः देवदत्त जू वम्ह खः ॥७॥

गुम्हजा उगु वखतस भयंकर वीष धारि अग्नि मुख धाम्ह नागराज थुगु समये काम  
भुवने च्वंम्ह मार खः ॥८॥

ध्वयात बिजय याम्ह जुया समस्त भद्र भगवान् धकानं जित बिश्वे विद्वान् वर्ग पिसं  
प्रचार यात ॥९॥

## मूल

यः सुकेशि महाश्वसौ मंत्रेयो बोधिभूदभूत् ।

मयैव भिक्षवःपूर्वं सप्तधा हित मादधन् । इत्यादि ।

## भाषा

सुप्रियसार्थवाह्यात् दूरगु बरद द्वीपया स्थानंनिर्ग्ये यःगु शरीरे तथा आकाश मार्गं  
बोया वया छे थ्यंके हम्ह गुम्हजा उगु बखतया सुकेशि नाम अश्वराज (बो सल) आः  
थुगु समये मंत्रेय बोधिसत्त्व धाय्का च्वम्ह छः ॥१०॥

हे भिक्षुगण शिष्यपि ! जिनं ह्लापा सुप्रियसार्थवाह जुयावले शालटबी वने  
च्वंवि खूं तय्त न्हेकतक रत्नाकर थ्यंक व्यापाव यावना यःमं कमाय् याना हयागु घन  
फुकं बिपानं सन्तोषयाय् मफया लिपा दूर वरद द्वीप थ्यंक वना महारत्न कया हया यःगु  
छे छत्रजाय् तथा रत्न वृष्ट जूइका सकलयात नं चित्त सन्तोष याना ।

थुगु प्रकारं श्रावस्तो नगरे च्वंगु बिहारे विज्याना परम गुरु भगवान् बुद्धं यः  
ह्लापायागु खें दानयागु बोयंपारमिता (शरीरं परिश्रम) यागु पराक्रम भिक्षु तथा  
अन च्वंवि सकल यात उपदेश बिया शिक्षा बिया विज्यात । । थ्व खें  
न्यना च्वंवि सकसिनं धन्य धन्य सुप्रियसार्थवाह धन्य धन्य भगवान् बुद्ध धयो आपालं  
प्रशंसा याना यथाक्रमं दना वना स्ववा चाहुला भगवान्पा पालिस भोःपुया बिदा  
कया यःयःपिगु यासे लिहां वन ॥०॥

। थुलि खें सुप्रियसार्थवाहया जातक जुल ।

-:○:-:○:○:-

। थ्व खें विद्यावदान १२ भद्र कल्पावदान ३२ कल्पलता ६ अध्याये बु ।

-:○: :○:-○:-

# सुतशोमनृपावदान

नमः सर्व बुद्ध बोधिसत्त्वेभ्यः ।  
सकल बुद्ध बोधिसत्त्व पित्त नमस्कार

थनंलि शुद्धोदन महाराजं न्हापाथ्ये भगवान् बुद्ध निमन्त्रणा याना विज्यात ।  
थुगु बखते भगवान् बुद्ध नं ह्हापाथ्ये भिक्षुगणपि नापं जेतवनं प्रस्थान जुघा कपिलपुर  
(नगर) स न्यग्रोधाराम बिहारे विज्यात ।

शुद्धोदन राजा गौतमी रानी मंत्री तथा म्येपि सकल जहान्पि मुना उगु विहारे  
वना भगवान् दर्शन याना अष्टांग प्रणाम क्रमशः पूजादि दान सकसितं याय् धुंका शुद्ध  
मन जुडका स्तोत्र मंगलोत्सव याय् सिधेकल ।

थनंलि दुरूस पाक यानागु क्षीर (जा) पंचामृतं सहितगु दिव्य भोजन पिण्ड  
पात्रे पूर्ण याना भगवान् निस्ये भिक्षुगण पित्त दोहलपा दानयाय् धुंस्येलि सकले खुसिजुया  
चवन । अन उपस्थित जुघा च्वंपिनि सकलया मागु ज्या सिधेका, भगवान् तथा  
भिक्षुगणपि सकले म्येगु शुद्धाशने विज्याका सकले न्होने चोना ज्ञानोपदेश न्यनेत विन्ति  
याना चवन ।

उगु वखतस शुद्धोदन महाराजं थथ्ये विन्ति यात । भो भगवान् शास्ता ! जिनं  
छगु विन्तियाय् सकसिनं न्यने वहजु । गुलि मनुतेसं काय्यात नं प्रणाम याय्माला  
घाइपि दु-जि काय्यात प्रणाम यानागु मखुः भगवान् बुद्धयात प्रणाम यानागु ख धया ।  
गुलि मनुत दैत्य समानं मदिरा पान याना कामरागे भुले जुइपि दु । गुलि यक्ष राक्षस  
तुल्य मांसाहारे ललाचलि दु । गुपि भगवान् बुद्धयात तुच्छ याना बुद्ध वचन तापाका

ह्लापां निस्स्येयाना तःगु धया जन्म जन्मे नरक भोग याप् मालीगु पाप याय्त लिफः  
मसोपि दु ।

गुलि सज्जन जुया उजागु कुब्बवहार तोता सुब्बवहारे च्वना दिब्ब भोजने  
रुचि जुइका च्वनीपि दु । जिनं थन राजगूहे वासयापि सकसिनं दिब्ब भोजने आपालं  
रुचि याना सुब्बवहार याना च्वनागु दु ।

बारंवार देवतापि मनुष्य जुया थन भिक्षा का वडगु लिहां वनेत जित थय्ये खं  
न्यंकीगु । छपि आपालं पुण्य याना वह्म खः सूर्यवंश क्षत्रिजाति शाक्य कुल थुगु राज-  
गूहे तथागत जुइहा श्वेतकेतु बोधिसत्त्व तुषिता भुवनं वहां बिज्याना जन्म का वल ।  
शाक्य कुले जन्म जूहा जुया शाक्यमुनि धाल । थौं संम्यक संबुद्ध (तथागत) जुया  
विज्यात ।

थुजाह्म तथागतया मां मायादेवी छपिनि श्रोमती जुल श्व तःधंगु भाग्य तथा  
पुण्य खः । थुगु पवित्र थासे अध्ययन मदुपि-सद्धर्मज्ञान मदुपि मिथ्यादृष्टि अविद्याप्  
लापि, तीर्थंकर छुट्टागु ज्ञान अन्ध विश्वास असत्य, अहंकार ममता स्येखि घमण्डी  
क्रोधी अभिमान नास्तिक थुजापि वया अनेगु तालं खँह्लाना छपिन्त मन स्यंका हिसादि  
पापकर्म याका बुद्ध धर्मया चर्यं पूजाकर्मनं प्रसाद घका मांस मदिराहारया ज्या  
तःधंगु धर्म खः घका नरकया गाले कुतुं वनीगु खँ न्यंका ज्या याकि छलपोलं याइ  
थुजागु उपदेश वोपि मार कर्म लापि स्वार्थी घका सीका तापाका छोयां भीजुइ ।

छपिसं सुयागुनं उपदेश न्यने योग्य मज्जुल तथागत थ्ये जाह्म पुत्र दु वसपोलयागु  
अमृत बचन न्यना शरण वना ज्या याना विज्याहुँ धन्य २ महाभाग्यमानी छपि खः ।  
भिक्षुरूप गुलि मनुया रूप कया देवतापिसं थय्ये धया वनीगु । शुद्धोवन राजां भगवानया  
न्होने थय्ये विन्ति याना नम्रजुया च्वन ।

थुगु बखतस नेपाले गोपुच्छ पर्वते मंजुश्री विहारे वासयाना स्वयंभू सेवायाना  
च्वंम्ह चूडा भिक्षुणी अन उपस्थित जुवया भगवान्यात स्वचा चाहुला न्होने च्वना  
थुगु प्रकारं स्तोत्र यात ।

नचः शाक्य सिंहाय । । सदाहं नमे शाक्य सिंह मुनीशं

स्वयम्भू कृते ऽ त्रागटं शिष्य देवैः ।

सुनेपाल महात्म्य संम्यक प्रकाशे

एवं तथा नेमपालान् रक्षितं च । १ ।

सुदासात्मजं रक्षितं काशिराजं

नृमांसा सिनं मातृ दोषाद्भ्रमन्तं ।

तथा पंच भूया त्मजां शतं च

पुन र्योगिनं शोम पुत्रो बभूव । २ ।

प्रियः सुप्रियः काशिज सार्थं बाहो

बरदद्वीप यात्राप्त चिन्तामणिभ्यः ।

सुवर्णादि रत्नानि वर्षं धनाद्य

श्रकारा सुकाश्य भगवान् नमे त्वाम् । ३ ।

कपोतं ररक्षात्मक मांसं प्रदानैः

सर्वन्द दाख्यो हि महोपाल चर्य्यः ।

महासत्त्व नामा नृपालात्म जा सौ

स्व पुत्रां च व्याध्रीं प्रसन्तो नमे त्वाम् । ४ ।

स सर्वार्थं सिद्धा भवा ल्लोक हेतो

गयाशीर्ष मास्थाय कृता मुतापं ।

सु दुर्लभं बोधिमासाद्य बुद्धो

भवे त्वां नमे पाहि सर्वज्ञ नाथ । ५ ।

अर्थ

शाक्यसिंह भगवान् यात नमस्कार

भो भगवान् छलपोल शाक्यकुले सिंह समान जुया च्वंम्ह मुनीदक्कया मालिकम्ह ।

स्वयंभू बिज्यागु नेपाल पवित्र स्थाने आपालं शिष्य बर्ग भिक्षु तथा देवतापिसं सेवा याना स्वयंभू दर्शन पूजन वन्दन धुंका मंजुश्री विहारे विज्याना उत्तम नेपाल महात्म्य (वृहत्स्वयंभू पुराण) भिनकं प्रकाश याना थुगु प्रकारं नेमपाल धकानं नामकरण याना रक्षा जुइका विज्याम्ह छपिन्त जिनं सदानं नमस्कार याना ॥ १ ॥

ह्लापा त्रेतायुगे छपि बाराणशी (काशी) देशे क्षत्रि सुदास राजाया काय् सौदास नरसिंह धयाम्ह मनूया ला नैम्ह राजायात उद्धार याय्गु कारण- हानं न्याम्ह राजापि चिनातपि, समेत राजकुमारपि सछिम्ह (१००) अकालं सोत्यपिन्त रक्षा याय्गु निम्ति हानं योगी भिक्षु छम्हनं अकालं सोत्यम्ह यात रक्षा यायेगु निमित्ते सुतशोमराज कुमार जुया रक्षा यात ॥ २ ॥

हानं श्वया न्हापा काशी देशे सुप्रियसार्थवाह धाय्का जन्म जुया बरद द्वीप थ्यंक यात्रासिद्ध याना आपालं कष्ट नया चिन्तामणि रत्न कयाहया थःगु छें कसि ध्वजास खाया आपालं रत्न वृष्टि जुइका काशी देशे वगु बखते खुं लुच्चा दरिद्र छह्यहे मदेका प्रजागण तथा देश रक्षा याना विज्याह्य छपि धका सकसिनं प्रशंसा याना तल जिनं याना ॥ ३ ॥

हानं लिपा शालवती देशे सर्वन्दद राजा धाय्का जन्मकया ब्याधा छह्यस्ये लानेत स्याय् धका धिकयाम्ह सतांचां लिना हःह्य बखुं छह्य शरण वह्य वचे याय्त् थःगु शरीरया लाध्यना दानयाना बखुं यात रक्षा याना विज्याह्य छपि खः ॥ ४ ॥

अनंलि हानं द्वापर युगे नेपाल उत्तर पांचाल देश (पनौति) स महासत्त्व धाय्का जन्म जूवले वने वंवले थमं जन्म यानापि मचात स्वह्य मिसाह्य धुंनी माँह्यस्ये पित्यना स्याना नेत थिक यागु छना थुमित बचे याय्त् थःगु शरीरया ला ध्यना नका हितोका धुंनी यात तूत जुइका श्वया मचातेत रक्षा याह्यनं छपि खः ।

अनंलि कलिया समय जुस्येलि सर्वार्थसिद्ध बोधिसत्त्व धाय्का जन्मकया लोक पिन्त हित सुख जुइगु ज्ञान खंका उद्धार याय्त् गृह त्याग याना नैरंजना नदी तीरे खुद तप याना नं हानं गयाशीर्ष पर्वत लंघना योनावना बोधि मण्डप स्थाने स्थीरं चवना मार



जित् जुइका वोधिज्ञान लाना बुद्ध जुया गंभीर जनोपदेश विया विज्याह्य छपिन्त सदानं  
जिनं नमस्कार याना-हे सर्वज्ञ नाय ! जित नं सकल यात नं रक्षा याना विज्याहुं ॥५॥

थुगु प्रकारं प्रशंसा याना स्तोत्र यागु न्यना भगवान् मुमुहुं वा खनेदेक न्हिला  
विज्यात । छाय् न्हिला क्यंगु जुइ धका सकलया मने च्वंगु खें सोका आनन्द महाभिक्षुं  
बिन्ति यात ।

ओ सर्वज्ञ ! छपि वा खनेदय्क न्हिला क्यंगु खना यन च्वंपिनि छाय् जुइ धका  
चिन्तना यात ।

आः जिनं सकलया मन सन्तोष जुइकेत विन्तियाय् षट्पारमिताया प्रभाव हानं  
मनुया ला नैह्य सौदास नरसिंह राजा यात सुतशोमराजकुमारं छु याना रक्षा यात,  
थ्व खें आज्ञा दय्का विज्यासा सकल सन्तोष जुइ ।

आनन्द भिक्षुं थथ्ये विन्तियागु खें न्यना- भगवान् बुद्धं ध्यानं खंका सकलया ख्वाःस्वया  
आज्ञा जुल ।

हे आनन्द महाभिक्षु ! तथा सकल थन च्वंपिसं एक चित्तं न्यना खें थुइकि । थ्व खें  
जिनं लुमंके धुन । थुगु खें कनेत मुख्यगु षट्पारमिताया ज्ञान न्ह्योने तथा कने गथ्ये धाःसा  
सीकि ।

निर्वाण पद लाभ याय्त बुढा जुइगु दुःख, रोग जुइगु दुखं मुक्त याय्मा, थ्व याय्त  
छं जा खें थुइ म्येपिसं मथ्वीफु- हानं धाय् ह्लापां त्याग चित्त जुइमा दान पारमितां  
पूर्ण याय्गु पाप मदइगु धका सीकेगु ॥१॥

अनंलि शील धारण याना स्वभाव बांलाक शुद्ध याय्गु । शील पारमितां सहित जुइगु  
सदानं स्वर्गस वास याय् दइ संगत भिनि, क्वहाँ वनि मखु ॥२॥

अनंलिपा सहयाय् फया वइ क्षान्ति पारमिता नं पूर्ण जुइ । तप याय्गु समान जुइ केवल  
तप याय्गुया तिसा क्षान्ति खः ॥३॥

अनंतिनि वीर्यं पारमिता पूर्णं याय्त्त पर प्राणी उद्धार याय् फेकेगुलि वीर्योत्साह  
घाइ परार्थे (पराक्रम वनेगुलि उत्साह जुइगु) पुरुषार्थं ल्यु ल्यु वइ ॥४॥

अनंलि दिव्य चक्षु ह्यसीका ध्यान वः लाकेगु । ध्यान पारमितानं पूर्णं जुलकि पर  
चित्त ह्यसी फुक खना वइ ॥५॥

अनंलि चित्त स्थोर याना समाधि योग याय्त्त अपुया वइ । प्रज्ञा धंगु छुखः तथागत  
चर्य्य ह्यसीका खंकेगु सोकेगु । यम नं याना यंका ज्या सिद्ध याय्गु । प्रज्ञा ज्ञानं पारजुया  
वनेगु यात्त निर्वाण घाइ ॥६॥

निर्वाणया अर्थं मोक्ष, लाभ जुइगु खः । मोक्षया अर्थं संसारे हानं-हानं अनेक जन्म  
जूवय् म्वागु । जन्म हे मजूह्यया रोग जुइगु दुःख, बुढा जुइगु दुःख, मृत्यु जुइगु दुःखं मुक्त  
जुइ । श्वया कर्म क्षयजुल कर्म मदुह्य हानं जन्म गथ्ये जुइ, जन्म जुइ म्वाल श्वयात्त निर्वाण  
महा सुख घाइ ।

यमं चर्य्य मयात्थे (ज्या) याय् मसेका मत्तु थ्ये खं जक ह्याय्सेका च्वनानं श्व प्रज्ञा  
ज्ञान दइगु मखुः । प्रमाण थ्ये खः रोगी लासाय् च्वना, वास नेहि जक धयां रोग शमन  
कदापि जुइमखु । सट्ठेय पाख्ये रागानुसारं वास नया ज्या यात्त घाःसा तिनि याकनं रोग  
शमन जुया शरीर वःलाइ । सद्गुरु पाख्ये ज्ञान थुइका चर्य्य याना वनेमा अलेतिनि  
निर्वाणया ज्या सिद्ध जुइ । चर्य्य (ज्या) याय्गु- पान वनेगु लं (बिमान) याकनं  
श्वनीगु ।

लालागु यासे च्वना लालापिन्त ज्ञानोपदेश बीवले छुथ्ये जुइ घाःसा । अन मूर्ख  
अहंकारि अभिमानिपि दया च्वनि थुमित बोधयाय् तस्सकं थाकु । खिचायात्त वांगु घाय्  
न्होनेतल घाःसा लिफस्वया मनसे वनि । मूर्ख यात्त ज्ञान कनेगु थ्ये खः ।

अहंकारि यात्त ज्ञान बीगु छुथ्ये घाःसा घुंयात्त चाकु मधि न्होनेतय् थ्ये सोजक  
स्वया तं पिक्काइ नं मखुः । अभिमानि यात्त ज्ञान बीगु नं छुथ्ये जुइ घाःसा  
सर्पयात्त दुरु तोंक्येथ्ये ऊन बिष बढेजुया दुरु तोंकूह्य यात्त न्यानाबी फुः ।

बुद्धयान चर्य्यं स्वंगु दु- (१) श्रावकयान चर्य्यया ज्या (२) प्रत्येकयान चर्य्यया ज्या (३) महायान चर्य्यया ज्या बोधिसत्त्वपिनिगु खः पारमितां पूर्णं याय्गु । थ्व स्वंगु यात त्रियान चर्य्यं धाइ थ्व फुकं तथागत ज्ञान खः । अहिंसा सत्य धर्म ह्यसोका ज्यायाना थाहां वनेगु क्रमशः च्वे थ्यनीबले बुद्ध थः हे जुइ ।

चर्य्यं याना क्रमशः थाहां वनीह्ययात बोधिसत्त्व धाइ- थ्व बोधिसत्त्व चर्य्यं मयाय्क बुद्ध जुइत थाकुइ । श्रावकयानया चर्य्यं ह्यापांगु ज्ञान बांलाक ह्यमस्यूह्य यात प्रत्येकयानया चर्य्यं खं कनेबले छुथ्ये जुइ धाःसा- नकतिनि ल्ह्येसःह्य मचायात ब्वांहुं घाय्थ्ये जुइ । हानं प्रत्येकयान चर्य्यं ह्यमस्यूह्य यात महायान चर्य्यया खं कने बले छुथ्ये जुइ धाःसा, वा हे बुया मवनिह्य बालकयात छागु बस्तु नकेथ्ये जुइ ।

धर्म ह्यमस्यूह्य धर्मयाय्मा खः धैंगु नं छुं हे मस्यूह्य धर्मस मन मदुह्य यात ज्ञानया खं कनेबले मचातेत छायुगु वास नकेथ्ये जुइ नमखु । । छुं मस्यूमसः पित्त ज्ञान या खं कनेगु छुथ्ये धाःसा खं न्यस्ये निस्ये गजि काःह्यथ्ये न्ह्यो वय्कि । । मिथ्यादृष्टि अबिद्याय् लापिन्त ज्ञानोपदेश वीगु छुथ्ये धाःसा, फसे मत तय्थ्ये जुइ । हानं छु धाइगु स्वेका न्यनेका धया ह्याः निपां लिउने तथा लिउने तापाक च्वना दना च्वनि । वः मलाह्य यात ऊचातुगु ज्वंकेथ्ये जुइ । ज्वनी मखुः ज्वनेत थाकु चामथ्ये संमदेकी ।

दुने निस्ये श्रद्धा भक्ति तथा ज्ञान न्यनीपि न्ह्योने च्वना स्वभाव शुद्ध याना स्वंगुनं ख्वाः मसोस्ये खं मल्लास्ये एक चित्तं न्यनि सौदास नरसिंह राजा यात, सुतसोम राज कुमारं उद्धार यागु त्रिषये आः खं कने त्यना ।

ह्यापा छगु समये काशी देशे सुदास नाम राजानं काम रागया वसे लाना जुया वंगु खः । थ्व राजा क्षत्री जाति विवेक दुह्वनं खः । थ्व राजा काम रागे कापालं भोग याइह्य जुया च्वन । छन्हु वसन्त ऋतुया समये बांलागु नस्वागु स्वांमा फल इत्यादि वया च्वंगु वयवे वना सुन्दरीम्ह छम्ह स्त्री नाप काम क्रीडास म्हिता खुसि जुया च्वन ।

विवाह याम्ह महारानी कसि च्वना उख्ये थुख्ये स्वया वयवे कोसोवले राजाया

म्येम्ह सुन्दरी मिसा नाप ह्लाः ज्वना चाहुला वसन्तया वसं मन चंचल जुइका ह्लिला  
ख्यायाना जुगु खन ।

रानीया मनं सहयाय् मफया तें पिकाल । लापा थाना गिल्ला याना हल ।  
राजा थःसोवले कसि च्वंम्ह महारानी खना बहनी नं जुल राजगृहे वल । रात्रिया  
भोजनालये राजां महारानी सतवनं मव तंमोल धका सीका हानं थःहे कोथाय् वना  
रानीया खवाःस्वया छाया मवयागु धका न्यंत्रले तंमोखवा याना छाक खें ह्लाना भात  
यात गिल्लायाना नुगले स्याक धया पिहांहुं धया खापा तिना तें पिकया वयन ।

राजां सीका थः भोजनालये वना इच्छाथ्ये नेगु सिधेका कोथास वन । खापा  
मचाय्कुथ्ये रानी दुने च्वना भात यागु स्वभाव मसीकुस्ये छागु वचनं धयाहल । राजाया  
मन विक्क जुया म्येगुहे कोथास चछो छना सुथे वनावया रानी नापलावल । तें पिकया  
भातयागु खवा मसो ।

राजाया मने सुख मदेका उखुन्हुया दिने ने तोने याना मंत्री सैन्य गणपि मुंका वन  
क्रीडा यावन । वने ध्येनेवं देवयोग थ्व राजा यात सलं वेगं हुइक यंकल ।

म्येपिसं लिलाके मफुत राजा दूर वने ध्यन- म्येपि फुकं राजा मखना माजुल जुइके  
मफू सकले छथाय् बास च्वन ।

वने च्वंम्ह राजा सलम्हं क्वहां वल सलयात बोबिल सिमाय् सल चिना उख्ये  
थुख्ये सोत सूनं मखन याकचा जुल ।

सलं ग्वाके हगुलि परिश्रमनं जुल लःया तृष्णा जुया लःमावन तापाक छथाय्  
निमल खवांगु लः पर्वतं क्वहां वया च्वंगु खन लेःताया तृप्त जुइक लः तोना लिहां वल लें  
मखुयाय् लात ।

सोफजाल बने सूर्य खने मर्वन छथाय् सिमाक्वसं च्वना उख्ये थुख्ये सोया आनन्दं  
ववना मनं चिन्तना यात । छें क्वया पत्ति सुन्दरीपि स्त्री च्वना च्वनि द्रहां वनेबले  
धेःपुना प्रेम पाइ तुति मुले विका उसि उसि याना तुति तिया खयायाना थःगु इच्छा ध्ये

हिता सुख भोग याना चवनेगु खः ।

मनंतुनाथ्ये नया स्त्रीनाप काम बिलासे चवना स्वर्गे अप्सरापिनाप देवतापि क्रीडा याइगु थ्ये जिनं क्रीडा याना चवनेगु खः । छुयाय् थ्यो थुजागु बने लात सलं याना जित थन तय् हल आः सलमाला लुइका छे वनेत नं ई थिक मजुल । थुजागु थासे जि याकचा गथ्ये चवनेगु छु नेगु धिक्कार पाशापि सकलें छख्येलात धका याकचा पुतु पुतुं हाला रानीनाप कोथाय् रति क्रीडा यानागु सुख भोग लुमंका चवन ।

थुगु इले सुदास राजा नं युवतीह्य सिहिनी छह्य वगु खन, खने मात्रं ग्याना गन बने गन चवने जुल भय त्राशं ह्य खाका चति वय्का आः धाःसा जि सीगु अवश्य जुल स्वंगु शरण वनेगु हे देव धका अनेक चिन्तना याना चवन ।

थुगु बखते सिहिनीनं थ्व राजा खना लेःताया हुंकार शब्दं हाला तिगा न्हुया अतिनं जौभनया तेज पिकया कामरागं बिहल जुइका मताहाह्य माकिसि समानं चंचल याना पुरुष सिंह अथवा श्येर धुं जूसानं भात याय् धका माला वह्य थ्व सिहिनी राजाया न्ह्योने थ्यंका जिगु इच्छा पूर्ण जुल धया मनुष्य बोलि नाइस्ये च्वंक धःवा खनेदेक ह्लिला थ्व राजायाके न्यन । हे मनुष्य ! ग्याय्मते छ याकचा थन बने छाय् चवनागु, छु या वयागु छंगु नां छु ? छंगु छे गन थुजागु दूर बने थ्यंक वया याकचा चवनेत मग्याला ? सुनां छोयाहगु छु निमित्ते थन बास याना चवनागु छगू कारण वैः सत्य बाचा याना धा ।

थथ्ये मधुर बचनं ह्लिला सिहिनीनं धांगु खं न्यना थ्व राजा खा खा तुगु स्वरं ग्यां ग्यां धाल । । हे सिहिनी छुयाय् जि काशी देशया सुदास धंह्य राजा खः । मंत्री सैन्य पाशापि छख्ये लात उकीं थन जि याकचा जुल । पाशापिनापं वन क्रीडा हितेगु इच्छा याना वयाह्य खः । याकचा गन बने गन चवने जुया घन्दा कया चवना सल गया वया सलं बेगं ब्वाके हल सिमास सल चिना लः तोनेगु तृष्णायाकें वाह जुया लः मा वया हुंकेन लः दुतृप्त जुइक तोना थन भतिचा बिभ्राम यानागु खः ।

आः स्वंगु शरण वने धका चिन्तना याना चवनाबले छ खना तस्सकं ग्यात आः जित छं छुयाय्गु । थथ्ये धांगु राजाया खं न्यना सिहिनी खुसि जुया हतततं

हिला धाल । अहो जिगु भाग्य, की निहसिगु भावी कर्मया फल भोगं संयोग थौं  
थन थासे चूलात ।

जिगु खेंग्य- जि नकतिनिया जीवनी जुया वह्य खः । जिनं पुरुष भोगया  
अनुभोग मदुनि, मनुष्यपिनि जूसा ब्रह्मचरी तिनि घाइ जि विवाह मज्जुनि । जित  
थौं कामरागं पीड जुया पुरुष मावया, जित लोह्य मिजं सिंह खः नापमला ।

आः छपिथ्येजाह्य सुन्दर त्याय्ह्य राजा महापुरुष (मिजं) एकान्त थननाप लात  
जिनं तोते मखुः थ्व कीपि निहसिगु भाग्य खः ।

छपिगु जौवन खना जि लोवन जित स्त्री भापा विवाह लुमंका कामभोगया  
तृष्णा सन्तोष याना बिज्याहुं । । थ्व खं मन्यन धाःसा जिनं सहयाये फइ मखुः  
स्याना ला नये अबश्य ।

भो महाराज ! जिगु खें लंघन मयास्ये जित सुख बिया छपिनं सन्तोष जुया  
विज्याहुं । बिलम्ब याय् म्वाल थुलि घया थ्व सिंहनीनं राजायात घेःपुना मस्याक  
वांन्याना पशुतालं ख्या यात ।

थय्ये यास्येलि राजां चिन्तना यात, थ्वं घाथ्ये मयात धाःसा थ्वं जित  
अबश्य नं स्याना ला नइगु जुल । थ्वं घागु खें न्यन धाःसा जि अकालं सीनं म्वाल ।  
जि मनुया राजा खः थ्व बन राजासिहया पुत्री खः ।

ठिक हे जुल थय्ये चिन्तना याना सुदास राजायानं कामराग सहलप्ये  
मफया उगु थासे थ्व सिंहनीनाप काम भोग जुल । उगु थासे निह्य चछि बास  
याना सुथे जुल ।

सिंहनीया इच्छा पूर्ण जुइका खुसिजुल न्हिला घेःपुना राजायात आपालं प्रीतियाना  
धाल ।

भो स्वामी महाराज ! जिगु भाग्यं छपि भात चूलात-छपिनि नं जि सिंहनी मिसा



नापं विवाह कर्म चूलात । जि सिंह राजाया म्हाय्-छपि मनुष्य राजाया काय् जुजु खः पाय्छि जुल ।

जिनं आः छपि तोतेमखुः जिततोता छपि गनं बिज्याय् मते । ऊपि निह्य बाय् मजिल छपिन्त भोजन याकेया निम्ति थन वने फल आपालं दु जिनं कया हये थनसं चवना बिज्याहुँ भोजन धुंका जिगु म्हे च्वं-जिनं बोनायंका जि मां अबुया थासे तया मामागु खँ ह्माय् छपिसं छुं धन्दा काय् म्वाः । थुलि खँ न्यंका सिहिनी तिगा न्हुया नेगु फल मूल मावन । । थुगु इले राजां चिन्तना यात, थ्व सिहिनी नापं भोग जुल आःतक सुनानं मस्युनि, जि थन चवनेगु थिक मजु थ्व सिहिनी थन थ्यंकवलकि जित थ्वं तोतीमखु । मनुष्य व पशु व गुवले स्त्री पुरुष जुइ फइ, थ्वं गनयंकि गनतइ, हानं मां अबुपिगु थासे पंकेनं घाल थुमिसं गुबले बाकितइ । । देव संयोग स्वप्ना थ्ये जुल नया नसा बयान दु अवश्य नं छन्हु थुमिसं स्याना जिगु लानइ । जि बिस्पुं वना भीजुइ ।

थथ्ये चिन्तना याय् धुंका हतासनं वया सलगया वेगं ब्वाकल लेँ छथाय् मंत्रो सैन्यपि पिया च्वंपि नाप लात खुसिजुया मामागु खँ ह्माना ववं राजगृहस थ्यंकवल । । रानीया तं मन्त लेःताया भोजन याका राजा रानीपिनि न्हापा थ्ये सुख नं बास याना च्वन म्येपि नं थःथःगु ज्याय् वन ।

राजां बने सिहिनी नापं संभोग जूगु खँ गोप्य याना तल थ्व खँ सुनानं मस्यु । राजाया बराबर लुमंस्ये वया थाराक, मिनीगु शरीर गंसी जुया वन रानी नं न्यना सोत, छपि न्हापा थथ्ये थाराक ममी, आः बने वना कमाय् याना वयागुला, बने वना छु जुइका वयागु मंत्री पागु दु राजा व जिपि चछि छख्ये लात घाल, चछि छपि गनवना सुनापं छना वया ।

रानी थथ्ये धागु खँ न्यना थाराक मिका लिसः बिल । चछि छख्ये लात खः वने छथाय् बास लात न्ह्योमव सुथे जुल सलगया वेगनं छेँ वया थ्व खँ ह्माय् म्वाल सुंक च्वं ।

रानीया मन संतोष मजुया बैद्य जोतीष सता वयना, सोत । जोतीषं घाल- भो महारानी ! राजाया छथाय् भयंकरं ग्याका प्राण वचे जुइका वगु दइ । प्रश्न बिचार याना बले थथे नेख दु । बैद्यं बिन्तियात राजाया नाडी बिचार यानावले चिन्ताया रोग थ्ये चों म्येगु छुं खनेमदु । थथ्ये धया बिदाकया निम्हं लिहाँ वन ।

राजायाके रानी कुतु कुला न्यन, राजां धाल हे प्रिये ! छथाय् सिंह बल जित छुं मया, सुला चवनागुलि मखं प्राण बचे याना वया, सुथे छथाय् मंत्री सैन्यपि पिया चवंपि ले नाप लात आनदं छे ध्यन ।

सिंह खेंगुलि लुमनकि थाराक मिनिगु, बिस्तारं मदयावनि छोय् धन्दा कया छुं जुइ मखुः । राजां थथ्ये घास्यो ल रानी सुंक चवन ।

थनंलि बनयागु खें थथ्ये खः

सिहिनीया प्राण पुरुष धका माया याना फलजक नयां छु बल दैः धका बने उख्ये थुख्ये माला चला स्याना थःनं नया बाकिगु ला ज्वना थ्यंक वल । राजा मदु छचालं माला सोत गनं खके मफया अवश्य नं छे वन जुइ धयागु चिन्तना याना ज्वना वयागु चला या ला वांग्याना थःगु थासे थ्यंका मां अबु पित्त नकल । । मां अबु धापिसं न्यन, ह्यिग पिहांवंह्य थौं तिनि द्वाहां बल गन वना वया । सिहिनीनं न्हिला छथाय् आनन्द वास याना वया धाल सकले सुंक चवन ।

देव योग राजानाप संभोग जुइ धुंकल सिहिनीया गर्भवती जुया वल छुयाय् गुगु षाय् जुल मां यात कन मासपूर्ण जुल छन्हु सिहिनीया मचा बुल काय् । सुदास राजा या एवार्ये च्वंह्य मनुष्य । अबुह्य सिहनं सिल खन थुमि संभोग जूगुखं न्यन-राजा लुइके मफुत बने सिंह सिहिनीपि स्वह्य सिया सल्हा यात । । कोपि पशु जात मनु भात काल मनुहे मचा बुल थ्व मचा कोथाय् तये योग्य मजु छाया धाःसा थ्व बालक तःधिक जुइवले थन बने सिंह धुं इत्यादि पिसं खनीवले स्याना नइ ।

पशु जातं मनु यात रक्षा याय्त थाकु, मनुनं पशु यात रक्षानं मया । नय्ज्यूपि जुलकि जहान् मापा याना लहिना तइ लिपा स्याना नइ । थुजागु स्वभावपि मनुत जुया सिंह जातं मनु यात पत्थार मया दर्शन मब्यू ।

थ्व म्हाय् ज्ञान मबु मनु नाप संभोग यात, गर्भवती जुया थौं काय् बुल, अबु बिस्पूँवने धुंकल आः थ्व मचा सुनां रक्षा याइगु, कोगु धर्म खः थ्व बालक यात रक्षा

जुइगु ज्या याय् माल । आः थथ्ये थ्व मचा थ्वया अबु सुदास राजाया छे व्वे तय् यंकेगु छथाय् च्वना सोया च्वने छु याइ छु धाइ थ्व राजा गुलि धर्म दुह्य खः कीसनं विचार याय् ।

यंका रक्षा यासा खे हे मन्त, म्येपिसं यंकुसानं सुंक च्वने । थ्व राजा नाप खे ल्हाय् मासानं कीपि मग्था । थथ्ये सल्हा याना चान्हे मांम्ह सिहिनी नं काय् मचा ज्वंका राजाया छे पिने लुखा व्वे तेकेहल । छथाय् च्वना स्वया च्वन ।

सुथेजुल पाः च्वना च्वंपिसं खापा चाय्कुबले खन । ले वपिसनं खन । नंत्री सैन्यपिनं राजगृहे वपिसं थन छुः धका विचार याना स्वत । मचा छम्ह ते हया तगु खना अद्भूत जुइका च्वन ।

बालक यागु खाः खंवले मंत्रीपिसं विचार यात थ्व छगु हेतु खः थ्व बालकया खाः सुदास राजा यागु थ्ये च्वं थन राजदरवारया द्वारे थ्यंक तय्हल राजायात खवर बियेधका सकल यात न्यंका दरवारे द्वाहां वना सल्हा यात । को थउने बन क्रीडा वनाबले राजा चछि छध्ये लागु दु राजां कीत यथार्थ खे मकं बने छम्ह मिसा नाप संभोग अवश्य नं जुल खेः । गर्भवती जुया मचाबुल काय् जुया छंम्ह मचा धका थन चान्हे ते हल थ्व खे निश्चय खः आ बिन्ति याय् छु धाइ ।

थथ्ये सल्हायाना राजायात थुगु समाचार न्यंकल । भो महाराज सत्य असत्य भोग याम्ह सिनंजक सी जिमिसं मस्यु । कीगु द्वारवस बालक पिदुम्ह काय्भचा छम्ह तयातल सुनाज्वो खा छपिथ्ये चों । पा च्वना चोंपिसं ते हपि मखं जिमि न्ह्यो वया च्वन । सुजुइ धाल यको मनुतेसं सोया च्वन छुयाय्गु ।

थथ्ये धास्येलि राजां धाल बालक ज्वना वा जिनं स्वये थुलि धया काय्के छोट राजपुरुषपि वना बालक खातासतया राजाया थास तेहल ।

सुला च्वंम्ह सिहिनी लेः ताया राजां थह्य काय् खः धका भालपा प्रतिपाल याइगु जुल धका हर्ष याना हं कार शब्दं हाला हिन्ला तिगा हुया थःगु छे लिहां वन ।

राजाया छे कीगु देशे सिंह वया हाला क्यन भिला मभिला धंगु खँ जुल, छवों द्वाहां वया हालीगु जक मभि देशे द्वाहां वया सिंह धुं हालीगु भि महाराज, थौंहे काय्मचा छह्म नं दरवारे द्वाहां वल तस्सकं हे भिगु खः धयागु खँ राजायात गुरु पिसं न्यंकल ।

राजाया मने त्राश चाया चिन्तना यात आः छुयाय्गु हे देव थ्व बालक सत्यमेव जिगु हि जन्म जूह्म खः । जिगु ख्वाः दुरुस्त बने सिंहनी नाप भोग जूगुया फल खः । जिनाला मकाल धाःसा सिंह नाप त्वापुजुइ जिगु बरनामिनं जुइ, पशु नाप भोग याइह्म राजानं पशु हे खः धिकार धाई थथ्ये धाय्का चवने मालि ।

थ्व मचा तेहम्ह अवश्यनं सिंहनी जुइमा सिंहनी हाला शब्द बियावन । छम्ह मचा खः धागु जुइमा थुलि चिन्तना याना मचा थमं कया महारानीया ख्वाः स्वया राजा आज्ञाजुल । थ्व बालक जिथ्ये चोंगु ख्वा जक मखु जिगु अंश खः । आपालं ताःहाकगु खँ ल्हाय् म्वाल जि बने वनाबले सिगु ज्या खः । मिजं धयाम्ह भमथ्ये खः । कीगु छेनं आःतक काय्मचा मदुनि आः थिक जुल कीसं प्रति पाल याना तये थ्व धर्म खः । । राजा थथ्ये आज्ञा जुस्येलि अन च्छपिसं खँ थ्वोका बिन्ति यात । भो महाराज ! जिमिसं बुक्के जुल थिकहे जुः ।

महारानी सोकल भातया स्वभाव आपा कला माम्ह खः छुयाय् छुयाय् वने च्वंम्ह मिसा गुजाम्ह जुइ ताले लाम्हजा खंमखुः । सिंह हाला बंगु भि धार्येलि जिलका मनं चिन्तना याना राजा यात महारानी मग्थास्ये दिन्ति यात ।

भो स्वामि ! तं चाया विज्याय्मते भम धयाम्ह भिगु स्वाने जक प्रवेश जुइ वथ्ये छपिनं अथ्ये खसा, छम्ह कलानं सन्तोष मजुगुलि वने सेका हगु फल वाय् हल काय्मचा यात विचार मयास्ये गाइला । जिमिसं स्वया छपिसं दुगंछि विचार याय्मा । सिंह नापं हाला वन थथ्ये म्येपिननं जुल खँ ला । थ्व वाय् हम्ह काय्मचाया मां सुखः सतके छोया विज्याहु जिमिस छुं धाय् मखुः माने यानातये काय्मचाया मां महारानी याय्माम्ह वनेतया तेगु धर्म खला बंगु जात नाम छु खः जि सतकेछोये त्यना धया विज्याहुं ।

रानीं थय्ये धागु न्यना न्हाय्कनं पूह्यथ्ये ह्य वाईमिका राजा छुं धाय्गु असमर्थ  
जुया रानी तंचाल धका सोका कोथाप् वना मामागु वस तिसा ज्वनावया महारानीयात  
म्येपिन्त नं बिया सन्तोष याना थः कोथास वना ऊले जुल ।

म्येपि नारीगणपिं मुसु सुसुं ह्लिला महारानीया ख्वाः स्वया चवन । अनलि बालक  
घात विधि पूर्वकं व्यंकेगु ज्या याना नामकरण यात सिंहनीया हि त्वाक ज्याना सिंहनी  
नं जन्मयाह्य बालक जुया दुर्गन्ध दु पराक्रम स्वभाव, खोया हालीवले शब्द तच्च तेजवन्त  
पुष्ट शरीर भतीचा दुरुतीना मगा आहार तच्च । भिगुदिने राजां नामकरण (नां)  
छुइगु ज्या यात थिक प्रमाणं थ्व बालकया नाम सौदास नरसिंह राजकुमार जुल धया  
सकलयात न्यंकल ।

अनलि भिगु दिने कुलानुसारं जंकोविधि (जानेकेगु ज्या) अन्नप्राशन कुलदेवता  
दर्शनया क्रिया नं सिधेका आनन्दं चवन । थ्व बालक शुक्ल पक्षया चन्द्रमा थ्ये याकनं  
तःधिक जुया शरीर कवच वलवान् सनीगु तच्चजुया सकल आश्चर्यं ।

थ्व बालक क्रमशः तःधिक जुया वीर्य पराक्रमी जुया च्वंगु खना अबुह्य हीस  
जुया चवनीगु ।

राजां काय् यात छन्हु युवराजया अभिष्येक (पद) बिल त्याय्ह्य नं जुल ।  
म्येगु देशया राजपुत्री राजनीति धर्म शास्त्र नं सया च्वंह्य सुन्दरी लक्षणी युवती  
धर्मगंजा देवी शुभदिने सुदास राजां बिचार याना काय् सौदास नरसिंह राजकुमारयात  
विवाह कर्मया ज्यानं सिधेकल । निह्यत्थपु सुख नं बासयाना चवन ।

लिपा सुदास राजा बृद्ध जुया वल तप यावने माल धका मतीतया महारानी नापं  
सल्लायाना काय् यात राजा भिस्येक बिया दंपती सहितं तप यावन । । थनंलि सौदास  
नरसिंह राजाजुया ज्या यात, छन्हुया दिने मंत्री सैन्यपि नापं वन क्रीडा यावन उख्ये

राजां त्वेक नाम छगुया अर्थ सीके । संस्कृत-सुदासस्य अपत्यं पुमान् सोदासः । नर संभोग सहित निह  
नरसिंह । सौदास नरसिंह इति । । भाषा थय्ये खः । सुदासया काय् सौदासः । मनु व मिह निह्य संभोग  
जुया जन्म जूह्य खः नरसिंह । । नरश्च सिंहश्च द्वीसंभोगी इति नरसिंह थय्ये नं जुइ । सौदास नरसिंहया  
अर्थ थय्ये खः । ० ।

थुण्ये सोया चाहुला वने बासयाना च्वंपि चला आदि पशु पंछिपि आपालं स्याना छयाय्  
बास च्वना चला पंछि पिगु ला कचिकं राजां नल । माँह्य सिहिनी यागु हि त्वाकज्यागुलि  
कचिगु ला नय्त घौमचा ।

यगु प्रकारं राजां ह्लिह्लि अन्न फलाहार छुं मयास्ये चला पंछि पिगु ला जक कचिकं  
नया जूगु स्वया मंत्री सैन्य नायकपिसं बिन्ति यात । भो महाराज ! छपिसं आमथ्ये अन्न  
फलाहार छुं मयास्ये पशु पंछि पिगु ला हि मात्र कचिगु ह्लिह्लि आहार याना जुल श्व राज  
भोजन मखु- दैत्य राक्षस भोजन खः कीत योग्य मजु । छिपि मनुष्य जुया नं कचिकं ला हि  
आहार याना व्याधा स्वभाव कीत तस्सकं मलो । जिमिसं थथ्ये कचिगु गुवल्ले मनया  
नेमालीवले योग्यानुसारं बुकामात्र नेगु ।


आवंलि थुगु तालं आहार याना बिज्याय् मते जिमिगु बिन्ति दु । थथ्ये धागु खं न्यना  
सौदास नससिह राजां लिस बिल ।

हे मंत्री सैन्य नायकपि ! छु खं ह्लानागु छिमि मयेसा नेमते- स्यानामात्रं पशु पंछि  
पिगु व्वागु ला हि नया पचेयाय् फुसा शरीर पुष्ट कवच जुया बलवान् जुइ । पराक्रम  
देकेत थथ्ये आहार याय्मा धया सकल्ले छेँ लिहाँवल । । छेँ थ्यस्येँलि रानी नं  
मखंक लहिना तयापि दुगु फेँ हें इत्यादिपि ज्वना स्याना व्वागु हि तोना कचिगु नुगचु  
स्येँ सों अपि मिखा म्ये न्ह्यपु नेगु । म्येगु बुका नयाजुल ।

आहार तच्च म्येम्येगुनं यको नेमा, क्रोध तचो शरीर दुर्गन्ध बःला छम्ह स्त्रोनं  
मगात चेतिका स्त्रीपिनं कलायात । थथ्ये दरवारे मखंक पशु पंछिपि स्याना कचिगु ला  
नेगु खना घौचासानं छुं मयास्ये सकल्ले सुक च्वन । राजा खना ग्याना छुं मया ।

महारानीं सीका बिन्ति यात, भो स्वामि ! छपि मनुष्य राजा खः स्वभाव आपालं  
बामलात । बूगु ला नया बिज्याहुं कचिगु छाप् नेगु छपि नवल हारानं जुया बल । हानं  
कुआहार यागुलि कामीनं जुल । जिगु खं न्यनेगु जुसाशील स्वभाव वांलाका मनुष्यया  
धंग याना बिज्याहुं । । राजा जुयानं छु स्वभाव पिकयागु, प्रजापिसं यासानं





मन्थागाहिनलसोदासकुरुवनचना कुमावर्षि १०५ यहसदयासमयासग  
थिकयावलसगसामनाउकुमावर्षीकावनचालसोदासनचसिंहकुरुम  
नयालाहिनेलयागसिमायचिनावाधयागचित्र॥



याय्मज्यु धाय्मालं ऋन् थमंहे यात । थथ्ये दैत्य राक्षस पिंगु कुस्त्रभाव कुचरित्र कुआहार  
कुज्ञान पिकया जुइगु छपि जक मखुः म्येपि सकलें योग्यताया मनुष्यमजु ।

छपिगु थ्व कुस्त्रभाव जिमाँ अबु मंत्री तथा प्रजा गणपिसं सिल धाःसा गुलि  
गिल्लायाइगु जितनं गुलिजक वांमलाइगु । थनिनिस्ये जिगु खें न्यना राजाया कर्तव्य पालन  
याना स्वभाव वांलाका विज्यासा सकलें खुसि जुइ । जिनं राजपुत्री खः छुं विद्या राजनीति  
धर्म शास्त्र वोना सेकासीका च्वनाह्य खः । थथ्ये धया हानं हेका वोध याय्गु निम्ति न्हिला  
स्वामीया ह्लाःज्वना सिचुक कसि विज्याहुं नुः धया थतयंकल । कसि थ्यनेव राजा पखालं  
क्वसोत छेक्वे दुगुछह्य घांय् नया च्वंगु खन । पखागया तिगान्हुया क्वेजुना दुगुयात ककु  
ज्वना बःस्वाना प्वाथेन्हुया सनेमफेक क्वत्यला गःपते वान्याना हितोना लिपा दुगु घेःपुना-  
यंका छथाय् सुनानं मखंक च्वना दुगुयात प्वाफाया स्ये सों नुगचु लिकया नल । सिंहनी  
माया स्वभावं राजा थुगु धंग जुल । कसि च्वंह्य धर्मगंजारांनी भोःसुला जिगु कर्म धिक्कार  
धका खोल । वखत जुस्येलि भोजनालये राजा वया रानीयात सःता नापंच्वना भोजन  
नेत थिक यात । मने ताप जूसानं ख्वाः चःकंका रानीनं थःगु स्त्रीया कोमल स्वभावं  
विन्तियात । भो स्वामी! जिगु वचन लुमंका भोजन याना विज्याहुं ।

हतततं न्हिला राजां आज्ञाजुल- प्रिय स्त्री छं धागुखं न्यने देःधया भोजनयात ।  
राजायात आहार त्वेक ज्वरे याना तगु दु । तिदुगु तिमदुगु वुगु ला, गुलि ततःकुगु कचिगु  
ला क्वे नापं न्ह्याया घुतकीगु । जाप्ये नं तःप्येयाना म्हुतुवां खाया दुछोइगु । बहु आहार  
(आपा नेमागु) राजाया धंग रानी सोया च्वन ।

राजां बराबर रानीया ख्वाः स्वया धाइगु जि थ्ये छनं नेमा नः अले ऊपि निम्हं उथ्ये  
जुइ । थुगु प्रकारं धासानं सहयाना थःगु नियम पालन याना राजायात नु चाय्का राजा  
पिहां वस्येलि थःनेसिधेका कोथाय् वना चिन्तना यात ।

जि थनि निस्ये ब्रतयाय्गु आमोष मनस्ये दिनया छकमात्र नया याकचा अलग  
कोथास आनन्दं छनेगु जुल । थ्व पुरुष मनुष्यया स्वभाव मखुत लिपा छुजुइतिनि जिनं  
बांलाक विचार याय् तिनि धयासुंक च्वन ।

राजाया कचिगु जक ला नेगु इच्छा याना जुल । छन्हु राजां बिचार यात जिनं पशु पंछिपिगु आपालं कचिगु ला नया सवा श्वीके धुन । आः मनुयागु नं छक ला नेदुसा सवा सीके फइ । थथ्ये कुचिन्तना याना न्हापालाक मिसायागु नि नेमाली धका मती तथा चवन ।

राजाया कुस्वभाव खना मंत्रीजुं गोप्य रूपे रानीया थासवना बिन्ति यात-  
मो महारानी ! की राजाया कुभोजन मांसाहार यायां कचिगु ला नया थाय् थासे दुगु च्वले स्याना तल । श्व ज्या राजायागु खः धाय् त त्राहि छपिसं स्यछ्ये याना बिज्याहुं ।

मंत्रीजुं थथ्ये धागु खं न्यना रानीं आज्ञा जुल, जिं धासानं खेन्यनीह्य मखुत जिनं बारंबार धाय् धुन खेमन्यं छुयाय्, धुं भालु राक्षसया स्वभाव जुल खः, जिगु मन त्राहि जुया छछ्ये अलग च्वने माल । जिनं बखत बिचार याना धाय् निन्हु प्यन्हु सहया ।

थथ्ये रानीं धामु बचन न्यना तथाऽस्तु धया मंत्री संन्यपि थः थःगु ज्याय् वन । यनंलि श्व राजानं मनुष्ययागु क्वागु ला हि मनस्ये तोत्ये मखु न्हापां मिसायागु नि नेमालि धका चान्हे तीजक वना वना न्ह्योवेका च्वंह्य रानीया कोथाय् द्वहां वना रानीया प्वाथे नुगले थिया नःतोना ककुस ज्वना हि तोनेगु बांछ्छायात ।

थुगु बेलास रानी न्ह्यलंचाल वाथाक दना सोत थःभात खना धाल । जि थौं खापातो लोमन जित थोमते छुकारणे व्रत याना च्वनाह्य स्त्रीया कोथास बिज्यानागु । यन दरबारे म्येपि मिसातनं दु माथाय् बिज्याहुं ।

रानीयागु थुगु बचन न्यना थौंम्वाल धका मतीतया राजा कोथां प्यहां वया थःगु थासे च्वना चिन्तना यात । बखत बिचारयाये मनुष्यया ला हि मनस्ये सन्तोष मजुल ।

उखुन्हुया रात्रिफुका कन्हे बहनी जुल, रानीया थौंन कोथास द्वहां वइ भिगु ज्यायाइह्य मखु थथ्ये मती तथा खापा तिना छन ।

उखुनुया रात्रीस सकलया न्ह्योवेका च्वंगु इले राजा धका हामसीक हाकुगु लन



फिना तीजक ऊया चाय्का उख्ये थुख्ये सोया कोथां प्यहां वना कारांगारे (ऊयेले) थ्यंका पञ्चागया तिगान्हुया व्वहांवना अन बन्धनागारे कुनातपि मध्ये छह्मयात धुं उवनेथ्ये च्वाक उवना हालेमफेक ककुतिया स्याना ककुस होःखना हि तोने धुंका छयाय् यंका कोत्यला स्याना व्याधां पशुया शरीर स्यंकेथ्ये स्येका (प्वाःफाया) नुगचु स्ये सों लिकया नया पखा गया तिगान्हुया वना थःगु थासे कोथास बासयाना च्वन । । थुजांगु तालं स्वकःतक चान्हे सकल न्ह्योवेका चोनीगु इले ऊयेलेवना मनुस्याना न्हापाथ्ये स्ये सों नुगचु लिकया नय् धुंका पखालं गया वया थःगु थासे बास याना च्वनीगु ।

मुथे जुल ऊयेले हाहाकार जुल थन ऊयेले सुःत्रया थथ्ये यावइगु थ्वखं राज गृहे थ्यंकल मंत्री सैन्यपि वया सोवल अन चोपिके न्यना स्वत जिपि न्ह्यो व मखना घाल । । मंत्री घाल छिपि सकलें मुना थ्वयात उवनाति लिपा छिमितनं स्याना थथ्येयाइ । आः पालाक सकलें छनेमते पालंगा बिचारया पिशाच राक्षस भूत प्रेतनं जुइफुः न्ह्याह्य जूसानें उवना चिनांति । थथ्ये घास्येलि बुढा छह्मसे ग्यासानं बित्तियात, भो मंत्री राज पुरुषपि ! जिनं न्हापा-मखना थौंया चन्हे खना ।

सकलें न्ह्योवेका च्वन जिनं न्ह्योःव धुक्क शद्धःवल न्ह्यलं चाल हाकुस्ये च्वंह्य छह्म पखालं व्वहां वल जि ग्याना ख्वाःतोपुया सुंक च्वना ।

भतीचा जावले पखा गया पुला वन थ्व छह्म वगु खना स्येपि मखना । थथ्ये धागु खंन्यना आःबिचार याय् धया लिहां वना राजायात बित्ति यात । भो महाराज ! ऊीगु देशे मनुष्य स्याना ला हि नैह्य पिशाच राक्षस द्दहां वल । ऊयेले दुने च्वंपि प्यह्य स्याना नल ककुस होःखना प्वा फाया तल स्ये सों नुगचु मदु ।

थ्व वइह्य सुजुइ बिचार याय्त छुयाय्माल आःतक ऊयेले च्वंपि स्यानानल । कन्हे कंस् वेसे च्वंपि स्याना नइ । थन दरबारेनं वया अथ्ये यावय्फुः सुंक च्वने मजिल ।

थथ्ये धागु खं न्यना राजाया थमंयानागु ज्या जुया थथ्ये उत्तर विल । आः यात बिचार याये छिपि हथाय चायमते सुंकनिच्वंधया ऊयेले च्वंगु मृतक शरीर वाके छोट ।

राजाया धंग खना सकलया मनस त्राश ज्वीका सुंक चवने मजिल धका गोप्य  
याना महारानीया थासे वना विन्ति यात ।

भो महारानी ! कीगु देशे उपद्रव जुल पिशाच राक्षस भूत बल घाल, खः मखुः  
निश्चय मजु । ऊयेले कुनातपि स्याना ला नया वन, शरीर वाक्ये छोट । हाकुह्य पखालं  
तिगा हुया वडगु वनीगु धका छह्य बुढां कन । कन्हे कंस छु जुइगु, गुलि मनुतस्ये बां  
मलागु नं खं ल्हात ।

थमंहे स्याना हि तोना कचिकं पशु पंछि पिंगु ला नयानं सन्तोष मजुया थ्व राजा  
ऊयेले सुनानं मखंक वना थमंहे स्याना मनुया क्वाहि क्वाला नया गोप्य याना च्वंगु  
धापिनं दु । । थ्व ज्या राजांहे यागु खःसा आपालं बांमलात लिपा थन दरवारे  
च्वंपि मनुतनं स्याना नइ सुंक चवनेव छपिनं बाकि तैमखुः जिपि आपालं भय त्राश जुल ।  
देशे प्रजापि नं ग्याका चवन, हाले मज्यु घाय् मज्यु छु याय् । महारानी गुजाह्य भातं मनुया  
ला हि नसानं सुंक चवनीह्य थथ्ये धाःगुनं न्यने दत प्रजापिसं जक धाःगु मखुः ऊयेले  
पाः चोपिसनं जुजु हे थ्ये चो धाल, थ्व खं राजा यात कना बांलाक खं मल्हाः ।

आः छपि जिपि सुंक चवने मजिल जतन छु याय्गु आज्ञा देका विज्याहुं । ० ।  
थथ्ये धास्येलि महारानीं आज्ञा जुल जिनं विचार याय्, धागु खं न्यना विश्वास याय् मज्युः  
थ्व चिकि धंगु खं मखुः भयंकर गु खं खः । राजानाप खं ल्हाना स्वय् छु धाइ । छिपि  
सकलें मिलेजुया गुप्त रूपं चरित्रनं स्वये । भूत पिशाच राक्षस अथवा राजा हे खः  
मखुः सीकेगु जतन जिनं याय्गु जुल । रानीं थथ्ये धाःगु न्यना सकलें चित्त बोध जुया  
चवन ।

कन्हे खुन्हु सुथे महारानीं महाराज यात थथ्ये विन्ति यात । भो स्वामी ! जिनं  
छगु विन्ति याय् तें मोय्का विज्याय् मते, ह्वापानं बारंबार घाय् धुन खं मन्यं अति जुइवं  
बांमलाइ । छपि मनु खः राजा जुयानं स्वभाव आहार धंग आपालं बांमला ।

छपि न्होने वड वले धुं भालु थ्ये दुर्गन्ध जुल, उकीं जि अलग चवना ब्रत याना ।



कला, भात स्वाम्वा छुखाछे चवना बाया चवने माल श्वनं पाप भोग सीके मफुः ।

छपिसं थनि निस्ये ला हि नेगु तोति, कित राज्य तोति । श्व निताय् छता मतो तुकं जिगु मन संतोष जुइ मखुः । छपि खना जि भय त्राश जुल, भय त्राश मजुइक छपिनि प्रिय स्त्री जि खःसा ला हि नेगु तोता शुद्धगु भोजन या, स्वामी खः जिनं प्रेम याये मखुसा अप्रेम जुइ ।

छपि जि प्राणनाथ स्वामी मालीक देवतुल्य खः जिनं फको सेवा भक्ति याये जिगु चित्त यात भय त्रास छुं संखा मदेका योग्यगु भिगु जिगु खें न्यना विज्याहुं, मभिगु अयोग्य खें जिनं मधया छपिनि छु विचार । हानं धाय् न्यना विज्याहुं पशु तेसं गुलि घांय् नैपि, गुलि मल नैपि, गुलि ला नैपि दु । पक्षित नं गुलि की तों नैपि, गुलि सीपिगु, गुलि स्वापि स्थाना नैपि दु ।

राक्षस भूत पिशाच घापिसं मनुष्यया ला हि कचिगु नय् दुसा लेताइ । दैत्य घापिनं मदिरा तोने दतकि खुसि जुइ ।

मनुष्य धयापिसं थुजागु आहार याइ मखुः शुद्ध सुगन्ध क्षीर जा मधि फलाहार दुरु धौ छ्यः आदि पंचामृत आहार याइ ।

एवं प्रकारं देवतादि पिसनं श्रद्धा भक्ति भोजन याना सन्तोष जुया च्वनि । थथ्येहे ऋसनं याय् फेकेमा । । रानी थथ्ये धाःगु खें न्यना राजाया ला हि नेगु तोत्ये मफया छुं मधास्ये दना वन ।

रानीया मनं चिन्तना यातः मनुया ला नह्य श्व हे राजा खला धैथ्ये चोंका चिन्तना यात । जितनं म्हे नतुना सोगु दु जि न्ह्यलं मचासा स्थाना जिगुनं ला नैगुला धका संखा यात ।

थुलि मछि योग्यतागु खें ह्लानानं उत्तर मढ्यूस्ये दनावन आः थथ्ये मुं क च्वने मजिल खः धका मंत्री तथा म्येपि राजपुरुष पिनं सःता गुप्त याना सल्ला यात जित साहिता व्युः चान्हे ऊयेले वना मनुष्य स्थाना ला न वडह्य सुज्वी जिनं लाना तोत्यु धया वहनी

जुस्येलि गुप्त तवरं सकलें सःता चीगु खिप ज्वंका मामागु थासे मामापि तथा महारानी  
(यः) नं मिजंया लनं फिना सुरा जुया कोथास मच्चंस्ये ऊयेले पिने छथाय् सुला च्वन ।

पशु पंछि पिगु बूगु कचिगु ला हि आपालं नयानं सन्तोष मजुया मनु यागु समेतं  
कचिगु ला हि नेगुलि आपालं रुचिह्म \* मांसाभिलाषी थ्व सोदास नरसिंह राजा चान्हे  
बना ऊया चाय्का उख्ये थुख्ये सोत छना चोंपि खन, न्ह्यो मवेकुथ्ये न्ह्यो वपिथ्ये च्वंक शना  
चरित्र स्वया चोंपि धका मसोकुस्ये कोथाया ऊयालं तीजक प्यहांवना ऊयेले वन ।

अन ऊयेले थ्यंका पखा पुला बवहांवना अन सकलें न्ह्यो वेका च्वंपि खना ले ताया  
थ्व राजां थ्ये चिन्तना यात । सुनानं मखंक मसोक थन वयागु सफल जुल जिगु भाग्य  
खः धका छुसि जुल ।

ह्लापाथ्ये अन कुनातह्य छह्य ज्वना धुं चला धों स्याय्थ्ये हाले मफेक ककु तिया  
स्याना होः खना हितोने धुंका प्वाः फाया पित्याह्य धुं नेय्थ्ये नुगचुस्ये सों लिफया नया  
थःगु इच्छा पुरे यात ।

निपा ल्हाःतिनं कया हितोने धुंका लुसि ताहाकपि धःवा दुपि पशु तेसं ला नैवले थ्ये  
सना मनुया ला नया च्वंह्य भयंकर राक्षस समानह्य थ्व राजा यात, अन सुला च्वंपि  
सकसिनं खना यः पाशापि सःता सकलें छथाय् मुना च्वन ।

थ्व राजा लिहां वनेत पखा गबःले सुला च्वंपि सकसिनं ज्वना दथ्वी तथा सकलें  
छचारूपलं चोना पिने हया महारानी च्वना चोंगु थासे न्ह्योने तेहल । धर्मगजा  
महारानीं घया विज्यात । थ्व दुष्ट राक्षस पिशाच यात खिपतं चिना दरवारे यंकि घया  
सकलें मुना छेवल । सुथे जुस्येलि राजपुरुष प्रजा नायकपि मुंका मनुष्यया ला नह्य  
राजा न्ह्योने तथा वारंवार महारानीं थ्ये घोषणा यात ।

वाकूछिना ल्हाः बुवु स्याना तुति बः स्वाना तं पिक्का सकल यागु ख्वाः स्वया

\*मामं अमि नपल तच्छित्त मांसाभिलाषी-गः सोदास नृपः । ला हि नेगुलि तस्सकं रुचिह्म राक्षस तुल्य थ्व  
सोदास राजा व. प्रका मीका थंक्व ।

महारानीं थथ्ये धै विज्यात । पतिचां वयना थ्व महादुष्ट अपराधि पापि पिशाच राक्षस  
मनुष्यया ला नया हि तोनीह्य निर्दय यात थन देशे तेगु योग्य मजु देशं पिने सुं मनुष्य  
पि मदुगु दुर बने खिपतं चिना याकनं वाय्यंकि ।

ओ महारानी मंत्री प्रजागणर्षी ! जि महाराज खः जिगु अपराध क्षमाया आवंलि  
थुजागु ज्या याय् मखुत । थ्व राजां थथ्ये धाःगु न्यना सकसिनं थ्वंत कुकर्म याह्य छ  
धिकार धका हाहा याना गित्ला यात ।

महारानी वा कटटटं न्ह्याया आज्ञा जुल, छ जि स्वामी मखुत, जि छं कला मखुत ।  
थ्व देशे थनि निस्ये जि राजा जुइ त्यना प्रजापालन याना धर्म याय् ।

यदि छ राजा खःसा मनुष्यया ला नइ मखुः । पिशाच राक्षस धुं धापिसं जक  
मनुष्यया ला नइ । मनुष्य तथा राजा जुयानं चाण्डाल अपराधि जुया ह्यिग ह्योगनं  
चान्हे ऊयेले वना कुना तपि थमं स्याना सा हिनयानं मगाना वखत विचार याना मिसा  
जाती कला यातनं स्याना ला हिनय्गु ग्वसा याइह्य पापि छ खः ।

छन्त ह्यापा जिनं चेतावनि विद्या धयागु दु । ला नय्गु तोति कित राज्य तोति  
थथ्ये कलानं खःगु खं घाल धैगु विचार मदुह्य । पशु अधमि धुं तुल्यह्य छ बने बास  
पाहुं । हानं प्रजा पित्त न्यंकल थ्व पापि यात छु याय्गु ? प्रजा पिसं विन्ति यात थ्व  
पापि यात बने छोय्गु हे योग्य जुः । धुं सिंह समान ह्य देशे तय्गु योग्य मजुः । मयंकर  
गु ज्या याइह्य थ्व यात याकनं पितना विज्याहुं ।

महारानीं आज्ञा जुल प्रजा पिंगु खं न्यने, थ्व पापि राजा यात आः थथ्ये देशं  
पितना छो धया रानी दरवारे द्वाहांवन । मंत्री राज पुरुषपि सकलें मुना थ्व पापि राजा यात  
पितना छोत । । थ्व राजा सिहिनीया हि त्वाक ज्याह्य जुया ला हि आहार  
याय्गु तोत्ये मफया राज्यस च्वने मदुसानं बने वनेगु खुसि जुया देशं पितना छोसानं  
अहंकार मयास्थे बने बास यावन । देशे महारानी राजा जुया प्रजा पित्त दुख मव्यूम्ये  
सकसिनं प्रशंसा याका आनन्दं बास याना च्वन ।

जुस्येलि गुप्त तवरं सकलें सःता चीगु खिप ज्वंका मामागु थासे मामापि तथा महारानी  
(यः) नं मिजंया लनं फिना सुरा जुया कोथास मच्चंस्ये ऊयेले पिने छथाय् सुला च्वन ।

पशु पंछि पिगु बूगु कचिगु ला हि आपालं नयानं सन्तोष मजुया मनु यागु समेतं  
कचिगु ला हि नेगुलि आपालं रुचिह \* मांसाभिलाषी श्व सोदास नरसिंह राजा चान्हे  
बना ऊया चाय्का उख्ये थुख्ये सोत द्यना चोंपि खन, न्ह्यो मवेकुथ्ये न्ह्यो वपिथ्ये च्वंक शना  
चरित्र स्वया चोंपि धका मसोकुस्ये कोथाया ऊयालं तीजक प्यहांवना ऊयेले वन ।

अन ऊयेले थ्यंका पखा पुला बवहांवना अन सकलें न्ह्यो वेका च्वंपि खना ले ताया  
श्व राजां थ्ये चिन्तना यात । सुनानं मखंक मसोक थन वयागु सफल जुल जिगु भाग्य  
खः धका खुसि जुल ।

ह्लापाथ्ये अन कुनातह्य छह्य ज्वना धुं चला धों स्याय्थ्ये हाले मफेक ककु तिया  
स्याना होः खना हितोने धुंका प्वाः फाया पित्याह्य धुं नेग्ये नुगचुस्ये सों लिक्का नया  
थःगु इच्छा पुरे यात ।

निपा ल्हाःतिनं कया हितोने धुंका लुसि ताहाकपि धःवा दुपि पशु तेसं ला नैवले थ्ये  
सना मनुया ला नया च्वंह्य मयंकर राक्षस समानह्य श्व राजा यात, अन सुला च्वंपि  
सकसिनं खना थः पाशापि सःता सकलें छथाय् मुना च्वन ।

श्व राजा लिहां वनेत पखा गबःले सुला च्वंपि सकसिनं ज्वना दथ्वी तथा सकलें  
छचाह्यलं चोना पिने हया महारानी च्वना चोंगु थासे न्ह्योने तेहल । धर्मगजा  
महारानीं घया विज्यात । श्व दुष्ट राक्षस पिशाच यात खिपतं चिना दरवारे यंकि घया  
सकलें मुना छेवल । मुथे जुस्येलि राजपुरुष प्रजा नायकपि मुंका मनुष्यया ला नह्य  
राजा न्ह्योने तथा वारवार महारानीं थ्ये घोषणा यात ।

वाकूछिना ल्हाः बुवु स्याना तुति बः स्वाना तें पिकया सकल यागु ख्वाः स्वया

\*मांस अभि नपन नच्छिन्न मांसाभिलाषी-गः सोदास नृपः । ला हि नेगुलि तस्सकं रुचिम्ह राक्षस तुल्य श्व  
सोदास राजा च. भका मीका म्बकन ।

महारानीं थथ्ये धै विज्यात । पतिचां वयना थ्व महादुष्ट अपराधि पापि पिशाच राक्षस  
मनुष्यया ला नया हि तोनीह्य निर्दय यात थन देशे तेगु योग्य मजु देशं पिने सुं मनुष्य  
पि मदुगु दुर बने खिपतं चिना याकनं वाय्यंकि ।

सो महारानी मंत्री प्रजागणपी ! जि महाराज खः जिगु अपराध क्षमाया आवंलि  
थुजागु ज्या याय् मखुत । थ्व राजां थथ्ये धाःगु न्यना सकसिनं थ्वेत कुकर्म याह्य छ  
धिकार धका हाहा याना गित्ला यात ।

महारानी वा कटटटं न्ह्याया आज्ञा जुल, छ जि स्वामी मखुत, जि छं कला मखुत ।  
थ्व देशे थनि निस्ये जि राजा जुइ त्यना प्रजापालन याना धर्म याय् ।

यदि छ राजा खःसा मनुष्यया ला नइ मखुः । पिशाच राक्षस धुं धापिसं जक  
मनुष्यया ला नइ । मनुष्य तथा राजा जुयानं चाण्डाल अपराधि जुया ह्यिग ह्योगनं  
चान्हे ऊयेले वना कुना तपि थमं स्याना सा हिनयानं मगाना वखत विचार याना मिसा  
जाती कला यातनं स्याना ला हिनय्गु ग्यसा याइह्य पापि छ खः ।

छन्त ह्यापा जिनं चेतावनि विद्या धयागु दु । ला नय्गु तोति कित राज्य तोति  
थथ्ये कलानं खःगु खं घाल धैगु विचार मदुह्य । पशु अधमि धुं तुल्यह्य छ बने बास  
पाहुं । हानं प्रजा पित्त न्यंकल थ्व पापि यात छ याय्गु ? प्रजा पिसं विन्ति यात थ्व  
पापि यात बने छोय्गु हे योग्य जुः । धुं सिंह समान ह्य देशे तय्गु योग्य मजुः । मयंकर  
गु ज्या याइह्य थ्व यात याकनं पितना विज्याहुं ।

महारानीं आज्ञा जुल प्रजा पिंगु खं न्यने, थ्व पापि राजा यात आः थथ्ये देशं  
पितना छो धया रानी दरवारे द्वाहांवन । मंत्री राज पुरुषपि सकलें मुना थ्व पापि राजा यात  
पितना छोत । । थ्व राजा सिहिनीया हि त्वाक् ज्याह्य जुया ला हि आहार  
याय्गु तोत्ये मफ्या राज्यस च्वने मदुसानं बने वनेगु खुसि जुया देशं पितना छोसानं  
अहंकार मयास्ये बने बास यावन । देशे महारानी राजा जुया प्रजा पित्त दुख मव्यस्ये  
सकसिनं प्रशंसा याका आनन्दं बास याना च्वन ।

અનંતિ બને વંહા રાજા ઉણે થુણે ચાહુલા ચલા પંછિપિ સ્યાના કચિગુ લા નયા ધુંથ્યે મગ્યાસ્યે જીવિકા યાના જુલ । છહુ સિહનો (માં) મ્હ સ્યે હના હતાસનં નાપલા વયા થય્યે મનુષ્ય બોલિ ધાલ ।

હે મહા પુરુષ ! છુ સુ ગનં વયામ્હ યાકચા થુજાગુ બને ચ્વનેત મગ્યાલા ? જિનં છું યાય્ મલુઃ સત્ય યાના હંકં ।

થય્યે ઘાસ્યેલિ રાજાં વિન્તિ યાત, ભો સિહનો ! જિ કાશો દેશયા સુદાસ રાજાયા પુત્ર હઃ જિગુ નાં સૌદાસ નરસિહ, જિ માં મ્હમસ્યુ જિત કનાતગુ દુ, છંયા લુહા ક્વે સુના જ્વો ચાન્હે વાય્ હયાતમ્હ બાલક કાય્ મવા સુદાસ રાજાયા કાય્ મદયા થમં પાલન યાના તમ્હ જિ હઃ । ત્યાય્મ્હ જુસ્યેલિ જિત વિવાહ યાના જિ અયુ થઃ સ્ત્રો સહિતં તપોબન વિજ્યાત ।

જિગુ સ્વભાવ વવાગુ લા હિ કચિકં નેગુ અતિ ઇચ્છા દુ પશુ પંછિપિ થમં સ્યાના કચિગુ લા નયાનં સન્તોષ મજુયા મનુષ્ય સ્યાના લા નયા । થુજાગુ આહાર યાદ્મ્હ દેશે રાજા યાય્ અયોગ્ય ધકા જિ કલા ધર્મગંજા દેવો મંત્રો મ્યેપિનં મિલે જુયા જિત દેશં પિતના બને વાય્ હલ । થય્યે જુયા બને ભ્રમણ યાના ચલા પંછિ સ્યાના કચિકં લા નયા જુયા ।

થ્વ હં ન્યના સિહનોનં અવશ્યનં થ્વ જિ કાય્ હઃ ધકા સોકા, થમનં ન્હાપાયાગુ હં કન । રાજ પુત્ર ! જિનં સત્યગુ હં કને ન્ય, કાશો દેશયા સુદાસ રાજા બને વબલે એકાન્તે જિનં નાપ લાના ડગુ વચ્ચે જિ ત્યાસિયા અવસ્થા કામ રાગં પોડ જુયા થ્વ સુદાસ રાજા નાપ સંભોગ જુન । લિપા થ્વ રાજા લિહાં વન જિ ગર્ભવતી જુલ । છન્હુ મવા બુલ કાય્ મનુષ્યયા શરીર જુયા જિનં ચાન્હે સુનાનં મલ્લંક રાજાયા છં ક્વે લુહાવસં તોતા વયા વહે કાય્ મવા છ હઃ । છં માં જિહે હઃ થો માં કાય્ નિમ્હ નાપ લાત થ્વ ભાગ્ય હઃ ।

છં નુઃ ધકા નાપં બોના હયા કાય્ યાત પ્રીતિયાના ચલાયા લા નકા પ્યન્હુ તક થગુ થાસે તયઃ તય । સિહનોનં કાય્ યાત થય્યે હં ન્યંકલ । હે પુત્ર ! છં માં જિ સિહનો યાગુ સ્વભાવં છં કચિગુ લા નયાનં સન્તોષ મજુયા મનુષ્યપિગુ સમેતં લા નલ । રાજા જુયા થય્યે ને મજ્યુગુ હઃ । હ્યત નાપ લાત પાપ ફુદ્દગુ હાનં છ રાજા જુદ્દગુ ઉપાય દુ ।



छं मने छं संखा तेम्वाः मांया खं न्य, हे पुत्र ! सच्छिह्य राजकुमार मनुष्यपि कृपा-  
मतस्ये नरवलि वीगु पूजा अथवा नरमेघ यज्ञयाना मनुष्यपि होम याय्गु थुजापि माला-  
हया मुंकाति ।

हुंकन छह्य महर्षि दु तपयाना चवन, अन वना न्ये हुं वं घाथ्येया । थ्व ज्या सिद्धयाय्  
धुनकि छंगु पापफुना वनि, जिनं साहिता विये छंगु देशे च्वं पि नाप त्वाहुं, छत्याइ न्हापाय्ये  
राजा जुया नाति, लिपानं राजा हे जुइ । थुगु तालं सिहिनी (मां) नं घागु खं विस्वास  
याना महर्षिया थासे वना प्रणामयाय् धुंका सिहिनीनं घागु खं फुकं कना नरमेघ यज्ञ  
याय्गु खं न्यन । । थ्व महर्षिनं वचनविल - याय्फुसा ज्युः सच्छिह्य राजकुमारपि मुंकि  
मफुसा मनुष्यमात्र नं ज्यु । थ्व नरमेघ यज्ञ खः भूतयज्ञ नं घाइ, नरवलि पुजा नं घाइपि दु ।  
महर्षि नं थय्ये घास्येलि जिनं याय्गु अवश्य घया राजा लिहांवना बने चाहुला मनु मावन ।

संजोग चूलात बिदुर देशया राजाया पुत्र विहंगम राजकुमार संन्यपि मुंका वन  
क्रीडा याःवपि खना ब्वांवना धुं घों ज्वनेथ्ये थ्व राजां राजकुमार यात च्वाक ज्वना  
पाछाया हया सिमास् चिनातल ।

हानं कन्हे नं उख्ये थुख्ये वने चाहुला जुल वैशाली नगरया राजा प्रशेनजितया पुत्र  
जयश्येन घाह्य राजकुमार वन क्रीडा यावह्य खना च्वाक ज्वना पाछाया हया सिमास बः  
लागु खिपत चिनातल ।

थुगु तालं सोला दुवले गुडगुह्य (९९) मुंकल गुलि सितनं फलाहार गुलिसितं  
स्कन्ध मूल (हि, सकि) नका पालेयानातल थ्व राजा मनुष्यया स्वभाव मखुत, सलुसि  
ताहाक, बलवान् लं हाकु दुर्गन्ध म्हे खिति दु । थ्व खना सकल गया, पाछायायंकी घका  
सकल थ्व खनकि बिश्यु वनीगु ।

आः छह्य जक मगानि घका हर्षयाना माःवन । छन्हुया दिने कौरव देशया राजा  
महाबलया स्त्री धृतिमती महारानीया गर्भं जन्म जूह्य पुत्र अरुन्धती देबीया स्वामी  
(३२) लक्षणं पूर्णह्य महा पराक्रमि बोधिज्ञानं सहितह्य सुतसोम राजकुमार (बोधिसत्व)  
वन क्रीडा याःवह्य ज्वना हल ।

श्व राजकुमार करुणा दुह्य शुद्ध चित्त सुन्दर रूप कोमल बचन महाबुद्धिवन्त विचक्षण (आपालं शास्त्र सःह्य) धर्मया शरीर थुजाह्ययात याउंक पाछाया हया ह्यापायापि सकलें दुयाय् तेहल । । श्व सौदास राजया सछिम्ह खात धका लेःताया चवन । श्व लिपा हःम्ह राजकुमारं गुलि सिमाय् चिनातपि गुलि कुनातपि गुइगुम्ह खना आश्रय ज्वीका चवन । हानं जितनं हःल छाय् ज्वी धका न्यन । । हे महापुरुष ! थुपि थन छाय् चिना कुना तयागु जितनं छाय् छुयाय्त ज्वना पाछाया हयागु ।

श्व सौदास राजां न्यंकल, थन जिनं नरमेध यज्ञ याय्त सछिम्ह राजकुमारपि होमयाय् मागुलि हयागु, छनापं सछिम्ह दत आः गात धया ह्लिल । । म्येपि गुइगुम्ह राजकुमारपिसं श्व लिपा हम्ह राजकुमारयात बोबिल । छंगु नाम छुः जिपि गुइगुम्ह (९९) राजकुमार पिगु प्राण लिकावम्ह काल समानम्ह छ खः ।

आः जिपिजक मखुः छनं नरमेध यज्ञे होमयाना याकनं अकालं सिना वनीगु बखत थ्यन । छं सीकि कीपि स्वाय्गु आशा मन्त ।

श्व करुणा मदुम्ह पापि सौदासया ल्हाःतं सिना वनेमाल । श्व कालमखुः अकाल खः । आः छुयाय् सुनां रक्षा याइगु हे दैब धका थःथःगु छें जहान धन लुमंका खोल ।

थुगु समये नुगमछिका सुतसोम राजकुमारं सकलया ख्वाःसोया तवह विया खं न्यंकल । भो दाजुकिजा समान राजकुमारपि ! ग्याय्मते, जिनं आः सिल जतन याये छुं धन्दा काय्स्वाः । । थुलि धाय् धुंका सौदास नरसिंहया ख्वाः स्वया ह्लिला धं बिज्यात, भो सौदास राजा ! जि सुतसोम राजकुमार खः जिनं सिके धुन सछिम्ह मनुष्यपि होमयाना नरमेध यज्ञयाय् मागु छाय् ? स्वंगु उपदेश, छ सौदास राजा खःसा याकचा थुजागु वने छाय् चवनागु ? थन चवना न्हिन्हि छु नया चवना ? छ छु देशया राजा ?

सौदास राजा छुं लिपा गःप ततःपु ज्वीका थःगु परिचय फुकं कना जि मां सिहिनी यागु तथा हंकन च्वंम्ह महर्षि यागु आज्ञा खः । । थुजागु खं न्यना थःत सिमास चिनातगु खिप बलं चोफुना सौदास राजयात काचाक ज्वना थःत चिनातगु सिमास खिपतं व्वातुक चिना सुतसोमं धं बिज्यात ।

नरमेध यज्ञे सद्धिम्ह मनुष्यपि होम यायत् छनापं सद्धिम्ह थिक जुल । चिना कुना तपि थमं फेनाहया छत्राल तथा थः न्होने च्वना करुणा तथा, तमं धागुथ्ये च्वोंक खं न्यंकल ।

आःछं छु धया, नरमेध यज्ञ याय्गु जूसा ह्लापा छ छह्मनि होम याना स्वर्ग छोये । लिपा छिपिनं स्वर्ग वा धका निमंत्रणा छोया हति आःयात थुपि सकलें छे छोय्गु ।

नरबलि पशुबलि अनेक प्राणि स्याय्मागु पूजास न्हपालाक याइह्मनि बलि बिया स्वर्ग वने फेकेमा । स्वर्ग वनिगु मखुः नरक वनीगु जूसा पर प्राणिपि जक छाय् स्याय्गु । राजा तथा मनुष्य जुयानं थुजागु ज्ञान गथ्ये मसिल । । थःत सने मफेक सिमाय् चिना तेधुंकल उक्कोसनं आर्य्य धर्म उत्तम बुद्ध चर्य्यया खं न्ह्यथना न्यंकूवले गरुडया न्होने सर्प च्वनीथ्ये भय त्रास ज्वीका सौदास राजा क्वछुना नोः वाय्गु समर्थ मन्त ।

गुइगुह्य राजकुमारपिसं थ्व सुतसोम राजकुमार यात प्रणाम याना जिमिसं बोबियागु क्षमा धका क्षमा फोना सौदास पापि राजा यात हाहाकारं लाय्बुया अपराधि धका अनेक प्रकारं खं न्यंकल ।

थुगु समये (९९) राजकुमार पित्त सुतसोमं शान्तियाना थथ्ये धया विज्यात, थ्व सौदास राजा पशुं जन्मयाह्य जुया पशु बुद्धि जुल । कोपि मनुष्यं जन्म यापि जुया मनुष्य यागु बुद्धि सोका च्वनेमा ।

थुजागु अनर्थ ज्या याइगु थासे जितनं ज्वना तेहल थ्व ज्या याइवले थुलिमछि राजकुमारपि अकालं सी माल, छे जहान पिसं गुलि शोक याइगु गुलि श्राप वीगु ज्वी । थुजागु अन्याय पापग्वारा भारि कुविया जि धर्म याना धाय्गु स्वभाव छुथ्ये धाःसा बरखा मासे पुबुलि चोपि ब्यां हालीगु तुल्य खः ।

भो सौदास महाराज ! जिगु खं छगु न्य-छथाय् महाभिक्षु छह्य गुरु दु अन वना

याकनं वय्, जि बिस्सुवन धाड सत्यमेव वय्तिनि । थन जिगुज्या सिमधनि ।  
राजकुमार पिनि छुं मय त्राश जुइका च्वने म्वाः । थ्वयात सिमाय् चिनातयागु जिवया  
पयना वो ।

थय्ये खें न्यंका सुतसोम राजकुमार उगु थासं बना गयावयाह्य सल नाप्र लाना  
सल गया बना महाभिक्षुया थासे थ्यंका थुगु वृत्तान्त खें कना ज्ञान गाथा श्लोक प्यपु  
चोका ज्वना सल गया वेगं अनहे थ्यंका सलम्हं ववहांवया छथाय् सल चिना सौदास यात  
हानं खें न्यंकल ।

महाभिक्षु द्वारा जिनं ज्ञान गाथा श्लोक प्यपु ज्वना वयागु अर्थया महत्व न्यंके  
त्यना । भो सौदास राजा ! थ्व ज्ञानन्यना नरमेघ यज्ञस जिपि सछिह्य कुमारपि होम  
याना स्वर्गं छोया विज्याहुं जिपि जन्म जुयागु सार जुल ।

छपि स्वर्गं वनेत सुनां नरमेघ यज्ञ याइगु हानं सछिह्य राजकुमारपि मावनीह्य गन  
च्वना चोन थ्व खें जिमित कनेमाल अलेतिनि चिना तयागु खिप पयने मखुसा पयने मखुः ।

थुगु खें न्यना सौदासं मिखाय् खोवि वय्का विन्ति यात । भो सुतसोम ! जिनं  
खें थुल सत्यनं थ्व यज्ञयाय् मखुत, जित चोगात पयना विज्याहुं छपिसं धाःथ्ये सत्य  
मेव जि च्वनेगु जुल । जित रक्षा जुइगु ज्ञानगाथा प्यपुया अर्थ कना विज्याहुं ।

थय्ये सत्य बाचा यास्येलि चिनातयागु पयनाविल । धुं समानं हाराह्य सौदास  
क्षणमेव नम्र जूगु खना अन च्वपि सकलें होस जुल ।

सुतसोम कुमार तःफागु लोहते फेतुना सौदास न्ह्योने तया स्येपि छचालं चाहुयेका  
गाथा प्यपुया गंभीर अर्थ ज्ञानया खें कना विज्यात ।

(१) गुह्यसैं छुज्या इच्छा याइ व ज्या याय्त भिगु खें न्यना ज्यो सफल जुइगु  
सीकेत सह्य स्पूह्य सज्जन संगत दुह्यस्ये याकि । चित्त चचल मज्जीगु असत्य मखुगु अत्यन्त  
वांलागु स्वभावं विस्तार मयास्ये भिगु अहिंसाया ज्या याय्गुलि चिन्तना याय्मा ।

(२) चित्त चंचल मज्जीगु असत्य मखुगु आपालं वांलागु बुद्ध धर्मे बूगु अथवा कचिगु ला नेगु भूत आहार मभिगु ज्या याय्गु हताय् चाया मसह्य मस्यूह्य सज्जन संगत मदुह्य थुजायिगु खँ विश्वास याना गुवलें छुं हे ज्या मयाय्गु ।

(३) मनुष्यपि लुं हेरा (रत्न) मोति भिपु आदि तिसांतिया, त्वेक वसपुना रथे (वगीस) चवना वनी । उगु वगी (रथ) साला यंकीह्य सल बुढाह्य गंसिह्य रोगिह्य जुल धाःसा गुलि वांमलाइगु खः । हानं वगी (रथ) यंकीह्य सवार (नाय) मिखां मखंमह (कांमह) जुल धासा उगु वगी (रथ) स तिसां तिया वंमहसिया छु गति जुडगु खः थ्व थ्ये सोकेमा धर्मयाय् वलेनं अथ्ये जुडफु धका साधु सज्जन ज्ञानिपिसं रागादि मारया वसे तामास धर्मे मचोँस्ये मांस मनेगु गुण विचार याना धर्मया ज्या याइ ।

(४) मालिक यात तापाक चवना नमस्कार याइमह, अमृत यात तापाका चवनीमह, तःब्यागु ताःजागु धः तिहुया वनिमह, ताःजागु तःब्यागु खुसिस लापाकया वनीमह, अष्टाचल समानगु पर्वते याकनं च्वे थ्येके धका ब्वां वनेत इच्छा याइमह, सूर्य्य उदय जुया वडगु पूर्व दिशा धका खःगु खँ ल्लाइमह खना वाकुछिना तें पिकाइमह, हानं धर्म यात खने मदेक तापाका, अधर्म सतिका ज्या याइमह स्वर्ग वनीमखुः नरक वनि ।

थुगु प्यंगु गाथाया गंभीर ज्ञान कना न्यंकूगु खँ श्वीका सौदासं विन्तियात । छपि सदानं जि गुरु जुल धया सुतसोम यात तुति भो पुया शरण वना जिगु अपराध क्षमा धका फोन ।

क्षमा बोधुन धया सुतसोम कुमारं हानं थथ्ये धं विज्यात । भो सौदास जु ! खँ श्वीकल धन्य दु, जिनं आः म्वाना चवतले स्वंगुनं ला हि नेमखुत धका सत्य वाचा याय् फुला ? सौदासं घाल, सत्यमेव जि आः म्वाना चवतले स्वंगुनं ला हि भक्षयाय् मखुत, प्राणि स्याय्गु ज्ञानंयाय् मखुत स्याः धका वचन वीनं मखुत ।

थथ्ये सत्य वाचा याना धारयेलि सौदास राजा अन चोँपि राजकुमार सकलें नापं बोना सुतसोम राजकुमार थःगु छे वया सकलें न्ह्योने तया बन यागु खँ विस्तारं थः पिता महाबल यात कना सकसिनं प्रणाम यात ।

महाबल राजा पुत्र यात आपालं प्रशंसायाना सकल यागु खः। स्वया आज्ञाजुल ।  
जिनं खं थुल मारया बल काम रागं याना पशु जाति सिहिनीनं मनुष्य सुदास राजा नाप  
संभोग जुल । सुदास राजाया थःगु जीव रक्षा याय्या लागी पशु नाप भोगयात । खं  
मन्यनेवं सिहिनीनं स्याद्गु जुल । थ्व राजाया दोष मखु सिहिनीया दोष खः ।

थ्वंगु हे हि जन्म जूगुलि थ्व सौदास मनुष्य राजा जूसानं मनुष्य तथा पशुपिगु कचिकं  
ला हि नेगु स्वभाव जुल । थ्व दोष फुकं सिहिनी यागु खः । सखिम्ह मनुष्यपि होम  
याय्गु नरमेघ यज्ञ पशु धर्म या धका उपदेश ब्यूम्हनं सिहिनी हे खः । थ्व सौदास यागु  
बुद्धि मखुः याय् लासा छु गति जुद्गु । सुतसोम छम्ह यंकूगुनं असल जुल । थ्व मदुगु  
जूसा थपि सखिम्ह बचे जुद्मखुः । । आः थ्व हे खं बांलाक चोया काशी देशे  
धर्मगंजा महारानी यात पत्र छोया छपि सकल सौदास राजा यात बोनावना अन सकल  
यात थ्वहे खं कना चित्त बोधयाना वा । एवं प्रकारं खं छलफल याय् सिधेका धर्मगंजा  
देवी यात काशीदेशे सुतसोमं पत्र चोया छोट ।

पत्र थ्यन घयागु खवर न्यना सौदास राजा यात सँ लुसि ध्यना स्नान याका  
राजाया वस पुंका किसिम्हे तथा सुतसोम थःनं नापं चोना राजकुमार पित्त सल गेका  
बाजं याका मंगल याना काशीदेशे थ्यंका खवर बिल ।

धर्मगंजा देवी विज्याहुं घाय्का दरबारे वना रानी नाप लाना अनया मंत्री तथा  
भ्येपि राजपुरुषपि सकल तथा चिठिपत्रे चोंगु खं न्ह्यथना शान्ति ज्वोगु बोधिज्ञान उपदेश  
थिया सकलयात चित्त बोधयाना धर्मगंजा महारानी यात सौदास राजा लःह्लाना विल ।

अन चोंपि सकसिनं सुतसोम यात मंगल याना स्वागतयात । बुद्धोपदेश वोपि भिक्षु  
गुरु पिगु यासे बिहारे सौदास राजा यात तथा बारंवार ज्ञानया खं न्यंका सकसिनं न्यना  
प्रजापिनि चित्त बुद्धे जूसा न्हापाथ्ये राजायाना थनया थिति मागु ज्या सिधेका आनन्द  
चोना विज्याहुं थया बिदा कया सकलें लिहांवन ।

कीरब वंशे थ्यंका महाबल राजा धृतिमती महारानी सुतसोम राजकुमार थ्वया



स्त्री अनुन्धनी देवी तथा म्येपि योग्यता पिके विदा कया गुडगुम्ह राजकुमारपि सकले यःयःपिगु छे लिहावन ।

सकसियां कायपिसं कंगु खे न्यना मां अबुपि आपालं खुसि जुया सुतसोम यात शुभाशीर्वाव विया दलंदक धन्य प्रशंसा यात । अनंलि लिपा काशी देशे सौदास राजाया पाखे धर्मगंजा देवीनं काय् जन्म याना ते धुंकल । श्वयात राज्य विया यमं माक्व जया याना धर्मसिनेचोना आनन्द जुइका च्वन ।

सौदास राजा लिपा ज्ञान बुद्धिवन्त जुया तीर्थिक धर्मं मुक्त ज्वीका महारानी तथा म्येपिके विदा कया उत्तर दिशास वनान्तरे त्रिरत्न नाम कया तप यावन ।

कौरव देशे महाबल राजा छन्हु थःपुत्र यात राज्य विया आज्ञा जुल । पुत्र सुतसोम ! यनिनिस्ये छ थन राजा जुल, गुडगुम्ह राजकुमार पित्त जीव दानविया सीत्येपि स्वाकल थुगुपुण्यं छंगु मनोरथ पूर्ण ज्वीमा ।

छन्त म्येगु खे घाय्मागु मदु स्वयं सिया चोह्य बोधिसत्व खः घका विद्वांन पिसं घया चोंगु दु । प्रजा पालन याना आनन्दं वासया थुलि घया पुत्र तथा स्त्री धृतिमती महारानी याके विदाकया वनान्तरे त्रिरत्न लुमंका तप यावन ।

अनंलि सुतसोम कौरव देशे राजा जुया प्रजागण पित्त धर्म याका यमनं बोधि चर्यं ब्रते चोना आनन्दं वासयाना ताः कालं भवाना छन्हु देहान्त जुया स्वर्गं त्रायत्रिशा भुवने देवता पिसं सेवा याका आनन्दं वास यात ।

गुह्यजा श्व सकसिनं मानेयाका च्वह्य श्री मान सुतसोम राजा आः भगवान शास्ता शाक्यमुनि जुल अवश्यमेव जि खः थुगु प्रकारं न्यग्रोधारामे विज्याना सुद्धोदन राजा प्रप्नोति सकलयात आज्ञा जुया विज्यागु खे न्यना सकल बोध जुया धन्य २ भगवान् बुद्ध - धन्य २ सुतसोम राजा घका प्रशंसा याना भगवान् बुद्धयात दण्डवत् प्रणाम याना विदा कया सकल यःयः थासे लिहावन ।

थुलि खे सुतसोम नृप जातक जुल

-:○:-:○:-:○:-

श्व खे भद्रकल्पावदान ३६ स्वायंभू पुराण १ अध्याये दु ।

# सर्वददन्तृपावदान


नमः सर्वबुद्ध बोधिसत्त्वेभ्यः  
सकल बुद्ध बोधिसत्त्व पितृ नमस्कार

थनंलि छन्हु भगवान बुद्ध थुगु थासं दनावना शालवती देशे थ्यंवले मुसुहुं न्हिला विज्यात । क्रमशः गृद्धकूट पवंते थ्यंस्थेलि न्हापाण्ये आयालं देव मनुष्यादिपि वया सत्कार सहित धर्मोपदेश न्यनेगु इच्छा याना प्रणामयाय् धुंका छ्वालं फेतुना भगवान बुद्धयागु ख्वा स्वया च्वन ।

थुगु समये बिद्वांनह्य उत्तम ब्राम्हण भिक्षु जुडधुंका आयुष्मान महाकाश्यप आनन्द भिक्षु नापं च्वना विन्तियात । भो भगवन ! छलपोल शालवती देशे थ्यनेवं मुसुहुं छाय् न्हिला विज्यानागु । थ्ये प्रश्न यास्थेलि हाने महाकाश्यप तथा आनन्द भिक्षुपिसनं विन्तियात । खः छपि न्हिला विज्यागु कारण देः आज्ञाजुसा थन च्वंनि सकलया मन बोध जुइ ।

थ्ये न्यस्थेलि शाक्यमुनि बुद्ध प्रशन्नजुया गृद्धकूट पवंते थ्ये देशना याना विज्यात । अन शालवती देशे थ्यंवले जि न्हापायागु खं लुमंस्थे वया न्हिलागु खः । एव खं गथ्ये धाःसा कने सकसिनं एक चित्तं न्य ।

शालवती देश सर्वावती नगर नं घाइ । उगु नगर वांला तःधं ज्ञानिपि लोक यको बु । पराक्रम दुपि उद्योगित बु सदानं सुभिक्ष यंपुस्थे चों, लुच्चा खं रोगीपि मबु, आपालं धनिपि महाजन यको दयाच्वन । अन्न द्रव्य रत्न सुवर्णादि फल बृही प्रशस्त पशु पंछि गण पिनं यको वया दुरु धौ ध्यः कस्ति तु अनेक फल स्वां दया चोंगुलि अन बासयापि प्रजा सकल भाग्यमानि ।



सर्वद्वन्द्वं तप यावत् श्रद्धं मायापूष वरुं कस सगां संतिगहल मूलश्वल  
 यद्वयाभूपकया जियुव रं लाना लानयमा लरति भवत्त यः यभगी  
 च बा ला भना वरुं गकि सगाविवा वरुं या त उहाय याय चिद ॥

11

12

13

थुगु देशे सुरेश्वर राज क्षत्रो जाति स्त्री जयादेवी रानीया गर्भं जन्म जूम्ह  
सर्वदद नाम राजानं प्रजागण पित्त बाँलाक रक्षा यागा च्वन । थ्व राजा करुणा दु  
सकल वस्तु अनित्य भापा याना त्यागी जुया च्वोंम्ह स्वभाव बाँला बुद्धि वन्त शोलवान ।

मन कपत मखुम्ह राग द्वेष मोहं मथ्यूम्ह, नम्रता कोमल वचन भिक्षा कावंपि  
खना दया तथा प्रीति याइम्ह सकल लोकपिनि अतिप्रेम निर्मल चन्द्रमाथ्ये शीतल  
आनन्द तेजया रुपगु शरीर । यव कीर्ति सकभनं प्रकाशमान सकल देशेनं प्रख्यात जुया  
च्वन ।

दारिद्र याचक भिक्षु ब्राम्हण खनीवले थुमिगु आशा पूर्ण याइम्ह चिन्तामणि रत्न  
समान धाय्का च्वंम्ह । थ्व सर्वदद राजा राज्य समेतं बिषय भोग मात्र खः संसार असार  
धका ज्ञानखंका च्वंम्ह कल्याण मूर्ति बुद्ध ज्ञाने न्ह्यचिला च्वंम्ह ।

परोपकार बिना मनुष्य चोला ज्वीमखुः दान बिना बोधिसत्व जुइ फइमखुः ।  
बोधिसत्व ज्ञान बिना शील क्षान्ति विर्य ध्यान जुइ मखुः । ध्यान बिना प्रज्ञा म्हसी  
मखुः प्रज्ञा धागु थ्वखः, (बुद्ध ज्ञान करुणा श्रद्धा त्यागी शुद्ध चित्त ।)

थुजागु चिन्तना याना बिशेष न्हापांगु पारमिता दान खः धयागु निश्चय याना  
च्वंम्ह खः । थ्व राजाया दान याय्गुलि साधु जुया तिसा समानं शोभा दुह्य ।

छन्हुया दिने सिनावने मानिगु थ्व शरीर खः गुलिजक अनित्ये भुले ज्वीजु थुगु  
देशे याचक पित्त तथा भिक्षा कावंपित्त इच्छा पूर्ण याय्गु नंखः थ्व देशे दान कावइपि  
गुलि दुनं सोके धका चिन्तना याना थः स्त्री सुभद्रा देवी नाप सल्ला याना थःगु क्यवे  
स्नान याय्गु पुखु दुथाय् छल्ये अलग दबुथ्ये देकेबिया लता लहरा अंमा केरामा जीस्वां  
इत्यादिनं सहित ज्वीका बाँलाक छगु ध्यान याय्गु थाय् थिक यात ।

उगु थासे शान्तगु चित्त याना उगु देशया इन्द्र समान जुया अमृत सिद्धि प्राप्त  
ज्वीगु ज्या याय्त साक्षात ऋषि भेश कया अन दुने चोना एकचित्त ध्यान यात ।  
शरीरया माया छुंहे मकास्ये तपचर्य्य समाधि ज्ञान चित्तहे ह्यसोकेगु विचारे गंभीर  
जुल ।



सुयसिगु छगु प्रहरे याचक भिक्षु पित्तदान बीगुलिनं तस्पर जुया दान याना चवन । थुगु प्रकारं दछि पुला वस्येलि स्वर्गे इन्द्रया सिंहासन लिगि लिगि सन घका इन्द्रं विचार यात । सर्वंदद राजाया तप यागु पुण्यया प्रभावं कंपजूगु खनि थ्व तप स्यंका बीगु ज्या याय्मास धंगु चिन्तनायाना सतांचा छह्य मायां तयार यात, धनु वाण ज्वना व्याधा थःहे जुया थ्व राजायात समेतं प्रहार याइह्य थ्ये चोंक जुया हानं बखुं छह्यनं थिक याना बोय्का हया सतांचां लिना हया बखुं थ्व सर्वंदद राजर्षिया मुले जूवल ।

थ्व बखुं खना राजर्षि करुणा उत्पन्न जुया बखुं ज्वना विचार यात । थ्व पंछि जि शत्रुमखु तस्सकं भय त्रासं थर थर मिका ग्याना चवंह्ययात म्हे पितुपिया लः तोंका स्नेह पात । सतांचा बोहरिं लिनाहल ज्वोमा प्राण संशय जुइका शरण वल्ल जिनं रक्षा पाये छुं धन्दा काय्म्वाः घया बखुं यात न्यंका चवन ।

थुगु समये व्याघारूप जुया बह्य इन्द्र तपधारि सर्वंदद राजर्षिया थासे थ्यंका थथ्ये घाल । भो राजर्षि ! थन बह्य बखुं जि लहिना तयाह्य खः बोया वेगं थन जूवल जिखना हति । जि नैषाद व्याधा खः थौं नेगु अन्न छुं मदु तच्चतं पित्यागु लि माम बखुं स्याना ला नेगु इच्छा याना याकनं ब्युः ।

व्याधाया छ्वाः ताउति स्वया राजर्षिजुं धं विज्यात । अहो जिगु शरण वोह्य थ्व बखुं जिनं गथ्ये बीगु सतांचां स्याना नेगु भय मन्त, हानं जहान भापा थमं लहिना तम्ह थुवा खः मालिकं स्याइगु सीका रक्षा ज्वीला घका म्वाय्पा निम्ति जिके शरण वम्ह्लुखः गथ्ये त्याग याय्गु ।

नैषाद व्याधानं छन्हु सीमानि धर्म म्हसीकेमा, सुख दुःख सकलया उथ्ये भापीमा गथ्ये मसिल छं । जिके शरण वया चवंम्ह बिश्वास घातक याना स्याना ला नेगुहति घाम्ह यात नाः घका बीगु शरण वगु व्यर्थ जुल योग्य मजु अयोग्य थ्व धर्म मखुः पाप खः छं घागु खनं सत्य मखु असत्य जुल ।

नैषाद व्याधां हानं घाल, भो महाराज ! यदि थ्व जिम्ह बखुं जित थथ्ये मविल घाःसा श्रापविया जि थनहे सिनावने निश्चय ।



यथ्ये ब्याधाया कुवावय न्यना राजषिजुं हानं धै विज्यात, शरण वम्ह यात मरण  
याय् मज्युः जित तच्चवगु पापं पुनि, छं बखुं यागु ला जक सवा कया सा घका नै, जिगु  
पाप छं सवाकया नइमखुः ने फैनंमखुः सुनां छु यात वंहे भोग याइ । एव बखुं गोप्य  
याना म्वाकेगु छन्तनं जितनं तःधंगु पुण्य दइ । थुलि ज्ञान विद्यानं छं चित्त बुझेमजूसा छंगु  
अभिप्राय (इच्छा) खः ला नेगु, म्येगु ला नके, जि पुरेयाये एव बखुं स्याना ला नेमते ।

नैषाद ब्याधा खुसि जुया घाल, साधु २ राजषि अथ्ये जुसा ज्युः एव बखुं छम्ह  
ग्यछि तालाजु सलना म्येगु ला जित व्यु जि खुसि जुः ।

महर्षि राजां आज्ञा जुल पर यात गथ्ये स्याय्गु, एवैत ला दान बीगुनं गथ्ये  
याय्गु । थःगु शरीर व परयागु शरीर केवल सुख दुःखनं तुल्य खः ।

पर प्राणि स्याना तपोव्रत एवं अनेक पूजादि धर्म गथ्ये ज्वी, एव धर्म मखुः परया  
जीवखः स्याय्गु ज्या तोता बीगु धर्मखः । हिंसा याना परोपकार गुवले ज्वी, हिंसा मयात  
धासा पर प्राणि म्वाय् बइ एव परोपकार धर्म खः ।

अथ्येया निमित्त थःगुहे शरीरया ला ध्यना बीगु निश्चय याना भ्रष्ट मनुयात  
सन्तोष याय्त हानं म्येह्य प्राणिया शरीरे घाटक याय्गु एव ज्या परोपकार गथ्ये जुइ ।  
प्राणि स्यानागु पाप थमं भोग याय्बले ला नह्य वया रक्षा यावैमखुः । जिगुहे शरीर  
या ला ध्यना वीत्यना ।

यथ्ये धै विज्यागु खै न्यना, नैषाद ब्याधां राजषिया खवा स्वया तप यागु शुद्धगु  
मन सीका तालाजु पिकया खाया थिकयाना ब्याधां विन्ति यात, भो राजषि ! जि  
पित्यात ला हि नेगु अति तूष्णा जुल, आपालं बिलंब छाय् याकनं व्यु मबिल घाःसा  
जि थनहे सिना वनेगु ।

ब्याधां यथ्ये धागु न्यना तालाजु स्वया मन हर्ष याना बखुं ग्यछि जिगु ला तया  
बखुं तोता छोये बले पुण्यनं तालाजुस चोंवइ थथ्ये चिन्तनायाना राजषिनं बखुं यात

पपौ चिना तालाजुस छख्ये तथा थःगु शरीरया ला थमं ध्यना तालाज्वी तल । इन्द्र मारं बखुं ऊयातुका तल ला ततं मगाना खछि ऊले जुल ।

थुगु इले कपिल पिंगल धाह्य छम्ह वया धाल, भो राजषि ! ऊले जुइ म्वाल छपिन्त जिनं ग्वाहालि याये छपिगु शरीरे ला जि ध्यना वो छपिनि स्यातला ? थथ्ये धास्येलि स्यागु जा मखुः थिक धाल जि खुसिजु सुनां जिगु ला ध्यना तालुजुस थिक याइ वंस जिनं प्रसस्तं धन वो धया सुवर्ण न्होने तथा विल ।

क्रूर भयंकर चित्तम्ह कपिल पिंगल धाम्हस्ये जोगु शस्त्रं राजषियागु जगु खंपाया ला ध्यना तथा बिल तथापि बखुं ऊयातुया चवन ।

पृथ्वीस हि फुति फुति मीगुलि पृथ्वी कंष जुल । राजां हानं म्येगु ला ध्यनाति धया विज्यागु न्यना, मंत्री तथा अन चोपि सकलें विषं कापि थ्ये जुया पृथ्वीस गोःतुला मूर्छा जुल ।

थुगु वखते थ्व शरीर त्याग याना दान वीगु इले जिगु मने ताप जुइगु ज्याखं याय्मते धका न्हापाहे राजां धयातगु दुगुलि हानं म्येपिसं छुं धाय्गु समर्थ मदु ।

राजा यागु ला याउंस्ये चवना चवंगु लि ह्लाः तुति ध्यना तेत थिक यात । राजषिं आस्येनि धया चिन्तना यात बखुं ऊयातुगु छगु हेतु खः तर थिक हे जुल । थ्व बखुं व ब्याधा निम्ह सिगु प्राण रक्षा ज्वीवले जि सिना वंसानं सुरक्षा जुइगु खः । जिगु शरीर या ला मित्र समानम्ह ब्याघ्रा यात साक भोजन याक्ये धका तोजक दना वना तालजुस थ्व राजषि चवना विल बखुं ग्यछि थिक जुल ।

उगु वखते छ्यंगु क्वे जक बाकि दनिम्ह राजा तालाजुस चवना थिक यावले व सर्व त्याग यागु प्रभावया गुण कीर्ति शब्द ऋगू दिशास प्रकाश जुया स्वर्गे चवंपि देवतादि पिसं सीका थुम्ह राजषिया चित्त धैर्यजूगु छना उफोस्वां समानगु मिखां स्वया पलेस्वां थ्ये जागु ह्लाःति देव देवकन्या अत्सरादि पिसं पुष्प वृष्टि सहित पूजा याना हब सकलें आश्चर्य जुया चवन ।

अनंलि नैषाद व्याधा रूप इन्द्रं श्व राजषि यात स्वया छुंहे ल्केश मदुम्ह छनि  
धका सीका तस्सकं हर्ष जुइका धाल । साधु २ महापुरुष, शुद्ध चित्त महात्यागी  
महादानी महर्षिरूप सर्वदद राजा नांयात त्वेक ज्या याता वयन धन्य छपि खः ।

प्राणि छम्ह सिगु प्राण रक्षा याय्त (सीत्यम्ह बखुं छम्ह स्वाकेया लागी) थःगु  
शरीर छुंहे माया मकास्ये परया जीव स्वाका रक्षा यात । थुगु प्रकारं तप याइपि  
संसारे दुर्लभ जुइ । छपिनि छु इच्छा याता थय्ये दुष्कर तप यातागु धका न्यन ।

राजषिनं धं विज्यात छुंहे इच्छा यातागु मदु, अनुत्तराया संम्यक संबोधि ज्ञान  
लाना सत्वपि उद्धार याय्गु लें वयना वीफेमा थुलि मात्र इच्छा खः । । श्व वचन  
न्यना नैषाद व्याधा रूप तोता थःगु इन्द्र रूप धरे याता धं विज्यात । भो राजषि छपिगु  
चित्तयात विचार याय् धुन, हे भद्रे ! कल्याणकारि ! छपिनि छु अभिप्राय खः उगु  
पूर्ण ज्ञीमा । हानं छुंहे इच्छा मदुगु खःसा न्हापाय्ये घाःपा मदुगु शरीर आः भय्ये  
जुइमा धका आशीर्वाद विल । । अनंलि सर्वदद राजषिनं बुलुहुं न्हिला धं विज्यात,  
जिनं म्येगु छुं इच्छा मयास्ये श्व शरीर दान यातागुलि जगत हित याय्फेगु संम्यक  
संबोधिज्ञान लाय् धंगु मात्र सत्य खःसा जि न्हापाय्ये जागु शरीर जुइमा धका  
सत्याधिष्ठान याय् मात्र चन्द्रमा उदय जूगु समानं निर्मल सोभायमान शरीर न्हापाय्ये  
जुल ।

थुलि जुस्येलि बखुं यात चिनातयागु फेना तोतल बखुं जीव रक्षा जुइका भानन्द  
बोया वन । इन्द्रनं थःगु रूप दर्शन वीधुंका थःगु इच्छा पूर्णयाता स्वर्गस लिहां  
विज्यात ।

थुलि जुइधुस्येलि सूर्य उदय जूगु तुल्य प्रकाशमानं धर्म तःधं खः धका सकसिनं  
सीका सकसिया मन आनन्द जुल ।

भगवानं धं विज्यात हे श्रोतालुपि ! थुह्मा सर्वदद महर्षि राजा थयाह्य आः  
जिहे खः । व कपिल पिंगल (ला ध्यंह्य) पुरुष आः देवदत्त धाह्य खः । शालवती  
देशे न्हापा थय्ये जुया वंगुलि श्व थासे थय्वले लुमंस्ये वया जि ह्लिलागु खः ।

थय्ये आज्ञा देका विज्यागु न्यना अन वास याना चोपि सकलया मन बोध जुया धन्य २ भगवान् बुद्ध, धन्य २ सर्वदेव राजषि धया प्रशंसा यात ।

थुलि खं न्यने . धुस्येलि अन चोपि विद्वांन ब्राह्मणगणपि सकलें वनावना बुद्ध भगवानया पालि भोःपुया जिमितनं प्रवज्या व्रत भिक्षु चय्यं बिया विज्याहुं धया विन्ति यात ।

थुपि शुद्ध चित्त दुपि ब्राह्मण पित्त शील प्रार्थना याका प्रवज्या व्रत भिक्षु चय्यं बिया चीवर वस्त्र पिण्ड पात्र बीत थिक जूवले प्रादुर्भावि जुल सकलया चीवर वस्त्र पिण्ड पात्र ह्यति ह्यति धारण याना भिक्षु जुल ।

छह्यायात चीवर वस्त्र पिण्ड पात्र मदु, जित जक गथ्ये मन्त घका आश्रय्यं जुया विन्ति यात । । भो भगवान गुरु ! छु कारणे जि छह्यासित जक चीवर पिण्ड पात्र हीन जुल ।

भगवान बुद्धं विचार याना आज्ञा जुल, छं ह्यापाया जन्मे जि विद्वांनह्य ब्राह्मणं छाया बुद्धयात प्रणाम याय्गु धका मात्सय्यं चित्त अभिमान याना पद्मोत्तर तथागत यात प्रणाम मयास्ये सुं क च्वंगु पापं उम्ह ब्राम्हण आः छखः सीकि ।

वहे दोषं याना छंत जक चीवर पिण्ड पात्र उत्पत्ति मजुल, थय्ये आज्ञा जूगु खं न्यना पाप देशना याना पद्मोत्तर तथागत लुमंका द्वय्यिक तक दण्डवत यात । अनंलि लिपा थ्व ब्राम्हणयातनं चीवर वस्त्र पिण्ड पात्र प्रादुर्भावि जुल ।

स्वयंभू बुद्धयात प्रणाम मयात घाःसा नं थय्येहे ज्वीगु थमं थमं सीकि धया विज्यात । तथा ऽ स्तु याना मन आनन्द जुइका विदाकया थःथःगु थासे सकलें लिहांवन ।०।

थुलि खं सर्वदेव राजाया जातक जुल

-:○:-:○:-:○:-

थ्व खं द्वाविंशतिकावदान १६ कल्पलता ५५ अध्याये दु ।

## सुरुपनृपावदान

नमः सर्वबुद्ध बोधिसत्वेभ्यः

सकल बुद्ध बोधिसत्त्व पिन्त नमस्कार

थनंलि छन्हु भिक्षु संघपि मुना भगवान् बुद्धयात प्रणाम याय् घुंका थय्ये विन्ति यात । भो भगवान् । हानं म्येगु दान पुण्यया खँ आज्ञा जुया विज्यासा लोक पिन्त ज्ञानया पुष्प वृष्टि जुया कल्याण जुइ आज्ञा जुया विज्याहं ।

थय्ये विन्ति यास्येलि भगवान् गुहं आज्ञा जुल, विशेष ज्ञान पुण्यया पुष्प वृष्टि याय्गु दान खः अप्रमेय फल दइ । दान प्यंगु प्रकारया भेद दु । छछु घाःसा (१) बालक पिन्त सागु क्यातुगु नका पुंकेगु (२) शिष्य पिन्त विद्या मंत्र ज्या स्यनेगु (३) बुढा बुढी रोगी कांपि धुसिपि लाता लाती ग्वाज्यो स्वांथ पाक पिन्त नायूगु सागु क्यातुगु वस्तु तागत दइगु वास अन्न मघि दुरु घौ फल लासा फांगा वस विइगु (४) त्यागी बुद्ध बोधिसत्त्व आर्य भिक्षुगण बुद्ध संघ आचार्य ब्राह्मण दरद्वि याचक जोगी साधु महात्मा ब्रह्मचरी पिन्त, मांस मदिरा तोता, दिव्य भोजन क्षीर (जा) पिण्ड पात्र पंचामृत फल मघि छत्र ध्वंज पताक चीवर वस्त्र दक्षिणा त्याग चित्तं दान याना, अर्घ्य, पाद्य, पुष्प धूप, दीप, गन्ध, रस नंवद्य, तोर्मा, सहित बुद्ध पूजादि याय्गु । । हानं पशु पंछि पिन्त आहार बीगु, मनुष्य दैत्य यक्ष राक्षस पिन्तनं लो हि नेहि धका बल घाःसा पर प्राणि मस्यास्ये थःगु हे शरीरया ला हि दान याना बीगु । थुजागु ज्या दान पारमितास बुध्याइ ।

हानं बिहार छेबुं सल किसि घन रथ पुस्तक स्त्री पुत्र पुत्री दास दासी दान,

हानं देवालय सत तुं हिति पुखु घाट मथ दय्केगु तथा जीर्णोद्धार याय्गु इत्यादि नं दानपारमिताया महान कार्य्य छः ।

हानं सीकि पर प्राणि घाटक याय् मागु ज्या फुकं अधर्म कार्य्य पाप कर्म अयोग्य जुया निमित्तं संम्यक संबुद्ध चर्य्य पंचदान संम्यक धर्मे बुद्ध बोधिसत्त्व लोकेश्वर आर्य्य भिक्षु बुद्ध संघ पित्त ला हि दानयाय्मज्जु दान पार मितास लाइमखु धका सीका ला हि दान याइमल्लुः । उत्तम अप्रमेय फल दइगु क्षीर एवं जा दान याय्गु श्व दानपारमितास दुय्याइगु छः ।

अत एव, थुजागु ज्ञान सीका च्वंहा सुरुपराजां दानयागु खंनं कने नुःधया भगवान बुद्ध भ्रावस्ती नगरे आपलं शिष्यपि मुंका विज्यागु खना छुं न्हापा अनाथ पिण्डक महाजनं जेतवने सछिगु कोटि धन खर्चयाना दय्का बुद्धयात विहार दानयागु थासे विज्यात ।

अनंलि अनाथ पिण्डक महाजन किसि गया देश भ्रमण याना, थन देशवासीपि राजा रानी प्रजागण सकल यात थय्ये न्यंकल ।


कीगु देशे परम पुण्य गुरु भगवान बुद्ध विज्यागु दुः श्रद्धा तथा वन्दन पूजन दान याना पुण्य ह्यसीकेगु सद्धर्मोपदेश न्यनेगुलि एकाग्र चित्त याना विज्याहुं ।

थुगु भिगु खं न्यना सकल वया भगवान दर्शन बन्दन पूजन धुंका फेतुना ह्लाः षकाया विन्ति याना बुद्धयागु ख्वाः स्वया च्वन । थुगु समये श्रद्धा दुह्य उपाशिका महाजननी (मिसा) छह्य वया बुद्ध तथा भिक्षु पित्त वन्दनादि पूजा याय् धुंका सकसितं चीवर वस्त्र भोजन दान यात ।

थय्ये दान यागु खना दारिद्र्य मिसा छह्य सीयानं दान याय्गु इच्छा जुया थःगु शरीरे चोंगु वस्त्र तोता भगवान यात दान धका मती तथा भूमीस तथा मछाला छह्ये मुंका च्वना छुं लिपा छे वन ।

अन चोंपि सकलया श्वाथःगु वस्त्र खना आश्रय जुइका च्वन । अनाथ पिण्डक





सन्पन्नक दानभलायतानादानयानाचंबल रुन्दभायाहपिं न्याल यक्र  
 पिंवयाकिमिला हिनय मालदानहति क्षयवल पचप्राणिमस्यासक  
 सा काय साय थः यस्तुसिनं थः थः गृभरीययालाक्षना दानयान्रचिय ॥



महाजनं भगवान् याके न्यन, भो भगवान् ! थन छगु हेतु जुल, छहस्ये नूगु चीवर वस्त्र सकसितं दान यात, छहस्ये भ्वाथगु वस्त्र दान घका भूमोस तोता वन सकल आश्वर्य जुइका चवन थ्व दारिद्रो मिसां छुयाना वंगु घका हाला च्वं पि दु ।

न्हिला भगवानं धै विज्यात, दारिद्रो जूसानं त्याग चित्तं श्रद्धातया थमं फिना तथागु वस्त्र तोता दानया रूपे तथागत यात अर्पण याना मच्छाला छे वन आश्वर्य जुइ मागु छुं मदु ।

थ्व दारिद्रो उपाशिका (मिसा) अल्पायु कर्म भोग याना चवन याकनं मृत्यु जुइन । थ्व दारिद्रो नं थय्ये वस्त्र दान यागु पुण्यं लिपा स्वर्गं वशवर्ति भुबने देव कन्या जुया चवनी ।

थ्व धनिह्य उपाशिकानं चीवर वस्त्र दान यागु पुण्यं लिपा स्वर्गं व नापं देव कन्या जुया बास या वनि । छुं कालान्तरे पंच रस्मि सहित जुइका उगु थासं व्वहां वया थुपि निहस्ये तथागत लुमंका पूजा यावइतिनि ।

थ्व छं न्यना अन चोपि सकलें बोध जुयां चवन । थनंलि मैत्रेय बोधिसत्व वया दानपारमिता या बिषये छपिसं न्हापा शिबि राजा जुया मिखा दान याना अनंलि हानं थःगु शरीर समेतं त्याग याना दान याना विज्यागु छं न्यने धुन धन्य छलपोल घया प्रशंसा यात ।

तथा हानं म्येगु ह्लातुति मिखा ला हि प्रिय स्त्री पुत्र पुत्री राज्यांग सुख भोग इत्यादि दक्क त्याग याना दानपारमितानं पूर्ण जुइका सुनानं याय् मफुगु कायकष्ट तप दुष्कर चर्यया ज्या सिधेका तथागत पद प्राप्तयात वलंदक प्रणाम घया बिन्ति यात । । तथागतं अज्ञा जुल हे मैत्रेय छं धाःगु खं खः दानपारमिताया प्रभावं जक मखुः षट्पारमिता या प्रभावं थौं संम्यक संबुद्ध (तथागत) जित प्राप्तजुल ।

थुगु वचन न्यना हानं काश्यप आदि भिक्षु पिसं बिन्तियात, भो सर्वज्ञ ! वय्ये हानं म्येगुनं अज्ञा दय्का विज्याहुं घका प्रार्थना यास्येलि वसपोल भगवानं अज्ञा जुल ।

भादर तथा सकसिनं न्यन धाःसा हानं म्येगुनं कने गथ्ये धाःसा हे भिक्षुगणपि ! तथा म्येपि सकल थन च्वंपिसं मन स्थीर याना न्य ।

न्हापा काशीदेशे शोभित राजा क्षत्रि जाति थ्वया स्त्री शोभिता रानीया गर्भं जन्म जूह्य सुरूप महाराज खः । थ्वया पत्नी सुन्दरीकादेवी थ्वेगु गर्भं जन्म जूह्य सुन्दरक पुत्र राजकुमार छह्य दु ।

उगु देशे सदानं सुभिक्ष मनुष्यपि शान्त देशे कलह त्वापु खुं मूर्खं लुच्चा थग सुं तदु । अन्न धन सा म्ये प्रशस्त महाजन धार्मिक ज्ञानि गुणिकपि आपालं दु । थ्व राजा चक्रवर्तिया काय् समानं प्रजापिन्त वांलाक पुत्र पुत्री समानं स्नेहतया पालन याना च्वन ।

थ्व सुरूप राजा श्रद्धा भक्ति कल्याण कारी थःसमानं परयातनं हित सुख याइह्य दयावान् त्यागी नित्य धर्मस उद्योग दुह्य प्रजा सेवक छुं माया मबुह्य सकल वस्तु विषय स्वप्न समान अनित्य खः जिगु धैगु छुं मदु । धर्म व पाप निगु मात्र ज्वना वनेगु खः धर्मं जय ज्वी, पापं अशुभ ज्वीगु दुःख खः । थ्ये चिन्तना याना सहा त्यागी राजा घाय्का च्वन ।

थ्व राजाया स्त्री तथा पुत्रनं त्यागी कपत छुं मदु सुन्दर रूप लक्षणं संयुक्त आनन्द स्वभाव । । छन्हु सुरूप राजाया दान धर्म याय्गु असिलाषा जुया रानी पुत्र मंत्री तथा म्येपि सःता सल्हायात । सकलया कल्याण ज्वीमा धैगु इच्छायांना दान याय्गु वस्तु थाय् यिकया घया बिज्यागु खँ न्यना सकले हर्षजुइका दानशाला थिक याना दान याय्गु वस्तुनं मावव तयार याना राजा यात वयना खुसि यात ।

सकसिनं बिन्ति यात भो महाराज ! धर्मया खँ न्यनेगु दान यागुनं स्वेगु बुद्धपिगु गुण लोके प्रचार याना प्रजापिन्त धर्मयाय् मदेका देशे मंगल जुइका बिज्याहु ।

थ्ये बिन्ति यागु खँ न्यना सुरूप राजा सुवर्णयागु थले सुवर्ण द्रव्य तथा ध्वजास च्चे खाया छेया पिने लुखा ववसं स्वाना देशे खवर न्यंकल । जिनं धर्मयांनागु स्वया सकसिनं बिचार या ।



गुगुजा जिगु इच्छा पूर्ण ज्वीगु धर्म छु खः सुना सीका धाइ बेंत मान्यता बिया थुगु सुवर्ण थल वीगु जुल । थथ्ये खँ न्यंका दान शालास च्वना नित्ये सुथे याचक अथिपिन्त अनेक वस्तुदान बिया त्रिरत्न नाम कया धर्म याना च्वन ।

प्रजा लोकपिं खुसिजुया सुवर्ण थल काय् फइगु राजाया अभिप्राय सीकेमाल घका बिचारयापि दया च्वन । स्वदे पुला वस्येलि नं राजाया इच्छा धाय्फुपि मवु ।

थनंलि राजां चिन्तना यात गुवले तक थ्व सुवर्ण थल दानयाय् मफइ उवलेतक थ्व दानशालास च्वना दानवीगु तोत्येमखुः घया अथिजन पिन्त दानयाना च्वन ।

थनंलि स्वर्गे देवराज इन्द्रया मने संदेह जुल, मर्त्यलोके काशी देशे च्वंह्य सुरूप राजां कष्टयाना त्यागचित्तं दानबिया धर्मयाना च्वन । चक्रवर्ति जुइगु अथवा जित पितना थन स्वर्गे इन्द्र जुइगु खसा यागुला अवश्यनं छगु इच्छा दइ ।

थ्व राजाया मन गुलितक त्यागीखः जि वना स्वय्माल सुकं च्वने मजिल घया थः स्त्री इन्द्रानी देवी नाप मागु सल्हायाना पाशा देवतापिन्त नं खबर बिया इन्द्र ववहां वया छथाय् बने च्वना थःगु रुप तोता गुह्यक नाम यक्षया रुप जुया म्येपिं प्यह्य पाशापिं राक्षस रुप याना नाप वया दान शालास थ्यंका सुरूप राजाया ख्वाः स्वया घाल । । भो महाराज ! धाय् धर्मस रुचि याना दान याना विज्यात । भगवान् ज्वीगु जि घका इच्छायानागु खःसा छपिगु थ्व दानधर्म छु खः ।

अन च्वपिं सकसिनं स्वया चोन उगु बखतस सुरूप राजा ह्लिला खुसि जुल । धर्म या खं कनीह्य छपिं खःसा न्यनेगु इच्छा दु कना चित्त बुजे या छपिं सु खः ।

भेश धारी इन्द्रं घाल जि गुह्यक यक्ष, थुपि पाशापिं त्यागी जुया दान बिया च्वन घागु खं न्यन दाना का वया खं न्यनेगु कनेगु ज्या याय्त जिमिगु इच्छापूर्ण याना दान बीफुला ? यदि दान बोफुः धंगु खःसा छपिं धर्मया शरीर खः धाधाःगुनं दान बोफुह्य खः घागु न्यने धुन ।

भो महाराज ! धर्मया फल लाभ याय्गु खःसा धाय्, जिपिं तस्सकं नेगु पित्याका वया थनहे च्वना नया वने तृप्त ज्वोक नेगु दान याना विज्याहुं ।

एव खं न्यना मंत्री राज पुरुष पित्त सःता राजां धै विज्यात । थुमित नकेगु भोजन थिक याना हति । तथाऽस्तु याना सागु घासा ज्वलं दुरु घौ मधि फल सहित नकेगु भोजन क्षीर (जा) हया ह्लयोने तथा बिल ।

एव खना गुह्यक यक्षं विन्तियात, भो महाराज ! एव भोजन मनुष्यपिगु खः जिपि यक्ष राक्षसपिगु भोजन थुजागु मल्लुः । यदि जिमित सन्तोष ज्वीक भोजन नकेगु इच्छा दुसा पशु पंछि अथवा मनुष्यपिगु क्वागु ला हि माल । थय्ये स्याना हःपिगु बिल घासा जक जिपि सन्तोष जुइक नया वने । थुजागु मबिल घासा जिपि लिहांवने छपिनि याक काय् सुन्दरक राजकुमार यागु ला हि दान याना नकल घासा आपालं जिपि खुसि जुइ ।

एव खं न्यना राजा तच्चतं विषाद जुल, लिपा चिन्तना यात गुवल्ले स्वतनं थय्ये मजुइमा, थौ जित जुल धर्मया बांलागु शब्द न्यने दत्त-जिगु आशा पूर्ण जुइन जिगु मांस दान याना नके । । थय्ये धया थःगु शरीरया मांस छयना दान याय्त थिकयागु खना, पुत्रं पालिभोःपुया विन्तियात, भो पिता ! एव गुह्यक यक्षयागु वचन जिनं न्यनेधुन जिगु शरीरया ला हि दान याना थुमित सन्तोष ज्वीक भोजन याकेत्यना जित घाटन याना विज्याहं ।

जिगुनं छपिगुनं थुमिगुनं मनोरथ पूर्ण ज्वी, मन चीफुह्य उच्च बुद्धि सुन्दरक राजकुमारं थय्ये धया विस्तार मयास्ये एव ज्या याय्त थःत थमं शस्त्रं खंपाया ला छयना गुह्यक यक्ष राक्षस यात दान याना भया विज्याहं धाय् धुंका हि थिकया तोंका पृथ्वीस गोःतुला मूर्छा जुल । काय् नं थय्ये यागु खना वाकू छिना सोया चवन । अनंलि यक्ष राक्षसं वद्धि राज्य राजाया फुत कीत दान बिल काय् धुन साक नय् दत्त धया पृथ्वीस गोःतुला चीह्य राजकुमारया शरीरे गिलि २ याना बांवां न्याना ला नया हि तोना थयन ।

पुत्रयात थय्येयागु खंसानं राजा धर्मे आपालं रुचिह्य जुया, काय् नं थःगु ला हि दान याना नकूगु स्वया मने छुं हे विषाद मयागुलि एव गुह्यक राक्षसं घाल, भो



महाराज ! तृप्त मज्जूनि हानं जित नकेगु इच्छा दुला ? सुंक चवनेमते ओ महाराज !  
थय्येहे नकतिनि धयनागु ला हि बिया विज्याहुं नय् त्यना तोने त्यना ।

अनंलि सुरूप राजां चिन्तना यात, कलायागु ला हि बी घया खा स्वया चवन ।  
महारानी स्वामीयात विन्तियात, छुं मती विषाद याय्म्वाः जि न्ह्योने वना काय्न्  
याय्ये ला हि दान याना थुमित नका, सन्तोष याय् त्यना ।

महारानी थय्ये घागु न्यनामनहर्ष याना यक्ष गुह्यक यात स्त्री ज्वना कानः घया  
लःल्हात ।

अनंलि गुह्यक यक्षं न्हापायागु तालं महारानी यात ज्वना दान व्यूगुखः घया  
वा न्याना ला नया हि तोन । लिपा महारानी काय् थ्ये पृथ्वीस गोःतुला मूर्छाजुल ।

अनंलि थ्व गुह्यक यक्षं राजायात थय्ये घाल, ओ महाराज ! आःनं तृप्त मज्जूनि,  
जि पाशा, विन्तनं मानि छपि धन्य खः हानं दान याना ला हि नका विज्याहुं ।

थय्ये गुह्यक यक्षं घागु खं न्यना राजां धं विज्यात, हे पाशा जिगु ला हि बीत्यना ।  
याक काय् कलानं शरीर त्यागयात घास्येलि राजा जुयाह्य जिनं त्यागयाय्फुः । हानं  
तृप्त मज्जूनि घागु असल जि खुसि जुल थय्ये मघागु जूसा कला काय् मदेका जि याकचा  
खोया चवने मालिगु खः गुह्यक यक्ष छ धन्य ।

थ्व यक्षं हानं घाल, ओ महाराज ! छपिसं थःगु शरीर दान याना नकूसा जिनं  
जि पाशापि सन्तोष ज्वी बिस्तार याय् म्वाल । हानं गंभीर रुपं राजां घया विज्यात,  
यदि जिनं थःगु शरीर दान याना ला हि नकेगु खः । सिना वने धुंका लिपा धर्म कनीगु  
गथ्ये न्यने । अवश्यनं थमं जित धर्मया खं कने घका ह्नापा धाःगु दु । आः थय्ये  
बिस्तार मयास्ये खं कं, न्यने धुंका म्हुतुं धयाय्ये ज्या नं याय्गु निश्चय खः ।

थनंलि राजाया खा सोया यक्ष चिन्तना यात अहो ! थ्व राजाया थःगु प्रतिज्ञा  
पूर्ण याय्त् अनेक तालं खे ह्नाना जिनं भयंकरं ज्या याना क्यनानं चित्त धैर्य याना चवंगु  
स्यंके मफुत गुलि दुःख बिये, म्वाल मार जुया वयागु थ्वं त्याकल थ्व राजा महापुरुष खः ।

स्वयं सीका यमं बोना हयापि प्यह्य, जवे निह्य खवे निम्ह तथा थः दथ्वी चोना  
राजाया न्होने थय्ये छत्वा श्लोक बोना धर्मया खं कन ।

मूल

प्रिये भ्यो जायते शोकः प्रिये भ्यो जायते भयं ।

प्रिये भ्योऽपि विमुक्तानां नास्ति शोकः कुतो भयम् ।

अर्थ

अनित्य यात नित्य भाषा ज्वीगु प्रिय वस्तु याकें शोक उत्पत्ति जुइ । थय्येहे प्रिय  
वस्तु याकें भय उत्पत्ति जुइ । थय्येहे अनित्य वस्तु प्रेम यागु याकें विशेष मुक्ति वनेगु  
इच्छा या पिनिनं मुक्ति वने फइ मखुः । थुजागु ज्ञान सीका धर्म याइह्य सिया शोक दइ  
मखुः मयनं गुबले दइ मखुः ।

थय्ये गाथा बोना न्यंकूगुलि राजा लाखं संपत्ति लाभ जूथ्ये मन हर्ष जुइका यक्षयात  
राजां थय्ये धं विज्यात । हे गुह्यक यक्षजु ! थ्व जिगु शरीर छु याय्गु इच्छा दु मामागु  
याना भोजन या धया न्होने फेतुना बिल । । थुगु समये भेश धारी गुह्यक यक्ष  
कंपमान जुइका लेःताया च्वन । खछि सुंक च्वने धुंका राजायाके खं न्यन, छु इच्छा  
याना थुगु धर्म यानागु ? राजां धया विज्यात, अनुत्तराया सम्यक संबोधिज्ञान लाय्या  
निम्ति मात्र खः । म्येगु सुख भोग याय्गु छुं इच्छा मयाना । वां न्याना ला नया हि  
तोनेगु इच्छा पूर्ण या जिगु शरीर थ्वख छाया बिस्तार यानागु ।०।

एवं प्रकारं राजाया अमृत वचन बोधिचित्त उत्पत्ति जूगु खना गुह्यक यक्ष रुप तोता  
यःगु बेवराज इन्द्रया रुप धरे याना तःधिक जुया ह्लिला धया विज्यात । यद्यपि थ्व  
राजां धागु इच्छा निश्चय खःसा थ्व मूर्छाजूपि रानी राजपुत्र निह्य चेतना दया ह्लापाथ्ये  
शरीर स्वस्थ जुइमा धया गोःतुला चोपि थंवेले सत्यता प्रकट जुया निम्ह चेतना दया  
न्हापायागु थ्ये बांलागु शरीर जुल ।

जवं सुन्दरक, राजकुमार राजाया काय् ज्वना, खवं सुन्दरीका देवी महारानी राजाया  
स्त्री ज्वना मुरुप राजा यात लःह्लाना आपालं धन्य प्रशंसा याना, मनोरथ छपिगु

पूर्ण जुडमा धका आशीर्वाद बिया जगतो हिताय निमित्ते थ्व दुष्कर चर्य दान ध्यान तप  
यागु जिनं सीके धुन छपि बोधिसत्त्व खः जिगु मार बल यात त्याका विज्यात जिनं  
पूजायावये मानि धया विज्यात ।

राजां विन्तियाना आज्ञाजुल, साधु २ भो देवेन्द्र ! छपिगु चरित्र महा गंभिर खः  
मार कर्मया ज्या वयना जिमिगु धर्मया अभिप्रायनं सोका हानं मार कर्मया ज्या सफल  
जुडका सकल यात वयना विज्यात जिपिनं तस्सकं आश्रय्यं जक मखु खुसिनं जुया । ।  
थुलि परस्पर खं जुड धुस्येलि इन्द्र अन्तर ध्यान जुया थःगु थासे वन । थुगु ज्याखे दश  
दिशाय् त्रैलोके प्रचार जुल । । जेतवन बिहारे विज्याना भगवान् बुद्ध थुगु प्रकार  
आज्ञा जुल । उगु बखतया सुरूप राजा आः थुगु समये जि खः । सुन्दरक राजकुमार  
आनन्द भिक्षु खः । सुन्दरोका देवी आः यशोधरा देवी जूवल ।

हे भिक्षु गणपि ! दानया प्रभाव छु खः त्याग धका सोकि । त्याग बिना दान  
जुडमखु । दान बिना पुण्य दइमखुः पुण्य बिना ल्युल्यु शील क्षान्ति बोर्य्य ध्यान प्रज्ञा  
(ज्ञान वा हाः सद्धर्म चर्य्य अहिंसा) धका सीका, थ्वहे खः जगतो हिताय सकम्भनं सकल  
यात कना प्रचारया दानपारमितां पूर्ण जुया क्रमश बोधिसत्त्व चर्य्ययाय् फइ अनं लिपा  
बुद्धत्व प्राप्त जुइ ।

प्रथम थःगु शरीर समेत चाबराबर यानागुलि दानपारमिताया प्रभावं तथागत  
जुल धाय्मागु मखुत सिया खनां च्वंगु खः । थुलिआज्ञा जुया बुद्ध ध्याने च्वना  
विज्यात ।

एवं प्रकारं आज्ञा जूगु खं न्यना अन च्वंपि सकसिनं धन्य २ सुरूप राजा वसपोल  
या पुत्र, स्त्री महारानी । धन्य २ भगवान् बुद्ध धका प्रशंसा काना अष्टांग प्रणाम याय्  
धुंका बिदाकया सकलें थःथःगु थासे लिहां-वन । ० ।

थुलि खं सुरूप नृपजातक जुल ।

-:○:-:○:-:○:-

थ्व खं द्वाविंशतिकावदान २३ शतकावदान ३४ अध्याये दु ।

-:○:-:○:-:○:-

ये धर्मा हेतु प्रभावा हेतुस्तेषां तथागतः ।  
ह्यववत्तेषां च यो निरोध एवं वादी महाश्रमणः ।

गुगुजा धर्मं खः अनेक दयाच्चंगु संसारे खनाच्चंगु इत्यादि फुकं हेतुयार्कं मात्र उत्पन्न  
जुया च्वंगु खः । थुकियात निरोध याय्गु (पनेगु) द्वादशांग (१२) प्रतीत्य समुत्पाद  
पुनः सप्त त्रिशत् (३७) बोधि पाक्षिका ज्ञान उपदेश बिया बिज्यागु तथागत  
(बुद्ध) खः घका सुनां थुगु ज्ञान सोकि । किन्तु थमंसीका मेपिन्त कना बोधयाय्  
फइ । अबिद्या अहंकार, शेखि, घमण्डी, मूर्ख बुद्धि तोता बोधिज्ञान धारण याना  
शान्ति जुइफइ । थुजाह्य बिद्वानयात सद्गुरु वादी महाश्रमण धाइ । ० ।

-थनतक फिपु जातक त्रेतायुगे जन्म-

। शुभम् ।



देव :- चवःक्षःभारत राज, कयुहः दायोने, दिजाइन ंणालि कुटी पुव